

#### 三回 圏を

宋 晉 裴松之 壽 注 撰

中 華 書 局

卷一〇至卷二〇(魏書二) 册

册

### 荀彧荀攸賈詡傳第十

荀彧字文若,潁川潁陰人也。祖父淑,字季和,朗陵令。 當漢順、桓之閒,知名當世。有

[一] 續漢書曰: 淑有高才,王暢、李膺皆以為師,為朗陵侯相,號稱神君。

子八人,號日八龍。彧父緄,濟南相。

叔父爽,司空。〔〕〕

語,就思經典,不應徵命,積十數年。董卓秉政,復徵爽,爽欲遁去,吏持之急。詔下郡,卽拜平原相。行至苑陵 梁氏,出補朗陵侯相,卒官。八子:儉、尡、靖、熹、詵、爽、肅、旉。 又追拜光祿勳。視事三日,策拜司空。爽起自布衣,九十五日而至三公。淑舊居西豪里,縣令苑康曰昔高陽氏 張璠漢紀曰:淑博學有高行,與李固、李膺同志友善,拔李昭於小吏,友黃叔度于幼童。 音數。 爽字慈明,幼好學,年十二,通春秋、論 以腎良方正徵,對策譏切

有才子八人,署其里爲高陽里。「靖字叔慈,亦有至德,名幾亞爽,隱居終身。

皇甫謐逸士傳:或問許子將,靖與爽敦賢?子將曰:「二人皆玉也,慈明外朗,叔慈內潤。」

|彧年少時,南陽何顒異之,日:「王佐才也。」〔1〕永漢元年,舉孝廉,拜守宮令。

魏 書 荀彧荀攸賈詡傳第十

董卓之

待太祖。太祖自徐州還擊布濮陽,布東走。二年夏,太祖軍乘氏,大饑,人相食。 甚懼。 貢求見彧,彧將往。 惇等曰:「君,一州鎭也,往必危,不可。」 彧曰:「貢與邈等,分非 惇,而兗州諸城皆應布矣。時太祖悉軍攻謙,留守兵少,而督將大吏多與邈、宮通謀。惇 謙,任彧留事。 會張邈、陳宮以兗州反,潛迎呂布。 布旣至,邈乃使劉翊告彧曰:「呂將軍來 留者多見殺略。明年,太祖領兗州牧,後爲鎭東將軍,彧常以司馬從。興平元年,太祖征陶 素結也,今來速,計必未定;及其未定說之,縱不爲用,可使中立,若先疑之,彼將怒而成 至,其夜誅謀叛者數十人,衆乃定。豫州刺史郭貢帥衆數萬來至城下,或言與呂布同謀,衆 助曹使君擊陶謙,宜亟供其軍食。」衆疑惑。彧知邈爲亂,卽勒兵設備,馳召東郡太守夏侯 暴虐已甚,必以亂終,無能爲也。」 卓遣李傕等出關東,所過虜略,至潁川、陳留而還。 鄉人 **彧度紹終不能成大事,時太祖爲奮武將軍,在東郡,初平二年,彧去紹從太祖。太祖大悅** 族至冀州。而袁紹已奪馥位,待彧以上賓之禮。彧弟諶及同郡辛評、郭圖,皆爲紹所任 曰:「吾之子房也。」以爲司馬,時年二十九。是時,董卓威陵天下,太祖以問彧,彧曰:「卓 宜亟去之,無久留。」鄉人多懷土猶豫,會冀州牧同郡韓馥遣騎迎之,莫有隨者,彧獨將宗

典略曰:中常侍唐衡欲以女妻汝南傅公明,公明不娶,轉以與彧。 之案 于時諺云「左迴天,唐獨坐」,言威權莫二也。 順之則六親以安, 忤違則大禍立至; 斯誠以存易亡, 蒙恥期全之 於失援,見美嘉其慮遠,並無交至之害,故得各全其志耳。至於閹豎用事,四海屛氣;左悺、唐衡,殺生在口。故 之又以爲緄八龍之一,必非苟得者也,將有逼而然,何云慕勢哉?昔鄭忽以違齊致畿,雋生以拒霍見美, ··漢紀云唐衡以桓帝延熹七年死,計彧于時年始二歲,則彧婚之日,衡之沒久矣。 父緄慕衡勢,爲彧娶之。彧爲論者所畿。 慕勢之言爲不然也。 致畿 臣|松 臣 在 松

日。

昔蔣詡姻于王氏,無損淸高之操,緄之此婚,庸何傷乎!

范、衞可全,其餘非己之有,是無兗州也。若徐州不定,將軍當安所歸乎?且陶謙雖死,徐 中、河內也,不可以不先定。今以破李封、薛蘭,若分兵東擊陳宮,宮必不敢西顧,以其閒勒 將軍,將軍攻之不拔,略之無獲,不出十日,則十萬之衆未戰而自困耳。 〔〕前討徐州,威罰 州未易亡也。彼懲往年之敗,將懼而結親,相爲表裏。今東方皆以收麥,必堅壁淸野以待 布而東,多留兵則不足用,少留兵則民皆保城,不得樵採。布乘虛寇暴,民心益危,唯鄄城、 兵收熟麥,約食畜穀,一舉而布可破也。破布,然後南結揚州,共討袁術,以臨淮、泗。 若舍 之難,百姓無不歸心悅服。且河、濟,天下之要地也,今雖殘壞,猶易以自保,是亦將軍之關 以制天下,進足以勝敵,退足以堅守,故雖有困敗而終濟大業。將軍本以兗州首事,平山 陶謙死,太祖欲遂取徐州,還乃定布。 彧曰:「昔高祖保關中,光武據河內,皆深根固本

將軍熟慮之。」太祖乃止。大收麥,復與布戰,分兵平諸縣。 取彼者,以大易小可也,以安易危可也,權一時之勢,不患本之不固可也。 實行,日以其子弟念父兄之恥,必人自爲守,無降心,就能破之,尚不可有也。 布敗走,兗州遂平。 今三者莫利,願 夫事固有棄此

- 臣松之以爲于時徐州未平,兗州又叛,而云十萬之衆,雖是抑抗之言,要非寡弱之稱。 滿萬也 益知官渡之役, 不得云兵
- 藍螨傳云:自京師遭董卓之亂,人民流移東出,多依彭城閒。遇太祖至, 坑殺男女數萬口於泗水,水爲不流。 ||陶

志也。 洛陽,奉迎天子都許。 從民望,大順也;秉至公以服雄傑,大略也;扶弘義以致英俊,大德也。天下雖有逆節,必 不能爲累,明矣。 能遠赴關右,然猶分遣將帥,蒙險通使,雖禦難于外,乃心無不在王室,是將軍匡天下之素 景從〕,高祖東伐爲義帝縞素而天下歸心。自天子播越,將軍首唱義兵,徒以山東擾亂,未 韓暹、楊奉新將天子到洛陽,北連張楊,未可卒制。 建安元年,太祖擊破黃巾。漢獻帝自河東還洛陽。 今車駕旋軫,〔東京榛蕪〕,義士有存本之思,百姓感舊而增哀。誠因此時,奉主上以 | 謝帥其衆軍||武原,太祖不得進。引軍從||四南攻取慮、|| | 腹、夏丘諸縣,皆屠之;雞犬亦盡,墟邑無復行人。 韓暹、楊奉其敢爲害!若不時定,四方生心,後雖慮之,無及。」太祖遂至 天子拜太祖大將軍,進彧爲漢侍中,守尙書令。 常居中持重,〔1〕太 |彧勸太祖日:「昔〔晉文納周襄王而諸侯 太祖議奉迎都許,或以山東未平,

繇 |祖雖征伐在外,軍國事皆與威籌焉。 (三)太祖問彧:「誰能代卿爲我謀者?」 先是,彧言策謀士,進戲志才。 志才卒, 又進郭嘉。 太祖以彧爲知人,諸所進達皆稱 彧言「荀攸、鍾

職,唯嚴象爲揚州,韋康爲涼州,後敗亡。〔三〕

典略曰:彧折節下士,坐不累席。 不 以 ,某爲議郞邪?」」彧笑曰:「官者所以表才也,若如來言,衆人其謂我何邪!」 其持心平正皆類 其在臺閣,不以私欲撓意。 國有羣從一人,才行實薄,或謂彧:「以君當事,不 此 미

(三) 典略曰:或爲人偉美。又平原稱衡傳曰:衡字正平,建安初,自荆州北游許都,恃才傲逸,臧否過差,見不如己者 荆州。 若可借 |祖以爲駡己也,大怒,顧伍伯捉頭出。 祖屯夏口,祖子|射與衡善,隨到夏口。 衆人皆坐不起,衡乃號咷大哭。 德祖。」又問:「曹公、荀令君、趙盪寇皆足蓋世乎?」衡稱曹公不甚多;又見荀有儀容,趙有腹尺,因答曰:「文 伯達乎?」衡曰:「卿欲使我從屠沽兒輩也!」又問曰:「當今許中,誰最可者?」衡曰:「大兒有孔文舉,小兒有楊 年二十四。 不與語,人皆以是憎之。唯少府孔融高貴其才,上書薦之曰:「淑質貞亮,英才卓犖。 見,朝 裝束臨發,衆人爲祖道,先設供帳於城南,自共相誠曰:「衡數不遜,今因其後到, 面弔喪 誦於口,耳所暫聞,不忘於心。 是時許都雖新建,尚饒人士。 ,稚長可使監廚請客。」 衆人問其故,衡曰:「行屍柩之間,能不悲乎?」 其意以爲荷但有貌,趙健啖肉也。 左右遂扶以去,拉而殺之。 祖嘉其才,每在坐,席有異賓,介使與衝談。後衡驕蹇,答祖言俳優饒言, 性與道合,思若有神。 **衡嘗書一刺懷之,字漫滅而無所適。** 弘羊心計,安世默識,以衡準之,誠不足怪。」 於是衆人皆切齒。 或問之曰:「何不從陳長文、 衡南見劉表,表甚禮之。 初涉藝文,升堂覩奧;目所 以不起報之。」 衡知衆不悅,將南還 及衡至 將軍黃 衡時 司馬

說「衡欲求見」。至日晏,衡著布單衣,(疏巾)〔練布〕履,坐太祖營門外,以杖捶地,數駡太祖。太祖敕外廢急具 陽參撾,容態不常,晉節殊妙。 數薦衡于太祖,欲與相見,而衡疾惡之,意常憤懣。因狂疾不肯往,而數有言論。 精馬三匹,丼騎二人,謂融曰:「禰衡豎子,乃敢爾!孤殺之無異於雀鼠,顧此人素有虛名,遠近所聞,今日殺之, 撾,自衡造也。 立,徐徐乃著褌帽畢,復擊鼓參撾, 鼓(吏)[史]。後至八月朝,大宴,賓客並會。 時鼓(吏)[史]擊鼓過,皆當脫其故服,易着新衣。 人將謂孤不能容。今送與劉表,視卒當何如?」乃令騎以衡置馬上,兩騎扶送至南陽 融深責數衡,并宣太祖意,欲令與太祖相見。衡許之,曰:「當爲卿往。」至十月朝, 坐上賓客聽之,莫不慷慨。 而顏色不怍。 太祖大笑,告四坐曰:「本欲辱衡,衡反辱孤。」 過不易衣,更呵之,衡乃當太祖前,以衣脫衣, 次 衡, 至今有漁陽參 融先見太祖 衝擊為 裸身而 漁

也。 ·(姨子曰:)衡辯于言而剋于論,見荆州牧劉表日,所以自結于表者甚至,表悅之以爲上賓。 天下笑者,譖之者有形也。 表左右不廢繩墨。 是言實指表智短,而非衡所言也。表不詳察,遂疏衡而逐之。衡以交絕于劉表,智窮于黃祖,身死名滅,爲 於是左右因形而譖之,曰:「衡稱將軍之仁,西伯不過也,唯以爲不能斷;終不濟者, 衡稱 表之美盈 必 而論 由此

〔三〕三輔決錄〔注〕曰:豫字文則 建安五年,爲孫策廬江太守李術所殺,時年三十八。像同郡趙岐作三輔決錄, ,京兆人。少聰博,有膽智。 以督軍御史中丞詣揚州討袁術,會術病卒, 恐時人不盡其意, 因以 故隱其 爲揚州

康字元將,亦京兆人。孔融與康父端書曰:「前日元將來,淵才亮茂,雅度弘毅,偉世之器也。昨日仲將又來, 懿

書,唯以示象

性貞實,文敏篤誠,保家之主也。不意雙珠,近出老蚌,甚珍貴之。」端從凉州牧徵爲太僕,康代爲凉州刺史, 人榮之。 後爲馬超所圍,堅守歷時,救軍不至,遂爲超所殺。仲將名誕,見劉邵傅

從? 唯袁紹爾。 者,誠有其才,雖弱必彊,苟非其人,雖彊易弱,劉、項之存亡,足以觀矣。今與公爭天下者, 衆皆謂以失利於張繡故也。 何? 難用,公法令旣明,賞罰必行,士卒雖寡,皆爭致死,此武勝也。 決,失在後機,公能斷大事,應變無方,此謀勝也。 所惑者,又恐紹侵擾關中,亂羌、胡,南誘蜀漢,是我獨以兗、豫抗天下六分之五也。 名譽,故士之寡能好問者多歸之,公以至仁待人,推誠心不爲虛美,行己謹儉,而與有功者 見太祖問之,太祖乃以紹書示彧,曰:「今將討不義,而力不敵,何如?」彧曰:「古之成敗 拒張繡,而繡敗太祖軍於宛。 無所恡惜,故天下忠正效實之士咸願爲用,此德勝也。 紹之彊其何能爲!」 自太祖之迎天子也,袁紹內懷不服。 彧日 紹貌外寬而內忌,任人而疑其心,公明達不拘,唯才所宜,此度勝也。 關中將帥以十數,莫能相一,唯韓遂、馬超最彊。 太祖悅。 鍾繇以問彧,彧曰:「公之聰明,必不追咎往事,殆有他慮。」則 紹益驕,與太祖書,其辭悖慢。太祖大怒,出入動靜變於常, 彧曰:「不先取呂布,河北亦未易圖也。」太祖 紹旣幷河朔,天下畏其彊。太祖方東憂呂布,南 紹御軍寬緩,法令不立,士卒雖衆,其實 夫以四勝輔天子,扶義征伐,誰敢不 彼見山東方爭,必各擁衆自 紹憑世資,從容飾智,以 紹遲重少 然。吾 爲將奈 收

魏

今若撫以恩德,遣使連和,相持雖不能久安,比公安定山東,足以不動。 鍾繇可屬以

則公無憂矣。」

是時劉、項莫肯先退,先退者勢屈也。公以十分居一之衆,畫地而守之,扼其喉而不得進, 軍,統其兵:殆難克乎!」彧曰:「紹兵雖多而法不整。 田豐剛而犯上,許攸貪而不治。 首;田豐以諫見誅:皆如彧所策。 屯,斬其將淳于瓊等,紹退走。審配以許攸家不法,收其妻子,攸怒叛紹; 顏良、文醮臨陣授 已半年矣。情見勢竭,必將有變,此用奇之時,不可失也。」 太祖乃住。 遂以奇兵襲紹別 祖軍糧方盡,書與彧,議欲還許以引紹。 彧曰:「今軍食雖少,未若楚、漢在滎陽、成皋閒也。 配專而無謀,逢紀果而自用,此二人留知後事,若攸家犯其法,必不能縱也,不縱,攸必爲 田豐、許攸,智計之士也,爲之謀;審配、逢紀,盡忠之臣也,任其事;顏良、文醜,勇冠三 顏良、文醜,一夫之勇耳,可一戰而禽也。」 五年,與紹連戰。 太祖保官渡,紹圍之。 太 三年,太祖旣破張繡,東禽呂布,定徐州,遂與袁紹相拒。 孔融謂彧曰:「紹地廣兵彊;

以出人後,則公事去矣。」太祖復次于河上。紹病死。 彧曰:「今紹敗,其衆離心,宜乘其困,遂定之;而背兗、豫,遠師江、漢,若紹收其餘燼,承虚 六年,太祖就穀東平之安民,糧少,不足與河北相支,欲因紹新破,以其閒擊討劉表。 太祖渡河,擊紹子譚、尚,而高幹、郭

援侵略河東,關右震動,鍾繇帥馬騰等擊破之。 則天下咸知公意,人人自安。天下大定,乃議古制,此社稷長久之利也。」太祖遂寢九州 江、漢之間,天下未易圖也。願公急引兵先定河北,然後修復舊京,南臨荆州,責貢之不入, 地,所奪者衆。前日公破袁尚,禽審配,海內震駭,必人人自恐不得保其土地,守其兵衆 奪。一旦生變,雖有(善守)〔守善〕者,轉相脅爲非,則袁尚得寬其死,而袁譚懷貳,劉表遂保 也;今使分屬冀州,將皆動心。且人多說關右諸將以閉關之計;今聞此,以爲必以次見 大,天下服矣。」 太祖將從之,彧言曰:「若是,則冀州當得河東、馮翊、扶風、西河、幽、幷之 爲萬歲亭侯。〔〕九年,太祖拔鄴,領冀州牧。 或說太祖「宜復古置九州,則冀州所制者廣 語在繇傳。八年,太祖錄彧前後功,表封彧

彧別傳載太祖表曰:「臣聞慮爲功首,謀爲賞本,野績不越廟堂,戰多不踰國勳。 |彧固辭 下幸計,彧左右機近,忠恪祗順,如履薄冰,研精極銳,以撫庶事。天下之定,彧之功也。宜享高爵, 之土,先於平陽。 相爲建計,君之相爲密謀,亦以多矣。夫功未必皆野戰也,願君勿讓。」」彧乃受。 義兵,周游征伐,與彧勠力同心,左右王略,發言授策,無施不效。 無野戰之勞,不通太祖表。太祖與彧書曰:「與君共事已來,立朝廷,君之相爲匡弼,君之相爲舉人,君之 珍策重計,古今所尚。侍中守尚書令彧,積德累行,少長無悔,遭世紛擾,懷忠念治。臣自始舉 |彧之功業,臣由以濟,用披浮雲,顯光日月。 是故曲阜之錫,不後營丘, 以彰元勳。」 蕭何 陛

翻書

**|他並貴重,皆謙沖節儉,祿賜散之宗族知舊,家無餘財。十二年,復增彧邑千戶,合二千** 遣兵謀襲鄴,衍逆覺,盡誅之,以功封列侯。〔〕太祖以女妻彧長子惲,後稱安陽公主。 是時荀攸常爲謀主。彧兄衍以監軍校尉守鄴,都督河北事。太祖之征袁尚也,高幹密 彧及

[一] 衛氏家傳曰: 術字休若,彧第三兄。 彧第四兄諶,字友若,事見袁紹傳。 陳羣與孔融論汝、潁人物,羣曰:「荀文 險之少子,或從父兄也 終黃門侍郞。 **袁渙議各不同。文帝與繇書曰「袁、王國士,更爲唇齒,荀閎勁悍,往來銳師,眞君侯之勍敵,左右之深憂也。」** 參大將軍軍事,與**两、會論易、老義,傳於世。 諶子閱,字仲茂,爲太子文學掾。**時有甲乙疑論, 若、公達、休若、友若、仲豫,當今並無對。」衍子紹,位至太僕。紹子融,字伯雅,與王弼、鍾會俱知名,爲洛陽令, **閎從孫(惲)[煇]字景文,太子中庶子,亦知名。** 與賈充共定音律,又作易集解。 仲豫名悅,朗陵長 | 別與鍾繇、王朗

張璠漢紀稱悅清虛沈靜,善於著述。建安初爲祕書監侍中,被詔刪漢書作漢紀三十篇, 因事以明臧否, 致有

要;其書大行于世

彧別傳曰:太祖又表曰:「昔袁紹侵入郊甸,戰於官渡。 紹必鼓行而前,有傾覆之形,無克捷之勢。後若南征,委棄克、豫,利旣難要,將失本據。或之二策,以亡爲存,以 盡,以爲河北未易圖也,欲南討劉表。 便,恢進討之規,更起臣心,易其愚慮,遂摧大逆,覆取其衆。 |彧復止臣,陳其得失,臣用反旆, 遂吞凶族,克平四州。 時兵少糧盡,圖欲還許,書與彧義,彧不聽臣。建宜住之 此彧覩勝敗之機,略不世出也。 及紹破敗, 向使臣退於官渡 臣糧亦

慕魯連先生乎?此聖人達節者所不貴也。昔介子推有言『竊人之財,猶謂之盗』。 况君密謀安衆,光顯於孤者以 錄,未副|彧巍巍之勳,乞重平議,疇其戶邑。」|彧深辭讓,太祖報之曰:「君之策謀,非但所表二事。 前後謙沖,欲 禍致福,謀殊功異,臣所不及也。是以先帝貴指縱之功,薄搏獲之賞;古人尙帷幄之規,下攻拔之捷。 百數乎!以二事相還而復辭之,何取謙亮之多邪!」太祖欲表成爲三公,或使荀攸深讓,至于十數,太祖乃止。 前所賞

進,以掩其不意。」太祖遂行。會表病死,太祖直趨宛、葉如彧計,表子琮以州逆降。 |太祖將伐劉表,問||彧策安出,彧曰:「今華夏已平,南土知困矣。 可顯出宛、葉而閒行輕

至濡須,彧疾留壽春,以憂薨,時年五十。 平。會征孫權,表請彧勞軍于譙,因輒留彧,以侍中光祿大夫持節, 義兵以匡朝寧國,秉忠貞之誠,守退讓之實;君子愛人以德,不宜如此。 十七年,董昭等謂太祖宜進虧國公,九錫備物,以彰殊勳,密以諮彧。。彧以爲太祖本興 諡曰敬侯。 明年,太祖遂爲魏公矣。〔〕 參丞相軍事。 太祖由是心不能

(一)魏氏春秋曰:太祖饋彧食,發之乃空器也,於是飮藥而卒。 咸熙二年,贈彧太尉。

能善教訓者,叔孫通習禮儀於戎族之閒, 復,彧嘗言于太祖曰:「昔舜分命禹、稷、契、皋陶以揆庶績,教化征伐,並時而用。及高祖之初,金革方殷,猶舉民 言,誠仲尼述作之意;顯制度於當時,揚名於後世,豈不盛哉!若須武事畢而後制作,以稽治化, 功,內興文學,使干戈戢睦,大道流行,國難方弭,六禮俱治,此姬旦宰周之所以速平也。 世祖有投戈講藝、息馬論道之事, 君子無終食之閒違仁。 旣立德立 功, 於事未敏。 今公外定武 而又兼立 宜

三七

魏

荀彧荀攸賈認傳第十

各顯名。 學者,命世大才,邦邑則荀攸、鍾繇、陳羣,海內則司馬宣王,及引致當世知名祕慮、華歆、王朗、荀悅、杜襲、辛毗 內英雋咸宗焉。司馬宣王常稱書傳遠事,吾自耳目所從聞見,逮百數十年間,賢才未有及荀令君者也。 集天下大才通儒,考論六經,刊定傳記,存古今之學,除其煩重,以一聖真,並隆禮學, 臣,其次友之。以太祖之聰明,每有大事,常先諮之間君,是則古師友之義也。吾等受命而行,猶或不盡,相去顧 沒,能備九德,不貳其過,唯荀彧然。或問縣曰:「君雅重荀君,比之顏子,自以不及,可得聞乎?」曰:「夫明君師 趙儼之儔,終爲卿相,以十數人。 |**感從容與太祖論治道,如此之類甚衆,太祖常嘉納之。|**|彧德行周備,非正道不用心,名重天下,莫不以爲儀表,海 荀攸後爲魏尚書令,亦推賢進士。太祖曰:「二荀令之論人,久而益信,吾沒世不忘。」 鍾繇以爲顏子旣 取士不以一揆,戲志才、郭嘉等有負俗之證,杜畿簡傲少文,皆以智策舉之,終 **撕敦敎化**, 則王道兩齊。」 前後所

不遠邪!」

與父書,言辭醜惡,可因此廢也。」太祖曰:「卿昔何不道之?」或陽驚曰:「昔已嘗爲公言也。」太祖曰:「此豈小事 獻帝春秋曰:董承之誅,伏后與父完書,言司空殺董承,帝方爲報怨。 壽春亡者告孫權,言太祖使彧殺伏后,彧不從,故自殺。權以露布於蜀,劉備聞之,曰:「老賊不死,禍亂未已。」 言之於太祖 何以不言?」或無對,謝闕而已。 而吾忘之!」或又驚曰:「誠未語公邪!昔公在官渡與袁紹相持,恐增內顧之念,故不言爾。」太祖曰:「官渡事後 「今朝廷有伏后,吾女何得以配上,吾以微功見錄,位爲宰相,豈復賴女籠乎!」彧曰:「伏后無子,性又凶邪,往常 示妻弟樊普,普封以呈太祖,太祖陰爲之備。 及齎壓書犒軍,飲饗禮畢,彧留請閒。 太祖以此恨或,而外含容之,故世莫得知。至董昭建立魏公之議,或意不同,欲 彧後恐事覺,欲自發之,因求使至鄴, 太祖知彧欲言封事,揖而遣之, 完得書以示彧,彧惡之,久隱而不言。完以 彧遂不得言。 勸太祖以女配帝。 或卒於壽春 太祖曰:

之閒,辭情頓屈,雖在庸人,猶不至此,何以玷累賢哲哉!凡諸云云,皆出自鄙俚,可謂以吾儕之言而厚誣君子者 臣松之案獻帝春秋云彧欲發伏后事而求使至鄴,而方誣太祖云「昔已嘗言」。言旣無徵,迴託以官渡之虞,俛仰

矣。袁暐虛罔之類,此最爲甚也。

惲弟俁,御史中丞,俁弟詵,大將軍從事中郎,皆知名,早卒。 (二)詵弟顗,咸熙中爲司空。 (三) 卒,惲又與植善,而與夏侯尙不穆,文帝深恨惲。 惲早卒,子甝、霬,音翼。 以外甥故猶籠待。 侯,追贈驃騎將軍。子愷嗣。霬妻,司馬景王、文王之妹也,二王皆與親善。咸熙中,開建 惲子趙,嗣爲散騎常侍,進爵廣陽鄕侯,年三十薨。子顧嗣。〔三〕孁官至中領軍,薨,諡曰貞 子惲,嗣侯,官至虎賁中郎將。初,文帝與平原侯植並有擬論,文帝曲禮事彧。及彧

[1] 荷氏家傳曰:[輝字長倩,假字叔倩,說字曼倩,假子寓,字景伯。 世語曰:寓少與裴楷、王戎、杜默俱有名京邑, 仕

(三) 晉陽秋曰: 與字景倩, 幼為姊夫陳羣所異。 世。顗弟粲,字奉倩。何劭爲粲傳曰:粲字奉倩。粲諸兄並以儒術論議,而粲獨好言道,常以爲子貢稱夫子之言 見袁侃,亦曜卿之子也。」擢拜散騎侍郎。與佐命晉室,位至太尉,封臨淮康公。 晉,位至尙書,名見顯著。 微言胡爲不可得而聞見哉?」 性與天道,不可得聞,然則六黯雖存,固聖人之糠秕。 子羽嗣,位至尚書。 聚答曰:「蓋理之微者,非物象之所舉也。 博學洽聞,意思愼密。司馬宣王見顗,奇之,曰:「荀令君之子也。近 | 樂兄倶難曰:「易亦云聖人立象以盡意,繫辭焉以盡言,則 今稱立象以盡意, 嘗難鍾會「易無互體」, 見稱於 此非通于意外者也

魏

書

也。 得!顯逝者不能有傾國之色,然未可謂之易遇。」痛悼不能已,歲餘亦亡,時年二十九。一條簡貴,不能與常人交 哭而神傷。 接,所交皆一時俊傑。 耳,固非識之所獨濟也。 曰:「能盛功名者, 爲二家騎驛,頃之,粲與嘏善。 父彧不如從兄攸。 驃騎將軍曹洪女有美色,粲於是娉焉,容服帷帳甚麗,專房歡宴。 太和初,到京邑與傅嘏談。 焉 以 盡 | 嘏問曰:「婦人才色並茂爲難。子之娶也,遺才而好色。此自易遇,今何哀之甚?」 | 粲曰:「佳人難再 言,此非言乎繫表者也;斯則象外之意,繫表之言,固蘊而不出矣。」 識也。 彧立德高整,軌儀以訓物,而攸不治外形, 至葬夕,赴者裁十餘人,皆同時知名士也,哭之,感動路人。 我以能使子等爲貴,然未必齊子等所爲也。」一一條常以婦人者,才智不足論, 天下孰有本不足而末有餘者邪?」 疑曰:「功名者, 志局之所獎也。 夏侯玄亦親。常謂嘏、玄曰:「子等在世塗間,功名必勝我,但識劣我耳!」 嘏難 嘏善名理而粲尚玄遠,宗致雖同,倉卒時或有格而不相得意。 愼密自居而已。 歷年後,婦病亡,未確,傅嘏往吃髮;髮不 聚以此言善攸, 及當時能言者不能屈也。 裴徽通彼我之懷, 然則志局自一物 諸兄怒而不 自宜以 色爲 能迴 叉論

荀氏家傳日 御史中丞也。 徐、克二州刺史,假節都督徐、克、青三州諸軍事。 在任十年,遇疾解職,卒於家,追贈驃騎將軍。 | 湊孫伯子,今 恪勤,位至左右光祿大夫、開府儀同三司。 : 顧字溫伯,爲羽林右監,早卒。 | 崧子||歲,字||令則,清和有才。尚公主,少歷顯位,年二十八爲北中郎將、 爾子崧,字景猷。 晉陽秋稱||據少有志操,雅好文學,孝義和愛, 在朝

四〕荀氏家傳曰:愷,晉武帝時爲侍中。

干寶晉紀曰:武帝使侍中荀顗、和嶠俱至東宮,觀察太子。 質還稱太子德識進茂,而嶠云聖質如初。孫盛日「遣南

勗」,其餘語則同。

時位,愷寔當之。愷位至征西大將軍。 臣松之案和嶠爲侍中,荀顗亡沒久矣。 荀勗位亞台司,不與鱎同班,無緣方稱侍中。二書所云,皆爲非也。 愷兄憺,少府。弟悝,護軍將軍,追贈車騎大將軍 考其

盛,乃求爲蜀郡太守,道絕不得至,駐荆州。 自若,會卓死得免。〔即棄官歸,復辟公府,舉高第,遷任城相,不行。攸以蜀漢險固,人民殷 命,以號令天下,此桓文之舉也。」事垂就而覺,收願、攸繫獄,願憂懼自殺,〔三〕攸言語飮食 於桀紂,天下皆怨之,雖資彊兵,實一匹夫耳。今直刺殺之以謝百姓,然後據殽、函,輔王 由是異之。〔三何進秉政,徵海內名士攸等二十餘人。攸到,拜黃門侍郎。董卓之亂,關東由是異之。〔三何進秉政,徵海內名士攸等二十餘人。攸到,拜黃門侍郎。董卓之亂,關東 兵起,卓徙都長安。攸與議郞鄭泰、何顒、侍中种輯、越騎校尉伍瓊等謀曰:「董卓無道,甚 |他年十三,疑之,謂叔父||個日:「此吏有非常之色,殆將有姦!」||衢寤,乃推問,果殺人亡命 荀攸字公達,彧從子也。 祖父曇,廣陵太守。 (三)攸少孤。 及曇卒,故吏張權求守曇墓。

- 〔1〕荀氏家傳曰:曇字元智。兄昱,字伯脩。張璠漢紀稱昱、曇並傑俊有殊才。昱與李膺、王暢、杜密等號爲八俊,位 至沛相。攸父彝,州從事。彝於彧爲從祖兄弟。
- (三)魏書曰:他年七八歲,衢會醉,誤傷似耳,而似出入遊戲,常避護不欲令衢見。衢後聞之,乃驚其夙智如: 陰太守; 荀氏家傳曰:獨子派,字伯旗,與族父愔俱著名。,而與孔融論內刑,愔與孔融論聖人優劣, **愔後徵有道,至丞相祭酒** 並在融集。 耐位至濟

魏 書 荀彧荀攸賈詡傳第十

3 張璠漢紀曰: 顯字伯求,少與郭泰、賈彪等遊學洛陽,泰等與同風好。 顋顯名太學,於是中朝名臣太傅陳蕃、司隸 袁紹慕之,與爲奔走之友。 是時天下士大夫多遇黨難,關常歲再三私入洛陽,從紹計議,爲諸窮窘之士解釋患 李膺等皆深接之。及黨事起,顯亦名在其中,乃變名姓亡匿汝南間,所至皆交結其豪桀。 題既奇太祖 而知 荀彧,

葬之於爽冢傍。 漢末名士錄曰:倘常於衆坐數顯三罪,曰:「王德彌先覺雋老,名德高亮,而伯求疎之,是一罪也。許子遠凶淫之 胸而假仇敵之刃也。」術意猶不平。後與南陽宗承會於闕下,術發怒曰:「何伯求,凶德也,吾當殺之。」承曰: 伯求嘗爲虞偉高手刃復仇,義名奮發。其怨家積財巨萬,文馬百駟,而欲使伯求羸牛疲馬,頓伏道路,此爲披其 曰:「王德彌大賢而短於濟時,許子遠雖不純而赴難不憚濡足。 禍。而袁術亦豪俠,與紹爭名。顒未常造術,術深恨之。 餘,議者皆自以爲不及。遷北軍中候,董卓以爲長史。後荀彧爲尚誓令,遣人迎叔父司空爽喪,使并置顯尸,而 人,性行不純,而伯求親之,是二罪也。郭、賈寒窶,無他資業,而伯求肥馬輕裘,光耀道路,是三罪也。」陶丘洪 「何生英俊之士,足下善遇之,使延令名於天下。」術乃止。後黨禁除解,辟司空府。 伯求舉善則以德彌爲首,濟難則以子遠爲宗。且 每三府掾屬會議,關策謀有

[四]魏書云攸使人說卓得免,與此不同。

達,非常人也,吾得與之計事,天下當何憂哉!」以爲軍師。建安三年,從征張繡。攸言於 乎!」於是徵攸爲汝南太守,入爲尙書。太祖素聞攸名,與語大悅,謂荀彧、鍾繇曰:「公 太祖迎天子都許,遺攸書曰:「方今天下大亂,智士勞心之時也,而顧觀變蜀漢,不已久

之,可誘而致也;若急之,其勢必相救。」太祖不從,遂進軍之穰,與戰。繡急,表果救之。 軍不利。|太祖謂|攸曰:「不用君言至是。」乃設奇兵復戰,大破之。 |太祖曰:「繡與劉表相恃爲彊,然繡以遊軍仰食於表,表不能供也,勢必離。 不如緩軍以待

**|攸與郭嘉說日:「呂布勇而無謀,今三戰皆北,其銳氣衰矣。 三軍以將爲主,主衰則軍無奮** 城,城潰,生禽布。 夫陳宮有智而遲,今及布氣之未復,宮謀之未定,進急攻之,布可拔也。」乃引沂、泗灌 是歲,太祖自宛征呂布,自至下邳,布敗退固守,攻之不拔,連戰,士卒疲,太祖欲還。

(一)魏書曰:議者云表、繡在後而還襲呂布,其危必也。 攸以爲表、繡新破,勢不敢動。 布曉猛,又恃袁術,若縱橫淮、 泗間,豪傑必應之。今乘其初叛,衆心未一,往可破也。太祖曰:「善。」 比行,布以敗劉備,而臧霸等應之。

許攸來降,言紹遣淳于瓊等將萬餘兵迎運糧,將驕卒惰,可要擊也。衆皆疑,唯攸與賈詡勸 也。」「二太祖曰:「誰可使?」攸曰:「徐晃可。」乃遣晃及史渙邀擊破走之,燒其輜重。 與紹相拒於官渡。 目攸而笑。 紹渡河追,卒與太祖遇。 後從救劉延於白馬,攸畫策斬顏良。語在武紀。太祖拔白馬還,遣輜重循河而 **遂以輜重餌賊,賊競奔之,陳亂。** 軍食方盡,攸言於太祖曰:「紹運車旦暮至,其將韓虞銳而 諸將皆恐,說太祖還保營,攸曰:「此所以禽敵,奈何去之!」太祖 乃縱步騎擊,大破之,斬其騎將文醜,太祖遂 輕敵 ,擊可破 西。 會

魏書

**塗棄軍走。郃之來,洪疑不敢受,攸謂洪曰:「郃計不用,怒而來,君何疑?」 乃受之。** 太祖乃留攸及曹洪守。太祖自將攻破之,盡斬瓊等。紹將張郃、高覽燒攻櫓降,紹

(二)臣松之案諸書,韓奠或作韓猛,或云韓若,未詳孰是。

衆,借使二子和睦以守其成業,則天下之難未息也。今兄弟遷惡,此勢不兩全。若有所幷則 臣,無征不從,前後克敵,皆攸之謀也。」於是封陵樹亭侯。十二年,下令大論功行封,太祖 |太祖將許之,以問羣下。羣下多以爲|表彊,宜先平之,譚、|倘不足憂也。|攸曰:「天下方有 曰:「忠正密謀,撫寧內外,文若是也。公達其次也。」增邑四百,幷前七百戶,(三)轉爲中軍 和親,遂還擊破尙。 力專,力專則難圖也。及其亂而取之,天下定矣,此時不可失也。」太祖曰:「善。」乃許譚 事,而劉表坐保江、漢之閒,其無四方志可知矣。 袁氏據四州之地,帶甲十萬,紹以寬厚得 魏國初建,爲尚書令。 七年,從討袁譚、尙於黎陽。明年,太祖方征劉表,譚、尙爭冀州。 其後譚叛,從斬譚於南皮。冀州平,太祖表封攸曰:「軍師荀攸,自初佐 譚遣辛毗乞降請救,

[1]魏書曰:太祖自柳城還,過攸舍,稱述攸前後謀謨勞勳,曰:「今天下事略已定矣,孤願與賢士大夫共饗其勞。 使張子房自擇邑三萬戶,今孤亦欲君自擇所封焉。」

**| 攸深密有智防,自從太祖征伐,常謀謨帷幄,時人及子弟莫知其所言。○ | 太祖每稱曰** 

得盡聞也。三攸從征孫權,道薨。 以咨公達,輒復過人意。」公達前後凡畫奇策十二,唯繇知之。 病,獨拜牀下,其見尊異如此。似與鍾繇善,繇言:「我每有所行,反覆思惟,自謂無以易; 能過也。」文帝在東宮,太祖謂曰:「荀公達,人之師表也,汝當盡禮敬之。」攸曾病,世子問 「公達外愚內智,外怯內勇,外弱內彊,不伐善,無施勞,智可及,愚不可及,雖顏子、甯武不 太祖言則流涕。〔三〕 **繇撰集未就,會薨,故世不** 

- 魏書曰:他姑子辛韜會問他說太祖取冀州時事。 及內外莫敢復問軍國事也 收曰:「佐治爲袁譚乞降,王師自往平之,吾何知焉?」 自是閣
- [三]臣松之案:他亡後十六年,鍾繇乃卒,撰攸奇策,亦有何難?而年造八十,猶云未就,遂使攸從征機策之謀不傳於
- 〔三〕魏書曰:時建安十九年,攸年五十八。計其年大彧六歲。

魏書載太祖令曰:「孤與荷公達周游二十餘年,無毫毛可非者。」又曰:「荷公達眞賢人也,所謂『溫良恭儉讓以得 孔子稱『晏平仲善與人交,久而敬之』,公達卽其人也。」

舉賢,行無諂黷,謀能應機。孟軻稱『五百年而有王者興,其間必有命世者』,其荷令君乎!太祖稱『荷令君之進 (漢子曰:或問近世大賢君子,答曰:「<u>尚</u>令君之仁,<u>尚</u>軍師之智,斯可謂近世大賢君子矣。 <u>尚</u>令君仁以立德, 明以

長子緝,有攸風,早沒。次子適嗣,無子,絕。 黄初中,紹封攸孫彪爲陵樹亭侯,邑三百

魏

荀彧荀攸賈詡傳第十

善,不進不休,荷軍師之去惡,不去不止』也。」

戶,後轉封丘陽亭侯。正始中,追諡攸曰敬侯。

汝別 孝廉爲郎,疾病去官,西還至汧,道遇叛氐,同行數十人皆爲所執。 敢害,與盟而送之,其餘悉死。 理我,我家必厚贖之。」時太尉段頻,昔久爲邊將,威震西土,故詡假以懼氏。 賈詡字文和,武威姑臧人也。少時人莫知,唯漢陽閻忠異之,謂詡有良、平之奇。〔〕察 詡曰:「我段公外孫也, 氏 果 不

九州春秋曰:中平元年,車騎將軍皇甫嵩旣破黃巾, 賞。 蹈蹟漳河,飲馬孟津,舉天網以網羅京都,誅閥宦之罪,除羣怨之積忿,解久危之倒懸。如此則攻守無堅城,不招 喉,乃歎息而悔,所以見烹於兒女也。 赫然舊發,因危抵頹,崇恩以綏前附,振武以臨後服;徵龔方之士,動七州之衆,羽檄先馳於前,大軍震響於後 忘忠,何爲不安?」 |忠曰:「不然。 昔|韓信不忍一餐之遇,而棄三分之利,拒蒯通之忠,忽鼎跱之勢, 雄迴首,百姓企踵,雖湯武之舉,未有高於將軍者。 七州席卷、屠三十六(萬)方,夷黃巾之師、除邪害之患,或封戶刻石、南向以報德、威震本朝,風馳海外。 臨機不發,將何以享大名乎?」嵩曰:「何謂也?」忠曰:「天道無親,百姓與能, 也,時至而不旋踵者機也,故聖人常順時而動,智者必因機以發。 ' 今將軍授鉞於初春,收功於末冬,兵動若神,謀不再計,旬月之間,神兵電掃,攻堅易於折枯,摧敵甚於湯雪, 詡實非段甥,權以濟事,咸此類也。 今主勢弱於劉、頂,將軍權重於淮陰,指麾可以振風雲,叱咤足以興雷電; 身建高人之功,北面以事庸主, 威震天下。 閻忠時罷信都令, 說嵩曰:「夫難得而易失者時 今將軍遭難得之運,蹈易解之機,而踐運不撫 故有高人之功者, 將何以圖安?」 高曰:「心不 不受庸主之 利劍已揣其 是以

嵩不從,忠乃亡去。 可也。方今權宦羣居,同惡如市,主上不自由,詔命出左右。 機之至決,風發之良時也。夫木朽不彫,世衰難佐,將軍雖欲委忠難佐之朝,彫畫朽敗之木,猶逆坂而走丸,必不 足同也。功業已就,天下已順,乃燎于上帝,告以天命,混齊六合,南面以制,移神器於已家,推亡漢以定祚,實神 必影從,雖兒童可使奮空拳以致力,女子可使其褰裳以用命,沉厲智能之士,因迅風之勢,則大功不足合,八方不 如有至聰不察,機事不先,必嬰後悔, 亦無及矣。」

英雄記曰:凉州賊王國等起兵,共劫忠爲主,統三十六部,號車騎將軍。 忠感慨發病而死。

子,祐護大臣,詡有力焉。〔刑天子旣出,詡上還印綬。是時將軍段煨屯華陰,〔六〕與詡同郡, 安。語在卓傳。〔〕後翻爲左馮翊,催等欲以功侯之,詡曰:「此救命之計,何功之有!」固 安,爲董公報仇,幸而事濟,奉國家以征天下,若不濟,走未後也。」衆以爲然。惟乃西攻長 軍。 **遂去催託**煨。 會母喪去官,拜光祿大夫。傕、氾等鬭長安中,〔三〕傕復請詡爲宣義將軍。〔邑〕傕等和,出天 人也。經翻昧于榮利,奈國朝何!」乃更拜翻尙書,典選舉,多所匡濟,催等親而憚之。至 辭不受。又以爲尙書僕射,詡曰:「尙書僕射,官之師長,天下所望,詡名不素重,非所以服 議欲盡誅凉州人,而諸君棄衆單行,即一亭長能東君矣。 不如率衆而西,所在收兵,以攻長 卓敗,輔又死,衆恐懼,校尉李傕、郭汜、張濟等欲解散,閒行歸鄕里。 詡曰:「聞長安中 董卓之入洛陽,詡以太尉掾爲平津都尉,遷討虜校尉。卓壻中郎將牛輔屯陝,詡在輔 翻素知名,爲煨軍所望。煨內恐其見奪,而外奉詡禮甚備,詡愈不自安。

- (二)臣松之以爲傳稱「仁人之言,其利溥哉」! 酷,豈不由賈詡片言乎?詡之罪也,一何大哉!自古兆亂,未有如此之甚。 發而殃流百世者矣。 當是時,元惡旣梟,天地始開,致使厲階重結,大梗殷流, 然則不仁之言,理必反是。 夫仁功難著,而亂源易成, 邦國遘殄悴之哀, 黎民嬰周餘之 是故有禍
- (三) 獻帝紀曰:郭汜、樊稠與惟互相違戾,欲鬭者數矣。 詡輒以道理責之,頗受詡言。 魏書曰:翻典選舉,多選舊名以爲令僕,論者以此多翻。
- (三)獻帝紀曰:惟等與詡議,迎天子置其營中。詡曰:「不可。 處,君胡不去?」詡曰:「吾受國恩,義不可背。 卿自行,我不能也。」 脅天子,非義也。」 惟不聽。 張繡謂詡曰:「此中不可久
- [四] 獻帝紀曰:惟時召羌、胡數千人,先以御物繒綵與之,又許以宮人婦女,欲令攻郭汜。 重寶,於是皆引去。 子在中邪!李將軍許我宮人美女,今皆安在?」帝惠之,使詡爲之方計。 催由此衰弱。 謝乃密呼羌、胡大帥飲食之、許以封爵 羌、胡數來關省門, 曰:「天
- **3** 獻帝紀曰:天子旣東,而李傕來追,王師敗績。 |翻謂惟曰:「此皆天子大臣,卿奈何害之?」 催乃 司徒趙溫、太常王偉、衞尉周忠、司隸榮邵皆爲惟所嫌,欲殺之。 止
- (K) 典略稱懷在華陰時,脩農事,不孱略。 天子東還,懷迎道貢遺周急。

|翻曰:「煨性多疑,有忌詡意,禮雖厚,不可恃,久將爲所圖。 張繡在南陽,詡陰結繡,繡遣人迎詡。 翻將行,或謂翻曰:「煨待君厚矣,君安去之? 我去必喜,又望吾結大援於外,

之,率衆歸太祖。 下,其宜從一也。 軍敵,故雖用敗兵而戰必勝也。」繡乃服。是後,太祖拒袁紹於官渡,紹遣人招繡,幷與詡 散卒赴追,大戰,果以勝還。問詡曰:「繡以精兵追退軍,而公曰必敗;退以敗卒擊勝兵,而 失策,力未盡而退,必國內有故,已破將軍,必輕軍速進,縱留諸將斷後,諸將雖勇,亦非將 也。軍雖新退,曹公必自斷後;追兵雖精,將旣不敵,彼士亦銳,故知必敗。曹公攻將軍無 公曰必剋。悉如公言,何其反而皆驗也?」詡曰:「此易知耳。將軍雖善用兵,非曹公敵 曰:「袁彊曹弱,又與曹爲讎,從之如何?」 詡曰:「此乃所以宜從也。 士乎?」繡驚懼曰:「何至於此!」竊謂詡曰:「若此,當何歸?」詡曰:「不如從曹公。」繡 「不用公言,以至於此。今已敗,奈何復追?」詡曰:「兵勢有變,亟往必利。」繡信之,遂收 也,追必敗。」 鱐不從,進兵交戰,大敗而還。 詡謂鱐曰:「促更追之,更戰必勝。」 鱐謝曰: 必厚吾妻子。 /繡無謀主,亦願得翮,則家與身必俱全矣。」 |認遂往, /繡執子孫禮, / 煨果善視 二也。夫有霸王之志者,固將釋私怨,以明德於四海,其宜從三也。 繡欲許之,詡顯於繡坐上謂紹使曰:「歸謝袁本初,兄弟不能相容,而能容天下國 太祖見之,喜,執詡手曰:「使我信重於天下者,子也。」表詡爲執金吾,封 紹彊盛,我以少衆從之,必不以我爲重。曹公衆弱,其得我必喜,其宜從 夫曹公奉天子以令天 願將軍無疑!」繡從

馬超戰於渭南,超等索割地以和,并求任子。國以爲可僞許之。又問國計策,國曰:「離之 百姓,使安土樂業,則可不勞衆而江東稽服矣。」太祖不從,軍遂無利。〔三〕太祖後與韓遂、 大潰,河北平。太祖領冀州牧,徙詡爲太中大夫。建安十三年,太祖破荆州,欲順江東下。 也。 出,詡曰:「公明勝紹,勇勝紹,用人勝紹,決機勝紹,有此四勝而半年不定者,但顧萬全故 詡諫曰:「明公昔破袁氏,今收漢南,威名遠著,軍勢旣大;若乘舊楚之饒,以饗吏士,撫安 都亭侯,遷冀州牧。 而已。」太祖曰:「解。」一承用詡謀。語在武紀。卒破遂、超,詡本謀也。 必決其機,須臾可定也。」太祖曰:「善。」乃幷兵出,圍擊紹三十餘里營,破之。 。冀州未平,留參司空軍事。 袁紹圍太祖於官渡,太祖糧方盡,問詡計焉

(三)臣松之以爲翮之此謀,未合當時之宜。于時韓、馬之徒尙狼顧關右、魏武不得安坐郢都以威懷吳會, 

亦已明矣。

武後克平張魯,獨中一日數十驚,劉備雖斬之而不能止,由不用劉曄之計,以失席卷之會,斤石旣差, 之鋒,凱風自南,用成焚如之勢。天實爲之,豈人事哉?然則魏武之東下,非失算也。 守江陵,敗不旋踵,何撫安之得行,稽服之可期?將此旣新平江、漢,威懾揚、越,資劉表水戰之具,藉荆楚檝權之 即亦此事之類也。世咸謂劉計爲是,卽愈見賈言之非也 手,實震蕩之良會,廓定之大機。 彼荆州者,孫、劉之所必爭也。 荆人服劉主之雄姿,憚孫權之武略,爲日旣久,誠非曹氏諸將所能抗禦。 不乘此取吳,將安俟哉?至於赤壁之敗,蓋有運數。實由疾疫大興,以損凌厲 那之此規,爲無當矣。 魏 悔無所及, 故曹仁

深自砥礪。|太祖又嘗屏除左右問翻,翻嘿然不對。|太祖曰:「與卿言而不答,何也?」翻曰: 固之術,詡曰:「願將軍恢崇德度,躬素士之業,朝夕孜孜,不違子道。如此而已。」文帝從之, 大笑,於是太子遂定。一詡自以非太祖舊臣,而策謀深長,懼見猜疑,闔門自守,退無私交,男 「屬適有所思,故不卽對耳。」|太祖曰:「何思?」||詡曰:「思袁本初、劉景升父子也。」|太祖 是時,文帝爲五官將,而臨菑侯植才名方盛,各有黨與,有奪宗之議。 文帝使人問詡自

女嫁娶,不結高門,天下之論智計者歸之。

候。子<u>穆嗣,歷位郡守。穆薨,子</u>模嗣。(三) 以爲當今宜先文後武。」文帝不納。後興江陵之役,士卒多死。詡年七十七,薨,諡曰肅 策。臣竊料羣臣,無備、權對,雖以天威臨之,未見萬全之勢也。昔舜舞干戚而有苗服,臣 議見兵勢,據險守要,汎舟江湖,皆難卒謀也。用兵之道,先勝後戰,量敵論將,故舉無遺 則平之不難矣。吳、蜀雖蕞爾小國,依阻山水,劉備有雄才,諸葛亮善治國,孫權識虛實,陸 對曰:「攻取者先兵權,建本者尙德化。 陛下應期受禪,撫臨率土,若綏之以文德而俟其變, 子訪爲列侯。以長子穆爲駙馬都尉。帝問詡曰「吾欲伐不從命以一天下,吳、蜀何先?」 文帝即位,以詡爲太尉,仁進爵魏壽鄕侯,增邑三百,并前八百戶。又分邑二百,封小

魏書 荀彧荀攸賈詡傳第十二一魏略曰:文帝得詡之對太祖,故卽位首登上司。

荀勗別傳曰: 晉司徒闕,武帝問其人於島。答曰:「三公具瞻所歸,不可用非其人。昔魏文帝用賈詡爲三公,孫

(三)世語曰:模,晉惠帝時爲散騎常侍、護軍將軍,模子胤,胤弟龐,從弟疋,皆至大官,並顯於晉也。

# 評曰:荀彧清秀通雅,有王佐之風,然機鑒先識,未能充其志也。〔〕荀攸、賈詡,庶乎算

## 無遺策、經達權變,其良、平之亞數!

(一)世之論者,多譏彧協規魏氏,以傾漢祚;君臣易位,實彧之由。雖晚節立異,無救運移;功旣違義,識亦疾焉。 申素情,全大正於當年,布誠心於百代,可謂任重道遠,志行義立。謂之未充,其殆誣歟! 生蒙舟航之接,劉宗延二紀之祚,豈非有生之本圖,仁恕之遠致乎?及至霸業既隆,窮漢迹著,然後亡身殉節,以 殄矣。夫欲翼讚時英,一匡屯運,非斯人之與而誰與哉?是故經綸急病,若救身首,用能動于嶮中,至于大亨,蒼 哉?良以于時王道旣微,橫流已極,雄豪虎視,人懷異心,不有撥亂之資,仗順之略,則漢室之亡忽諸,黔首之類 陳氏此評,蓋亦同乎世識。臣松之以爲斯言之作,誠未得其遠大者也。咸豈不知魏武之志氣,非衰漢之貞臣

(三)臣松之以爲列傳之體,以事類相從。張子房青雲之士,誠非陳平之倫。然漢之謀臣,良、平而已。 他、詡之爲人,其猶夜光之與蒸燭乎!其照雖均,質則異焉。今荀、賈之評,共同一稱,尤失區別之宜也。 餘無所附,故前史合之,蓋其宜也。 魏氏如詡之儔,其比幸多。詡不編程、郭之篇,而與二荷並列,失其類矣。 若不共列,則 且

## 袁張凉國田王邴管傳第十一

備 將軍,猶今日之事將軍也,如一旦去此,復罵將軍,可乎?」布慚而止。 動必以禮。郡命爲功曹,郡中姦吏皆自引去。後辟公府,舉高第,遷侍御史。 除譙令,不 之則生,不爲則死。」渙顏色不變,笑而應之曰:「渙聞唯德可以辱人,不聞以駡。 使彼固君 不能抗,然敬之不敢不禮也。頃之,呂布擊術於阜陵,渙往從之,遂復爲布所拘留。布初與劉 子邪,且不恥將軍之言,彼誠小人邪,將復將軍之意,則辱在此不在於彼。 且澳他日之事劉 和親,後離隙。布欲使渙作書詈辱備,渙不可,再三彊之,不許。布大怒,以兵脅渙曰:「爲 劉備之爲豫州,舉渙茂才。後避地江、淮間,爲袁術所命。術每有所咨訪,渙常正議,術 袁渙字曜卿,陳郡扶樂人也。父滂,爲漢司徒。〔〕當時諸公子多越法度,而渙淸靜,舉

[一] 袁宏漢紀曰:滂字公熙,純素寡欲,終不言人之短。當權籠之盛,或以同異致禍,滂獨中立於朝,故愛憎不及焉。 布誅,渙得歸太祖。〔〕渙言曰:「夫兵者,凶器也,不得已而用之。 鼓之以道德,征之以

魏

安,甚於倒懸,然而暴亂未息者,何也?意者政失其道歟!渙聞明君善于救世,故世亂則齊 危亡之禍,然而民未知義,其惟公所以訓之,則天下幸甚!」太祖深納焉。 拜為沛南部都 同者也。若夫兼愛天下而反之於正,雖以武平亂而濟之以德,誠百王不易之道也。公明哲 仁義,兼撫其民而除其害。夫然,故可與之死而可與之生。自大亂以來十數年矣,民之欲 超世,古之所以得其民者,公旣勤之矣,今之所以失其民者,公旣戒之矣,海內賴公,得免於 之以義,時僞則鎭之以樸;世異事變,治國不同,不可不察也。夫制度損益,此古今之不必

[1] 袁氏世紀曰:布之破也,陳羣父子時亦在布之軍,見太祖皆拜。 換獨高揖不爲禮,太祖甚嚴憚之。 時太祖又給衆 曰:「脫我以行陳,令軍發足以爲行糧而已,不以此爲我有。由是厲名也,大悔恨之。」太祖益以此重焉。 官車各數乘,使取布軍中物,唯其所欲。衆人皆重載,唯渙取書數百卷,資糧而已。衆人聞之,大慚。|渙謂所親

內能斷。〔〕以病去官,百姓思之。後徵為諫議大夫、丞相軍祭酒。前後得賜甚多,皆散盡 每敕諸縣:「務存鰥寡高年,麦異孝子貞婦。常談曰『世治則禮詳,世亂則禮簡』,全在斟酌 行,難以逆動,宜順其意,樂之者乃取,不欲者勿彊。」太祖從之,百姓大悅。遷爲梁相。渙 是時新募民開屯田,民不樂,多逃亡。一渙白太祖曰:「夫民安土重遷,不可卒變,易以順 方今雖擾攘,難以禮化,然在吾所以爲之。」爲政崇敎訓,恕思而後行,外溫柔而

之,家無所儲,終不問產業,乏則取之於人,不爲皦察之行,然時人服其清。

[一] 魏書曰:穀熟長呂岐善朱淵、爰津,遣使行學還,召用之,與相見,出署淵師友祭酒,津決疑祭酒。 罪,此則然矣。 之名,而加君誅臣之實,非其類也。夫聖哲之治,觀時而動,故不必循常,將有權也。閒者世亂,民陵其上,雖務 尊君卑臣,猶或未也,而反長世之過,不亦謬乎!」遂不劾。 友之官者,所以敬其臣也;有罪加於刑焉,國之法也。今不論其罪而謂之戮師友,斯失之矣。主簿取弟子戮師 殺之義,孔子稱『唯器與名,不可以假人』。謂之師友而加大戮,刑名相伐,不可以訓。」 澳教曰:「主簿以不請爲 不受署。岐大怒,將吏民收淵等,皆杖殺之,議者多非焉。換教勿劾,主簿孫徽等以爲「淵等罪不足死,長吏無專 謂淵等罪不足死,則非也。夫師友之名,古今有之。然有君之師友,有士大夫之師友。夫君置師 淵等因各歸家

聞換昔拒呂布之事,問渙從弟敏:「渙勇怯何如?」」敏對曰:「渙貌似和柔,然其臨大節,處 穀千斛與曜卿家」,外不解其意。教曰:「以太倉穀者,官法也; 以垣下穀者,親舊也。」 叉帝 以文德來之。」太祖善其言。時有傳劉備死者,羣臣皆賀;渙以嘗爲備舉吏,獨不賀。居 久之道也。以爲可大收篇籍,明先聖之教,以易民視聽,使海內斐然向風,則遠人不服可 危難,雖賁育不過也。」 渙子侃,亦清粹閒素,有父風,歷位郡守尚書。 [1] 官數年卒,太祖爲之流涕,賜穀二千斛,一教「以太倉穀干斛賜郎中令之家」,一教「以垣下 魏國初建,爲郎中令,行御史大夫事。|渙言於|太祖曰:「今天下大難已除,文武並用,長

(1) 袁氏世紀曰:澳有四子,侃、寓、輿、準。侃字公然,論議清當,柔而不犯,善與人交。在廢興之間,人之所趣務者, 袁張涼國田王邴管傳第十一

唯恐人之不勝已。以世事多險,故常恬退而不敢求進。著書十餘萬言,論治世之務,爲易、思官、詩傳,及論五經 家之言,少被病,未官而卒。奥字公榮,行足以厲俗,言約而理當,終於光祿勳。準字孝尼,忠信公正,不恥下問, 常謙退不爲也。 時人以是稱之。歷位黃門選部郎,號爲清平。稍遷至尙書,早卒。寓字宜厚,精辯有機理,好道

滯義,聖人之微言,以傳於世。此準之自序也。

荷綽九州記稱準有傷才,泰始中爲給事中。 袁氏子孫世有名位,貴達至今。

書。〔〕霸弟徽,以儒素稱。遭天下亂,避難交州。司徒辟,不至。〔三〕徽弟敏,有武藝而好水 會,與侃復齊聲友善。。亮貞固有學行,疾何晏、鄧颺等,著論以譏切之,位至河南尹、尚 初,渙從弟霸,公恪有功幹,魏初爲大司農,及同郡何夔並知名於時。 而霸子亮,夔子

#### 功,官至河隄謁者。

- (一) 晉諸公贊曰: 亮子粲,字儀祖,文學博識,累爲儒官,至尙書。
- (三) 袁宏漢紀曰:初,天下將亂,換慨然歎曰:「漢室陵遲,亂無日矣。苟天下擾攘,逃將安之。若天未喪道,民以義 其亡矣!夫有大功必有大事,此又君子之所深識,退藏於密者也。 存,唯疆而有禮,可以庇身乎!」徽曰:古人有言,『知機其神乎』!見機而作,君子所以元吉也。天理盛衰, 且兵革旣興,外患必衆,徽將遠迹山海, 以求 漢

**免身。」及亂作,各行其志。** 

張範,字公儀,河內脩武人也。 祖父歌,爲漢司徒。 父延,爲太尉。 太傅 袁隗欲以女妻

衆,欲徼福齊桓,擬迹高祖,何如?」 承對曰:「在德不在彊。 夫能用德以同天下之欲,雖由 問曰:「昔周室陵遲,則有桓、文之霸;秦失其政,漢接而用之。今孤以土地之廣,士民之 範,範辭不受。 性恬靜樂道,忽於榮利,徵命無所就。 情雖愛其子,然吾憐戩之小,請以陵易之。」、賊義其言,悉以還範。」太祖自荆州還,範得見 也。」術作色不懌,承去之。 匹夫之資,而興霸王之功,不足爲難。 若苟僭擬,干時而動,衆之所棄,誰能興之。」 術不 謂承曰:「今欲誅卓,衆寡不敵,且起一朝之謀,戰阡陌之民,士不素撫,兵不練習,難以成 於陳,以爲議郎,參丞相軍事,甚見敬重。」太祖征伐,常令範及邴原留,與世子居守。。太祖 及承子戩爲山東賊所得,範直詣賊請二子,賊以陵還範。 範謝曰:「諸君相還兒厚矣。 夫人 子以爲何如?」承乃曰:「漢德雖衰,天命未改,今曹公挾天子以令天下,雖敵百萬之衆可 悅。是時,太祖將征冀州,術復問曰:「今曹公欲以弊兵數千,敵十萬之衆,可謂不量力矣… 印綬閒行歸家,與範避地揚州。 議郎,遷伊闕都尉。 卓阻兵而無義,固不能久;不若擇所歸附,待時而動,然後可以如志。」承然之,乃解 太祖平冀州,遣使迎範。範以疾留彭城,遣承詣太祖,太祖表以爲諫議大夫。範子陵 董卓作亂,承欲合徒衆與天下共誅卓。承弟昭時爲議郎,適從長安來, 袁術備禮招請,範稱疾不往,術不彊屈也。遣承與相見,術 弟承,字公先,亦知名,以方正徵,拜

謂文帝:「舉動必諮此二人。」世子執子孫禮。救恤窮乏,家無所餘,中外孤寡皆歸焉。 贈

郡太守,政化大行。太祖將西征,徵承參軍事,至長安,病卒。〔1〕 遺無所逆,亦終不用,及去,皆以還之。建安十七年卒。魏國初建,承以丞相參軍祭酒領趙

(一)魏書曰:文帝卽位,以範子慘爲郎中。承孫邵,晉中護軍,與舅楊駿俱被誅。專見晉書。

也。」後徵遷爲魏郡太守、甘陵相,所在有績。文帝爲五官將,茂以選爲長史,遷左軍師。魏國 初建,遷尙書僕射,後爲中尉奉常。 文帝在東宮,茂復爲太子太傅,甚見敬禮。 卒官。〔三〕 向,則存亡之效,不崇朝而決。將軍其勉之!」諸將聞茂言,皆震動,良久,度曰:「涼君言是 成敗,夫爲人臣者,固若是邪!曹公憂國家之危敗,愍百姓之苦毒,率義兵爲天下誅殘賊, 樂浪太守。公孫度在遼東,擅留茂,不遣之官,然茂終不爲屈。度謂茂及諸將曰:「聞曹公 高第,補侍御史。時泰山多盜賊,以茂爲泰山太守,旬月之間,襁負而至者千餘家。〔〕轉爲 功高而德廣,可謂無二矣。以海內初定,民始安集,故未責將軍之罪耳!而將軍乃欲稱兵西 顧謂茂曰:「於君意何如?」茂答曰:「比者海內大亂,社稷將傾,將軍擁十萬之衆,安坐而觀 遠征,鄴無守備,今吾欲以步卒三萬,騎萬匹,直指鄴,誰能禦之?」諸將皆曰:「然。」(三又 凉茂字伯方,山陽昌邑人也。少好學,論議常據經典,以處是非。太祖辟爲司空掾,舉

- 〔一〕 博物記曰: 襁,織縷爲之,廣八寸,長尺二,以約小兒於背上,負之而行
- (三)臣松之案此傳云公孫度聞曹公遠征,鄴無守備,則太祖定鄴後也。案废傳, 剿,自後遠征,唯有北征柳城耳。 征柳城之年,度已不復在矣。 度以建安九年卒,太祖亦以此年定
- (三)英雄記曰:茂名在八友中。

聽也。 淵以爲非首惡,請不行刑。 首級,如其實數。 太祖問其故,淵曰:「夫征討外寇,多其斬獲之數者,欲以大武功,且示民 祖征關中,以淵爲居府長史,統留事。 太祖辟爲司空掾屬,每於公朝論議,常直言正色,退無私焉。 淵屢陳損益,相土處民,計民置吏,明功課之法,五年中倉廩豐實,百姓競勸樂業。 國淵字子尼,樂安蓋人也。 河間在封域之內,銀等叛逆,雖克捷有功,淵竊恥之。」太祖大悅,遷魏郡太守。 太祖從之,賴淵得生者千餘人。破賊文書,舊以一爲十,及淵上 師事鄭玄。「一後與邴原、管寧等避亂遼東。」一既還舊土, 田銀、蘇伯反河間,銀等旣破,後有餘黨,皆應伏法。 太祖欲廣置屯田,使淵典其

- (三)魏書曰:淵篤學好古,在遼東 ,常講學於山巖,士人多推慕之,由此知名。

時有投書誹謗者,太祖疾之,欲必知其主。淵請留其本書,而不宣露。其書多引二京

魏 書 袁張涼國田王邴管傳第十一

自選其家客 路阻絕,寇虜縱橫 疇時年二十二矣。虞乃備禮請與相見,大悅之,遂署爲從事,具其車騎。 已爲公孫瓊所害。 未安,不可以荷佩榮寵,固辭不受。 同於衆。 案問,具得情理。遷太僕。居列卿位,布衣蔬食,祿賜散之舊故宗族,以恭儉自守,卒官。〔1〕 之。」又密喩旨。旬日得能讀者,遂往受業。 吏因請使作箋,此方其書,與投書人同手。 出塞,傍北山,直趣朔方,循閒徑去,遂至長安致命。 (一)魏書曰:太祖以其子泰爲郎。 幽州牧劉虞歎曰:「賊臣作亂,朝廷播蕩,四海俄然,莫有固志。身備宗室遺老,不得自 疇字子泰,右北平無終人也。好讀書,善擊劍。 今欲奉使展效臣節,安得不辱命之士乎?」衆議咸曰:「田疇雖年少,多稱其奇。」 與年少之勇壯慕從者二十騎俱往。 稱官奉使,爲衆所指名。 疇至,謁祭<u>虞墓,陳發章表,哭泣而去。</u>**瓊聞之大怒,購求獲疇,謂**曰 朝廷高其義。三府並辟,皆不就。 願以私行,期於得達而已。」虞從之。 虞自出祖而遣之。(二)既取道,疇乃更上西 初平元年,義兵起,董卓遷帝于長 詔拜騎都尉。 得報,馳還,未至,虞 疇以爲天子方蒙塵 將行,疇日:「今道

鹭壯其對,釋不誅也。 之君,又讎守義之臣,誠行此事,則燕、趙之士將皆蹈東海而死耳,豈忍有從將軍者乎!」 又囚之,恐失衆心。」 瓚乃縱遣疇。 「汝何自哭劉虞墓,而不送章報於我也?」 疇答曰:「漢室衰穨,人懷異心,唯劉公不失忠 章報所言,於將軍未美,恐非所樂聞,故不進也。且將軍方舉大事以求所欲、旣滅無罪 拘之軍下,禁其故人莫得與通。或說瓚曰:「田疇義士,君弗能禮,而

(一) 先賢行狀曰: 隱將行,引虞密與議。 隱因說虞曰: 「今帝主幼弱,姦臣擅命,表上須報,懼失事機。 且公孫瓚阻兵

遺。北邊翕然服其威信,烏丸、鮮卑並各遣譯使致貢遺,疇悉撫納,令不爲寇。袁紹數遣使 罪,二十餘條。又制爲婚姻嫁娶之禮,興舉學校講授之業,班行其衆,衆皆便之,至道不拾 長者以爲之主。」皆曰:「善。」同僉推疇。 疇曰:「今來在此,非苟安而已,將圖大事,復怨 共施之,可乎?」皆曰:「可。」疇乃爲約束相殺傷、犯盜、諍訟之法,法重者至死,其次抵 雪恥。竊恐未得其志,而輕薄之徒自相侵侮,偷快一時,無深計遠慮。 疇有愚計,願與諸君 父老曰:「諸君不以疇不肖,遠來相就。 衆成都邑,而莫相統一,恐非久安之道,願推擇其賢 入徐無山中,營深險平敞地而居,躬耕以養父母。百姓歸之,數年閒至五千餘家。 疇得北歸,率舉宗族他附從數百人,掃地而盟曰:「君仇不報,吾不可以立於世!」 遂 安忍,不早圖之,必有後悔。」虞不聽。 疇 謂 其

柳城二百餘里,虜乃驚覺。 難久矣。 招命,又卽授將軍印,因安輯所統,疇皆拒不(當)〔受〕。紹死,其子倘又辟焉,疇終不行。 還入塞,論功行封,封疇亭侯,邑五百戶。〔〕。嶹自以始爲居難,率衆遁逃,志義不立,反以爲 引軍還,而署大木表于水側路傍曰:「方今暑夏,道路不通,且俟秋冬,乃復進軍。」 虜候騎 尚有微徑可從。 今虜將以大軍當由無終,不得進而退,解弛無備。 軍不得進。 才,拜爲蓨令,不之官,隨軍次無終。時方夏水雨,而濱海洿下,濘滯不通,虜亦遮守蹊要, **遂隨使者到軍,署司空戶曹掾,引見諮議。明日出令曰:「田子泰非吾所宜吏者。」即舉茂** 至,君義不屈;今曹公使一來而君若恐弗及者,何也?」疇笑而應之曰:「此非君所識也。」 未至,先遣使辟疇,又命田豫喩指。 疇戒其門下趣治嚴。門人謂曰:「昔袁公慕君,禮命五 見之,誠以爲大軍去也。 |檀之險,出空虛之地,路近而便,掩其不備,蹋頓之首可不戰而禽也。 | 太祖曰:「善。」 乃 疇常忿烏丸昔多賊殺其郡冠蓋,有欲討之意而力未能。 。舊北平郡治在平岡,道出盧龍,達于柳城;自建武以來,陷壞斷絕,垂二百載,而 太祖患之,以問疇。疇曰:「此道,秋夏每常有水,淺不通車馬,深不載舟船,爲 太祖知其至心,許而不奪。〔三〕 太祖令疇將其衆爲鄕導,上徐無山,出盧龍,歷平岡,登白狼堆,去 單于身自臨陳,太祖與交戰,遂大斬獲,追奔逐北,至柳城。 建安十二年,太祖北征烏丸, 若嘿回軍,從盧龍口越

利,非本意也,固讓。

·先賢行狀載太祖表論際功曰:「文雅優備,忠武叉著,和於撫下,愼於事上,量時度理,進退合義。 蕩。 自到,陳討胡之勢,猶廣武之建燕策,薛公之度淮南。 共資奉。 漢交萃,蕩析離居,雖所依懷。 王旅出塞,塗由山中九百餘里,廳帥兵五百,啓導山谷,遂滅鳥丸,蕩平塞表。廳文武有効,節義可嘉 及袁紹父子威力加於朔野,遠結烏丸,與爲首尾,前後召疇,終不陷撓。 | 疇率宗人避難於無終山,北拒盧龍,南守要害,淸靜隱約,耕而後食,人民化從,咸 又使部曲持臣露布,出誘胡衆,漢民或因亡來,烏丸聞之農 後臣奉命,軍次易縣 幽州始擾,胡 **疇長驅** 訓 應

魏書載太祖令曰:「昔伯成葉國,夏后不奪,將欲便高尙之士,優賢之主,不止於一世也。其聽疇所執。」

竈賞,以旌其美。」

問。〔〕疇盡將其家屬及宗人三百餘家居鄴。 君,主意殷勤,曾不能顧乎 荆州還,太祖追念疇功殊美,恨前聽疇之讓,曰:「是成一人之志,而虧王法大制也。」 無告吾意也。」 議,世子以疇同於子文辭祿,申胥逃賞,宜勿奪以優其節。 司劾疇狷介違道,苟立小節, 乃復以前爵封疇。〔三疇上疏陳誠,以死自誓。 可聽。(三)太祖獨欲侯之。 遼東斬送袁尙首,令「三軍敢有哭之者斬」。疇以嘗爲尙所辟,乃往弔祭。 惇就疇宿,如太祖所戒。 ! 疇素與夏侯惇善,太祖語惇曰:「且往以情喩之,自從君所言 宜発官加刑。 疇答曰:「是何言之過也!<del>疇</del>,負義逃竄之人耳,蒙恩全活 疇揣知其指,不復發言。 太祖重其事,依違者久之。乃下世子及大臣博 太祖賜疇車馬穀帛,皆散之宗族知舊。 太祖不聽,欲引拜之,至于數四,終不受。 尚書令荀彧、司隸校尉鍾繇亦以 惇臨去,乃拊疇背曰:[田 太祖亦不 於是 有

魏 書 爲

**猶復如此,若必不得已,請願效死刎首於前。」言未卒,涕泣橫流。 惇具答太祖。** 知不可屈,乃拜爲議郞。 爲幸多矣。豈可賣盧龍之塞,以易賞祿哉?縱國私疇,疇獨不愧於心乎?將軍雅知疇者, 年四十六卒。子叉早死。文帝踐阼,高疇德義,賜疇從孫續虧關 太祖喟然

內侯,以奉其嗣

- (二)臣松之以爲田疇不應袁紹父子之命,以其非正也。故盡規魏祖,建盧龍之策。 由也。 止,良爲進退無當,與王脩哭袁譚,貌同而 旣以明其爲賊,胡爲復弔祭其首乎?若以嘗被辟命,義在其中,則不應爲人設謀,使其至此也。 心異也。 致使袁尚奔迸,授首遼東,皆疇之 |疇此
- (三)先賢行狀載太祖命曰:「隋令田疇,至節高尙,遭值州里戎夏交亂,引身深山,研精味道,百姓從之,以成都邑。 | 疇有力焉。 攻胡蹊路所由,率齊山民,一時向化,開塞導送,供承使役,路近而便,令虜不意。 賊之盛,命召不屈。 慷慨守志,以徼眞主。 ,甚違王典,失之多矣。 及軍人塞,將圖其功,表封亭侯,食邑五百,而疇懇惻,前後辭赏。 宜從表封,無久留吾過。」 及孤奉韶征定河北,遂服幽都,將定胡寇,時加禮命。 出入三載,歷年未賜,此爲成一人 斬蹋頓于白狼,遂長驅于柳城 嚋即受署,陳建 袁
- $\subseteq$ 魏書載世子議曰:「昔蓬敖逃祿,傳載其美,所以激濁世 至于田疇,方斯近矣。 冤官加刑,於法爲重。」 ,勵貪夫,賢於尸祿素餐之人也。 故可得而小,不可得而

魏縣載教曰:「昔夷、齊乗爵而畿武王,可謂愚闇,孔子猶以爲『求仁得仁』。 疇之所守,雖不合道,但欲淸高耳。 使天下悉如疇志,即墨翟兼愛尙同之事,而老朋使民結繩之道也。 外議雖善,爲復使令司隸以決之。」

·魏 ·書 臣 仲尼不與,子路拒牛,謂之止善,雖可以激清勵濁,猶不足多也。 案 曰:『賜失之矣。自今以來魯人不贖矣。』 此語不與鯀所引者相應,未詳爲緣之事誤邪,而專將別有所出[耳]? 松之案呂氏春秋「魯國之法, 載荀彧議,以爲「君子之道,或出或處,期于爲善而已。故匹夫守志,聖人各因而成之」。鍾繇以爲「原思辭」 魯人有爲臣妾於諸侯, 子路拯溺者, 其人拜之以牛, 有能贖之者取其金於府。子貢贖人而辭不取金, 嚎雖不合大義,有益推讓之風,宜如世子議。」 子路受之。 孔子曰:『魯人必拯溺矣。』」 孔子

法。 聽。日時天下亂,遂不行。 隱恤之,病愈乃去。 莫敢動。 膠東人公沙盧宗彊,自爲營塹,不肯應發調。 曰:「能冒難來 吏民:「敢有不攻者與同罪。」 民有相劫者,賊入孫氏,吏不能執。 鄰里聞之,爲之罷社。 脩撫慰其餘,由是寇少止。 唯王脩耳! 初平中,北海孔融召以爲主簿,守高密令。 。年二十,游學南陽,止張奉舍。 」言終而脩至。 頃之,郡中有反者。 孫氏懼,乃出賊。 融每有難,脩雖休歸 脩將吏民圍之,孫氏拒守,吏民畏憚不敢近。 復署功曹。 脩獨將數騎徑入其門,斬盧兄弟,公沙氏驚愕 修聞融 由是豪彊懾服。 有難,夜往奔融 時膠東多賊寇, 在家,無不至。 奉舉家得疾病,無相視者,脩 高密孫氏素豪俠,人客數犯 舉孝廉, 融常賴脩以免。 復令脩守膠東令。 賊初發,融謂左右 脩讓邴原, 脩

融集有融答脩教曰:「原之賢也,吾已知之矣。 昔高陽氏有才子八人, 堯不能用, 舜實舉之。 原可 謂 茅 患無位之

穂

**袁張涼國田王邴管傳第十** 

士。 以遺後賢,不亦可乎!」脩重辭,融答曰:「掾淸身絜已,歷試諸難,謀而鮮過,惠訓不倦。 升爾于王庭,其可辭乎 余嘉乃勳,應乃懿

也。 弟而 來。 收葬譚屍。 脩曰:「夫兄弟者,左右手也。 尚,脩諫曰:「兄弟還相攻擊,是敗亡之道也。」譚不悅,然知其志節。後又問脩:「計安出? 譚歎息曰:「今舉州背叛,豈孤之不德邪!」脩曰:「東萊太守管統雖在海麦,此人不反,必 敗,脩率吏民往救譚。 所恨。」太祖嘉其義,聽之。〔〕以脩爲督軍糧,還樂安。 領兵及諸從事數 人益以此多焉。 若斬佞臣數人,復相親睦,以禦四方,可以橫行天下。」譚不聽,遂與尚相攻擊,請救於 不親,天下其誰親之!屬有讒人,固將交鬭其間,以求一朝之利,願明使君塞耳勿聽 袁譚在青州,辟脩爲治中從事,別駕劉獻數毀短脩。 後十餘日,統果棄其妻子來赴譚,妻子爲賊所殺,譚更以統爲樂安太守。 太祖既破冀州 太祖欲觀脩意,默然不應。 袁紹又辟脩除卽墨令,後復爲譚別駕。 十人往赴譚。 ,譚叉叛。 譚喜曰:「成吾軍者,王別駕也。」譚之敗,劉詢起兵漯陰,諸城皆應。 譬人將鬭而斷其右手,而曰『我必勝』,若是者可乎? 夫棄兄 至高密,聞譚死,下馬號哭曰:「無君焉歸?」 太祖遂引軍攻譚于南皮。 脩復曰:「受袁氏厚恩,若得收斂譚屍,然後 譚之破,諸城皆服,唯管統以樂安 紹死,譚、尚有隙。尚攻譚,譚軍 後獻以事當死,脩理之,得免。 脩時蓮糧在樂安, 遂詣太祖, 乞 聞譚急,將所 就愛,無

聞變,召車馬未至,便將官屬步至宮門。太祖在銅爵臺望見之,曰:「彼來者必王叔治也。 刑,脩以爲時未可行,太祖採其議。徙爲奉尙。其後嚴才反,與其徒屬數十人攻掖門。 郡太守。爲治,抑彊扶弱,明賞罰,百姓稱之。〔〕魏國旣建,爲大司農郎中令。 不滿十斛,有書數百卷。太祖歎曰:「士不妄有名。」乃禮辟爲司空掾,行司金中郎將,遷魏 氏政寬,在職勢者多畜聚。太祖破鄴,籍沒審配等家財物貲以萬數。及破南皮,閱脩家,穀 赴難之義。」頃之,病卒官。子忠,官至東萊太守、散騎常侍。初,脩識高柔于弱冠,異王基 相國鍾繇謂脩:「舊,京城有變,九卿各居其府。」脩曰:「食其祿,焉避其難?居府雖舊,非 不從命。 于幼童,終皆遠至,世稱其知人。〔15〕 太祖命脩取統首,脩以統亡國之忠臣,因解其縛,使詣太祖。太祖悅而赦之。 太祖議行肉

- (一) 傅子曰:太祖旣誅袁譚,梟其首,令曰:「敢哭之者戮及妻子。」於是王叔治、田子泰相謂曰:「生受辟命,亡而不 臣松之案田疇傳,疇爲袁尚所辟,不被譚命。 傅子合而言之,有違事實。 哭,非義也。畏死忘義,何以立世?」遂造其首而哭之,哀動三軍。軍正白行其戮,太祖曰:「義士也。」赦之。
- $\equiv$ 魏略曰:脩爲司金中郎將,陳黃白異議,因奏記曰:「脩聞枳棘之林,無梁柱之質;涓流之水, 不堪而懼也。 在職七年,忠讜不昭於時,功業不見於事,欣於所受,俯慚不報,未嘗不長夜起坐, 謹貢所議如左。」 太祖甚然之,乃與脩書曰:「君澡身浴德,流聲本州,忠能成績、爲世美談,名實相 中飯釋餐。 無洪波之勢。 何者?力少 任重

**袁張凉國田王邴管傳第十一** 

此事。 假有斯事,亦庶鍾期不失聽也;若其無也,過備何害?昔宣帝察少府蕭望之才任宰相,故復出之,令爲馮翊。從 不用之,而使此君沉滯冶官。張甲李乙,尙猶先之,此主人意待之不優之效也。孤懼有此空聲冒實,淫竈亂耳。 初立司金之官,念非屈君,餘無可者。 故與君敎曰:『昔遏父陶正,民賴其器用,及子嬀滿,建侯于陳; 近桑弘羊 副 正卿往,似於左遷。 重於軍師。 孤之精誠,足以達君;君之祭孤,足以不疑。但恐傍人淺見,以蠡測海,爲蛇畫足,將言前後百選,輒 選,常舉君爲首,及聞遠軍師衆賢之議,以爲不宜越君。 位至三公。 ,過人甚遠。孤以心知君,至深至熟,非徒耳目而已也。察觀先賢之論,多以鹽鐵之利,足瞻軍國之用。 既君崇勳業以副孤意。 此君元龜之兆先告者也』,是孤用君之本言也,或恐衆人未曉此意。自是以來,在朝之士,每得一顯 上使侍中宣意曰:『君守平原口淺,故復試君三輔,非有所間也。』孤揆先主中宗之意,誠備 公叔文子與君俱升,獨何人哉!」 然孤執心將有所底,以軍師之職,閒於司金,至於建功, 後無幾而遷魏郡太守。 昔孤

(三)王隱晉書曰:脩一子,名儀,字朱表,高亮雅直。 司馬文王爲安東,儀爲司馬。 爲縣所役,故來送別。」執手涕泣而去。令卽放遣諸生,一縣以爲恥。同縣管彥,少有才力,未知名,褒獨以爲當 乾飯,兒負鹽豉,門徒從者千餘人。安丘令以爲見己,整衣出迎之於門。逐乃下道至土牛,磬折而立。云:「門生 絕。 動。 本縣所役,求褒爲屬,逐曰:「卿學不足以庇身,吾德薄不足以蔭卿, 泣下沾襟。 任其咎?」儀曰:「責在軍帥。」 文王怒曰:「司馬欲委罪於孤邪?」 遂殺之。子麼,字偉元。少立操尙,非禮不 身長八尺四寸,容貌絕異。痛父不以命終,絕世不仕。立屋墓側,以教授爲務。且夕常至墓前拜,輒悲號斷 墓前有 家貧躬耕,計口而田,度身而蠶。諸生有密爲慶刈麥者,廢遂棄之;自是莫敢復佐刈者。麼門人爲 一柏樹,麼常所攀接,涕泣所著,樹色與凡樹不同。 讀詩至「哀哀父母,生我勞悴」,未嘗不反覆流涕, 屬之何益?且吾不捉筆已四十年。」乃步擔 東關之敗,文王曰:「近日之事,誰

願 自達,常友愛之;男女各始生,共許爲婚。 曰:「嫂,齊人也。 ,山藪自處,姊妹皆遠,吉凶斷絕,以此自醬。賢兄子葬父於帝都,此則洛陽之人也,豈吾欲婚之本指邪?」 當還臨淄。」、褒曰:「安有葬父河南,隨(妻)〔母〕還齊」 彦果爲西夷校尉。 麼後更以女嫁人, 彦弟馥問麼, 用意如此,何婚之有。]遂不婚。 夏曰:「吾薄志畢 馥

狹,慕名意多,終必不成,及後春果無學業,流離遠外,有識以此歸之。 <u>邴春者,根短之後也。少立志操,寒苦自居,負笈游學,身不停家,鄉邑翕然,以爲能係其先也。</u>褒以爲<u>春性險</u> 己所能而責人所不能也。 有致遺者,皆不受。 及洛都傾覆,寇賊繼起,慶宗親悉欲移江東, **愛常以爲人所行** ,其當歸於善道, 聚戀墳爤。 賊大盛 不可以

乃南達泰山郡。逐思土不肯去,賊害之。

魏縣純固傳以脂習、王脩、癰消、文聘、成公英、郭憲、單固七人爲一傳。其脩、消、聘三人自各有傳,成公英別見 臣於晉也。 漢晉春秋曰:褒與濟南劉兆字延世,俱以不仕顯名。褒以父爲文王所濫殺,終身不應徵聘,未嘗西向坐,以示不

張旣傳,單固見汪淩僔,餘習、憲二人列于脩傳後也。

夫。還家,年八十餘卒。 慨! 融親善。太祖爲司空、威德日盛,而融故以舊意,書疏倨傲。 習常責融,欲令改節,融不從。 之,收習,欲理之, 百官先與一般親善者,莫敢收恤,而習獨往撫而哭之曰:「文學,卿捨我死,我當復與誰語者?」哀歎無已。 脂習字元升,京兆人也。中平中仕郡,公府辟,舉高第,除太醫令。天子西遷及東詣許昌, 因問其居處,以新移徙,賜穀百斛。 尋以其事直見原, 徙許東土橋下。 至黃初,韶欲用之,以其年老,然嘉其敦舊,有欒布之節,賜拜中散大 習後見太祖 陳謝前愆。 太祖呼其字曰:「元升 1智常隨從。 會融被誅、當 與少府孔 時許中 卿故慷 太祖 聞

乎?逵等乃止。時太祖方攻漢中,在武都,而逵等送約首到。太祖宿聞憲名,及視條疏,怪不在中,以問逵等,逵 具以情對。太祖歎其志義,乃幷表列與逵等並賜爵關內侯,由是名震隴右。 死,而田樂、陽達等就斬約頭,當送之。」達等欲條疏憲名,憲不肯在名中,言我尙不忍生圖之,豈忍取死人以要功 中還,依憲。 郭憲字幼簡,西平人,爲其郡右姓。建安中爲郡功曹,州辟不就,以仁篤爲一郡所歸。至十七年,韓約失衆,從羌 衆人多欲取約以徼功,而憲皆責怒之,言:「人窮來歸我,云何欲危之?」遂擁護厚遇之。其後約病 黄初元年病亡。正始初,國家追嘉

其事,復賜其子爵關內侯。

謂度曰:「將軍前日欲殺劉政,以其爲己害。今政已去,君之害豈不除哉!」度曰:「然。」原 政者與同罪。」政窘急,往投原,自原匿之月餘,時東萊太史慈當歸,原因以政付之。旣而 政俱有勇略雄氣。遼東太守公孫度畏惡欲殺之,盡收捕其家,政得脫。度告諸縣:「敢有藏 家屬入海,住鬱洲山中。時孔融爲北海相,舉原有道。原以黃巾方盛,遂至遼東,與同郡劉 度乃出之。原又資送政家,皆得歸故郡。原在遼東,一年中往歸原居者數百家,游學之士, 日:「君之畏政者,以其有智也。今政已免,智將用矣,尙奚拘政之家?不若赦之,無重怨。 |邴原字||根矩,北海朱虛人也。少與管寧俱以操尙稱,州府辟命皆不就。 黃巾起,原將

(一)魏氏春秋曰"政投原曰"「窮鳥入懷。」原曰"「安知斯懷之可入邪?」

教授之聲,不絕。

太祖征吳,原從行,卒。三 之命,則是凡庸也,明公焉以爲哉?」太祖乃止,徙署丞相徵事。〔1〕崔琰爲東曹掾,記讓 鳳翼,國之重寶。 日:「徵事邴原、議郎張範,皆秉德純懿,志行忠方,清靜足以厲俗,貞固足以幹事,所謂 「合葬,非禮也。 後得歸,太祖辟爲司空掾。原女早亡,時太祖愛子倉舒亦沒,太祖欲求合葬,原辭曰: 原之所以自容於明公,公之所以待原者,以能守訓典而不易也。 舉而用之,不仁者遠。」代凉茂爲五官將長史,閉門自守,非公事不出。 若聽明公

- (一) 獻帝起居注曰:建安十五年,初置徵事二人,原與平原王烈俱以選補。
- (三)原別傳曰:原十一而喪父,家貧,早孤。鄰有書舍,原過其旁而泣。師問曰:「童子何悲?」 原曰:「孤者易傷,貧 趣也。 者;當以書相分。」原重其意,難辭之,持書而別。原心以爲求師啓學,志高者通,非若交游待分而成也。 之高哉!君謂僕以鄭爲東家丘,君以僕爲西家愚夫邪?」崧辭謝焉。又曰:「虎、豫之士,吾多所識, 所謂以鄭爲東家丘者也。 知之乎?」原答曰:「然。」 崧曰:「鄭君學覽古今,博聞疆識,鉤深致遠,誠學者之師模也。 君乃舍之,躡屣千里, 誦孝經、論語。自在童齓之中,凝然有異。及長,金玉其行。欲遠游學,詣安丘孫崧。 之泣曰:「欲書可耳!」答曰:「無錢資。」師曰:「童子苟有志,我徒相敎,不求資也。」於是遂就書。 者易感。夫書者,必皆具有父兄者,一則羨其不孤,二則羨其得學, 心中惻然而爲涕零也。」 師亦哀原之言而爲 人各有志,所規不同,故乃有登山而採玉者,有入海而採珠者,豈可謂登山者不知海之深, 君似不知而曰然者,何?」原曰:「先生之說,誠可謂苦藥良鍼矣;然猶未達僕之微 崧辭曰:「君鄉里鄭君,君 入海者不知山 一冬之間, 未有若君

袁張凉國田王邴管傳第十

矣!」原遂到遼東。 朝勞謙,疇咨雋乂。我徂求定,策命懇惻。 乎民;言行,君子之樞機也。安有欲殺人而可以爲戲者哉?」融無以答。是時漢朝陵遲,政以賄成,原乃將家 『吾一子』也。如是,朝吏受恩未有在某前者矣,而今乃欲殺之。明府愛之,則引而方之於子,噲之,則推之欲危 助,潁川則宗陳仲弓,汝南則交范孟博,涿郡則親盧子幹。 望根矩,仁爲己任,授手援溺,振民於難。 其死,是惑也。』 是,則學之非也。 何常之有!」原對曰:「仲遠舉孝廉,殺之,其義焉在?夫孝廉,國之俊選也。 施。夫善則進之,惡則誅之,固君道也。 其身。 原愚,不知明府以何愛之?以何惡之?」 融曰:「某生于微門,吾成就其兄弟,拔擢而用之;某今孤負恩 不致書之意。後爲郡所召,署功曹主簿。時魯國孔融在郡,敎選計當任公卿之才,乃以鄭玄爲計掾, 酒,但以荒思廢業,故斷之耳。今當遠別,因見貺餞,可一飮讌。」於是共坐飮酒,終日不醉。歸以書還孫崧,解 爲哉?乃藏書於家而行。 人入鬱洲山中。郡舉有道,融書喻原曰:「脩性保貞,清虛守高,危邦不入,久潛樂土。王室多難,西遷鎬京。 吏,原爲計佐。 原獨不爲請。 融有所愛一人,常盛嗟歎之。後恚望,欲殺之,朝吏皆請。 仲遠之惑甚矣。明府奚取焉?」 詩云:『彼己之子,不遂其媾。』 融謂原曰:「衆皆請而君何獨不?」原對曰:「明府於某,本不薄也,常言歲終當舉之, 遼東多虎,原之邑落獨無虎患。原嘗行而得遺錢,拾以繫樹枝,此錢既不見取,而繫錢者愈 原舊能飲酒,自行之後,八九年間,酒不向口。單步負笈,苦身持力,至陳留則師韓子 往者應仲遠爲泰山太守,舉一孝廉,旬月之閒而殺之。夫君人者,厚薄 乃或晏晏居息,莫我肯顧,謂之君子,固如此乎 國之將隕,養不恤緯,家之將亡,緹縈跋涉,彼匹婦也, 蓋畿之也。 融乃大笑曰:「吾直戲耳!」原又曰:「君子於其言,出乎身,加 臨別,師友以原不飲酒, 語云:『愛之欲其生,惡之欲其死。 時其人亦在坐,叩頭流血, 舉之若是,則殺之非也;若殺之 會米肉送原。 !根矩, 既欲其生,又欲 根矩 猶執此義。 原曰:「本能飲 而融意不 彭璆為計 此所謂 可以 實 來

範,名公之子也,其志行有與原符,甚相親敬。令曰:「邴原名高德大,清規邈世,魁然而峙,不爲孤用。 訖未久,而原先至。門下通謁,太祖大驚喜,擥履而起,遠出迎原曰:「賢者誠難測度!孤謂君將不能來,而遠自 飲學之,吾恐造之者富,隨之者貧也。」魏太子爲五官中郎將,天下向慕,賓客如雲,而原獨守道持常, 原耳! 屈 國,燕士大夫。酒酣,太祖曰:「孤反,鄴守諸君必將來迎,今日明旦,度皆至矣。 其不來者,獨有哪祭酒耳!」 還。積十餘年,後乃遁還。南行已數日,而度雨覺。度知原之不可復追也,因曰:「邴君所謂雲中白鶴,非鶉鷃之 曰:「君父各有篤疾,有藥一丸,可救一人,當救君邪,父邪?」 衆人紛紜,或父或君。 令曰:「子弱不才,懼其難正,貪欲相屈,以匡勵之。 不妄舉動。 曰:「固孤之宿心也。」 自是之後,見敬益重。 原雖在軍歷署,常以病疾,高枕里巷,終不當事,又希會見。 之士向焉。是時海內淸議,云靑州有邴、鄭之學。魏太祖爲司空,辟原署東閣祭酒。 網所能羅矣。 行永久』。今遣五官掾,奉問榜人舟楫之勞,禍福動靜告慰。 亂階未已,阻兵之雄,若綦弈爭梟。」 三山。 多。問其故,答者謂之神樹。原惡其由已而成侄祀,乃辨之,於是里中遂斂其錢以爲社供。 了誠副饑虛之心。」謁訖而出,軍中士大夫詣原者數百人。 太祖怪而問之,時荷文若在坐,對曰:「獨可省問 時鄭玄博學洽聞,註解典籍,故儒雅之士集焉。 孔融書曰:「隨會在秦、賈季在翟,諮仰靡所,歎息增懷。頃知來至,近在三山。 太祖 太祖微使人從容問之,原曰:「吾聞國危不事冢宰,君去不奉世子, 又吾自遣之,勿復求也。」 遂冤危難。 雖云利賢,能不恧恧!」 原亦自以高遠清白,頤志澹泊,口無擇言,身無擇行,故英偉 自反國土,原於是講述禮樂,吟咏詩書,門徒數百,服道數 太子燕會,衆賓百數十人,太子建議 此典制也。」 太祖北伐三郡單于,還住昌 時原在坐,不與此論。 詩不云乎,『來歸自鎬,我 於是乃轉五官長史, 後原欲歸鄉里,止於 原於是遂復反 自非公事 聞張子頗 河内張 太子 邴

魏

諮之于原,原悖然對曰:「父也。」太子亦不復難之。

是後大鴻臚鉅鹿張泰、河南尹扶風廳迪以淸賢稱,「一永寧太僕東郡張閣以簡質聞。」

- [一] 荀綽冀州記曰:鉅鹿張貔,字邵虎。祖父泰,字伯陽,有名於魏。父邈,字叔遼,遼東太守。著名自然好學論, 嵇康集。爲人弘深有遠識,恢恢然,使求之者莫之能測也。宦歷二(官)[宮],元康初爲城陽太守,未行而卒。 在
- (三)杜恕著家戒稱閣曰:「張子臺,視之似鄙樸人,然其心中不知天地閒何者爲美,何者爲好,敦然似如與陰陽合德 者。作人如此,自可不富貴,然而患禍當何從而來?世有高亮如子臺者,皆多力慕,體之不如也。」

寧,度子康絕命不宣。 度,乃廬於山谷。時避難者多居郡南,而寧居北,示無遷志,後漸來從之。太祖爲司空,辟 財以送終。長八尺,美須眉。與平原華歆、同縣邴原相友,俱游學於異國,並敬善陳仲弓。 天下大亂,聞公孫度令行於海外,遂與原及平原王烈等至于遼東。度虛館以候之。既往見 管寧字幼安,北海朱盧人也。〔〕年十六喪父,中表愍其孤貧,咸共贈賵,悉辭不受,稱

- [一] 傳子曰:齊相管仲之後也。昔田氏有齊而管氏去之,或適魯,或適楚。漢興有管少卿爲惠令,始家朱虛, 而生寧。
- (三) 傅子曰:寧往見度,語惟經典,不及世事。還乃因山爲廬,鑿坏爲室。 **遂講詩、書,陳俎豆,飾威儀,明禮讓,非學者無見也。 由是度安其賢,民化其德。 邴原性剛直,淸議以格物,度已** 越海避難者,皆來就之而居,旬月而成邑。

下心不安之。寧謂原曰:「潛龍以不見成德,言非其時,皆招禍之道也。」密遣令西還。度庶子康代居郡,外以將

軍太守爲號,而內實有王心,卑已崇禮,欲官寧以自鎭輔,而終莫敢發言,其敬憚如此

牛主。牛主得牛,大慚,若犯嚴刑。是以左右無鬬訟之聲,禮讓移于海表。 不使 皇甫謐高辻傳曰:寧所居屯落,會井汲者,或男女雜錯,或爭井鬭閱。寧患之,乃多買器,分置井傍,汲以待之,又 來者得而怪之,問知寧所爲,乃各相貴,不復鬭訟。鄰有牛暴寧田者,寧爲牽牛着涼處,自爲飲食,過於

王烈者,字彥方,於時名聞在原、寧之右。 辭公孫度長史,商賈自穢。太祖命爲丞相掾,

## 徵事,未至,卒於海表。[1]

先賢行狀曰:烈通識達道,秉義不回。以潁川陳太丘爲師,二子爲友。時潁川荀慈明、賈偉節、李元禮、韓元長皆 欲置而去,懼後人得之,劍主於是永失,欲取而購募,或恐差錯,遂守之。至暮,劍主還見之,前者代擔人也。老 問:「此人旣爲盜,畏君聞之,反與之布,何也?」烈曰:「昔秦穆公,人盜其駿馬食之,乃賜之酒。盗者不愛其死, 盗者曰:「我邂逅迷惑,從今已後將爲改過。子既已赦宥,幸無使王烈聞之。」人有以告烈者,烈以布一端遺之。或 器。門人出入,容止可觀,時在市井,行步有異,人皆別之。州閻成風,咸競爲善。時國中有盜牛者,牛主得之。 年。遇歲饑饉,路有餓殍,烈乃分釜庾之儲,以救邑里之命。是以宗族稱孝,鄕黨歸仁。以典籍娛心,育人爲務, 就陳君學,見烈器業過人,歎服所履,亦與相親。由是英名著於海內。道成德立,還歸舊廬,遂遭父喪,泣淚三 行路老父擔重,人代擔行數十里,欲至家,置而去,問姓名,不以告。頃之,老父復行,失劍於路。 以救穆公之難。 **遂建學校,敦崇庠序。其誘人也,皆不因其性氣,酶之以道,使之從善遠惡。** 今此盜人能悔其過,懼吾聞之,是知恥惡。 知恥惡,則善心將生,故與布勸爲善也。」 閒年之中, 益者不自覺,而大化隆行,皆成寶 有人行而遇之,

魏

作亂,避地遼東,躬秉農器,編於四民,布衣蔬食,不改其樂。東域之人,奉之若君。時衰世弊,識眞者少,朋黨之 乃語之而去。 |虞賓以和:人能有感,乃至於斯也!」 遂使國人表其閭而異之。 時人或訟曲直,將質於烈,或至塗而反, 或望廬 父學其袂,問曰:「子前者代吾擔,不得姓名,今子復守吾劍于路,未有若子之仁,請子告吾姓名,吾將以告王烈。」 市不二價。太祖累徵召,遼東爲解而不遣。以建安二十三年寢疾,年七十八而終。 人,互相讒謗。 自避世在東國者,多爲人所害,烈居之歷年,未嘗有患。 使遼東强不凌弱,衆不暴寡, 商賈之人, 而 還,皆相推以直,不敢使烈聞之。時國主皆親驂乘適烈私館,疇諮政令。察孝廉,三府並辟,皆不就。會董卓 老父以告烈,烈曰:「世有仁人,吾未之見。」遂使人推之,乃昔時盜牛人也。烈歎曰:「韶樂九成,

受。[三]明帝卽位,太尉華歆遜位讓寧,[三]遂下詔曰:「太中大夫管寧,耽懷道德,服膺六藝, 康、恭前後所資遺,皆受而藏諸。旣已西渡,盡封還之。〔〕詔以寧爲太中大夫,固辭不 清虛足以侔古,廉白可以當世。曩遭王道衰缺,浮海遁居,大魏受命,則強負而至,斯蓋應 龍潛升之道,聖賢用舍之義。而黃初以來,徵命屢下,每輒辭疾,拒違不至。豈朝廷之政, 倫,君臣之道,不可廢也。望必速至,稱朕意焉。」又詔靑州刺史曰:「寧抱道懷貞,潛翳海 穆之賢,猶思詢乎黃髮。況朕寡德,曷能不願聞道于子大夫哉!今以寧爲光祿勳。 與生殊趣,將安樂山林,往而不能反乎!夫以姬公之聖,而者德不降,則鳴鳥弗聞。回以秦 文帝即位,徵寧,遂將家屬浮海還郡,公孫恭送之南郊,加贈服物。自寧之東也,度、 中國少安,客人皆還,唯寧晏然若將終焉。 黃初四年,詔公卿舉獨行君子,司徒華歆薦

隅,比下徵書,違命不至,盤桓利居,高尙其事。 潤 寧稱草莽臣上疏曰:「臣海濱孤微,罷農無伍,祿運幸厚。 **朕虚心引領歷年,其何謂邪?徒欲懷安,必肆其志,不惟古人亦有翻然改節以隆斯民乎!** 倒 溢 骸骨塡于衢路。」自黃初至于青龍 損,不任扶輿進路以塞元責。 日 郡 展 更 命別駕從事郡丞掾,奉詔以禮發遣寧詣行在所,給安車、吏從、茵蓐、道上廚食,上道先奏。」 日 有唐。 之節 (賜安車、衣被、茵蓐,以禮發遣,光寵並臻,優命屢至,怔營竦息,悼心失圖 ,精魄飛散,靡所投死。 **;彌以隆赫。** 逝月除,時方已過,燥身浴德,將以曷爲。仲尼有言:『吾非斯人之徒與而誰與哉 愚情,而 功曹以禮發遣,叉特被璽書,以臣爲光祿勳,躬秉勞謙,引喻周、秦,損上益下。 一,夙宵戰怖,無地自厝。 臣元年十一月被公車司馬令所下州郡,八月甲申詔書徵臣 久荷渥澤,積祀一紀,不能仰答陛下恩養之福。 明詔 荷棟梁之任,垂沒之命,獲九棘之位,懼有朱博鼓妖之眚。 奉今年二月被州郡所下三年十二月辛酉詔書,重賜安車、衣服 抑割,不令稍脩章表,是以鬱滯,訖于今日。 臣重自省揆,德非園、綺而蒙安車之榮,功無實融 望慕 閶 闔 **徽命相仍,常以八月賜牛酒。** ,徘徊闕庭,謹拜章陳情,乞蒙哀省,抑恩聽放,無**令** 雖有素履幽人之貞,而失考父茲恭之義,使 沈委篤痾,寢疾彌留,逋違臣隸顕 横蒙陛下纂承洪緒,德侔三皇,化 誠謂乾覆,恩有紀極,不意 韶書問青州刺史程喜: 叉年疾! 而蒙壓封之籠, 思自 日侵,有加無 ,別駕從事與 陳聞,申 受詔之 点其 靈

園圃。」 消息。貢說:『寧常著阜帽、布襦袴、布裙,隨時單複,出入閨庭,能自任杖,不須扶持。 行所欲必全,不爲守高。」(Ħ) 喪母,不識形象,常特加觴,泫然流涕。又居宅離水七八十步,夏時詣水中澡灑手足,闚於 祠祭,輒自力强,改加衣服,著絮巾,故在邃東所有白布單衣,親薦饌饋,跪拜成禮。 寧少而 「寧爲守節高乎,審老疾尩頓邪?」喜上言:「寧有族人管貢爲州吏,與寧鄰比,臣常使經營 臣揆寧前後辭讓之意,獨自以生長潛逸,耆艾智衰,是以棲遲,每執謙退。此寧志 四時

- (一) 傅子曰:是時康又已死,嫡子不立而立弟恭,恭懦弱,而康孽子淵有雋才。寧曰:「廢嫡立庶,下有異心,亂之所由 皇甫謐曰:「積善之應也。」 帝使相國宣文侯征滅之。遼東之死者以萬計,如寧所籌。寧之歸也,海中遇暴風,船皆沒,唯寧乘船自若。 起也。」乃將家屬乘海卽受徵。寧在遼東,積三十七年乃歸,其後淵果襲奪恭位,叛國家而南連吳,僣號稱王,明 風 、晦冥,船人盡惑,莫知所泊。望見有火光,輒趣之,得島。 島無居人,又無火燼,行人咸異焉,以爲神光之祐也。
- (三) 傳子曰:寧上書天子,且以疾辭,曰:「臣聞傅說發夢,以感殷宗,呂倘啓兆,以動周文,以通神之才悟於聖主,用能 願,使一老者得盡微命。」 匡佐帝業,克成大勳。 臣之器朽,實非其人。 雖貪淸時,釋體蟬蛻。 內省頑病,日薄西山。 唯陛下聽野人山藪之 書奏,帝親覽焉
- (漢子曰:司空陳羣又薦寧曰:「臣聞王者顯善以消惡,故湯舉伊尹,不仁者遠。伏見徵士北海管寧, 任人師,清儉足以激濁,貞正足以矯時。前雖徵命,禮未優備。昔司空荷爽,家拜光祿,先儒鄭玄,即授司農,若 行爲世表,

加備禮,庶必可致。至延西序,坐而論道,必能昭明古今,有益大化。」

〔四〕倘書君奭曰:「耇造德不降,我則鳴鳥不聞,矧曰其有能格。」鄭玄曰:「耇,老也。造,成也。爲云:『小子有造。』 老成德之人,不降志與我並在位,則鳴鳥之聲不得聞,況乃曰有能德格於天者乎!言必無也。 鳴鳥謂鳳也。」

[五] 高士傳曰:管寧自越海及歸、常坐一木榻、積五十餘年、未嘗箕股、其榻上當膝處皆穿。

正始二年,太僕陶丘一、永寧衞尉孟觀、侍中孫邕、中書侍郎王基薦寧曰:

光祿勳。 懷,包道德之機要。中平之際,黃巾陸梁,華夏傾蕩,王綱弛頓。遂避時難,乘桴越海, 淵清,玄虛澹泊,與道逍遙;娛心黃老,游志六藝,升堂入室,究其關奧,韜古今於胸 爲佐,漢帝用康。伏見太中大夫管寧,應二儀之中和,總九德之純懿,含章素質,冰絜 息窮巷,飯鬻餬口,并日而食,吟詠詩書,不改其樂。困而能通,遭難必濟,經危蹈險, 翼遐裔,翻然來翔。 行遇屯厄,遭罹疾病,即拜太中大夫。 烈祖明皇帝嘉美其德,登爲 羈旅遼東三十餘年。在乾之姤,匿景藏光,嘉遁養浩,韜韞儒墨,潛化傍流,暢于殊俗。 不易其節,金聲玉色,久而彌彰。 黃初四年,高祖文皇帝疇諮羣公,思求雋义,故司徒華歆舉寧應選,公車特徵,振 臣聞龍鳳隱耀,應德而臻,明哲潛遁,俟時而動。是以鸞鸞鳴岐,周道隆興,四皓 寧疾彌留,未能進道。今寧舊疾已瘳,行年八十,志無衰倦。環堵篳門,偃 揆其終始,殆天所祚,當贊大魏,輔亮雍熙。袞職有

著,而久棲遲,未時引致,非所以奉遵明訓,繼成前志也。 陛下踐阼,纂承洪緒。 日躋,超越周成。每發德音,動諮師傅。若繼二祖招賢故典,賓禮儁邁,以廣緝熙,濟 昔高宗刻象,營求賢哲,周文啓龜,以**卜良佐。**況寧前朝所表,名德已 聖敬

濟之化,侔于前代。

敍,必有可觀,光益大化。若寧固執匪石,守志箕山,追迹洪崖,參蹤巢、許 斯亦聖朝同 黨、樊英之儔,測其淵源,覽其淸濁,未有厲俗獨行若寧者也。誠宜束帛加璧,備禮徵 符唐、虞,優賢揚歷,垂聲千載。〔〕雖出處殊塗,俯仰異體,至於興治美俗,其揆一也。 聘,仍授几杖,延登東序,敷陳墳素,坐而論道,上正璇璣,協和皇極,下阜羣生,彝倫攸 寧淸高恬泊,擬跡前軌,德行卓絕,海內無偶。歷觀前世玉帛所命,申公、枚乘、周

(一) 今文尚書曰「優賢揚歷」,謂揚其所歷試。 左思魏都賦曰「傻賢著于揚歷」也。

初,寧妻先卒,知故勸更娶,寧曰:「每省曾子、王駿之言,意常嘉之,豈自遭之而遠本心 於是特具安車蒲輪,東帛加璧聘焉。會寧卒,時年八十四。拜子邈郎中,後爲博士。

哉?」[]

(1) 傳子曰:寧以衰亂之時,世多妄變氏族者,違聖人之制,非禮命姓之意,故著氏姓論以原本世系,文多不載。 居姻親、知舊、鄰里有困窮者,家儲雖不盈擔石,必分以贍救之。與人子言,敎以孝;與入弟言,訓以悌;言及人 每所

平太守王肅至官,敎下縣曰:「前在京都,聞張子明,來至問之,會其已亡,致痛惜之。 此君 陽鳥,而巢門陰,此凶群也。」乃援琴歌詠,作詩二篇,旬日而卒,時年一百五歲。是歲,廣 石,當今之變異而將來之禎瑞也。」正始元年,戴鵀之鳥,巢銌門陰。」銌告門人曰:「夫戴鵀 以知來,不追已往,禎祥先見而後廢興從之。漢已久亡,魏已得之,何所追興徵祥乎!此 蒙,實有魏之禎命,東序之世寶。」「己事頒天下。任令于綽連齎以問蕗,蕗密謂綽曰:「夫神 質素章,麟鳳龍馬,煥炳成形,文字告命,粲然著明。太史令高堂隆上言:古皇聖帝所未嘗 四年辛亥詔書、「張掖郡玄川溢涌,激波奮蕩,實石負圖,狀像靈龜,宅于川西,嶷然磐峙,倉 百人,遷居任縣。 里。袁紹前後辟命,不應,移居上黨。幷州牧高幹表除樂平令,不就,徙遁常山,門徒且數 篤學隱居,不與時競,以道樂身。 昔絳縣老人屈在泥塗,趙孟升之,諸侯用睦。 不事天子,下不友諸侯者也。此豈版謁所可光飾哉!」但遣主簿奉書致羊酒之禮。靑龍 發遣,老病不行。 時鉅鹿張蕗,字子明,潁川胡昭,字孔明,亦養志不仕。 藓少游太學,學兼內外,後歸鄉 太祖爲丞相,辟,不詣。太和中,詔求隱學之士能消災復異者,郡累上臶, 廣平太守盧毓到官三日,綱紀白承前致版謁臶。毓教曰:「張先生所謂上 愍其耄勤好

魏

道,而 不蒙榮寵,書到,遣吏勞問其家,顯題門戶,務加殊異,以慰旣往,以勸將來。」

部落。」一川賴昭,咸無怵惕。天下安輯,徙宅宜陽。〔三正始中,驃騎將軍趙儼、尚書黃休、 作爲叛亂,縣邑殘破。固率將十餘吏卒,依昭住止,招集遺民,安復祉稷。狼等遂南附關 年八十九。拜子纂郎中。初,昭善史書,與鍾繇、邯鄲淳、衞覬、韋誕並有名,尺牘之迹,動 郭彝、散騎常侍荀顗、鍾毓、太僕庾嶷、〔三〕弘農太守何楨等〔四〕遞薦昭曰:「天眞高絜,老而 渾長張固被書調丁夫,當給漢中。 不相屈。」昭乃轉居陸渾山中,躬耕樂道,以經籍自娛。閭里敬而愛之。〔己建安二十三年,陸 旣至,自陳一介野生,無軍國之用,歸誠求去。太祖曰:「人各有志,出處異趣,勉卒雅尙,義 (二) 尚書顧命篇曰:「大玉、夷玉、天球、河圖在東序。」注曰:「河圖,圖出於河,帝王聖者之所受。」 羽授印給兵,還爲寇賊,到陸渾南長樂亭,自相約誓,言:「胡居士賢者也,一不得犯其 胡昭始避地冀州,亦辭袁紹之命,遁還鄕里。太祖爲司空丞相,頻加禮辟。 玄虛靜素,有夷、皓之節。 宜蒙徵命,以勵風俗。」(至)至嘉平二年,公車特徵,會卒, 百姓惡憚遠役,並懷擾擾。民孫狼等因興兵殺縣主簿, 昭往應命,

(一) 高士傳曰:初,晉宣帝爲布衣時,與昭有舊。 昭泣與結誠,生感其義,乃止。 昭因與斫棗樹共盟而別。 同郡周生等謀害帝,昭聞而步陟險,邀生于崤、澠之間, 昭雖有陰德於帝,口終不言,人莫知之。信行著於 止生, |生不

鄕黨。 故其所居部落中,三百里無相侵暴者。 建安十六年,百姓聞馬超叛,避兵入山者千餘家,飢乏,漸相劫略,昭常遜辭以解之,是以寇難消息,衆咸

- 高士傳曰:幽州刺史杜恕嘗過昭所居草廬之中,言事論理,辭意謙敬,恕甚重焉。太尉蔣濟辟,不就。
- 3 案庾氏譜:與字劭然,潁川人。子[豫字玄默,晉尚書、陽翟子。 與弟遁,字德先,太中大夫。 遁胤嗣克昌, 門。侍中峻、河南尹純,皆遁之子,豫州牧長史顗,遁之孫,太尉文康公亮、司空冰皆遁之曾孫,貴達至今。 爲世盛
- 文士傳曰:植字元幹,廬江人,有文學器幹,容貌甚偉。 軍;勗,車騎將軍;惲,豫州刺史;其餘多至大官。 自後累世昌阜,司空文穆公充,惲之孫也,貴達至今。 歷幽州刺史、廷尉,入晉爲尚書光祿大夫。 植子龕, 後將
- [H] 高士傳曰:朝廷以戎車未息,徵命之事,且須後之,昭以故不卽徵。後顗、休復與庾嶷鷹昭,有詔訪於本州評議。 侍中章誕駁曰:「禮賢徵士,王政之所重也,古者考行於鄉。 上,忠臣之所不行也。昭宿德耆艾,遺逸山林,誠宜嘉異。」 今躓等位皆常伯納言,凝爲卿佐,足以取信。 乃從誕議也。 附下罔
- 〔六〕姨子曰:胡徵君恰恰無不愛也,雖僕隸,必加禮焉。外同乎俗,內秉純絜,心非其好,王公不能屈, 年八十而不倦 於書籍者,吾於胡徵君見之矣。

徑,必循阡陌;及其捃拾,不取大穗;飢不苟食,寒不苟衣,結草以爲裳,科頭徒跣。每出,見婦人則隱翳,須去乃 **廢人耳!」遂注其籍。** 先失家屬,獨竄於河渚間,食草飲水,無衣履。 小,有母,先與相扶接,避白波,東客揚州取婦。 時有隱者焦先,河東人也。 給廩,日五升。後有疫病,人多死者,縣常使埋藏, 魏略曰:先字孝然。 時大陽長朱南望見之,謂爲亡士, 中平末,白波賊起。時先年二十餘,與同郡侯武陽相隨。 建安初來西還,武陽詣大陽占戶,先留陝界。 **童兒豎子皆輕易之。** 欲遣船 捕 取 至十六年,關中亂。 武陽語縣:「此狂 然其行不踐邪 武陽年

魏

**袁張涼國田王邴管傳第十一** 

吳。 欲與語,遂不肯復應。後歲餘病亡,時年八十九矣。 鄭河東董經特嘉異節,與先非故人,密往觀之。 其羧攊邪!」 與卿語,卿不應我,如是,我不中爲卿作君,當去耳!」先乃曰:「寧有是邪?」遂不復語。其明年, 故過其廬。 肯妄語。太和、靑龍中,嘗持一杖南渡淺河水,輒獨云未可也,由是人頗疑其不狂。 出。自作一瓜牛廬,淨掃其中。營木爲牀,布草蓐其上。至天寒時,搆火以自灸, 飽食而已,不取其直。又出於道中,邂逅與人相遇,輒下道藏匿。 有竊問先:「今討吳何如?」 先不肯應,而謬歌曰:「祝衂祝衂,非魚非肉,更相追逐,本心爲當殺牂羊, 更殺 先見穆再拜。 先熟視而不言。經素知其昔受武陽恩,因復曰:「念武陽不邪?」 先乃曰:「已報之矣。」 經叉復挑 郡人不知其謂。 穆與語,不應;與食,不食。 會諸軍敗,好事者乃推其意,疑牂羊謂吳,殺蹇謂魏,於是後人愈謂之隱者也。 經到,乃奪其白鬚,爲如與之有舊者, 穆謂之曰:「國家使我來爲卿作君,我食卿,卿不肯食,我 或問其故,常言 呻吟獨語。 「草茅之人,與狐兔同羣」。不 至嘉平中,太守賈穆初之官, 謂曰:「阿先闊乎! 飢則出爲人客作? 大發卒將伐 念共避 識

卒。 燒其虛,先因露寢。 守杜恕嘗以衣服迎見,而不與語。司馬景王聞而使安定太守董經因事過視,又不肯語,經以爲大賢。 **亦**有數日不食時。行不由邪徑,目不與女子逆視。 露,不行人間。 常結草爲廬於河之湄,獨止其中。 高<u></u> 演员,世莫知先所出。或言生乎漢末,自陝居大陽,無父母兄弟妻子。見漢室衰,乃自絕不言。及魏受禪, 或問皇甫謐曰:「焦先何人?」曰:「吾不足以知之也。考之於表,可略而言矣。夫世之所常趣者榮昧也,形 或數日一食,欲食則爲人質作,人以衣衣之,乃使限功受直,足得一食輒去,人欲多與,終不肯取, 遭冬雪大至,先袒臥不移,人以爲死,就視如故,不以爲病,人莫能審其意。 度年可百歲餘乃 冬夏恆不着衣,臥不設席,又無草蓐,以身親土,其體垢汚皆如泥漆,五形盡 口未嘗言,雖有驚急,不與人語。遺以食物皆不受。 其後野火 河東太

不能尙也。 釋衣服,離室宅,絕親戚,閉口不言,曠然以天地爲棟宇,闇然合至道之前,出羣形之表,入玄寂之幽,一世之人不 之所不可釋者衣裳也,身之所不可離者室宅也,口之所不能已者言語也,心之不可絕者親戚也。今焦先葉榮味, 慮,離榮愛不以累其心,損視聽不以汙其耳目,舍足於不損之地,居身於獨立之處,延年歷百,壽越期頤,雖上識 常心之所得測量哉!彼行人所不能行,堪人所不能堪,犯寒暑不以傷其性,居曠野不以恐其形,遭驚急不以迫其 足以挂其意,四海之廣不能以回其顧,妙乎與夫三皇之先者同矣。結繩已來,未及其至也,豈羣言之所能髣髴 自義皇已來,一人而已矣!」

好內事,於衆輩中最玄默。至十六年,關中亂,南入漢中。初不治產業,不畜妻孥,常讀老子五千文及諸內書,畫 姓石,字德林,安定人也。建安初,客三輔。是時長安有宿儒樂文博者,門徒數千,德林亦就學,始精詩、書。 魏氏春秋曰:故梁州刺史耿黼以先爲「仙人也」,北地傳玄謂之「性同禽獸」,並爲之傳,而莫能測之。 目 夜吟詠。到二十五年,漢中破,隨衆還長安,遂癡愚不復識人。食不求味,冬夏常衣弊布連結衣。 廩日五升。 思,夜則仰視星宿,吟詠內書。 遭疾疫喪其婦。至黃初元年,又徙詣洛陽,遂不復娶婦。獨居道側,以顣甎爲障,施一廚牀,食宿其中。 之得其術。有婦,無子。建安十六年,三輔巤,又隨正方南入漢中。漢中壞,正方入蜀,累與相失,隨徙民詣鄴 魏略又載扈累及寒貧者。 1如無所 見 常食青葙芫華。年似如五六十者,人或親識之,謂其已百餘歲矣。 五升不足食,頗行傭作以裨糧,糧盡復出,人與不取。食不求美,衣弊縕,後一二年病亡。 獨居窮巷小屋,無親里。 累字伯重,京兆人也。 人或問之,閉口不肯言。至嘉平中,年八九十,裁若四五十者。 人與之衣食,不肯取。郡縣以其鰥窮,給廩日五升,食不足,頗行乞,乞不 初平中,山東人有青牛先生者,字正方, 初,累年四十餘,隨正方遊學,人謂 客三輔。 縣官以其孤老,給 體如 曉知星曆、風 寒貧者,本 無所勝 畫日潛 後

魏

衰張

凉國田王邴管傳第十一

先等作圜舍,形如蝸牛蔽,故謂之蝸牛廬。 取多。 騎將軍郭淮以意氣呼之,問其所欲,亦不肯言。淮因與脯糒及衣,不取其衣,取其脯一朐、糒一升而止。 臣松之案魏略云:焦先及楊沛,並作瓜牛廬,止其中。 人問其姓字,又不肯言,故因號之曰寒貧也。或素有與相知者,往存恤之,輒拜跪,由是人謂其不癡。 莊子曰:「有國於蝸之左角者曰觸氏,有國於右角者曰蠻氏,時相與爭 以爲瓜當作蝸;蝸牛,螺蟲之有角者也, 俗或呼爲黃檀。

一而戰,伏尸數萬,逐北旬有五日而後反。」

謂此物也。

次也。 不拔; 張臶、胡昭闔門守靜,不營當世: 評日:袁渙、<br />
邴原、<br />
張範躬履淸蹈,<br />
進退以道,<br />
(1)蓋是貢禹、<br />
兩襲之匹。 張承名行亞範,可謂能弟矣。 田疇抗節,王脩忠貞,足以矯俗;管寧淵雅高尙,確然 故并錄焉。 涼茂 、國淵亦其

(一)臣松之以爲蹈猶履也,「躬履淸蹈」,近非言乎!

## 崔毛徐何邢鮑司馬傳第十二

激,讀論語、韓詩。至年二十九,乃結公孫方等就鄭玄受學。學未朞,徐州黃巾賊攻破北 海,玄與門人到不其山避難。時穀糴縣乏,玄罷謝諸生。琰旣受遣,而寇盜充斥,西道不 通。于是周旋青、徐、兗、豫之郊,東下壽春,南望江、湖。自去家四年乃歸,以琴書自娛。 不如守境述職,以寧區宇。」紹不聽,遂敗于官渡。及紹卒,二子交爭,爭欲得琰。 琰稱疾 文王之仁。」紹以爲騎都尉。後紹治兵黎陽,次于延津, 琰復諫曰:「天子在許,民望助順, 兵不利,雖湯武不能以戰勝。』今道路暴骨,民未見德,宜敕郡縣掩骼埋胔,示憯怛之愛,追 崔琰字季珪,清河東武城人也。少樸訥,好擊劍,尙武事。年二十三,鄕移爲正,始感 大將軍袁紹聞而辟之。時士卒橫暴,掘發丘隴,琰諫曰:「昔孫卿有言:『士不素教,甲

太祖破袁氏,領冀州牧,辟琰爲別駕從事,謂琰曰:「昨案戶籍,可得三十萬衆,故爲大 崔毛徐何邢鮑司馬傳第十二

固辭,由是獲罪,幽于囹圄,賴陰夔、陳琳營救得免。

師仁聲先路,存問風俗,救其塗炭,而校計甲兵,唯此爲先,斯豈鄙州士女所望於明公哉!」 州 也。 琰對曰:「今天下分崩,九州幅裂,二袁兄弟親尋干戈,冀方蒸庶暴骨原野。 未聞王

改容謝之。于時賓客皆伏失色。

唯世子燔翳捐褶,以塞衆望,不令老臣獲罪於天。」世子報曰:「昨奉嘉命,惠示雅數,欲使 滋侈,義聲不聞,哲人君子,俄有色斯之志,熊羆壯士,墮於吞噬之用, 固所以擁徒百萬, 跨 聞盤于游田,書之所戒,魯隱觀魚,春秋譏之,此周、孔之格言,二 燔翳捐褶。 而猥襲虞旅之賤服,忽馳鶩而陵險,志雉兔之小娛,忘社稷之爲重,斯誠有識所以惻 勞慘,世子宜遵大路,愼以行正,思經國之高略,內鑒近戒,外揚遠節,深惟儲副,以身爲寶。 有河 稱不遠,子卯不樂,禮以爲忌,此又近者之得失,不可不深察也。 朔,無所容足也。今邦國殄瘁,惠康未洽,士女企踵,所思者德。 太祖征幷州,留琰傅文帝於鄴。世子仍出田獵,變易服乘,志在驅逐。 翳已壞矣,褶亦去焉。 後有此比,蒙復誨諸。 袁族富彊,公子寬放,盤游 一經之明義。 況公親御戎馬,上下 琰書諫曰:「蓋 殷鑒夏后,詩 心也。

貪夫慕名 太祖爲 時未立太子,臨菑侯植有才而愛。 一而清 丞相,琰復爲東西曹掾屬 ,壯士尙稱而厲,斯可以率時者已。 徴事。 太祖狐疑,以函令密訪於外。 初授東曹時,教曰:「君有伯夷之風,史魚之直 故授東曹,往踐厥職。」 唯琰露板答曰:「蓋聞 魏國 初建,拜尚

**春秋之義,立子以長,加五官將仁孝聰明,宜承正統。** 

太祖貴其公亮,喟然歎息,(三遷中尉。

(二)世語曰:植妻衣鏞,太祖登臺見之,以違制命,還家賜死。

者,太祖怒曰:「諺言『生女耳』,『耳』非佳語。 隸,使人視之,辭色不撓。 耳!時乎時乎,會當有變時。」一談本意譏論者好譴呵而不尋情理也。 述盛德。時人或笑訓希世浮僞,謂琰爲失所舉。琰從訓取表草視之,與訓書曰:「省表,事佳 **鉅鹿楊訓,雖才好不足,而清貞守道,太祖卽禮辟之。後太祖爲魏王,訓發表稱贊功伐,襃** 有所瞋。」遂賜琰死。曰 |琰聲姿高暢,眉目疏朗,鬚長四尺,甚有威重,朝士瞻望,而太祖亦敬憚焉。 (三) 琰嘗薦 太祖令曰:「琰雖見刑,而通賓客,門若市人,對賓客虬鬚直視,若 『會當有變時』,意指不遜。」於是罰琰爲徒 有白琰此書傲世怨謗

- (一) 先賢行狀曰: 琰淸忠高亮,雅識經遠,推方直道,正色於朝。 魏氏初載,委授銓衡,總齊淸議,十有餘年。 才,多所明拔。 朝廷歸高,天下稱平。
- =魏略曰:人得琰書,以寒憤籠,行都道中。 欲殺之。乃使清公大吏往經營琰,敕吏曰:「三日期消息。」 琰不悟,後數日,吏故白琰平安。公忿然曰:「崔琰必 腹誹心謗,乃收付獄,髠刑輸徒。前所白」琰者又復白之云:「琰為徒,虬鬚直視,心似不平。」 時太祖 時有與」發宿不平者,遙見」發名著幘籠,從而視之,遂白之。 亦以爲然,逐 太祖 以爲琰

魏

崔毛徐何邢鮑司馬傳第十二

欲使孤行刀鋸乎!」吏以是教告琰,琰謝吏曰:「我殊不宜,不知公意至此也!」遂自殺。

剛簡能斷,盧淸警明理,百鍊不消,皆公才也。」後林、禮、毓咸至鼎輔。及琰友人公孫方、 及也。」「三朗以爲不然,而琰每秉此論。」琰從弟林,少無名望,雖姻族猶多輕之,而琰常曰: 「此所謂大器晚成者也,終必遠至。」涿郡孫禮、盧毓始入軍府,琰又名之曰:「孫疏亮亢烈, 始琰與司馬朗善,晉宣王方壯,琰謂朗曰:「子之弟,聰哲明允,剛斷英跱,殆非子之所

(一)臣松之案:「跱」或作「特」,竊謂「英特」爲是也。

宋階早卒,琰撫其遺孤,恩若己子。其鑒識篤義,類皆如此。〔三〕

[三]魏略曰:明帝時,崔林嘗與司空陳羣共論冀州人士,稱琰爲首。羣以「智不存身」貶之。林曰:「大丈夫爲有邂逅 耳,卽如卿諸人,良足貴乎!」

初,太祖性忌,有所不堪者,魯國孔融、〔〕南陽許攸、〔三〕婁圭,皆以恃舊不虔見誅。〔三〕

## 而琰最爲世所痛惜,至今冤之。〔8〕

(二) 融字文舉。 德比義而相師友,則融與君累世通家也。」衆坐奇之,愈曰:「異童子也。」太中大夫陳燒後至,同坐以告燒,燒 曰:「人小時了了者,大亦未必奇也。」融答曰:「卽如所言,君之幼時,豈實慧乎!」 膺大笑,顧謂曰:「高明長大, 「我,李君通家子孫也。」 膺見融,問曰:「高明父祖,嘗與僕周旋乎?」 融曰:「然。先君孔子與君先人李老君,同 **膺有重名,敕門下簡通賓客,非當世英賢及通家子孫弗見也。** 續漢書曰"融,孔子二十世孫也。 高祖父尚、鉅鹿太守。父宙,太山都尉。融幼有異才。 融年十餘歲,欲觀其爲人,遂造膺門, 時河南尹李 語門者曰:

境,棄郡 融相拒,兩翼徑涉水,直到所治城。 賢要功,自於海岱結殖根本,不肯碌碌如平居郡守,事方伯、赴期會而已。然其所任用,好奇取異,皆輕剽之才。 罪我之由,非弟之過,我當坐之。」兄弟爭死,郡縣疑不能決,乃上讞,詔書令逐坐焉。 泄 出 必爲偉器。」山陽張儉,以中正爲中常侍侯覽所忿疾,覽爲刊章下州郡捕儉。 幽州,幽州軍敗,悉有其衆。 吏,猾亂朝 辭氣溫雅,可玩而誦。 至于稽古之士,謬爲恭敬,禮之雖備,不與論國事也。 遷 陶丘洪、陳留邊讓,並以俊秀,爲後進冠蓋。 司 年,劉備表融領靑州刺史。 死亡者,皆爲棺木而殯葬之。 以彭璆爲方正,邴原爲有道,王脩爲孝廉。 北軍中候、虎賁中郎將、北海相,時年三十八。承黃巾殘破之後,修復城邑,崇學校,設庠序,舉賢才,顯儒士。 馬彪九州春秋曰:融在北海,自以智能優贍,溢才命世,當時豪俊皆不能及。 ,時融年十六,儉以其少不告也。 相以下密就掩捕,儉得脫走,登時收融及愈送獄。 而去。 市,亦不能治。 後徙徐州,以北海相自還領靑州刺史,治郡北陲。 論事考實,難可悉行。 幽州精兵亂,至徐州,卒到城下,舉國皆恐。 建安元年,徵還爲將作大匠,遷少府。 無幾時,還復叛亡。 郡人甄子然孝行知名, 城潰,融不得入,轉至南縣,左右稍叛。連年傾覆,事無所濟,遂不能 融知儉長者,有窘迫色, 告高密縣爲鄭玄特立一鄉,名爲鄭公鄉。 融持論經理不及讓等,而逸才宏博過之。 但能張磔網羅,其自理甚疏。 **黄巾將至,融大飲醇酒,躬自上馬,禦之淶水之上。** 早卒,融恨不及之,乃令配食縣社。 高密鄭玄,稱之鄭公,執子孫禮。 融曰:「保納藏舍者融也、融當坐之。」 謂曰:「吾獨不能爲君主邪!」 欲附山東,外接遼東,得戎馬之利,建樹根本, 每朝會訪對,輒爲議主,諸卿大夫寄名 融直出說之,令無異志。 租賦少稽,一 儉與融兄麼有舊, 亡投髮。 亦自許大志,且欲舉軍曜甲,與羣 又國人無後,及四方游士有 司徒大將軍辟舉高第, 融由是名震遠近, 及高談敎令, 朝殺五部督郵。 其禮賢如此。 因留含藏之。 褒曰:「彼來求我 遂與別 寇令上部與 盈溢官曹, 校謀夜覆 而 姦民汚 在那六 與平原 保鄣四 已 累

魏

遜棄去。 腹 室家爲譚所虜。 孤 立 左丞祖 隅,不與共也。 遂爲<br />
袁譚所攻,自春至夏,城小寇衆,流矢雨集。 然<br />
融憑几安坐,讀書論議自若。 、劉義遜淸雋之士,備在坐席而已,言此民望,不可失也。 于時曹、袁、公孫共相首尾,戰士不滿數百,穀不至萬斛。 丞祖 勸融自託殭國, 王子法、劉孔慈凶 城壞衆亡,身奔山東, 融 不 聽而殺之。 辯 小 才, 信 義 爲

者 以色亡國,今令不禁婚姻也。」太祖外雖寬容,而內不能平。御史大夫都慮知旨,以法冤融官。歲餘,拜太中大夫。 旭 張璠漢紀曰 雖居家失勢,而賓客日滿其門,愛才樂酒,常歎曰:「坐上客常滿, 上書言其義。 刷 制酒禁,而融書啁之曰:「天有酒旗之星,地列酒泉之郡,人有旨酒之德,故堯不飲千鍾, 每酒酣,輒引與同坐,曰:「雖無老成人,倘有典刑。」 :融在郡八年,僅以身免。 是時天下草創,曹、袁之權未分 帝初都許,融以爲宜略依舊制 ,關所建明,不識時務。 其好士如此 樽中酒不空, ,定王畿,正司隸所部爲千里之封,乃引公卿 叉天性氣爽,頗推平生之意 吾無憂矣。」虎賁士有貌似蔡邕 無以成其聖。 ,狎侮太祖。 月 無 対 太

便當褰衣而 以明公聰明仁智,輔相漢朝,舉直措枉,致之雍熙耳。 經漢書曰:太尉楊彪與袁術婚姻,術僭號,太祖與彪有隙,因是執彪,將殺焉。 曰:「國家之意也。」。融曰:「假使成王欲殺召公,則周公可得言不知邪?今天下纓緌搢紳之士所以瞻仰明公者, 一<br />
楊公累世淸德,四葉重光,周書『父子兄弟,罪不相及』,況以袁氏之罪乎。<br />
易稱『積善餘慶』,但欺人耳。」 去,不復朝矣。」 太祖意解,遂理出彪 今橫殺無辜,則海內觀聽,誰不解體?孔融魯國男子,明日 融聞之, 不及朝服, 往見太祖曰: 太祖

之,對曰:「以今度之,想其當然耳!」 魏氏春秋 :袁紹之敗也 ,融與太祖 書曰:「武王伐紂,以妲己賜周公。」 十三年,融對孫權使,有訓謗之言,坐棄市。 太祖 以融學博, 二子年八歲,時方弈棋,融 謂書傳所紀。 後見, 問 被

諸軍將校掾屬,皆使聞見。」 中,又言若遭饑饉,而父不肖,寧贍活餘人。一融違天反道,敗倫亂理,雖肆市朝,猶恨其晚。 豔,好作變異,眩其誑詐,不復察其亂俗也。 收 才 ,世多哀之。 ,端坐不起。 太祖懼遠近之議也,乃令曰:「太中大夫孔融既伏其罪矣,然世人多採其虛名,少於核實 左右曰:「而父見執,不起何也?」二子曰:「安有巢毀而卵不破者乎!」遂俱見殺。 此州人說平原爾衡受傳融論,以爲父母與人無親,譬若飯器 更以此事列上, 融有高名清 ,寄盛其 見融 浮 宣示

**世語** 曰:融二子,皆齠剷。 融見收,顧謂二子曰:「何以不辭?」二子俱曰:「父尙如此,復何所辭!」以爲必俱死

也。

命,言不忘父,不以已身將死而廢念父之情也。父安猶尙若茲,而況於顯沛哉?」盛以此爲美談,無乃賊夫人之子 達,卓然旣遠,則其憂樂之情,宜其有過成人,安有見父收執而曾無變容, 弈棊不起, 若在暇豫者乎?昔中生就 與!蓋由好奇情多,而不知言之傷理。 臣 松之以爲世語云融二子不辭,知必俱死,猶差可安。 如孫盛之言,誠所未譬。八歲小兒,能玄了禍 福 聰明特

- (三)魏略曰:攸字子遠,少與袁紹及太祖善。 也。」然內嫌之。其後從行出鄴東門,顧謂左右曰:「此家非得我,則不得出入此門也。」人有白者,遂見收之。 勞,時與太祖相戲,每在席,不自限齊,至呼太祖小字,曰:「某甲,卿不得我,不得冀州也。」太祖笑曰:「汝言是 在紹傳。紹自以殭盛,必欲極其兵勢。 他知不可為謀,乃亡詣太祖。 初平中隨紹在冀州,嘗在坐席言議。 紹破走,及後得冀州,攸有功焉 官渡之役,諫紹勿與太祖 |他自恃勳 相 近次,語
- 2 言議。 魏略曰: 婁圭字子伯, 少與太祖有舊。 及河北平定,隨在冀州。 其後太祖從諸子出游、子伯時亦隨從。 子伯顧謂左右曰:「此家父子, 初平中在荆州北界合衆,後詣太祖。太祖以爲大將,不使典兵,常在坐席 如今日為

魏

樂也。」人有白者,太祖以爲有腹誹意,遂收治之。

問子伯。子伯曰:「天下擾攘,各貧王命以自重,今以節來,是必至誠。」曹公曰:「大善。」遂進兵。 籠秩子伯,家 吳書曰:子伯少有猛志,嘗歎息曰:「男兒居世,會當得數萬兵千匹騎著後耳!」 儕輩笑之。後坐藏亡命,被繫當 也。」後與南郡習授同載,見曹公出,授曰:「父子如此,何其快耶!」子伯曰:「居世間,當自爲之,而但觀他人 累千金,曰:「樓子伯富樂于孤,但勢不如孤耳!」從破馬超等,子伯功為多。曹公常歎曰:「子伯之計,孤不及 依。後歸曹公,遂爲所用,軍國大計常與焉。劉表亡,曹公向荆州。表子琮降,以節迎曹公,諸將皆疑詐,曹公以 死,得踰獄出,捕者追之急,子伯乃變衣服如助捕者,吏不能覺,遂以得免。會天下義兵起,子伯亦合衆與劉表相

乎!」授乃白之,遂見誅。

衆毛之助,則飛不遠矣。」以此推之,大魏之作,雖有功臣,亦未必非茲輩胥附之由也 魚緣曰:古人有言曰:「得鳥者,羅之一目也,然張一目之羅,終不得鳥矣。 鳥能遠飛,遠飛者,六翮之力也,然無

(四)世語曰:琰兄孫諒,字士文,以簡素稱,仕賢爲尚書大鴻臚。 荷綽冀州記云諒卽琰之孫也

皆無經遠之慮,未有樹基建本者也。夫兵義者勝,守位以財,宜奉天子以令不臣,脩耕植, 業,饑饉流亡,公家無經歲之儲,百姓無安固之志,難以持久。今袁紹、劉表,雖士民衆彊 明,遂往魯陽。太祖臨兗州,辟爲治中從事。|玠語|太祖曰:「今天下分崩,國主遷移,生民廢 毛玠字孝先,陳留平丘人也。少爲縣吏,以清公稱。將避亂荆州,未至,聞劉表政令不

畜軍資,如此則霸王之業可成也。」太祖敬納其言,轉幕府功曹。

密諫曰:「近者袁紹以嫡庶不分,覆宗滅國。廢立大事,非所宜聞。」後羣僚會,玠起更衣, 所餘。 盛名而行不由本者,終莫得進。務以儉率人,由是天下之士莫不以廉節自勵,雖貴籠之臣, 爲次,宜省東曹。」太祖知其情,令曰:「日出於東,月盛於東,凡人言方,亦復先東,何以省 自詣玠,屬所親眷。 輿服不敢過度。 太祖目指曰:「此古所謂國之司直,我之周昌也。」 之風,故賜君古人之服。」所居顯位,常布衣蔬食,撫育孤兄子甚篤,賞賜以振施貧族,家無 東曹?」遂省西曹。初,太祖平柳城;班所獲器物,特以素屛風素馮几賜玠,曰:「君有古人 大軍還鄴,議所幷省。 太祖爲司空丞相,玠嘗爲東曹掾,與崔琰並典選舉。 遷右軍師。 太祖歎曰:「用人如此,使天下人自治,吾復何爲哉!」文帝爲五官將,親 魏國初建,爲尙書僕射,復典選舉。〔1〕時太子未定,而臨菑侯植有籠,玠 玠答曰:「老臣以能守職,幸得免戾,今所說人非遷次,是以不敢奉命。」 · 玠請謁不行,時人憚之,咸欲省東曹。 乃共白曰:「舊西曹爲上,東曹 其所舉用,皆清正之士,雖於時有

先賢行狀曰:所雅亮公正,在官淸恪。其典選舉,拔貞實,斥華僞,進遜行,抑阿黨。諸宰官治民功績不著而私 朝服徒行。 財豐足者,皆免黜停廢,久不選用。于時四海翕然,莫不勵行。至乃長吏還者,垢面羸衣,常乘柴車。軍吏入府, 人擬壺飧之絜,家象濯纓之操,貴者無穢欲之累,賤者絕姦貨之求,吏絜于上,俗移乎下,民到于今稱

魏

禁于利,勢能害之。青蠅橫生,爲臣作謗,謗臣之人,勢不在他。昔王叔、陳生爭正王廷, 職在機近,人事所竄。屬臣以私,無勢不絕,語臣以寃,無細不理。 人情淫利,爲法所禁, 法 致誅於東市;伍員絕命於吳都:斯數子者,或妒其前,或害其後。臣垂齠執簡,累勤取官, 狀對。」玠曰:「臣閗蕭生縊死,因於石顯;賈子放外,讒在絳、灌;白起賜劍於杜郵;晃錯 見,對之歎言?時以語誰?見答云何?以何日月?於何處所?事已發露,不得隱欺,具以 聲,上聞聖聽。所之吐言,勢不獨語,時見黥面,凡爲幾人?黥面奴婢,所識知邪?何緣得 霖,何以反旱?成湯聖世,野無生草,周宣令主,旱魃爲虐。 亢旱以來,積三十年,歸咎黥 典謀,急恆寒若,舒恆燠若,寬則亢陽,所以爲旱。 玠之吐言,以爲寬邪,以爲急也?急當陰 猶有黥面供官,一以寬良民之命,二以宥幷罪之辜。此何以負於神明之意,而當致旱?案 罪人妻子沒爲奴婢,黥面。漢法所行黥墨之刑,存於古典。今眞奴婢祖先有罪,雖歷百世, 云: 『左不共左,右不共右,予則孥戮女。』 司寇之職,男子入于罪隸,女子入于春棠。 漢律, 不雨者蓋此也」。」太祖大怒,收)好付獄。 面,爲相值不。衞人伐邢,師興而雨,罪惡無徵,何以應天。所譏謗之言,流於下民,不悅之 崔琰旣死,玠內不悅。後有白玠者:「出見黥面反者,其妻子沒爲官奴婢,玠言曰『使天 大理鍾繇詰玠曰:「自古聖帝明王,罪及妻子。書

贈;賜劍之來,比之重賞之惠。謹以狀對。」時桓階、和洽進言救玠。 玠遂舜黜,卒于家。〔〕 說臣此言,必有徵要。乞蒙宣子之辨,而求王叔之對。若臣以曲聞,卽刑之日,方之安駟之 宣子平理,命舉其契,是非有宜,曲直有所,春秋嘉焉,是以書之。臣不言此,無有時、人。

(一)孫盛曰:魏武於是失政刑矣。易稱「明折庶獄」,傳有「舉直措枉」,庶獄明則國無怨民,枉直當則民無不服, 放,二主度量,豈不殊哉 **徵青蠅之浮聲,信浸潤之譖訴,可以允釐四海,惟淸緝熙者也。 昔者漢高獄蕭何,出復相之,玠之一責,永見擯** 

太祖賜棺器錢帛,拜子機郎中。

動。日出爲魏郡太守。太祖征孫權,徙爲留府長史,謂奕曰:「君之忠亮,古人不過也,然微 京,西京稱其威信。轉爲雍州刺史,復還爲東曹屬。丁儀等見籠於時,並害之,而奕終不爲 空,辟爲掾屬,從西征馬超。超破,軍還。時關中新服,未甚安,留奕爲丞相長史,鎭撫西 還顧之憂也。」魏國旣建,爲尙書,復典選舉,遷尙書令。 太嚴。昔西門豹佩韋以自緩,夫能以柔弱制剛彊者,望之於君也。今使君統留事,孤無復 徐奕字季才,東莞人也。 避難江東,孫策禮命之。奕改姓名,微服還本郡。太祖爲司

(二)魏書曰:或謂突曰:「夫以史魚之直、孰與蘧伯玉之智?丁儀方貴重,宜思所以下之。」突曰:「以公明聖,儀豈得 崔毛徐何邢鮑司馬傳第十二

久行其僞乎!且姦以事君者,吾所能禦也,子寧以他規我。」

作子曰:武皇帝,至明也。崔琰、徐奕,一時淸賢,皆以忠信顯於魏朝;丁儀聞之,徐奕失位而崔琰被誅。

奕爲中尉,手令曰:「昔楚有子玉,文公爲之側席而坐;汲黯在朝,淮南爲之折謀。 臣無遏姦防謀者故也。 之司直』,君之謂與!」在職數月,疾篤乞退,拜諫議大夫,卒。〔〕〕 太祖征漢中,魏諷等謀反,中尉楊俊左遷。太祖歎曰:「諷所以敢生亂心,以吾爪牙之 安得如諸葛豐者,使代俊乎!」桓階曰:「徐奕其人也。」太祖乃以 詩稱『邦

(一)魏書曰:文帝每與朝臣會同,未嘗不嗟歎,思奕之爲人。 奕無子,詔以其族子統爲郎,以奉奕後。

爲至于我哉』!」遂遁匿灊山。 也,是以雖恨變而不加害。 陽。夔謂術謀臣李業曰:「昔柳下惠聞伐國之謀而有憂色,曰『吾聞伐國不問仁人,斯言何 **遂爲術所留。久之,術與橋麩俱攻圍蘄陽,蘄陽爲太祖固守。術以變彼郡人,欲脅令說蘄** 兄居,以孝友稱。長八尺三寸,容貌矜嚴。〔三避亂淮南。後袁術至壽春,辟之,夔不應,然 何夔字叔龍,陳郡陽夏人也。曾祖父熙,漢安帝時官至車騎將軍。〔〕夔幼喪父,與母 術知變終不爲己用,乃止。術從兄山陽太守遺母,變從姑

(一) 華嶠漢書曰:熙字孟孫,少有大志,不拘小節。身長八尺五寸,體貌魁梧,善爲容儀。舉孝廉,爲謁者,贊拜殿中,

**晉動左右。** 和帝(佳)[偉]之,歷位司隸校尉、大司農。永初三年,南單于與烏丸俱反,以熙行車騎將軍征之,累

有功。烏丸請降,單于復稱臣如舊。會熙暴疾卒。

 $\equiv$ 魏書曰:漢末閹宦用事,變從父衡爲尚書,有直言,由是在黨中,諸父兄皆禁錮。 |虁歎曰:「天地閉,賢人隱。」故

不應宰司之命。

請服。 況於左右乎!以變觀之,其亂必矣。」太祖曰:「爲國失賢則亡。君不爲術所用;亂,不亦宜 **還**,未被德教,故不知反善。 今兵迫之急,彼恐夷滅,必并力戰。 攻之旣未易拔,雖勝,必傷 承,徒衆三千餘家,爲寇害。 議者欲舉兵攻之。 夔曰:「承等非生而樂亂也,習於亂,不能自 父令。(三)遷長廣太守。郡濱山海,黃巾未平,豪傑多背叛,袁譚就加以官位。 長廣縣人管 乎!」太祖性嚴,掾屬公事,往往加杖;夔常畜毒藥,誓死無辱,是以終不見及。〔〕出爲城 助者信。 **缘屬。時有傳袁術軍亂者,太祖問夔曰:「君以爲信不?」夔對曰:「天之所助者順,人之所** 兵與張遼共討定之。東牟人王營,衆三千餘家,脅昌陽縣爲亂。 吏民。不如徐喩以恩德,使容自悔,可不煩兵而定。」 乃遣郡丞黃珍往,爲陳成敗,承等皆 建安二年,夔將還鄕里,度術必急追,乃閒行得免,明年到本郡。 頃之,太祖辟爲司空 <u>夔遣吏成弘領校尉,長廣縣丞等郊迎奉牛酒,詣郡。</u> 。 術無信順之實,而望天人之助,此不可以得志於天下。 夫失道之主,親戚叛之,而 牟平賊從錢,衆亦數千,夔率郡 變遣吏王欽等,授以計略,

## 使離散之。 旬月皆平定。

- (一) 孫盛曰: 夫君使臣以禮,臣事君以忠,是以上下休嘉,道光化洽。 公府掾屬,古之造士也,必擢時雋,搜揚英逸,得 之所能臣,名器之所羈紲哉!自非此族,委身世塗,否泰榮辱,制之由時,故箕子安於孥戮,柳下夷於三黜,蕭何、 其人則論道之任隆,非其才則覆餗之患至。苟有疵釁,刑黜可也。 周勃亦在縲紲,夫豈不辱,君命故也。 齊之以禮」之謂與!然士之出處,宜度德投趾;可不之節,必審於所蹈。故高尙之徒,抗心於靑雲之表,豈王侯 | 夔知時制,而甘其籠,挾藥要君,以避微恥。詩云「唯此褊心」,何變其有 加其捶扑之罰,肅以小懲之戒,豈「導之以德,
- 三]魏書曰:自劉備叛後,東南多變。太祖以陳羣爲酇令,變爲城父令,諸縣皆用名士以鎭撫之,其後吏民稍定。

焉。放之,可也;宥之,非也。

教者不得不誅,則非觀民設敎隨時之意也。先王辨九服之賦以殊遠近,制三典之刑以平治 姓之心。比及三年,民安其業,然後齊之以法,則無所不至矣。」太祖從其言。徵還,參丞 亂,愚以爲此郡宜依遠域新邦之典,其民間小事,使長吏臨時隨宜,上不背正法,下以順百 齊一大化也。所領六縣,疆域初定,加以饑饉,若一切齊以科禁,恐或有不從教者。有不從 法,乃上言曰:「自喪亂已來,民人失所,今雖小安,然服敎日淺。 所下新科,皆以明罰敕法, 到官數月,諸城悉平。 是時太祖始制新科下州郡,叉收租稅綿絹。夔以郡初立,近以師旅之後,不可卒繩以 海贼郭祖寇暴樂安、濟南界,州郡苦之。太祖以夔前在長廣有威信,拜樂安太守。

焉。夫有陰德者必有陽報,今君疾雖未瘳,神明聽之矣。君其卽安,以順朕意。」薨,諡曰 選太子諸侯官屬。茂卒,以變代茂。每月朔,太傅入見太子,太子正法服而禮焉;他日無 國旣建,拜尙書僕射。〔1〕文帝爲太子,以凉茂爲太傅,變爲少傅;特命二傅與尙書東曹並 以觀朝臣之節,下以塞爭競之源,以督羣下,以率萬民,如是則天下幸甚。」太祖稱善。 可脩保舉故不以實之令,使有司別受其負。在朝之臣,時受敎與曹並選者,各任其責。 之鄉閭,使長幼順敍,無相踰越。顯忠直之賞,明公實之報,則賢不肖之分,居然別矣。 其類,時忘道德。一變聞以賢制爵,則民愼德;以庸制祿,則民興功。以爲自今所用,必先核 其履正如此。然於節儉之世,最爲豪汰。文帝踐阼,封成陽亭侯,邑三百戶。疾病,屢乞遜 會儀。變遷太僕,太子欲與辭,宿戒供,變無往意;乃與書請之,變以國有常制,遂不往。 韶報曰:「蓋禮賢親舊,帝王之常務也。 以親則君有輔弼之勳焉,以賢則君有醇固之茂 入爲丞相東曹掾。夔言於太祖曰:「自軍興以來,制度草創,用人未詳其本,是以各引

魏書曰:時丁儀兄弟方進寵,儀與夔不合。尚書傅巽謂夔曰:「儀不相好已甚,子友毛玠,玠等儀已害之矣。 | 夔曰:「爲不義適足害其身,焉能害人?且懷姦佞之心,立於明朝,其得久乎!」 夔終不屈志,儀後果 。子宜 靖侯。子曾嗣,咸熙中爲司徒。<br/>(三)

以凶偽敗

(二)干寶晉紀曰:曾字穎考。正元中爲司隸校尉。時毌丘儉孫女適劉氏,以孕繫廷尉。女母荀,爲武衞將軍荀顗所 罪於他族,而女獨嬰戮於二門,非所以哀矜女弱,均法制之大分也。臣以爲在室之女,可從父母之刑,旣醮之婦 已出之女,誠欲殄醜類之族也。若已產育,則成他家之母。於防則不足懲奸亂之源,於情則傷孝子之思,男不御 表活,既免,辭詣廷尉,乞爲官婢以贖女命。曾使主簿程咸爲議,議曰:「大魏承秦、漢之弊,未及革制。 所 以追戮

使從夫家之戮。」朝廷從之,乃定律令。

晉諸公贊曰:曾以高雅稱,加性純孝,位至太宰,封朗陵縣公。年八十餘薨,諡曰元公。子邵嗣。 乎!其荀侯乎!古稱僧、閔,今曰荀、何。 內盡其心以事其親,外崇禮讓以接天下。 孝子,百世之宗;仁人,天下 字伯蔚,亦以幹事稱。 深博,有經國體儀。位亦至太宰,諡康公。子擬嗣。邵庶兄遵,字思祖,有幹能。 之令也。有能行仁孝之道者,君子之儀表矣。」 永嘉中爲尚書,爲司馬越所殺。傅子稱會及荀顗曰:「以文王之道事其親者,其願昌何侯 少經淸職,終於太僕。 邵字敬祖 遵子經, ,才識

法令嚴。民厭亂矣,亂極則平。 積五年,而太祖定冀州。 邢顒、字子昂,河間鄭人也。舉孝廉,司徒辟,皆不就。易姓字,適右北平,從田疇游。 顒謂疇曰:「黃巾起來二十餘年,海內鼎沸,百姓流離。 今聞曹公 請以身先。」遂裝還鄉里。 田疇曰:「邢顒,民之先覺也。」

太祖辟顒爲冀州從事,時人稱之曰:「德行堂堂邢子昂。」除廣宗長,以故將喪棄官。

乃見太祖,求爲鄕導以克柳城。

魏 崔毛徐何邢鮑司馬傳第十二

合。 家吏, 代宗,先世之戒也。 桑,風化大行。 睦 轉束曹掾。 賢不足,採庶子之春華,忘家丞之秋實。 **慎誠不足同貫斯人,並列左右。** 有司舉正,太祖曰:「顒篤於舊君,有一致之節。」勿問也。 庶子劉楨書諫植曰:「家丞邢顒,北土之彦,少秉高節,玄靜澹泊,言少理多,眞雅士也。 ,爲侍中尙書僕射,賜爵關內侯,出爲司隸校尉,徙太常。 晉諸公贊曰:願會孫喬,字會伯。 宜得淵深法度如邢顒輩。」 初,太子未定,而臨菑侯植有籠,丁儀等並贊翼其美。 。入爲丞相門下督,遷左馮翊,病,去官。是時,太祖諸子高選官屬,令曰:「侯 願殿下深重察之!」太祖識其意,後遂以爲太子少傳,遷太傅。 有體量局幹,美於當世。 而楨禮遇殊特,願反疎簡,私懼觀者將謂君侯習近不肖,禮 遂以爲平原侯植家丞。 爲上招謗,其罪不小,以此反側。」後參丞相軍事, 歷淸職。 元康中,與劉渙俱爲尚書吏部郎, **顒防閑以禮,無所屈撓,由是不** 更辟司空掾,除行唐令,勸民農 黄初四年薨。 太祖問題,題對曰:「以庶 子友嗣。 稍遷至司

隸校尉。

語在董卓傳、武帝紀。〔〕建安十七年,太祖追錄信功,表封勛兄邵新都亭侯。〔三〕 鮑勛字叔業,泰山平陽人也,漢司隸校尉鮑宣九世孫。 勛父信,靈帝時爲騎都尉,大將軍 何進遣東募兵。 後爲 宣後嗣有從上黨徙泰山者,遂 濟北相,協規太祖, 身以遇 辟勛

### 丞相掾。〔三〕

|魏書曰:信父丹,官至少府侍中,世以儒雅顯。少有大節,寬厚愛人,沈毅有謀。大將軍何進辟拜騎都尉,遣歸募 旭。 遇,遂接戰。 從,遂敗。 之南,以待其變。」太祖善之。太祖爲東郡太守,表信爲濟北相。會黃巾大衆入州界,劉岱欲與戰,信止之,岱不 在紹傳。信乃引軍還鄉里,收徒衆二萬,騎七百,輜重五千餘乘。是歲,太祖始起兵於己吾,信與弟韜以兵應太 也。今紹爲盟主,因權專利,將自生亂,是復有一卓也。若抑之,則力不能制,祗以遘難,又何能濟?且可規大河 瘡,韜在陳戰亡。 雄以撥亂反正者,君也。 兵,得千餘人,還到成皋而進已遇害。信至京師,董卓亦始到。信知卓必爲亂,勸袁紹襲卓,紹畏卓不敢發。語 太祖與袁紹表信行破虜將軍,韜裨將軍。 語在武紀。 信殊死戰,以救太祖 紹劫奪韓馥位,遂據冀州。信言於太祖曰:「奸臣乘釁,蕩覆王室,英雄奮節,天下響應者,義 太祖以賊恃勝而驕,欲設奇兵挑擊之於壽張。 苟非其人,雖彊必斃。 ,太祖僅得潰圍出,信遂沒,時年四十一。 時紹衆最盛,豪傑多向之。信獨謂太祖曰:「夫略不世出,能總英 君殆天之所啓!」遂深自結納,太祖亦親異焉。 。先與信出行戰地,後步軍未至,而卒與賊 雖遭亂起兵,家本修儒,治身至儉,而 汴水之敗,信被

(三)魏書曰:邵有父風,太祖嘉之,加拜騎都尉,使持節。邵薨,子融嗣。

厚養將士、居無餘財、士以此歸之。

(三)魏書曰:勵清白有高節,知名於世。

爲曲周縣吏,斷盜官布,法應棄市。|太祖時在|譙,太子留|鄴,數手書爲之請罪。|則不敢擅 二十二年,立太子,以勛爲中庶子。徙黃門侍郞,出爲魏郡西部都尉。太子郭夫人弟

都尉兼侍中。 失期者,密敕中尉奏免勛官。久之,拜侍御史。延康元年,太祖崩,太子卽王位,勛以駙馬 縱,具列上。勛前在東宮,守正不撓,太子固不能悅,及重此事,恚望滋甚。 **會郡界休兵有** 

勛爲右中郎將。 戲之言。昔梁丘據取媚於遄臺,曄之謂也。請有司議罪以清皇朝。」帝怒作色,罷還,即出 觀漁於棠,春秋譏之。雖陛下以爲務,愚臣所不願也。」因奏:「劉曄佞諛不忠,阿順陛下過 劉曄對曰:「獵勝於樂。」」勛抗辭曰:「夫樂,上通神明,下和人理,隆治致化,萬邦咸义。移 陛下察焉。」帝手毀其表而競行獵,中道頓息,問侍臣曰:「獵之爲樂,何如八音也?」侍中 烈。臣冀當繼蹤前代,令萬世可則也。如何在諒闇之中,修馳騁之事乎!臣冒死以聞,唯 游獵,勛停車上疏曰:「臣聞五帝三王,靡不明本立教,以孝治天下。 陛下仁聖惻隱,有同古 風易俗,莫善於樂。況獵,暴華蓋於原野,傷生育之至理,櫛風沐雨,不以時隙哉?昔魯隱 文帝受禪,勛每陳「今之所急,唯在軍農,寬惠百姓。臺榭苑圍,宜以爲後。」文帝將出

所克者,蓋以吳、蜀脣齒相依,憑阻山水,有難拔之勢故也。往年龍舟飄蕩,隔在南岸,聖躬 而用之,百寮嚴憚,罔不肅然。六年秋,帝欲征吳,羣臣大議,則面諫曰:「王師屢征而未有 黃初四年,尚書令陳羣、僕射司馬宣王並舉勛爲宮正,宮正即御史中丞也。帝不得己

蹈危,臣下破膽。此時宗廟幾至傾覆,爲百世之戒。今又勞兵襲遠,日費千金,中國虛耗, **令黠虜玩威,臣竊以爲不可。」帝益忿之,左遷勛爲治書執法。** 

穴。」太尉鍾繇、司徒華歆、鎭軍大將軍陳羣、侍中辛毗、尙書衞臻、守廷尉高柔等並表「勛 財。後二旬,文帝亦崩,莫不爲勛歎恨。 曜密表勛私解邕事。詔曰:「勛指鹿作馬,收付廷尉。」 廷尉法議:「正刑五歲。」三官駮:「依 父信有功於太祖」,求請勛罪。帝不許,遂誅勛。 勛內行旣脩,廉而能施,死之日,家無餘 律 罰 金 二 斤。」帝大怒曰:「勛無活分,而汝等敢縱之!收三官已下付刺姦,當令十鼠同 正道,軍營令史劉曜欲推之,勛以塹壘未成,解止不舉。大軍還洛陽,曜有罪,勛奏絀遣,而 帝從壽春還,屯陳留郡界。太守孫邕見,出過勛。時營壘未成,但立標埓,邕邪行不從

之不義。」遂得殆害,以鹿車推載母。居南方十餘年,躬耕守節。 走,芝獨坐守老母。賊至,以刃臨芝,芝叩頭曰:「母老,唯在諸君!」賊曰:「此孝子也,殺 司馬芝字子華,河內溫人也。少爲書生,避亂荆州,於魯陽山遇賊,同行者皆棄老弱

家,出爲盜賊,入亂更治。頃之,芝差節客王同等爲兵,掾史據白:「節家前後未嘗給絲,若 太祖平荆州,以芝爲菅長。時天下草創,多不奉法。郡主簿劉節,舊族豪俠,賓客千餘

將,賓客子弟在界數犯法。勵與芝書,不著姓名,而多所屬託,芝不報其書,一皆如法。後勵 以節代同行,青州號芝「以郡主簿爲兵」。遷廣平令。征虜將軍劉勳,貴寵驕豪,又芝故郡 軍興詭責縣,縣掾史窮困,乞代同行。芝乃馳檄濟南,具陳節罪。太守郝光素敬信芝,即 怨望,或流聲上聞。今(條)〔調〕同等爲兵,幸時發遣。」兵已集郡,而節藏同等,因令督郵以 至時藏匿,必爲留負。」芝不聽,與節書曰:「君爲大宗,加股肱郡,而賓客每不與役,旣衆庶 以不軌誅,交關者皆獲罪,而芝以見稱。〔〕〕

魏略曰:動字子臺,瑯邪人。中平末,爲沛國建平長,與太祖有舊。後爲廬江太守,爲孫策所破,自歸太祖,封列 誘。爲李申成所白,收治,并**免**威官。 侯,遂從在散伍議中。勵兄爲豫州刺史,病亡。兄子威,又代從政。勳自恃與太祖有宿,日驕慢,數犯法,又誹

設教,不能使吏必不犯也。 欲以事託芝,不敢發言,因芝妻伯父董昭。昭猶憚芝,不爲通。 大人之化也。不失有罪,庸世之治耳。今宥所疑,以隆易從之義,不亦可乎!」太祖從其 今贓物先得而後訊其辭,若不勝掠,或至誣服。誣服之情,不可以折獄。且簡而易從, 遷大理正。 歷甘陵、沛、陽平太守,所在有績。 有盜官練置都廁上者,吏疑女工,收以付獄。一芝曰:「夫刑罪之失,失在苛 吏能犯教,而不能使君必不聞也。夫設教而犯,君之劣也;犯 黃初中,入爲河南尹,抑彊扶弱,私請不行。會內官 芝爲教與羣下曰:「蓋君能

魏書

分者,自非離婁,鮮能不惑。就其實然,循行何忍重惜一簪,輕傷同類乎!其寢勿問。」 吏莫不自勵。門下 循行嘗疑門幹盜簪,幹辭不符,曹執爲獄。 芝教曰:「凡物有相似而難

行事,是也。此乃卿奉詔之意,何謝之有?後黃門復往,愼勿通也。」芝居官十一年,數議 犯常科,輒敕縣考竟,擅行刑戮,伏須誅罰。」帝手報曰:「省表,明卿至心,欲奉詔書,以權 令。臣不敢通,懼有救護,速聞聖聽,若不得已,以垂宿留。由事不早竟,是臣之罪,是以冒 科條所不便者。其在公卿閒,直道而行。會諸王來朝,與京都人交通,坐免。 下太后遣黃門詣府傳令,芝不通,輒敕洛陽獄考竟,而上疏曰:「諸應死罪者,皆當先表 明帝即位,賜爵關內侯。頃之,特進曹洪乳母當,與臨汾公主侍者共事無澗神〔〕繫 前制書禁絕淫祀以正風俗,今當等所犯妖刑,辭語始定,黃門吳達詣臣,傳太皇太后

## (一) 臣松之案:無澗,山名,在洛陽東北。

滅,師旅不息,國家之要,惟在穀帛。武皇帝特開屯田之官,專以農桑爲業。 抑末,務農重穀。 **倉廩充實,百姓殷足。 自黃初以來,聽諸典農治生,各爲部下之計,誠非國家大體所宜也。** 後爲大司農。先是諸典農各部吏民,末作治生,以要利入。 芝奏曰:「王者之治,崇本 王制:『無三年之儲,國非其國也。』 管子區言以積穀爲急。方今二虜未 建安中,天下

計,課其力,勢不得不爾。不有所廢,則當素有餘力。』臣愚以爲不宜復以商事雜亂,專以 賦,除道理梁,墐塗室屋,以是終歲,無日不爲農事也。今諸典農,各言『留者爲行者宗田 **夫王者以海內爲家,故傳曰:『百姓不足,君誰與足!』 富足之由,在於不失天時而盡地力。** 農民之事田,自正月耕種,耘鋤條桑,耕熯種麥,穫刈築場,十月乃畢。治廩繫橋,運輸租 今商旅所求,雖有加倍之顯利,然於一統之計,已有不貲之損,不如墾田益一畝之收也。

直,不矜廉隅。與賓客談論,有不可意,便面折其短,退無異言。卒於官,家無餘財,自魏迄 今爲河南尹者莫及芝。 每上官有所召問,常先見掾史,爲斷其意故,敎其所以答塞之狀,皆如所度。 芝性亮

農桑爲務,於國計爲便。」明帝從之。

將軍爽專權,尙書何晏、鄧颺等爲之輔翼。南陽圭泰嘗以言迕指,考繫廷尉。颺訊獄,將致 書徙獄于|岐屬縣,縣請豫治牢具。|岐曰:「今囚有數十,旣巧詐難符,且已倦楚毒,其情易 |秦重刑。||岐數||颺曰:「夫樞機大臣,王室之佐,旣不能輔化成德,齊美古人,而乃肆其私忿, 見。豈當復久處囹圄邪!」及囚至,詰之,皆莫敢匿詐,一朝決竟,遂超爲廷尉。是時大 枉論無辜。使百姓危心,非此焉在?」颺於是慚怒而退。岐終恐久獲罪,以疾去官。居家 芝亡,子岐嗣,從河南丞轉廷尉正,遷陳留相。 梁郡有繫囚,多所連及,數歲不決。 詔

未朞而卒,年三十五。子肇嗣。(1)

[1]肇,晉太康中爲冀州刺史、尚書,見(百官志)[百官名]。

吐剛茹柔。崔琰高格最優,鮑勛秉正無虧,而皆不免其身,惜哉!大雅貴「旣明且哲」,虞書 評曰:徐奕、何夔、邢顒貴尙峻厲,爲世名人。 毛玠清公素履,司馬芝忠亮不傾,庶乎不

尙「直而能溫」,自非兼才,疇克備諸!

# 鍾繇華歌王朗傳第十三

焉。 來之望也。」催、氾等用爲言,厚加答報,由是太祖使命遂得通。太祖旣數聽荀彧之稱爲, 說傕、氾等曰:「方今英雄並起,各矯命專制,唯曹兗州乃心王室,而逆其忠款,非所以副將 傕、氾等以爲「關東欲自立天子,今曹操雖有使命,非其至實」,議留太祖使,拒絕其意。 是時,漢帝在西京,李傕、郭汜等亂長安中,與關東斷絕。太祖領兗州牧,始遣使上書。〔三〕 **資費,使得專學。舉孝廉,自以除尚書郎、陽陵令,以疾去。辟三府,爲廷尉正、黃門侍郎。** 當厄於水,努力愼之!」行未十里,度橋,馬驚,墮水幾死。「瑜以相者言中,益貴爲,而供給 叉聞其說惟、汜,益虛心。後惟脅天子,繇與尚書郞韓斌同策謀。 拜御史中丞,遷侍中尚書僕射,幷錄前功封東武亭侯。 鍾繇字元常,潁川長社人也。〔1〕嘗與族父瑜俱至洛陽,道遇相者,曰:「此童有貴相,然 天子得出長安,繇有力

1〕先賢行狀曰:鍾皓字季明,溫良篤愼,博學詩律,敎授門生千有餘人,爲郡功曹。 時太丘長陳寔爲西門亭長,皓深

及皓。 也。 門亭長可用。」寔曰:「踵君似不察人爲意,不知何獨識我?」 皓二子迪、敷,並以黨錮不仕。 緣則迪之孫。 怨本,今豈其時!保身全家,汝道是也。」觀早亡,膺雖荷功名,位至卿佐,而卒隕身世禍。 皂白邪!」觀嘗以膺之言白皓,皓曰:「元禮,祖公在位 有令名。 觀叉好學慕古,有退讓之行。 出,皓爲 前後九辟三府,遷南鄕、林慮長,不之官。時郡中先輩爲海內所歸者,蒼梧太守定陵陳稚叔、故黎陽令潁陰荀淑 任,諸君終身何所任邪?」掾屬以故皆止。都官果移西曹掾,問空府去意,皓召都官吏,以見掾屬名示之,乃止。 車絕遠。 獨敬異。 復以膺妹妻之。覲辟州宰,未嘗屈就。 少府李膺常宗此三人,曰:「荀君淸識難尙,陳、鍾至德可師。」 西曹掾,即開府門分布曉語已出者,曰:「臣下不能得自直於君,若司隸舉繩墨,以公失宰相之禮,又不勝 **寔少皓十七歲,常禮待與同分義。** 公椎軾言:「司徒今日爲獨行耳!」還府向閣,鈴下不扶,令揖掾屬,公舊手不顧。 爲董幼時,膺祖太尉脩言:「觀似我家性,國有道不廢,國無道免于刑戮者 會辟公府,臨辭,太守問:「誰可代君?」 皓曰:「明府欲必得其人,西 膺謂覲曰:「孟軻以爲人無好惡是非之心,非人也。弟於人何太無 ,諸父並盛,韓公之甥,故得然耳。 皓爲司徒掾,公出,道路泥濘,導從惡其相灑,去公 膺之姑爲皓兄之妻,生子觀,與膺年 國武子好招人過,以爲 皓年六十九,終於家。 時舉府掾屬皆投劾 齊, 並

(三)謝承後漢書曰:南陽陰脩爲潁川太守,以旌賢擢俊爲務,舉五官掾張仲方正,察功曹鍾繇、主簿荀彧、主記掾張 醴 、賊曹掾杜祐、孝廉荀攸、計吏郭圖爲吏,以光國朝

(三)世語曰:太祖遣使從事王必致命天子。

以侍中守司隸校尉,持節督關中諸軍,委之以後事,特使不拘科制。 時關中諸將馬騰、 韓遂等,各擁彊兵相與爭。 太祖方有事山東,以關右爲憂。 繇至長安,移書騰、遂 乃表繇

以充之,數年間民戶稍實。太祖征關中,得以爲資,表爲爲前軍師。 幹等並爲寇,繇又率諸將討破之。〔三〕自天子西遷,洛陽人民單盡,繇徙關中民,叉招納亡叛 與繇書曰:「得所送馬,甚應其急。 等,爲陳禍福,騰、遂各遣子入侍。 大克也。」張旣說馬騰會擊援,騰遣子超將精兵逆之。援至,果輕渡汾,衆止之,不從。 其得至乎!此爲未戰先自敗也。 通,所以未悉叛者,顧吾威名故耳。 河東太守郭援到河東, 關中,足食成軍,亦適當爾。」其後匈奴單于作亂平陽,繇帥諸軍圍之,未拔;而袁尙所置 水未半,擊,大破之,三三斬援,降單于。 衆甚盛。 且援剛愎好勝,必易吾軍,若渡汾爲營,及其未濟擊之,可 諸將議欲釋之去,繇曰:「袁氏方彊,援之來, 太祖在官渡,與袁紹相持,繇送馬二千餘匹給軍。太祖 關右平定,朝廷無西顧之憂,足下之勳也。 若棄而去,示之以弱,所在之民,誰非寇讎?縱吾欲歸 語在既傳。其後河東衛固作亂, 與張晟、張琰及高 關中陰與之 昔蕭何鎮守

司馬彪戰略曰:袁尚遣高幹、郭援將兵數萬人,與匈奴單于寇河東,遣使與馬騰、韓遂等連和,騰等陰許之。 者轉禍爲福。 有道,不盡其力,陰懷兩端,欲以坐觀成敗,吾恐成敗旣定,奉辭責罪,將軍先爲誅首矣。」於是騰懼。 謂順道矣。 說騰曰:「古人有言『順道者昌,逆德者亡』。 袁氏背王命,驅胡廣以陵中國,寬而多忌,仁而無斷,兵雖彊,實失天下心,可謂逆德矣。 今曹公與袁氏相持,而高幹、郭援獨制河東,曹公雖有萬全之計,不能禁河東之不危也。 曹公奉天子誅暴亂,法明國治,上下用命,有義必賞,無義必罰,可 今將軍旣事 |幹日::[] 將軍誠能 傅幹

魏

鍾繇華歆王朗傳第十三

引兵討援,內外擊之,其勢必舉。 也 唯將軍審所擇!」 騰曰:「敬從教。」於是遣子超將精兵萬餘人,丼將遂等兵,與縣會擊援等,大破之。 是將軍一舉,斷袁氏之臂,解一方之急,曹公必重德將軍。 將軍功名,竹帛不能

 $\Xi$ 魏略曰:詔徵河東太守王邑。 邑。 Ę 王命。 德政以惠民物,又無威刑以檢不恪,至使邑違犯詔書,郡掾衞固誑迫吏民,訟訴之言,交驛道路,漸失其禮,不虔 罪,大鴻臚削爵土。 大爲不敬。又不承用詔書,奉詔不謹。又聰明蔽塞,爲下所欺,弱不勝任。 刑闇弱。 乃使邑遠詣闕廷。隳忝使命,挫傷爪牙。 疾長吏政教 杜畿,今皆反悔,共迎畿之官。 當推劾,檢實姦詐。 自以威禁失督司之法,乃上書自劾曰:「臣前上言故鎭北將軍領河東太守安陽亭侯王邑巧辟治官,犯突科條,事 謹按侍中守司隸校尉東武亭侯鍾繇,幸得蒙恩,以斗筲之才,仍見拔擢,顯從近密,銜命督使。 而詔已拜杜畿爲太守,畿已入界。縣不聽先等,促邑交符。邑佩印綬,徑從河北詣許自歸。 今雖反悔,醜聲流聞,咎皆由緣威刑不攝。臣又疾病,前後歷年,氣力日微,尸素重祿,曠廢職任,罪明法 又緣久病,不任所職,非緣大臣當所宜爲。 文寬弱, 檢下無刑,久病淹滯,衆職荒頓,法令失張。 被詔書當如所糾。 臣久嬰篤疾,涉夏盛劇,命縣呼吸,不任部官。 輒以文書付功曹從事馬適議,免冠徒跣,伏須 邑以天下未定,心不願徵, 謹案文書,臣以空虛,被蒙拔擢,入充近侍,兼典機衡,忝膺重任,總統偏方。 以其歸罪,故加寬赦。又臣上言吏民大小,各懷顧望, 而固誑迫吏民,拒畿連月, 蘇輕慢憲度,不畏詔令,不與國同心,為臣不忠,無所畏忌, 而吏民亦戀邑, |邑雖違科,當必繩正法,旣舉文書、操彈失理 今雖反悔,犯順失正,海內兇赫,罪 郡掾衛固及中郎將范先等各詣縣求乞 數罪讓以劾,臣請法車徵詣廷尉治縣 謂邑當還,拒太守 繇時治在洛陽 明知詔書深 由繇威 旣 至 無

魏國初建,爲大理,遷相國。 文帝在東宮,賜繇五熟釜,爲之銘曰:「於赫有魏,作漢藩

談。」

詔

不聽

者,乃一代之偉人也,後世殆難繼矣!」 〔三明帝卽位,進封定陵侯,增邑五百,幷前千八百 太尉,轉封平陽鄕侯。時司徒華歆、司空王朗,並先世名臣。文帝罷朝,謂左右曰:「此三公 **堟魏諷謀反,策罷就第。〔三文帝卽王位,復爲大理。〕及踐阼,改爲廷尉,進封崇高鄕侯。** 戶,遷太傅。 是後三公有疾,遂以爲故事。 厥相惟鍾,實幹心膂。靖恭夙夜,匪遑安處。百寮師師,楷茲度矩。」〔1〕數年,坐西曹 繇有膝疾,拜起不便。時華歆亦以高年疾病,朝見皆使載輿車,虎賁昇上殿就

[一]魏略曰:縣爲相國,以五熟釜鼎範因太子鑄之,釜成,太子與繇書曰:「昔有黃三鼎,周之九寶,咸以一 鼎。今執事寅亮大魏,以隆聖化。堂堂之德,於斯爲盛。誠太常之所宜銘,彝器之所宜勒。故作斯銘,勒之釜 口,庶可贊揚洪美,垂之不朽。」 器,莫宜盛德。今之嘉釜,有逾茲美。夫周之尸臣,宋之考义,衞之孔悝,晉之魏顆,彼四臣者,並以功德勒名鍾 味,豈若斯釜五味時芳?蓋鼎之烹飪,以饗上帝,以養聖賢,昭德祈福,莫斯之美。故非大人,莫之能造;故非斯 體 使 調

之臣栒 寮來圖敗晉功,魏顆以其身追秦師于輔氏,親止杜回;其勒銘于景鍾,至于今不遺類,其子孫不可不與也。」太子 大臣子孫刻銘其先功,藏之于宮廟也。」考文銘見左氏傳,孔悝銘在禮記,事顯故不載。 臣松之按漢書郊祀志,孝宣時,美陽得鼎, 稱四銘者也 音 奇幽地)賜爾鸞旂,黼黻瑚戈。尸臣拜手稽首曰敢對揚天子丕顯休命!』此殆周之所以褒賜大臣、(子孫) 京兆尹張敞上議曰:「按鼎有刻書曰:『王命尸臣,官此构邑。 國語曰:「昔克潞之役, (尸主事

所

魏略 必得處所。 與抃俱。 未聞有良匹。 擬雞冠,黃侔蒸栗。側聞斯語,未覩厥狀。雖德非君子,義無詩人,高山景行,私所慕仰。然四寶邈焉以遠,寮、漢 廳昔,流聲將來。是以垂棘出晉,虞、號雙禽;和璧入秦,相如抗節。竊見玉書,稱美玉白若截肪,黑譬純漆,赤 與繇書曰:「夫玉以比德君子,見美詩人。晉之垂棘,魯之璵璠,宋之結綠,楚之和璞,價越萬金,貴重都城,有稱 無關生詭奪之誑。嘉貺盆腆,敢不欽承!」「蘇報書曰:「昔忝近任,丼得賜玦。尚方耆老,頗識舊物。名其符采, 至,捧跪發匣,爛然滿目。 後太祖 當自白書,恐傳言未審,是以令舍弟子建因荀仲茂轉言鄙旨。 以爲執事有珍此者,是以鄙之,用未奉貢。幸而紆意,實以悅懌。在昔和氏,殷勤忠篤,而繇待命,是 是以求之曠年,未遇厥眞,私願不果,飢渴未副。 征漢中,太子在孟津,聞繇有玉玦,欲得之而難公言。密使臨菑侯轉因人說之, 猥以矇鄙之姿,得觀希世之寶,不煩一介之使,不損連城之價,旣有秦昭章臺之觀, 近見南陽宗惠叔稱君侯昔有美玦,聞之驚喜,笑 乃不忽遺,厚見周稱,鄴騎旣 繇即送之。 到 一,寶玦 m 初

- |魏略曰:孫權稱臣,斬送關羽。太子書報縣、縣答書曰:「臣同郡故司空荀爽言:『人當道情,愛我者一何可愛! **嗢赈,不能離手。 若權復點,當折以汝南許劭月旦之評。 權優游二國,俯仰荀、許,亦已足矣。」** 我者 何可憎!! 顧念孫權,了更娍媚。」太子又書曰:「得報,知喜南方。至于荀公之清談,孫權之娍媚,執書 懀
- 〔三〕陸氏異林曰:鯀嘗數月不朝會,意性異常,或問其故,云:「常有好婦來,美麗非凡。」問者曰:「必是鬼物, 人,著白練衫,丹钀裲襠,傷左髀,以裲襠中綿拭血。 不忍之心,然猶斫之傷髀。 婦人後往,不卽前,止戶外。 婦人即出,以新綿拭血竟路。 縣問何以,曰:「公有相殺意。」 叔父清河太守說如此。 明日使人轉跡之,至一大家,木中有好婦人, 繇曰:「無此。」 清河,陸雲也。 乃勤勤呼之,乃入。 |繇意恨,有 形體如生 可殺

辜,使明習律令,與羣臣共議。出本當右趾而入大辟者,復行此刑。書云:『皇帝淸問下民, 古刑,爲一代法。連有軍事,遂未施行。陛下遠追二祖遺意,惜斬趾可以禁惡,恨入死之無 文革法,不合古道。先帝聖德,固天所縱,墳典之業,一以貫之。是以繼世,仍發明詔,思復 公卿當善共議。」議未定,會有軍事,復寢。|太和中,繇上疏曰:「大魏受命,繼蹤虞、夏。 孝 刑。」議者以爲非悅民之道,遂寢。及文帝臨饗羣臣,詔謂「大理欲復肉刑,此誠聖王之法。 刑之屬,著在科律,自有減死一等之法,不死即爲減。 之條,以增益刖刑之數,此卽起偃爲豎,化屍爲人矣。然臣之愚,猶有未合微異之意。 人少于孝文之世,下計所全,歲三千人。張蒼除肉刑,所殺歲以萬計。臣欲復肉刑,歲生三 刑者,自如孝文,易以髡、笞。能有姦者,率年二十至四五十,雖斬其足,猶任生育。今天下 訊問三槐、九棘、羣吏、萬民,使如孝景之令,其當棄市,欲斬右趾者許之。其黥、劓、左趾、宮 鰥寡有辭于苗。』此言堯當除蚩尤、有苗之刑,先審問於下民之有辭者也。 若今蔽獄之時, 心政事,又於刑理深遠。此大事,公卿羣僚善共平議。」 『仁遠乎哉?我欲仁,斯仁至矣。』若誠行之,斯民永濟。」書奏,詔曰:「太傅學優才高,留 千人。子貢問能濟民可謂仁乎?子曰:『何事於仁,必也聖乎,堯、舜其猶病諸!』 叉曰: 初,太祖下令,使平議死刑可宮割者。 繇以爲「古之肉刑,更歷聖人,宜復施行,以代死 施行已久,不待遠假斧鑿于彼肉刑, 司徒王朗議,以爲「繇欲輕減大辟

按繇所欲輕之死罪,使減死之髡、刖。嫌其輕者,可倍其居作之歲數。內有以生易死不訾 行之,恐所減之文未彰于萬民之目,而肉刑之間已宣于寇讎之耳,非所以來遠人也。今可 然後有罪次也。前世仁者,不忍肉刑之慘酷,是以廢而不用。不用已來,歷年數百。今復 之恩,外無以別易釱駭耳之聲。」議者百餘人,與朗同者多。帝以吳、燭未平,且寢。〔〕

[1] 袁宏曰:夫民心樂全而不能常全,蓋利用之物懸於外,而嗜慾之情動於內也。於是有進取貪競之行,希求放肆之 ·禮··「使墨者守門,劓者守關,宮者守內,刖者守囿。」 此內刑之制可得而論者也。 荷卿亦云,殺人者死,傷人者 世休和,焉可得哉?周之成、康,豈按三千之文而致刑錯之美乎?蓋德化漸濱,致斯有由也。漢初懲酷刑之弊, 刑,百玉之所同,未有知其所由來者也。夫殺人者死,而相殺者不已,是大辟可以懲未殺,不能使天下無殺也。 敷五敎。蠻夷猾夏,寇賊姦宄。汝作士,五刑有服。」然則德、刑之設,參而用之者也。三代相因,其義詳焉。因 如此,而欲救其弊,或先德化以陶其心;其心不化,然後加以刑辟。譬曰:「百姓不親,五品不遜。汝作司徒而敬 哉!率斯道也,風化可以漸淳,刑罰可以漸少,其理然也。苟不能化其心,而專任刑罰,民失義方,動罹刑網,求 至於著,罪薄而不及於刑。終入罪辟者,非敎化之所得也,故雖殘一物之生,刑一人之體,是除天下之害,夫何傷 然後入于刑辟,是將殺人者不必死,欲傷人者不必刑。縱而弗化,則陷於刑辟。故刑之所制,在於不可移之地。 禮敎則不然,明其善惡,所以潛勸其情,消之於未殺也;示之恥辱,所以內愧其心,治之於未傷也。故過微而不 進取不已,不能充其嗜慾,則苟且僥倖之所生也;希求無厭,無以愜其慾,則姦僞忿怒之所興也。先王知其 ,而害物者不息,是黥、劓可以懼未刑,不能使天下無刑也。故將欲止之,莫若先以德化。 **夫罪過彰著**,

哉 ! 況朝廷乎?如此,則夙沙、趙高之儔,無施其惡矣。 古者察其言,觀其行,而善惡彰焉。 然則君子之去刑辟,固已 爲姦盜,故刑徒多而亂不治也。苟敎之所去,罰當其罪,一離刀鋸,沒身不齒,鄰里且猶恥之,而況于鄕黨乎?而 忍刻截之慘,而安剿絕之悲,此最治體之所先,有國所宜改者也。 遠矣。過誤不幸,則八議之所宥也。若夫下和、史遷之冤,淫刑之所及也。 敎之益,失之遠矣。 今大辟之罪,與古同制。 其失。是以吏民樂業,風流篤厚,斷獄四百,幾致刑措,豈非德刑兼用已然之効哉?世之欲言刑罰之用, 務寬厚之論,公卿大夫,相與恥言人過。文帝登朝,加以玄默。張武受賂,賜金以愧其心;吳王不朝, 漢書:「斬右趾及殺人先自言告,吏坐受賕,守官物而卽盜之,皆棄市。」 兔死已下,不過五歲,旣釋鉗鎖,復得齒于人倫。 苟失其道,或不免於大辟,而沉肉刑 此班固所謂當生而令死者也。 是以民無恥惡,數 崇禮以訓 不先德 今不

太和四年,繇薨。 帝素服臨弔,諡曰成侯。(三子毓嗣。 初,文帝分毓戶邑,封繇弟演及

子劭、孫豫列侯。

魏書曰:有司議諡,以爲縣昔爲廷尉,辨理刑獄,決嫌明疑,民無怨者,由于、張之在漢也。詔曰:「太傅功高德茂,魏書曰:有司議諡,以爲縣昔爲廷尉,辨理刑獄,決嫌明疑,民無怨者,由于、張之在漢也。詔曰:「太傅功高德茂, 位爲師保,論行賜諡,常先依此,兼敍廷尉于、張之德耳。」乃策諡曰成侯。

中土,以爲四方威勢之援。今大軍西征,雖有百倍之威,於關中之費,所損非一。 欲西征,毓上疏曰:「夫策貴廟勝,功尙帷幄,不下殿堂之上,而決勝千里之外。 師,詩人所重,實非至尊動靱之時也。」遷黃門侍郎。時大興洛陽宮室,車駕便幸許昌,天 毓字稚叔。 年十四爲散騎侍郎,機捷談笑,有父風。太和初,蜀相諸葛亮圍祁山,明帝 車駕宜鎭守 且盛暑行

魏

行。 御史中丞、侍中廷尉。聽君父已沒,臣子得爲理謗,及士爲侯,其妻不復配嫁,毓所創也。 之政。惟公侯詳之!」爽無功而還。後以失爽意,徙侍中,出爲魏郡太守。爽旣誅,入爲 苗,退舍足以納原寇,不必縱吳漢于江關,騁韓信於井陘也。見可而進,知難而退,蓋自古 增兵,毓與書曰:「竊以爲廟勝之策,不臨矢石;王者之兵,有征無戰。誠以干戚可以服有 下當朝正許昌。 不時,帑藏空虛,凡此之類,可須豐年。」又上「宜復關內開荒地,使民肆力於農。」事遂施 正始中,爲散騎(侍郎)〔常侍〕。大將軍曹爽盛夏興軍伐蜀,蜀拒守,軍不得進。爽方欲 許昌偪狹,於城南以氈爲殿,備設魚龍曼延,民罷勞役。 毓諫,以爲「水旱

子駿嗣。 內轉安,未可必其不出也。」大將軍曰:「善。」遂將賦行。(三淮南旣平,爲青州刺史,加後 出軍。 將軍,遷都督徐州諸軍事,假節,又轉都督荆州。 國,孫壹所率,口不至千,兵不過三百。吳之所失,蓋爲無幾。若壽春之圍未解,而吳國之 反,大將軍司馬文王議自詣壽春討誕。會吳大將孫壹率衆降,或以爲「吳新有釁,必不能復 正元中,毌丘儉、文欽反,毓持節至揚、豫州班行赦令,告諭士民,還爲尙書。諸葛誕 東兵已多,可須後問」。「毓以爲「夫論事料敵,當以己度人。今誕舉淮南之地以與吳 毓弟會,自有傳。 景元四年薨,追贈車騎將軍,諡曰惠侯

各留所贈,而服其德

客曰:「本無拒諸君之心,而所受遂多。 磾辟歆爲掾。 歌到,爲尙書郎。董卓遷天子長安,歆求出爲下邽令,病不行,遂從藍田至南陽。〔〕時袁術 敗,洪乃服。 之所難。 傑謀廢靈帝。 則歸家闔門。 賓客舊人送之者千餘人,贈遺數百金。 將軍效心,豈不有益乎? 今空留僕,是爲養無用之物,非將軍 地 在穰,留歆。 了。 表 天 子 徵 歆 。 江東,歌知策善用兵,乃幅巾奉迎。策以其長者,待以上賓之禮。〔三〕後策死。 華歌字子魚,平原高唐人也。 舉孝廉,除郎中,病,去官。靈帝崩,何進輔政,徵河南鄭泰、潁川荀攸及歆等。 東至徐州,詔卽拜歌豫章太守,以爲政淸靜不煩,吏民感而愛之。曰孫策略 議論持平,終不毀傷人。〇〇同郡陶丘洪亦知名,自以明見過歌。時王芬與豪 語在武紀。三一芬陰呼歌、洪共定計,洪欲行,歆止之曰:「夫廢立大事,伊、霍 孫權欲不遣,歌謂權曰:「將軍奉王命,始交好曹公,分義未固,使僕得爲 高唐爲齊名都,衣冠無不游行市里。歌爲吏,休沐出府 念單車遠行,將以懷璧爲罪,願賓客爲之計。」衆乃 歌皆無所拒,密各題識, 之良計也。」 至臨去,悉聚諸物,謂諸賓 權悅,乃遣歆 太祖在官

- (一)魏略曰: 散與北海| 邴原、管寧俱游學,三人相善,時人號三人爲「一龍」, 散爲龍頭,原爲龍腹,寧爲龍尾。
- 臣 松之以爲兩根矩之徽猷懿望,不必有愧華公,管幼安含德高蹈,又恐弗當爲尾。 魏略此言, 未可以定其先後
- (11)魏書稱芬有大名於天下。

也。

- 〔三〕華嶠譜敍曰:畝少以高行顯名。避西京之亂,與同志鄭泰等六七人,閒步出武關。道遇一丈夫獨行,願得俱,皆 之,而後別去。衆乃大義之。 退,可中棄乎!」衆不忍,卒與俱行。 哀欲許之。歆獨曰:「不可。今已在危險之中,禍福患害,義猶一也。無故受人,不知其義。旣以受之,若有進 此丈夫中道墮井,皆欲棄之。|散曰:「已與俱矣,棄之不義。」 相率共還出
- [E]魏略曰:揚州刺史劉繇死,其衆願奉歆爲主。|歌以爲因時擅命,非人臣之宜。衆守之連月,卒謝遣之,不從。

(五) 胡沖吳歷曰:孫策擊豫章,先遣虞翻說歌。歌答曰:「歌久在江表,常欲北歸;孫會稽來,吾便去也。」翻還報策, 策乃進軍。 |飲葛巾迎策,險謂歌曰:「府君年德名望,遠近所歸;|筬年幼稚,宜脩子弟之禮。」便向||飲拜。

華嶠譜敍曰:孫策略有揚州,盛兵徇豫章,一郡大恐。官屬請出郊迎,教曰:「無然。」「策稍進,復白發兵,又不聽。 l嵌共坐,談議良久,夜乃別去。 義士聞之,皆長歎息而心自服也。 l策遂親執子弟之禮,禮爲上賓。 是時四方賢士 及策至,一府皆造閣,請出避之。乃笑曰:「今將自來,何遽避之?」 有頃,門下白曰:「孫將軍至。」 請見 ,乃前與

至石餘不亂,衆人微察,常以其整衣冠爲異,江南號之曰「華獨坐」。

大夫避地江南者甚衆,皆出其下,人人望風。每策大會,坐上莫敢先發言,歌時起更衣,則論議讙譁。歌能劇飲,

處薄江表傳曰:孫策在椒丘,遣處翻說歌。 翻旣去,邀請功曹劉壹入議。 壹勸歌住城,遣檄迎軍。歌曰:「吾雖劉

**猶見原恕,明府何慮?」** 刺史所置,上用,猶是剖符吏也。今從卿計,恐死有餘責矣。」壹曰:「王景興旣漢朝所用,且爾時會稱人衆盛疆, 於是夜逆作檄,明旦出城,遣吏齎迎。 策便進軍, 與飲相見, 待以上賓, 接以朋友之

醴

|皓韜邈之風,又失王臣匪躬之操,故撓心於邪儒之說,交臂於陵肆之徒, 孫盛曰:夫大雅之處世也,必先審隱顯之期,以定出處之分,否則括囊以保其身,泰則行義以達其道。 位,不得列於諸侯;州公實來,魯人以爲賤恥。 方之於歌,咎孰大焉! 位奪於一 豎, 節墮於當時。 歌旣無夷、

孝廉 試 帝歎息,曰下詔曰:「司徒,國之儁老,所與和陰陽理庶事也。 歌素清貧, 軍 經。 師。 不 也。 歌至,拜議郞,參司空軍事,入爲尚書,轉侍中,代荀彧爲尚書令。 以經試, 魏國 | 歌以爲「喪亂以來,六籍墮廢,當務存立,以景王道。 特賜御衣,及爲其妻子男女皆作衣服。〔三〕三府議:「舉孝廉,本以德行,不復限以 一祿賜以振施親戚故人,家無擔石之儲。 既建,爲御史大夫。 恐學業遂從此而廢。 文帝卽王位,拜相國,封安樂鄉侯。 若有秀異, 可特徵用。 公卿嘗並賜沒入生口, 夫制法者,所以經盛衰。 患於無其人, 今大官重膳,而司徒蔬 及踐阼,改爲司徒。(二 太祖征孫權,表歌爲 何患不得哉? 唯歌出而嫁之。 食,甚 今聽

帝從其言。

一〕魏書曰:文帝受禪,歆登壇相儀,奉皇帝璽綬,以成受命之禮

華嶠譜敍曰:文帝受禪,朝臣三公已下並受爵位;) 飲以形色忤時,徙爲司徒,而不進爵。 魏文帝久不懌, 以問尙

跪曰:「臣與相國會臣漢朝,心雖悅喜,義形其色,亦懼陛下實應且憎。」帝大悅,遂重異之。 書令陳羣曰:「我應天受禪,百辟羣后,莫不人人悅喜,形于聲色,而相國及公獨有不怡者, 何也?」 羣起離席長

[二]孫盛曰:盛聞慶賞威刑,必宗於主,權宜宥恕,出自人君。子路私饋,仲尼毀其食器;田氏盗施,春秋著以爲畿。 仁,蹈道則未也。 任,同元首之重,則當公言皇朝,以彰天澤,而默受嘉賜,獨爲君子,旣犯作福之嫌,又違必去之義,可謂匹夫之 斯褒貶之成言,已然之顯義也。孥戮之家,國刑所肅,受賜之室,乾施所加,若在哀矜, 理無偏宥。 

者矣。」 ·姚子曰:敢問今之君子?曰:「袁郎中積德行儉,華太尉積德居順,其智可及也,其清不可及也。 事上以忠,濟下 華嶠譜敍曰:散淡於財欲,前後籠賜,諸公莫及,然終不殖產業。陳臺常歎曰:「若華公,可謂通而不泰,清而不介 ·魏書曰:畝性周密、舉動詳慎。 常以爲人臣陳事,務以諷諫合道爲貴,就有所言,不敢顯露,故其事多不見載。

以仁,晏嬰、行父何以加諸?」

〔三〕魏書曰:又賜奴婢五十人。

騎常侍繆襲奉詔喩指曰:「朕新莅庶事,一日萬幾,懼聽斷之不明。 五百戶,幷前千三百戶,轉拜太尉。〔〕〕歌稱病乞退,讓位於寧。帝不許。 而君屢以疾辭位。夫量主擇君,不居其朝,委榮棄祿,不究其位,古人固有之矣,顧以爲周 **黃初中,詔公卿舉獨行君子,歐舉管寧,帝以安車徵之。** 明帝卽位,進封博平侯,增邑 賴有德之臣,左右朕躬, 臨當大會,乃遣散

公、伊尹則不然。絜身徇節,常人爲之,不望之於君。君其力疾就會,以惠予一人。將立席 几筵,命百官總己,以須君到,朕然後御坐。」又詔襲:「須歌必起,乃還。」歌不得已,乃起。

列異傳曰:)飲爲諸生時,嘗宿人門外。主人婦夜產。有頃,兩吏詣門,便辟易卻,相謂曰:「公在此。」躊躇良久, 明,歆去。後欲驗其事,至三歲,故往間兒消息,果已死。一歆乃自知當爲公。 一吏曰:「籍當定,奈何得住?」乃前向]飲拜,相將入。 出並行,共語曰:「當與幾歲?」 一人曰:「當三歲。」 天

役,頗失農桑之業。爲國者以民爲基,民以衣食爲本。使中國無饑寒之患,百姓無離土之 川,二祖勞於前世,猶不克平,朕豈敢自多,謂必滅之哉!諸將以爲不一採取,無由自弊,是 於治道,以征伐爲後事。且千里運糧,非用兵之利;越險深入,無獨克之功。如聞今年徵 魏承天受命,陛下以聖德當成康之隆,宜弘一代之治,紹三王之迹。雖有二賊負險延命,苟 望鑾蓋,不敢不竭臣子之懷,唯陛下裁察!」帝報曰:「君深慮國計,朕甚嘉之。 賊憑恃山 心,則天下幸甚,二賊之釁,可坐而待也。臣備位宰相,老病日篤,犬馬之命將盡,恐不復奉 聖化日躋,遠人懷德,將襁負而至。夫兵不得已而用之,故戢而時動。臣誠願陛下先留心 太和中,遣曹眞從子午道伐蜀,車駕東幸許昌。歐上疏曰:「兵亂以來,過踰二紀。 臣松之按晉陽秋說魏舒少時寄宿事,亦如之。以爲理無二人俱有此事,將由傳者不同。今寧信列異。

以觀兵以闚其釁。若天時未至,周武還師,乃前事之鑒,朕敬不忘所戒。」時秋大雨,詔眞

引軍還。 太和五年,歌薨,諡曰敬侯。〔〕子表嗣。〕初,文帝分歌戶邑,封歆弟緝列侯。

## 咸熙中爲尚書。[三]

- (二)魏書云: )歌時年七十五。
- [ 三] 華嶠譜敍曰:) 敵有三子。 表字偉容,年二十餘爲散騎侍郎。 時同僚諸郎共平尚書事,年少,並兼厲鋒氣, 盡其意,主者固執,不得已,然後共奏議。司空(陳泰)〔陳羣〕等以此稱之。仕晉,歷太子少傅、太常。稱疾致仕, 思。中年遇疾,終于家。表有三子。長子廛,字長駿 拜光祿大夫。 性清淡,常慮天下退理。 司徒李胤、司隸(王密) [王弘]等常稱曰:「若此人者,不可得而貴,不可得 而賤、〔不可得而親〕,不可得而疎。」 (召)名譽。尙書事至,或有不便,故遗漏不視,及傳書者去,卽入深文論駮。惟表不然,事來有不便,輒與尙書共論 中子博,歷三縣內史,治有名跡。 少子周,黄門侍郎、常山太守,博學有文 要 (君)

州刺史。 貴正。 爲秘書監、尙書。膽字玄駿,最知名,爲河南尹。廛三子。昆字敬倫,清粹有檢,爲尙書。薈字敬叔。世語稱資 晉諸公贊曰: 奧有文翰,歷位尚書令、太子少傅,追贈光祿大夫開府。 嶠字叔駿,有才學,撰後漢書,世稱爲良史。 恆字敬則,以通理稱。 昆,尚書;· 廥,河南尹;恆,左光祿大夫開府。 澹子軼,字彦夏。 有當世才志,爲江

行服。 王朗字景興,東海(郡)[郯]人也。 舉孝廉,辟公府,不應。 徐州刺史陶謙察朗茂才。時漢帝在長安,關東兵起,朗爲謙 以通經,拜郞中,除菑丘長。 師太尉楊賜,賜薨,棄官

治中,與別駕趙昱等說謙曰:「春秋之義,求諸侯莫如勤王。今天子越在西京,宜遣使奉承 邑,遂舉兵與策戰,敗績,浮海至東冶。 守。[三]孫策渡江略地。 讓而不害。〔三雖流移窮困,朝不謀夕,而收卹親舊,分多割少,行義甚著。 謙乃遣喅奉章至長安。天子嘉其意,拜謙安東將軍。 朗功曹虞翻以爲力不能拒,不如避之。 策叉追擊,大破之。 朗乃詣策。 以昱爲廣陵太守,朗會稽太 |朗自以身爲漢吏, 宜保城 策以〔朗〕儒雅、詰

- 朗家傳曰:會稽舊祀秦始皇,刻木爲像,與夏禹同廟。 惠愛在民。 )朗到官,以爲無德之君,不應見祀,於是除之。 居郡四年,
- | | 獻帝春秋曰:孫策率軍如閩、越討朗。 朗泛舟浮海,欲走交州,為兵所逼,遂詣軍降。 策令使者詰朗曰:「問逆賊 虜。 者疾患,死亡略盡。獨與老母,共乘一欐。流矢始交,便棄欐就俘,稽顙自首於征役之中。則惶惑不達, 以瑣才、誤竊朝私,受爵不讓,以遘罪網。 郡 故會稽太守王朗:朗受國恩當官,云何不惟報德,而阻兵安忍?大軍征討,幸免梟夷,不自掃屏,復聚黨衆, 重,死有餘辜。 境。 緣前迷謬,被詰慚懼。 遠勞王誅,卒不悟順。 申脰就鞅,蹴足入絆,叱咤聽聲,東西惟命。」 朗愚淺駑怯,畏威自驚。又無良介,不早自歸。於破亡之中,然後委命下隸。 捕得云降,庶以欺詐,用全首領,得爾與不,具以狀對。」 前見征討、畏死苟免。因治人物、寄命須臾。又迫大兵、惶怖北引。 朗稱禽廣, 對使者曰:「朗 屯住 從

建,以軍祭酒領魏郡太守,遷少府、奉常、大理。務在寬恕,罪疑從輕。鍾繇明察當法,俱以治 太祖表徵之,朗自曲阿展轉江海,積年乃至。〔1〕 拜諫議大夫,參司空軍事。(三) 魏國 初

稝

### 獄見稱。[言]

(二) 朗被徵未至。 罰,覽省未周,涕隕潸然。主上寬仁,貴德宥過。曹公輔政,思賢並立。策瞽屢下,殷勤款至。知權舟浮海,息駕 孔融與朗書曰:「世路隔塞,情問斷絕,感懷增思。前見章表,知尋湯武罪已之迹,自投東裔同縣之

漢晉春秋曰:孫策之始得朗也,譴讓之。 使張昭私問朗,朗誓不屈,策忿而不敢害也,留置曲阿。 表徵朗,憡遣之。太祖問曰:「孫策何以得至此邪?」 朗曰:「憡勇冠一世,有儁才大志。 張子布,民之望也,北面 建安三年,太祖

廣陵,不意黃熊突出羽淵也。

談笑有期,勉行自愛!」

[三] 期家傳曰:期少與筛國名士劉陽交友。陽爲莒令,年三十而卒,故後世鮮聞。初,陽以漢室漸衰,知太祖有雄才, 恐爲漢累,意欲除之而事不會。及太祖貴,求其嗣子甚急。其子惶窘,走伏無所。陽親舊雖多,莫敢藏者。 而相之。周公瑾,江淮之傑,攘臂而爲其將。謀而有成,所規不細,終爲天下大賊,非徒狗盜而已。」

朗乃

納受積年,及從會稽還,又數開解。太祖久乃赦之,陽門戶由是得全。

魏略曰:太祖請同會,啁朗曰:「不能效君昔在會稽折稅米飯也。」則仰而歎曰:「宜適難值!」太祖問:「云何?」 三江五湖,爲治於魏,西吳東越,化爲國民。爲、郢旣拔,荆門自開。席卷巴、蜀,形勢已成。重休累慶,雜沓相隨。 |朗曰:「如朗昔者,未可折而折;如明公今日,可折而不折也。」|太祖以孫權稱臣遣貢諮朗, 承旨之日,撫掌擊節。 自說躬討處以補前愆,後疏稱臣,以明無二。牙獸屈膝,言鳥告歡,明珠、南金,遠珍必至。情見乎辭,效著乎功。 情之畜者,辭不能宣。」 朗答曰:「孫權前牋,

海盪覆,萬國殄瘁。賴先王芟除寇賊,扶育孤弱,遂令華夏復有綱紀。鳩集兆民,于茲魏 文帝卽王位,遷御史大夫,封安陵亭侯。上疏勸育民省刑曰:「兵起已來三十餘年,四

其乏。十年之後,旣笄者必盈巷。二十年之後,勝兵者必滿野矣。」 老者無頓伏之患。醫藥以療其疾,寬繇以樂其業,威罰以抑其强,恩仁以濟其弱,賑貸以膽 自傷之哀;新生必復,則孩者無不育之累;壯而後役,則幼者無離家之思;二毛不戎,則 窮老者得仰食倉廩,則無餧餓之殍;嫁娶以時,則男女無怨曠之恨;胎養必全,則孕者無 路溫舒疾治獄之吏。夫治獄者得其情,則無寃死之囚;丁壯者得盡地力,則無饑饉之民; 日矣。易稱敕法,書著祥刑,一人有慶,兆民賴之,愼法獄之謂也。昔曹相國以獄市爲寄 息,誠令復除足以懷遠人,良宰足以宣德澤,阡陌咸修,四民殷熾,必復過於曩時而富於平 土,使封鄙之內,雞鳴狗吠,達於四境,蒸庶欣欣,喜遇升平。今遠方之寇未賓,兵戎之役未

原野以習戎備。至於夜還之戒,已詔有司施行。」曰 魏絳稱虞箴以諷晉悼,相如陳猛獸以戒漢武,未足以喻。方今二寇未殄,將帥遠征,故時入 車駕出臨捕虎,日昃而行,及昏而反,違警蹕之常法,非萬乘之至愼也。」帝報曰:「覽表,雖 輿,清道而後奉引,遮列而後轉轂,靜室而後息駕,皆所以顯至尊,務戒愼,垂法敎也。近日 「夫帝王之居,外則飾周衞,內則重禁門,將行則設兵而後出幄,稱警而後踐墀,張弧而後登 及文帝踐阼,改爲司空,進封樂平鄕侯。〔〕時帝頗出游獵,或昏夜還宮。」朗上疏曰:

(一)魏名臣奏載朗節省奏曰:「詔問所宜損益,必謂東京之事也。若夫西京雲陽、汾陰之大祭,千有五百之羣,祀通天

敎化。 矣。 興盛明之時,祖述堯舜之際,割奢務儉之政,除繁崇省之令,詳刑慎罰之教,所宜希慕哉?及夫寢廟日一太牢之 以求改往而效用矣。若畏威效用,不戰而定,則賢於交兵而後威立,接刃而後功成遠矣。若姦凶不革,遂迷不 之失而不可式者也。 萬餘匹,外牧則扈養三萬而馬十之;執金吾從騎六百,走卒倍焉;太常行陵幸車千乘,太官賜官奴婢六千,長安 之臺,入阿房之宮,齋必百日,養巖五載,牛則三千,其重玉則七千;其器,文綺以飾重席,童女以蹈舞綴;釀酎 民忘其勞;悅以犯難,民忘其死」,今之謂矣。糧畜於食,勇畜於勢,雖坐曜烈威而衆未動,畫外之蠻,必復稽類 兵,軍行而後運糧,或乃兵旣久屯,而不務營佃,不脩器械,無有貯聚,一隅馳羽檄,則三面並荒擾,此亦漢氏近世 游子弟,或農野謹鈍之人;雖有乘制之處,不講戎陳,旣不簡練,又希更寇,雖名實不副,難以備急。有警而後募 有門字便坐,足以避風雨。可須軍罷年豐,以漸脩治。舊時虎賁羽林五營兵,及衞士丼合,雖且萬人,或商賈惰 圖牒所改奏,在天地及五帝、六宗、宗廟、社稷,旣已因前代之兆域矣。 夫天地則掃地而祭, 祀,郡國並立宗廟之法,丞相御史大夫官屬吏從之數,若此之輩,既已屢改於哀、平之前,不行光武之後矣。 奢者,大抵多受之於摩餘。既遠繭栗慤誠之本,掃地簡易之指,又失替質而損文、避泰而從約之趣。 城內治民爲政者三千,中二千石蔽罪斷刑者二十有五獄。 必貫三時而後成,樂人必三千四百而後備;內宮美人數至近千,學官博士〔弟子〕七千餘人;中應則騑駿駙馬六 明堂所以祀上帝、靈臺所以觀天文、辟雍所以脩禮樂、太學所以集儒林、高禖所以祈休祥,又所以察時務、揚 稽古先民,開誕慶祚,舊時皆在國之陽,並高棟夏屋,足以(肆)〔肆〕饗射,望雲物。 吏士小大,並勤稼穡,止則成井里於廣野,動則成校隊於六軍,省其暴繇,贍其衣食。 當今諸夏已安,而巴蜀在畫外。 雖未得偃武而弢甲,放馬而戢兵,宜因年之大豐,遂寄軍政 政充事猥,威儀繁富,隆於三代,近過禮中。 七郊雖尊 其餘則皆壇而埒之 ·易 稱 祀尚質,猶皆 豈夫當今隆 『悅以使民, 夫所以極

反,猶欲以其所虐用之民,待大魏投命報養之士, 然後徐以前歌後舞樂征之衆,臨彼倒戟折矢樂服之羣,伐腐摧

枯,未足以爲喩。」

=王朗集載朗爲大理時上主簿趙郡張登:「昔爲本縣主簿, 韶曰:「登忠義彰著,在職功勤。 名位雖卑,直亮宜顯。 饔膳近任,當得此吏。 今以登爲太官令。」 救,與賊交戰,吏兵散走。 義濟二君,宜加顯異。」太祖以所急者多,未遑擢敍。 傷殆見害,登手格一賊,以全傷· 至黃初初, 值黑山賊圍郡, 命。 又守長夏逸,爲督郵所枉,登身受考掠,理逸之罪。 朗又與太尉鍾繇連名表聞, 登與縣長王雋帥吏兵七十二人直 兼稱登在職勤勞。 往赴

徒不得賢,更開失賢之路,增玉鉉之傾。 無乃居其室出其言不善,見違於君子乎!君其勿 疾,讓位於彪。 之時。」帝納其計。黃初中,鵜鶘集靈芝池,詔公卿舉獨行君子。」朗薦光祿大夫楊彪,且稱 力敵,兵不速決,當須軍興以成其勢者,然後宜選持重之將,承寇賊之要,相時而後動,擇地 「天子之軍,重於華、岱,誠宜坐曜天威,不動若山。 假使權親與蜀賊相持,搏戰曠日,智均 而後行,一舉更無餘事。今權之師未動,則助吳之軍無爲先征。且雨水方盛,非行軍動衆 初,建安末,孫權始遣使稱藩,而與劉備交兵。 詔議「當興師與吳幷取蜀不」? 朗議日: 朗乃起。 帝乃爲彪置吏卒,位次三公。詔曰:「朕求賢於君而未得,君乃翻然稱疾,非

孫權欲遣子登入侍,不至。 是時車駕徙許昌,大興屯田,欲舉軍東征。 朝上疏曰:「昔

還。[]] 並懷伊邑。臣愚以爲宜敕別征諸將,各明奉禁令,以愼守所部。外曜烈威,內廣耕稼,使泊 則爲所動者至大,所致者至細,猶未足以爲慶。設其傲狠,殊無入志,懼彼輿論之未暢者, **六軍戒巖,臣恐輿人未暢聖旨,當謂國家慍於登之逋留,是以爲之興師。 設師行而登乃至,** 以黜無禮。且吳濞之禍,萌於子入,隗囂之叛,亦不顧子。往者聞權有遣子之言而未至,今 南越守善,嬰齊入侍,遂爲冢嗣,還君其國。康居驕黠,情不副辭,都護奏議以爲宜遣侍子, 然若山,澹然若淵,勢不可動,計不可測。」是時,帝以成軍遂行,權子不至,車駕臨江而

一〕魏書曰:車駕旣還,詔三公曰:「三世爲將,道家所忌。窮兵黷武,古有成戒。況連年水旱,士民損耗,而功作倍於 將休息,棲備高山,沉權九淵,割除擯棄,投之畫外。車駕當以今月中旬到騰,淮、漢衆軍,亦各還反,不臘西歸 前,勞役兼於昔,進不滅賊,退不和民。夫屋漏在上,知之在下,然迷而知反,失道不遠,過而能改,謂之不過。今

寇。昔大禹將欲拯天下之大患,故乃先卑其宮室,儉其衣食,用能盡有九州,弼成五服。 奉使北行,往反道路,聞衆徭役,其可得蠲除省減者甚多。願陛下重留日昃之聽,以計制 不足。是時方營修宮室,朗上疏曰:「陛下卽位已來,恩詔屢布,百姓萬民莫不欣欣。臣頃 明帝卽位,進封蘭陵侯,增邑五百,幷前千二百戶。使至鄴省文昭皇后陵,見百姓或有 句

民充兵彊,而寇戎不賓,緝熙不足,未之有也。」轉爲司徒。 林、天淵足用展游宴,若且先成閶闔之象魏,使足用列遠人之朝貢者,脩城池,使足用絕踰 略寢之後,然後鳳闕猥閱,德陽並起。今當建始之前足用列朝會,崇華之後足用序內官,華 將,猶以匈奴未滅,不治第宅。明卹遠者略近,事外者簡內。自漢之初及其中興,皆於金革 孝武之所以能奮其軍勢,拓其外境,誠因祖考畜積素足,故能遂成大功。霍去病,中才之 臺,昭儉於弋綈之服,內減太官而不受貢獻,外省徭賦而務農桑,用能號稱升平,幾致刑錯。 席卷三江,取威中國,定霸華夏。漢之文、景亦欲恢弘祖業,增崇洪緒,故能割意於百金之 踐欲廣其禦兒之疆,自过馘夫差於姑蘇,故亦約其身以及家,儉其家以施國,用能囊括五湖, 越,成國險,其餘一切,且須豐年。一以勤耕農爲務,習戎備爲事,則國無怨曠,戶口滋息,

(一) 禦兒,吳界邊戍之地名。

晚,取譬伯邑,則不爲夙。 諸姬之胤。 武王旣老而生成王,成王是以鮮於兄弟。此二王者,各樹聖德,無以相過,此其 文育武之時矣,而子發未舉於椒蘭之奧房,藩王未繁於掖庭之衆室。 子孫之祚,則不相如。蓋生育有早晚,所產有衆寡也。 時屢失皇子,而後宮就館者少,朗上疏曰:「昔周文十五而有武王,遂享十子之祚,以廣 周禮六宮內官百二十人,而諸經常說,咸以十二爲限,至於秦漢 陛下旣德祚兼彼二聖,春秋高於姬 以成王爲喩,雖未爲

邑。 篤,愛重者言深。君旣勞思慮,又手筆將順,三復德音,欣然無量。朕繼嗣未立,以爲君憂, 少小之縕袍,不至於甚厚,則必咸保金石之性,而比壽於南山矣。」帝報曰:「夫忠至者辭 意,不但在於務廣也。<br />
老臣慺慺,願國家同祚於軒轅之五五,而未及周文之二五,用爲伊 之末,或以千百爲數矣。然雖彌猥,而就時於吉館者或甚鮮,明『百斯男』之本,誠在於一 欽納至言,思聞良規。」 朗著易、春秋、孝經、周官傳,奏議論記,咸傳於世。 〔〕太和二年薨, 諡曰成侯。 且少小常苦被褥泰溫,泰溫則不能便柔膚弱體,是以難可防護,而易用感慨。若常令 子嘯嗣。初,文帝分郞戶邑,封一子列侯,郞乞封兄子詳。

魏略曰:則本名嚴,後改爲則。 魏書曰:則高才博雅,而性嚴整慷慨,多威儀,恭儉節約,自婚姻中表禮贄無所受。 常畿世俗有好施之名,而不卹窮賤,故用財以周急爲先。

也。 前代,則武王伐紂,出關而復還;論之近事,則武、文征權,臨江而不濟。 樵蘇後爨,師不宿飽」,此謂平塗之行軍者也。叉況於深入阻險,鑿路而前,則其爲勞必相百 已踰月而行裁半谷,治道功夫,戰士悉作。 三年,拜散騎常侍。 今又加之以霖雨,山坂峻滑,衆逼而不展,糧縣而難繼,實行軍者之大忌也。 廟字子雍。年十八,從宋忠讀太玄,而更爲之解。〔1〕 黃初中,爲散騎黃門侍郎。 太和 四年,大司馬曹眞征蜀,肅上疏曰:「前志有之,『千里饋糧,士有飢色, 是賊偏得以逸而待勞,乃兵家之所憚也。 **豈非所謂順天知** 聞曹眞發

汲黯,宣帝使公卿五日一朝,成帝始置尚書五人。 自是陵遲,朝禮遂闕。 是以唐、虞之設官分職,申命公卿,各以其事,然後惟龍爲納言,猶今尙書也,以出內帝命而 之費鮮,進仕之志勸。各展才力,莫相倚仗。敷奏以言,明試以功,能之與否,簡在帝心。 皆施行。又上疏陳政本曰:「除無事之位,損不急之祿,止因食之費,幷從容之官;使官必 時,通於權變者哉!兆民知聖上以水雨艱劇之故,休而息之,後日有釁,乘而用之,則所謂 儀,使公卿尙書各以事進。廢禮復興,光宣聖緒,誠所謂名美而實厚者也。」 已。夏、殷不可得而詳。甘誓曰『六事之人』,明六卿亦典事者也。周官則備矣,五日視朝, 悅以犯難,民忘其死者矣。」於是遂罷。又上疏:「宜遵舊禮,爲大臣發哀,薦果宗廟。」事 公卿大夫並進,而司士辨其位焉。 其記曰:『坐而論道,謂之王公;作而行之,謂之士大 有職,職任其事,事必受祿,祿代其耕,乃往古之常式,當今之所宜也。 官寡而祿厚,則公家 及漢之初,依擬前代,公卿皆親以事升朝。故高祖躬追反走之周昌,武帝遙可奉奏之 可復五日視朝之

### (二)肅父朗與許靖書云:肅生於會稽。

公之奉魏,不敢不盡節。 子之尊。是以帝號無虧,君禮猶存。今山陽公承順天命,允答民望,進禪大魏,退處賓位。 青龍中,山陽公薨,漢主也。肅上疏曰:「昔唐禪虞,虞禪夏,皆終三年之喪,然後踐天 魏之待公,優崇而不臣。旣至其薨,櫬斂之制,輿徒之飾,皆同之

以贈終,可使稱皇以配其諡。」明帝不從使稱皇,乃追諡曰漢孝獻皇帝。〔一〕 皇是其差輕者也。 於王者,是故遠近歸仁,以爲盛美。 故當高祖之時,土無二王,其父見在而使稱皇,明非二王之嫌也。況今 且漢總帝皇之號,號日皇帝。 有別稱帝,無別稱皇,則

孫盛曰:化合神者曰皇,德合天者曰帝。是故三皇創號,五帝次之。 然則皇之爲稱,妙於帝矣。 肅謂爲輕, 不亦

謬乎!

言耳。

臣松之以爲上古謂皇皇后帝,次言三、五,先皇後帝,誠如盛言。然漢氏諸帝,雖尊父爲皇,其實則貴而無位,高 而 無民,比之於帝,得不謂之輕乎!魏因漢禮,名號無改。孝獻之崩,豈得遠考古義?肅之所云,蓋就漢制而爲 謂之爲謬,乃是畿漢,非難肅也。

奉。 時也。夫務畜積而息疲民,在於省徭役而勤稼穡。今宮室未就,功業未訖,運漕調發,轉相供 詔,深愍役夫之疲勞,厚矜兆民之不贍,取常食廩之士,非急要者之用,選其丁壯,擇留萬 顯陽之殿,又向將畢,惟泰極已前,功夫尙大,方向盛寒,疾疢或作。 有國之大患,而非備豫之長策也。今見作者三四萬人,九龍可以安聖體,其內足以列六宮, 是以丁夫疲於力作,農者離其南畝,種穀者寡,食穀者衆,舊穀旣沒,新穀莫繼。 後 肅上疏曰:「大魏承百王之極,生民無幾,干戈未戢,誠宜息民而惠之以安靜遐邇之 庸以常侍領祕書監,兼崇文觀祭酒。 景初間,宮室盛興,民失農業,期信不敦,刑殺 誠願陛下發德音,下明 斯則

之費,皆可蠲除。」

其述史記,取孝景及己本紀覽之,於是大怒,削而投之。於今此兩紀有錄無書。後遭李陵 必爲是也。」帝又問:「司馬遷以受刑之故,內懷隱切,著史記非貶孝武,令人切齒。」對曰: 雷霆,殺一匹夫,無異螻蟻。寬而宥之,可以示容受切言,廣德宇於天下。故臣以爲殺之未 「司馬遷記事,不虛美,不隱惡。劉向、揚雄服其善敍事,有良史之才,謂之實錄。漢武帝聞 帝嘗問曰:「漢桓帝時,白馬令李雲上書言:『帝者,諦也。是帝欲不諦。』當何得不 庸對曰:「但爲言失逆順之節。原其本意,皆欲盡心,念存補國。且帝者之威,過於

宗廟事免。後爲光祿勳。時有二魚長尺,集于武庫之屋,有司以爲吉祥。肅曰:「魚生於淵 景王問肅其故,肅答曰:「此蚩尤之旗也,東南其有亂乎?君若脩已以安百姓,則天下樂安 南尹。 嘉平六年,持節兼太常,奉法駕,迎高貴鄕公于元城。 是歲,白氣經天,大將軍司馬 而亢於屋,介鱗之物失其所也。邊將其殆有棄甲之變乎?」其後果有東關之敗。徙爲河 |顯之屬,復稱說邪!」||爽聞之,戒何晏等曰:「當共愼之!公卿已比諸君前世惡人矣。」 坐 專權,任用何晏、鄧颺等。肅與太尉蔣濟、司農桓範論及時政,肅正色曰:「此輩卽弘恭、石 事,遂下遷蠶室。此爲隱切在孝武,而不在於史遷也。」 正始元年,出爲廣平太守。公事徵還,拜議郎。頃之,爲侍中,遷太常。時大將軍曹爽

爲驚陵侯。咸熙中,開建五等,以肅著勳前朝,改封恂爲丞子。〔〕〕 **綾経者以百數。追贈衞將軍,諡曰景侯。子惲嗣。惲薨,無子,國絕。景元四年,封肅子恂** 之,逡破儉、欽。後遷中領軍,加散騎常侍,增邑三百,幷前二千二百戶。甘露元年薨,門生 今)淮南將士父母妻子皆在內州,但急往禦衞,使不得前,必有關羽土崩之勢矣。」 景王從 之衆,降于禁於漢濱,遂有北向爭天下之志。後孫權襲取其將士家屬,羽士衆一旦瓦解。 感夏侯勝之言,始重儒學之士,良有以也。安國寧主,其術焉在?」肅曰:「昔關羽率荆州 者歸德,唱亂者先亡矣。」明年春,鎭東將軍田丘儉、揚州刺史文欽反,景王謂肅曰:「霍光

〔一〕世語曰:恂字 (子良大) 〔良夫〕,有通識,在朝忠正。歷河南尹、侍中,所居有稱。乃心存公,有匪躬之節。 <u>晉諸公贊曰:恂兄弟八人。其達者,處字恭祖,以功幹見稱,位至尚書。弟愷,字君夫,少有才力而無行檢,</u> 離女適司馬文王,即文明皇后,生晉武帝、齊獻王攸 |毅魄以駿馬,知其貪財,不受。|毅竟以黷貨而敗。建立二學,崇明五經,皆|恂所建。卒時年四十餘,贈車騎將軍。 |鬲令|袁

尉石崇友善,俱以豪侈競於世,終於後將軍。 處子康、隆,仕亦宦達,爲後世所重。

**朗所作易傳,皆列於學官。 其所論駮朝廷典制、郊祀、宗廟、喪紀、輕重,凡百餘篇。 時樂安** 孫叔然,曰受學鄭玄之門,人稱東州大儒。徵爲祕書監,不就。 初,肅善賈、馬之學,而不好鄭氏,乐會同異,爲尙書、詩、論語、三禮、左氏解,及撰定父 肅集聖證論以譏短玄,叔

魏初徵士燉煌周生烈,戶明帝時大司農弘農董遇等,亦歷注經傳,頗傳於世。戶司 然較而釋之,及作周易、春秋例,毛詩、禮記、春秋三傳、國語、爾雅諸注,又注書十餘篇。 自

(一) 臣松之案叔然與晉武帝同名,故稱其字。

(三)臣松之案此人姓周生,名烈。 何晏論語集解有烈義例,餘所著述,見晉武帝中經簿。

〔三〕魏略曰:遇字率直,性質訥而好學。 興平中,關中擾亂,與兄季中依將軍段燬。 采稆負販,而常挾持經書,投閒習 歲之餘,夜者日之餘,陰雨者時之餘也」。 當先讀百徧」。言「讀書百徧而義自見」。從學者云:「苦渴無日。」遇言「當以三餘」。或問三餘之意,遇言「冬者當先讀百徧」。言「讀書百徧而義自見」。從學者云:「苦渴無日。」遇言「當以三餘」。或問三餘之意,遇言「冬者 數年,病亡。初,遇善治老子,爲老子作訓注。又善左氏傳,更爲作朱墨別異。人有從學者,遇不肯敎, |王卽昨旣淺,又爲暴臣所制,降在藩國,不應謁。」 |太祖乃過。 |黄初中,出爲郡守。 農王冢。 讀。其兄笑之而遇不改。及建安初,王綱小設,那舉孝廉,稍遷黃門侍郎。是時,漢帝委政太祖,遇旦夕侍講,爲 天子所愛信。至二十二年,許中百官矯制,遇雖不與謀,猶被錄詣鄴,轉爲冗散。常從太祖西征,道由孟津,過弘 太祖疑欲謁,顧問左右,左右莫對,遇乃越第進曰:「春秋之義,國君卽位未踰年而卒,未成爲君。 弘農 由是諸生少從遇學,無傳其朱墨者。 明帝時,入爲侍中、大司農。 而云「必

世語曰:遇子一般,位至秘書監,亦有才學。 齊王冏功臣董艾,即綏之子也。

事,人懷避就。雖性非解學,多求詣太學。太學諸生有千數,而諸博士率皆麄疎,無以敎弟子。弟子本亦避役, 錄,依漢甲乙以考課。申告州郡,有欲學者,皆遣詣太學。太學始開,有弟子數百人。至太和、靑龍中,中外多錄,依漢甲乙以考課。申告州郡,有欲學者,皆遣詣太學。太學始開,有弟子數百人。至太和、靑龍中,中外多 魏略以遇及賈洪、邯鄲淳、薜夏、隗禧、蘇林、樂詳等七人爲儒宗,其序曰:「從初平之元,至建安之末,天下分崩, 人懷苟且,綱紀旣衰,儒道尤甚。至黃初元年之後,新主乃復,始掃除太學之灰炭,補舊石碑之缺壞,備博士之員

百餘人,其能操筆者未有十人,多皆相從飽食而退。 嗟夫!學業沈隕,乃至於此。 郎官及司徒領吏二萬餘人,雖復分布,見在京師者尙且萬人,而應書與議者略無幾人。 竟無能習學,冬來春去,歲歲如是。又雖有精者,而臺閣舉格太高,加不念統其大義,而問字指墨法點注之間,百 人同試,度者未十。 是以志學之士,遂復陵遲,而末求浮虛者各競逐也。 正始中,有詔議圜丘, 普延學士。 是以私心常區區貴乎數公者 又是時朝堂公卿以下四 是時

各處荒亂之際,而能守志彌敦者也。」

亦雅好文學,常師宗之,過於三卿。數歲病亡,亡時年五十餘,時人爲之恨仕不至二千石。而嚴苞亦歷守二縣 黃初中,以高才入爲祕書丞,數奏文賦,文帝異之。出爲四平太守,卒官。 **洪署軍謀掾**。 劫洪,將詣華陰,使作露布。 以下百餘人,唯洪與馮翊嚴苞(交)〔文〕通才學最高。 賈洪字叔業,京兆新豐人也。好學有才,而特精於春秋左傳。 猶以其前爲超作露布文,故不卽敍。 晚乃出爲陰泉長, 洪不獲已、爲作之。司徒鍾繇在東、識其文,曰:「此賈洪作也。」及超破走, 洪歷守三縣令,所在輒開除廢舍,親授諸生。 建安初,仕郡,舉計掾,應州辟。時州中自參軍事 延康中,轉爲白馬王相。 善能談戲。 後馬超反,超 太祖 王彪 召

文帝又嘉其才,黃初中爲秘書丞,帝每與夏推論書傳,未嘗不終日也。每呼之不名,而謂之睦君。夏居甚貧,帝 顧夏言之於休曰:「此君,祕書丞天水薛宣聲也,宜共談。」其見遇如此。 又顧其衣薄,解所御服袍賜之。其後征東將軍曹休來朝,時帝方與夏有所咨論,而外啓休到,帝引入。 已在冀州,聞夏爲本郡所質,撫掌曰:「夏無罪也。漢陽兒輩直欲殺之耳!」乃告潁川使理出之, 共治之,夏乃游逸,東詣京師。 薛夏字宣聲,天水人也。 博學有才。天水舊有法、閻、任、趙四姓,常推於郡中,而夏爲單家, 太祖宿聞其名,甚禮遇之。後四姓又使囚遙引夏,關移潁川, 尋欲用之,會文帝崩。 收捕繫獄。 不爲降屈。 至太和 召署軍謀掾。 坐定,帝 時太祖 四姓欲 嘗以

魏

鍾繇華歆王朗傳第十三

公事移願臺。

蘭臺自以臺也,而祕書署耳,謂夏爲不得移也,推使當有坐者。 夏報之曰:「蘭臺爲外臺,祕書爲內

諷誦。 山川草木之名莫若詩,左氏直相斫書耳,不足精意也。」緣因從問詩,禧說齊、韓、魯、匡四家義,不復執文,有如 魚緣曰:「天下兵戈尚猶未息,如之何?」 緣又常從問左氏傳,禧答曰:「欲知幽微莫若易,人倫之紀莫若禮,多識 則誦習之。太祖定荆州,召署軍謀掾。黃初中,爲譙王郎中。王宿聞其儒者,常虛心從學。蔣亦敬恭以授王,由 隗禧字子牙,京兆人也。世單家。少好學。初平中,三輔亂,禧南客荆州,不以荒擾,擔負經書,每以採稆餘 閣、臺、閣,一也,何不相移之有?」蘭臺屈無以折。 是大得賜遣。 又撰作諸經解數十萬言,未及繕寫而得聲,後數歲病亡也。 以病還,拜郎中。年八十餘,以老處家,就之學者甚多。 自是之後,遂以爲常。 禧旣明經,又善星官,常仰瞻天文,歎息謂 後數歲病亡,敕其子無還天水 日,

其邯鄲淳事在王粲傳,蘇林事在劉邵、高堂隆傳,樂詳事在杜畿傳。

學乎?由是觀之,學其胡可以已哉! 乎!今此數賢者,略余之所識也。 無緣曰:學之資於人也,其猶藍之染於素乎!故雖仲尼,猶曰「吾非生而知之者」,況凡品哉!且世人所以不貴學 者,必見夫有「誦詩三百而不能專對於四方」故也。 檢其事能,誠不多也。 余以爲是則下科耳,不當顧中庸以上,材質適等,而加之以文 但以守學不輟,乃上爲帝王所嘉,下爲國家名儒, 非由

評曰:鍾繇開達理幹,華歌淸純德素,王朗文博富膽,誠皆一時之俊偉也。 魏氏初祚,

〔1〕劉寔以爲肅方於事上而好下佞已,此一反也。性嗜榮貴而不求苟合,此二反也。吝惜**財物而治身不穢,**此三反

也。

# 程郭董劉蔣劉傳第十四

門急擊之,度等破走。東阿由此得全。 物,非有堅甲利兵攻守之志也。今何不相率還城而守之?且城高厚,多穀米,今若還求令, 庫。 山趣城,吏民奔走隨之,求得縣令,遂共城守。 度等來攻城,不能下,欲去。 謂房等:「愚民不可計事。」乃密遣數騎舉幡于東山上,令房等望見,大呼言「賊已至」,便下 共堅守,度必不能久,攻可破也。」 房等以爲然。 吏民不肯從,曰:「賊在西,但有東耳。」 昱 六里止屯。 昱謂縣中大姓薛房等曰:「今度等得城郭不能居,其勢可知。 縣令踰城走,吏民負老幼東奔渠丘山。昱使人偵視度,度等得空城不能守,出城西五 程昱字仲德,東郡東阿人也。長八尺三寸,美鬚髯。黃巾起,縣丞王度反應之,燒倉 此不過欲虜掠財 昱率吏民開城

**聲亦遣從事范方將騎助岱。後紹與瓚有隙。** 初平中,兗州刺史劉岱辟昱,昱不應。是時岱與袁紹、公孫瓚和親,紹令妻子居岱所, **瓚擊破紹軍,乃遣使語岱,令遣紹妻子,使與** 

魏

程郭董劉蔣劉傳第十四

騎都尉,昱辭以疾。 朝之權而不慮遠計,將軍終敗。」。岱從之。范方將其騎歸,未至,瓚大爲紹所破。岱表昱爲 人於越以救溺子之說也。夫公孫瓚,非袁紹之敵也。今雖壞紹軍,然終爲紹所禽。 彧白岱:「程昱有謀,能斷大事。」 岱乃召見昱,問計,昱曰:「若棄紹近援而求瓚遠助,此假 絕。 別敕范方:「若岱不遣紹家,將騎還。吾定紹,將加兵于岱。」岱議連日不決,別駕王 夫 趣

笑而 奥遠忠從惡而母子俱亡乎?唯君詳慮之!」 尤流涕曰:「不敢有二心。」 時氾嶷已在縣,尤 終必無成。 如人哉!夫布,麤中少親,剛而無禮,匹夫之雄耳。宮等以勢假合,不能相君也。兵雖衆, 所詳擇也。 母弟妻子,孝子誠不可爲心!今天下大亂,英雄並起,必有命世,能息天下之亂者,此智者 取范,吏民皆恐。彧謂昱曰:「今兗州反,唯有此三城。宫等以重兵臨之,非有以深結其心, 叛迎呂布,郡縣響應,唯鄄城、范、東阿不動。布軍降者,言陳宮欲自將兵取東阿,又使氾嶷 三城必動。君,民之望也,歸而說之,殆可!」昱乃歸,過范,說其令靳允曰:「聞呂布執君 不應。太祖與語,說之,以昱守壽張令。 劉岱爲黃巾所殺。太祖臨兗州,辟昱。昱將行,其鄕人謂曰:「何前後之相背也!」昱 得主者昌,失主者亡。陳宮叛迎呂布而百城皆應,似能有爲,然以君觀之,布何 曹使君智略不世出,殆天所授!君必固范,我守東阿,則田單之功可立也。孰 太祖征徐州,使昱與荀彧留守鄄城。 張邈等

還,執昱手曰:「微子之力,吾無所歸矣。」乃表昱爲東平相,屯范。〔三〕 阿令棗祗已率厲吏民,拒城堅守。又兗州從事薛悌與昱協謀,卒完三城,以待太祖。太祖 乃見嶷,伏兵刺殺之,歸勒兵守。〔〕昱叉遣別騎絕倉亭津,陳宮至,不得渡。昱至東阿,東

- [1]徐衆評曰:允於曹公,未成君臣。母,至親也,於義應去。昔王陵母爲項羽所拘,母以高祖必得天下,因自殺以固 [陵志。 明心無所係,然後可得成事人盡死之節。 庸公子開方仕齊,積年不歸,管仲以爲不懷其親,安能愛君,不 之情也。 可以爲相。 曹公亦宜遣允。 是以求忠臣必於孝子之門,尤宜先救至親。徐庶母爲曹公所得,劉備乃遣庶歸,欲爲天下者恕人子
- 〔三〕魏書曰:昱少時常夢上泰山,兩手捧日。 昱私異之,以語荀彧。及兗州反,賴昱得完三城。 祖。太祖曰:「卿當終爲吾腹心。」 昱本名立,太祖乃加其上「日」,更名昱也。 於是彧以昱夢白太

軍以龍虎之威,可爲韓、彭之事邪?今兗州雖殘,尙有三城。能戰之士,不下萬人。以將軍 之神武,與文若、昱等,收而用之,霸王之業可成也。願將軍更慮之!」太祖乃止。〔〕〕 遣家,與袁紹連和,誠有之乎?」太祖曰:「然。」昱曰:「意者將軍殆臨事而懼,不然何慮之 太祖遷家居鄴。太祖新失兗州,軍食盡,將許之。時昱使適還,引見,因言曰:「竊聞將軍欲 不深也!夫袁紹據燕、趙之地,有幷天下之心,而智不能濟也。將軍自度能爲之下乎?將 太祖與呂布戰于濮陽,數不利。蝗蟲起,乃各引去。於是袁紹使人說太祖連和,欲使

魏

魏略載昱說太祖曰:「昔田横、齊之世族、兄弟三人更王、據千里之(齊)〔地〕, 擁百萬之衆,與諸侯並南面稱: 袁紹。夫以將軍之聰明神武,而反不蓋爲袁紹之下,竊爲將軍恥之!」其後語與本傳略同。 愚,不識大旨,以爲將軍之志,不如田橫。 旣 而高祖 得天下,而橫顧爲降虜。 當此之時,橫豈可爲心哉!」太祖曰:「然。此誠丈夫之至辱也。」 昱曰:「昱 田横,齊一壯士耳,猶蓋爲高祖臣。 今聞將軍欲遣家往鄴,將北面而事 孤。

備,昱料之曰:「孫權新在位,未爲海內所憚。 尚。譚、尙破走,拜昱奮武將軍,封安國亭侯。 攻之必克,徒兩損其勢。願公無疑!」太祖從之。紹聞昱兵少,果不往。 悔,追之不及。會獨病死、備至徐州,遂殺車胄,舉兵背太祖。頃之,昱遷振威將軍。 袁術, 昱與郭嘉說太祖曰:「公前日不圖備, 昱等誠不及也。今借之以兵, 必有異心。」太祖 在黎陽,將南渡。時是有七百兵守鄄城,太祖聞之,使人告昱,欲益二千兵。昱不肯,曰: 有謀,不能獨當也。 「程昱之膽,過于賁、育。」昱收山澤亡命,得精兵數千人,乃引軍與太祖會黎陽,討袁譚、袁 「袁紹擁十萬衆,自以所向無前。今見昱兵少,必輕易不來攻。若益昱兵,過則不可不攻, 劉備失徐州,來歸太祖。 天子都許,以昱爲尙書。兗州尙未安集,復以昱爲東中郎將,領濟陰太守,都督兗州 劉備有英名,關羽、張飛皆萬人敵也,權必資之以禦我。難解勢分,備 昱說太祖殺備,太祖不聽。語在武紀。後又遣備至徐州要擊 曹公無敵於天下,初舉荆州,威震江表,權雖 太祖征荆州,劉備奔吳。論者以爲孫權必殺 太祖謂賈詡 袁紹

|州之敗,不用君言,吾何以至此?」宗人奉牛酒大會,|昱曰:「知足不辱,吾可以退矣。」 乃 

自表歸兵,闔門不出。〔〕〕

(一)魏書曰:太祖征馬超,文帝留守,使昱參軍事。 慮之善。」卽白太祖,太祖果不誅。太祖還,聞之甚說,謂昱曰:「君非徒明於軍計,又善處人父子之間。」 者,謂有臨時之急,呼吸之間者耳。今此賊制在賈信之手,無朝夕之變,故老臣不願將軍行之也。」文帝曰:「君 宜先啓聞。」衆議者曰:「軍事有專,無請。」 昱不答。 文帝起入,特引見昱曰:「君有所不盡邪?」 昱曰:「凡專命 圍也。今天下略定,且在邦域之中,此必降之賊,殺之無所威懼,非前日誅降之意。臣以爲不可誅也;縱誅之, 以爲宜如舊法,昱曰:「誅降者,謂在擾攘之時,天下雲起,故圍而後降者不赦,以示威天下,開其利路,使不至於 田銀、蘇伯等反河間,遣將軍賈信討之。 賊有千餘人請降,議者皆

孫曉列侯。 爭威儀,免。 昱性剛戾,與人多迕。人有告昱謀反,太祖賜待益厚。 方欲以爲公,會薨,帝爲流涕,追贈車騎將軍,諡曰肅侯。[1]子武嗣。 武薨,子 文帝踐阼,復爲衞尉,進封安鄉侯,增邑三百戶,幷前八百戶。分封少子延及 魏國旣建,爲衞尉,與中尉邢貞

世語曰:初,太祖乏食,昱略其本縣,供三日糧,頗雜以人脯,由是失朝望,故位不至公。

曉,嘉平中爲黃門侍郎。〔〕時校事放橫,曉上疏曰:「周禮云:『設官分職,以爲民極。』

魏 書 程郭董劉蔣劉傳第十四

若更高選國士以爲校事,則是中丞司隸重增一官耳。若如舊選,尹模之奸今復發矣。進退 違。若此諸賢猶不足任,校事小吏,益不可信。若此諸賢各思盡忠,校事區區,亦復無益。 綜理萬機,司隸校尉督察京辇,御史中丞董攝宮殿,皆高選賢才以充其職,申明科詔以督其 聞。旣非周禮設官之意,又非春秋十等之義也。今外有公卿將校總統諸署,內有侍中尙書 鋒芒,鬱結而無告。至使尹模公于目下肆其奸慝;罪惡之蓍,行路皆知,纖惡之過,積年不 弱。外則託天威以爲聲勢,內則聚羣姦以爲腹心。大臣恥與分勢,含忍而不言,小人畏其 **攝衆司,官無局業,職無分限,隨意任情,唯心所適。 法造於筆端,不依科詔;獄成於門下,** 權宜,非帝王之正典。其後漸蒙見任,復爲疾病,轉相因仍,莫正其本。遂令上察宮廟,下 道,治亂所由也。遠覽典志,近觀秦漢,雖官名改易,職司不同,至于崇上抑下,顯分明例, 不顧覆訊。其選官屬,以謹愼爲粗疏,以謥詷爲賢能。其治事,以刻暴爲公嚴,以循理爲怯 心不安,乃有小罪,不可不察,故置校事,取其一切耳,然檢御有方,不至縱恣也。此霸世之 明試以功,九載考績。各脩厥業,思不出位。故欒書欲拯晉侯,其子不聽;死人橫於街路, 邴吉不問。 上不責非職之功,下不務分外之賞,吏無兼統之勢,民無二事之役,斯誠爲國要 初無校事之官干與庶政者也。 昔武皇帝大業草創,衆官未備,而軍旅勤苦,民 『天有十日,人有十等。』愚不得臨賢,賤不得臨貴。於是並建聖哲,樹之風聲。

舍大臣,與小臣謀,定姜謂之有罪。縱令校事有益於國,以禮義言之,尙傷大臣之心,況姦 天地,臣恐水旱之災,未必非校事之由也。曹恭公遠君子,近小人,國風託以爲刺。 推算,無所用之。昔桑弘羊爲漢求利,卜式以爲獨烹弘羊,天乃可雨。若使政治得失必感 回暴露,而復不罷,是袞闕不補,迷而不返也。」於是途罷校事官。曉遷汝南太守,年四十 衞獻公

- 〔一〕世語曰:曉字季明,有通識。
- (三) 廳別傳曰: 嶢大著文章多亡失,今之存者不能十分之一。

謀無決,欲與共濟天下大難,定霸王之業,難矣!」於是遂去之。先是時,潁川戲志才,籌 主,故百舉百全而功名可立也。袁公徒欲效周公之下士,而未知用人之機。多端寡要,好 出,亦喜曰:「眞吾主也。」表爲司空軍祭酒。〔三〕 奇士,誰可以繼之?」 彧薦嘉。召見,論天下事。 太祖曰:「使孤成大業者,必此人也。」 嘉 畫士也,太祖甚器之。早卒。太祖與荀彧書曰:「自志才亡後,莫可與計事者。汝、潁固多 郭嘉字奉孝,潁川陽翟人也。〔〕初,北見袁紹,謂紹謀臣辛評、郭圖曰:「夫智者審于量

| (碘子曰: 嘉少有遠量。 ) 漢末天下將鼠。自弱冠匿名迹,密交結英雋,不與俗接,故時人多莫知,惟識達者奇之。 程郭董劉蔣劉傳第十四

年二十七,辟司徒府。

(三) 傅子曰:太祖謂嘉曰:「本初擁冀州之衆,靑、丼從之,地廣兵疆,而數爲不遜。 吾欲討之,力不敵,如何?」 也。 東取呂布。不先取布,若紹爲寇,布爲之援,此深害也。」太祖曰:「然。」 敵人畏之,此武勝十也。」太祖笑曰:「如卿所言,孤何德以堪之也!」嘉又曰:「紹方北擊公孫瓚,可因其遠征 知,公所是進之以醴,所不是正之以法,此文勝九也。 慮之所周,無不濟也,此仁勝七也。紹大臣爭權,讒言惑亂,公御下以道,浸潤不行,此明勝八也。紹是非不可 慮或不及也,所謂婦人之仁耳,公於目前小事,時有所忽,至於大事,與四海接,恩之所加,皆過其望,雖所不見. 下,與有功者無所吝,士之忠正遠見而有實者皆願爲用,此德勝六也。|紹見人飢寒,恤念之形于顏色,其所不見, 機明,用人無疑,唯才所宜,不間遠近,此度勝四也。 |紹多謀少決,失在後事,公策得輒行, 應變無窮, 此謀勝五 濟寬,故不攝,公糾之以猛而上下知制,此治勝三也。紹外寬內忌,用人而疑之,所任唯親戚子弟,公外易簡而內 也。紹繁禮多儀,公體任自然,此道勝一也。紹以逆動,公奉順以率天下,此義勝二也。漢末政失於寬,紹以寬 劉、項之不敵,公所知也。漢祖唯智勝;項羽雖疆,終爲所禽。嘉竊料之,紹有十敗,公有十勝,雖兵彊,無能爲 紹好為虛勢,不知兵要,公以少克衆,用兵如神,軍人恃之, 對曰:

征呂布,三戰破之,布退固守。時士卒疲倦,太祖欲引軍還,嘉說太祖急攻之,遂禽布。

#### 語在荀攸傳。〔〕

**輒破,氣衰力盡,內外失守。** 怖之威力不及項籍,而困敗過之,若乘勝攻之,此成禽也。」 太祖曰:「善。」

名,則智士將自疑,回心擇主,公誰與定天下。 夫除一人之患,以沮四海之望, 安危之機, 不可不察!」 太祖笑 然公提劍起義兵,為百姓除暴,推誠仗信以招俊傑,猶懼其未也。今備有英雄名,以窮歸已而害之,是以 《魏謇曰:劉備來奔,以爲豫州牧。或謂太祖曰:「備有英雄志,今不早圖,後必爲患。」 太祖以問嘉,嘉曰:「有是。 曰:「君得之矣。」

所。」是時,太祖奉天子以號令天下,方招懷英雄以明大信,未得從嘉談。 而諫太祖曰:「放備,變作矣!」時備已去,遂舉兵以叛。太祖恨不用嘉之言。 萬人之敵也,爲之死用。 嘉觀之,備終不爲人下,其謀未可測也。 嘉言于太祖曰:「備有雄才而甚得衆心。張飛、關羽者,皆 古人有言:『一日縱敵,數世之患。』 宜早為之 會太祖使備要擊袁術,嘉與程昱俱駕

案魏書所云,與傅子正反也。

異於獨行中原也。若刺客伏起,一人之敵耳。以吾觀之,必死於匹夫之手。」策臨江未濟, 之曰:「策新幷江東,所誅皆英豪雄傑,能得人死力者也。然策輕而無備,雖有百萬之衆,無 孫策轉鬭千里,盡有江東,聞太祖與袁紹相持於官渡,將渡江北襲許。 衆聞皆懼,嘉料

### 果爲許貢客所殺。〔〕〕

漢子曰:太祖欲速征劉備,議者懼軍出,袁紹擊其後,進不得戰而退失所據。語在武紀。太祖疑,以問嘉。 嘉勸 太祖 曰:「紹性遲而多疑,來必不速。 [備新起,衆心未附,急擊之必敗。 此存亡之機,不可失也。」」太祖曰:「善。」遂

程郭董劉蔣劉傳第十四

東征備。備敗奔紹,紹果不出。

於匹夫之手,誠爲明於見事。然自非上智,無以知其死在何年也。今正以襲許年死,此蓋事之偶合。 臣松之案武紀,決計征備,量紹不出,皆出自太祖。此云用嘉計,則爲不同。又本傳稱(自)嘉料孫策輕佻,

還教之,遂從定鄴。又從攻譚於南皮,冀州平。封嘉洧陽亭侯。〔〕〕 **爭心生。不如南向荆州若征劉表者,以待其變;變成而後擊之,可一舉定也。」太祖曰:** 「善。」乃南征。軍至西平,譚、尙果爭冀州。譚爲尙軍所敗,走保平原,遣辛毗乞降。太祖 二子,莫適立也。有郭圖、逢紀爲之謀臣,必交鬭其間,還相離也。急之則相持,緩之而後 從破袁紹,紹死,又從討譚、尚于黎陽,連戰數克。諸將欲乘勝遂攻之,嘉曰:「袁紹愛此

(1) 傅子曰:河北旣平,太祖多辟召唐、冀、幽、抖知名之士,漸臣使之,以爲省事掾屬。皆嘉之謀也。

足以御備,重任之則恐不能制,輕任之則備不爲用,雖虛國遠征,公無憂矣。」太祖遂行。 動,民夷俱應,以生蹋頓之心,成覬覦之計,恐青、冀非己之有也。 表,坐談客耳,自知才不 生存。今四州之民,徒以威附,德施未加,舍而南征,尚因烏丸之資,招其死主之臣,胡人一 下,胡恃其遠,必不設備。因其無備,卒然擊之,可破滅也。且袁紹有恩于民夷,而尙兄弟 至易,嘉言曰:「兵貴神速。今千里襲人,輜重多,難以趣利,且彼聞之,必爲備;不如留輜 太祖將征袁尚及三郡烏丸,諸下多懼劉表使劉備襲許以討太祖,嘉曰:「公雖威震天

重,輕兵兼道以出,掩其不意。」太祖乃密出盧龍塞,直指單于庭。 虜卒聞太祖至,惶怖合

戰。大破之,斬蹋頓及名王已下。尙及兄熙走遼東。

未終。追思嘉勳,實不可忘。可增邑八百戶,并前千戶。」「己諡曰貞侯。子奕嗣。「己 天下事竟,欲以後事屬之,而中年夭折,命也夫!」乃表曰:「軍祭酒郭嘉,自從征伐,十有 篇,太祖問疾者交錯。及薨,臨其喪,哀甚,謂荀攸等曰:「諸君年皆孤辈也,唯奉孝最少。 嘉深通有算略,達於事情。|太祖曰:「唯奉孝爲能知孤意。」年三十八,自柳城還,疾 每有大議,臨敵制變。臣策未決,嘉輒成之。平定天下,謀功爲高。不幸短命,事業

魏書載太祖表曰:「臣聞褒忠寵賢,未必當身,念功惟績,恩隆後嗣。是以楚宗孫叔,顯封厥子;岑彭旣沒,舒及 自毒恨喪失奇佐。宜追增嘉封,幷前千戶,褒亡爲存,厚往勸來也。」 雖假天威,易爲指麾,至於臨敵,發揚誓命,凶逆克殄,勳實由嘉。方將表顯,短命早終。上爲朝廷悼惜良臣,下 行同騎乘,坐共幄席,東禽呂布,西取眭固,斬袁譚之首,平朔土之衆,踰越險塞,盪定烏丸,震威遼東,以梟袁尚。 支庶。故軍祭酒郭嘉,忠良淵淑,體通性達。每有大議,發言盈庭,執中處理,動無遺策。自在軍旅,十有餘年,

(三)魏書稱奕通達見理。 奕字伯益,見王昶家誠。

**扇不治行檢,數廷訴嘉,嘉意自若。**太祖愈益重之,然以臺能持正,亦悅焉。〔三〕奕爲太子文 後太祖征荆州還,於巴丘遇疾疫,燒船,數曰:「郭奉孝在,不使孤至此。」〔〕〕初,陳羣非

# 學,早薨。子深嗣。深薨,子獵嗣。〔三〕

- 〔一〕傅子曰:太祖又云:「哀哉奉孝!痛哉奉孝!惜哉奉孝!」
- 〔三〕(漢子曰:太旭與荀彧書,追傷嘉曰:「郭奉孝年不滿四十,相與周歲十一年,阻險艱難,皆共罹之。又以其通達, 事兵事,過絕於人。又人多畏病,南方有疫,常言『吾往南方,則不生還』。然與共論計,云當先定荆。 奉孝乃知孤者也;天下人相知者少,又以此痛惜。奈何奈何!」又與|或書曰:「追惜奉孝,不能去心。 見世事無所凝滯,欲以後事屬之,何意卒爾失之,悲痛傷心。今表增其子滿千戶,然何益亡者,追念之感深。且 見計之忠厚,必欲立功分,棄命定。事人心乃爾,何得使人忘之!」 其人見時 此爲不但

(三)世語曰:嘉孫敞,字泰中,有才識,位散騎常侍。

耳。 稱善。會魏郡太守栗攀爲兵所害,紹以昭領魏郡太守。時郡界大亂,賊以萬數,遣使往來, 身,妻子勿坐。」昭案檄告令,皆即斬之。一郡惶恐,乃以次安慰,遂皆平集。事訖白紹,紹 檄告郡云:「得賊羅候安平張吉辭,當攻鉅鹿,賊故孝廉孫伉等爲應,檄到收行軍法,惡止其 何術?」對曰:「一人之微,不能消衆謀,欲誘致其心,唱與同議,及得其情,乃當權以制之 瞪于界橋,鉅鹿太守李邵及郡冠蓋,以蠻兵彊,皆欲屬聲。 紹聞之,使昭領鉅鹿。 計在臨時,未可得言。」時郡右姓孫伉等數十人專爲謀主,驚動吏民。昭至郡,僞作紹 董昭字公仁,濟陰定陶人也。 舉孝廉,除廮陶長、柏人令,袁紹以爲參軍事。 問 紹逆公孫 禦以

**交易市買。昭厚待之,因用爲間,乘虛掩討,輒大克破。二日之中,羽檄三至。** 

昭爲太祖作書與長安諸將李傕、郭汜等,各隨輕重致殷勤。楊亦遣使詣太祖。 聽。 楊所留。 馬金帛,遂與西方往來。天子在安邑,昭從河內往,詔拜議郎。 今有緣,宜通其上事,幷表薦之;若事有成,永爲深分。」 楊於是通太祖上事,表薦太祖。 昭說楊曰:「袁、曹雖爲一家,勢不久羣。曹今雖弱,然實天下之英雄也,當故結之。況 昭弟訪,在張邈軍中。 因楊上還印綬,拜騎都尉。時太祖領兗州,遣使詣楊,欲令假塗西至長安,楊不 邈與紹有隙,紹受讒將致罪於昭。 昭欲詣漢獻帝,至河內,爲張

依仰也。」遂共表太祖爲鎭東將軍,襲父爵費亭侯;昭遷符節令。 生契關,相與共之。」奉得書喜悅,語諸將軍曰:「兗州諸軍近在許耳,有兵有糧,國家所當 將軍拔萬乘之艱難,反之舊都,翼佐之功,超世無疇,何其休哉!方今羣凶猾夏,四海未寧, 不備,則有闞焉。將軍當爲內主,吾爲外援。今吾有糧,將軍有兵,有無相通,足以相濟,死 神器至重,事在維輔;必須衆賢以淸王軌,誠非一人所能獨建。心腹四支,實相恃賴,一物 建安元年,太祖定黃巾于許,遣使詣河東。會天子還洛陽,韓暹、楊奉、董承及楊各違 昭以奉兵馬最殭而少黨援,作太祖書與奉曰:「吾與將軍聞名慕義,便推赤心。

|太祖朝天子於洛陽,引昭並坐,問曰:「今孤來此,當施何計?」| 昭曰:「將軍興義兵以

厭衆 奉所定,叉聞書命申束,足以見信, 勢不便,惟有移駕幸許耳。 誅暴亂,入朝天子,輔翼王室,此五伯之功也。此下諸將,人殊意異,未必服從,今留匡弼,事 身入城,告喻洪、尚等,即日舉衆降。 遷河南尹。 選等到定陵鈔暴。太祖不應,密往攻其梁營,降誅即定。 近在梁耳,聞其兵精,得無爲孤累乎?」昭曰:「奉少黨援,將獨委質。 足以定計。 暫幸魯陽 بالُهُ 夫行非常之事,乃有非常之功,願將軍算其多者。」太祖曰:「此孤本志也。楊**奉** 魯陽近許,轉運稍易,可無縣乏之憂。。 時張楊爲其將楊醜所殺,楊長史薛洪、河內太守繆尚城守待紹敦。 奉何能爲累!」太祖曰:「善。」即遣使詣奉。 然朝廷播越,新還舊京,遠近跂望,冀一朝獲安。今復徙駕,不 宜時遣使厚遺答謝,以安其意。 以昭爲冀州牧。 奉爲人勇而寡慮,必不見疑,此使往來, 奉、暹失衆,東降袁術。 徙大駕至許。 說『京都無糧,欲車駕 鎭東、費亭之事,皆 奉由是失望,與韓 太祖令昭單 三年,昭

卿爲 也! 牧。 親以要利,仁者不忘君以徇私,志士不探亂以徼幸,智者不詭道以自危。 魏郡 袁紹遣將顏良攻東郡,又徙昭爲魏郡太守,從討良。 」太祖曰:「吾已許之矣。」備到下邳,殼徐州刺史庫胄,反。太祖自征備,徙昭爲 太祖令劉備拒袁術, 在城中,其父元長在揚州,太祖遣人迎之。 昭日 「備勇而志大, 關羽、張飛爲之羽翼,恐備之心未可得論 良死後,進圍 昭書與春卿曰:「蓋聞孝者不背 鄴城。 足下大君,昔避內 袁紹同族春 徐州

邪 身爲喬松之偶,以義言之,猶宜背彼向此,舍民趣父也。且邾儀父始與隱公盟,魯人嘉之, 故特遣使江東,或迎或送,今將至矣。就令足下處偏平之地,依德義之主,居有泰山之固, 雞 渠入海通運,昭所建也。 所生,內所寓而外王室,懷邪祿而叛知己,遠福祚而近危亡,棄明義而收大恥,不亦可惜 正之奸職,難可以言忠。忠孝並替,難以言智。 者乃矯誣之命乎。苟不逞之與羣,而厥父之不恤,不可以言孝。忘祖宗所居之本朝,安非 既定,以昭為諫議大夫。後袁尙依烏丸蹋頓,太祖將征之。患軍糧難致,鑿平虜、泉州一 丽 ,南游百越,非疏骨肉,樂彼吳會,智者深識,獨或宜然。曹公愍其守志清恪,離羣寡儔 不書醫,然則王所未命,醫尊不成,春秋之義也。況足下今日之所託者乃危亂之國,所受 !若能翻然易節,奉帝養父,委身曹公,忠孝不墜,榮名彰矣。宜深留計,早決良圖。」 太祖表封千秋亭侯,轉拜司空軍祭酒。 。又足下昔日爲曹公所禮辟,夫戚族人而疏 |業

也。 堪之?」昭曰:「自古以來,人臣匡世,未有今日之功。 也。 太甲、成王未必可遭,今民難化,甚於殷、周,處大臣之勢,使人以大事疑己,誠不可不重慮 今明公恥有慚德而未盡善,樂保名節而無大責,德美過於伊、周,此至德之所極也。 明公雖邁威德,明法術,而不定其基,爲萬世計,猶未至也。定基之本,在地與人,宜稍 後昭建議:「宜脩古建封五等。」太祖曰:「建設五等者;聖人也,又非人臣所制,吾何以 有今日之功,未有久處人臣之勢者 然

魏

受恩非凡,不敢不陳。」「三後太祖遂受魏公、魏王之號,皆昭所創。 建立,以自藩衞。明公忠節穎露,天威在顏,耿弇牀下之言,朱英無妄之論,不得過耳。

(二)獻帝春秋曰:昭與列侯諸將議,以丞相宜進爵國公,九錫備物,以彰殊勳;書與荀彧曰:「昔周旦、呂望,當與氏之 公,若太山之與丘垤,豈同日而論乎?今徒與列將功臣,並侯一縣,此豈天下所望哉!」 十,迎復襄王;襄王加賞于單,使東有掖邑之封,西有菑上之虞。前世錄功,濃厚如此。今曹公遭海內傾覆,宗 廟焚滅,躬擐甲胄,周旋征伐,櫛風沐雨,且三十年,芟夷羣凶,爲百姓除害,使漢室復存,劉氏奉祀。 方之義者數 盛,因二聖之業,輔翼成王之幼,功勳若彼,猶受上爵,錫土開宇。 末世田單,驅疆齊之衆,報弱燕之怨, 收城七

果猶豫。權軍至,得其二城,羽乃破敗。 獲其利。 昭曰:「軍事尙權,期於合宜。宜應權以密,而內露之。羽開權上,若還自護,圍則速解,便 速退。」太祖曰:「善。」即敕救將徐晃以權書射蓍圍裏及羽屯中,圍裏聞之,志氣百倍。 知有救,計糧怖懼,儻有他意,爲難不小。 必自奔走,樊軍之圍,不救自解。乞密不漏,令羽有備。」太祖詰羣臣,羣臣咸言宜當密之。 及關羽圍曹仁於樊,孫權遣使辭以「遣兵西上,欲掩取羽。 可使兩賊相對銜持,坐待其弊。 祕而不露,使權得志,非計之上。又,圍中將更不 露之爲便。且羽爲人彊梁,自恃二城守固,必不 江陵、公安累重,羽失二城,

文帝卽王位,拜昭將作大匠。及踐阼,遷大鴻臚,進封右鄉侯。二年,分邑百戶,賜昭

地,以求徼倖。苟霸等不進,休意自沮。 當 因曰:「竊見陛下有憂色,獨以休濟江故乎?今者渡江, 賊救船遂至。 是後無幾,暴風吹賊船,悉詣休等營下,斬首獲生,賊遂迸散。 弟訪爵關內侯,徙昭爲侍中。三年,征東大將軍曹休臨江在洞浦口,自表:「願將銳卒虎步 須諸將。 南,因敵取資,事必克捷;若其無臣,不須爲念。」帝恐休便渡江,驛馬詔止。 臧霸等既富且貴,無復他望,但欲終其天年,保守祿祚而已,何肯乘危自投死 臣恐陛下雖有敕渡之詔,獨必沉吟,未便從命也。 人情所難,就休有此志,勢不獨行, 詔敕諸軍促渡。 時昭侍側 軍未時進,

促出。 懸之,忘寢與食,而議者怡然不以爲憂,豈不惑哉!加江水向長, 者兵家所忌,而今行之。賊頻攻橋,誤有漏失,渚中精銳,非魏之有,將轉化爲吳矣。臣私 敵,不敢輕之若此也。夫兵好進惡退,常然之數。平地無險,猶尙艱難,就當深入,還道宜 不破賊,尙當自完。奈何乘危,不以爲懼?事將危矣,惟陛下察之!」帝悟昭言,卽詔尚等 利,兵有進退,不可如意。 安屯,作浮橋,南北往來,議者多以爲城必可拔。昭上疏曰:「武皇帝智勇過人,而用兵畏 大駕幸宛,征南大將軍夏侯尚等攻江陵,未拔。時江水淺狹,尚欲乘船將步騎入渚中 賊兩頭並前,官兵一道引去,不時得泄,將軍石建、高遷僅得自免。軍出旬日,江水 今屯渚中, 至深也;浮橋而濟, 至危也;一道而行, 至狹也:三 一旦暴增,何以防禦。就

瓾

邑千戶,轉衞尉。分邑百戶,賜一子飮關內侯。 其年,徙光祿大夫、給事中。 帝曰:「君論此事,何其審也!正使脹、陳當之,何以復加。」 從大駕東征,七年還,拜太僕。 明帝卽位,進虧樂平侯, 五年,徙封成都鄉侯,拜

薨,諡曰定侯。 子胄嗣。 客名作在職家人,冒之出入,往來禁奧,交通書疏,有所探問。 求人道 畏其權勢,莫能糾擿,毀壞風俗,侵欲滋甚。竊見當今年少,不復以學問爲本,專更以交游 偉則斬戮黃初之始。伏惟前後聖韶,深疾浮僞,欲以破散邪黨,常用切齒;而執法之吏皆 忠信之士,深疾虛僞不眞之人者,以其毀敎亂治,敗俗傷化也。近魏諷則伏誅建安之末,曹 用黨譽爲飮賞,附己者則歎之盈言,不附者則爲作瑕釁。 爲業;國士不以孝悌淸脩爲首,乃以趨勢游利爲先。 |太和四年,行司徒事,六年,拜眞。|昭上疏陳末流之弊曰:「凡有天下者,莫不貴尙敦樸 ·赦,雖諷、偉之罪,無以加也。」 不勤,羅之不博耳;又何患其不知己矣,但當吞之以藥而柔調耳。』 **青歷位郡守、九卿。** 帝於是發切詔,斥免諸葛誕、鄧颺等。 合黨連羣,互相褒歎,以毀訾爲罰戮, 至乃相謂『今世何憂不度邪,但 、凡此諸事,皆法之所不取,刑 叉聞或有使奴

江太守劉勳。 兒,令因行觴而斫寶。實性不甘酒,視候甚明,觴者不敢發。曄因自引取佩刀斫殺寶,斬其 曄有佐世之才。 怨難久,故相與耳。」時勳兵彊于江、淮之間。孫策惡之,遣使卑辭厚幣,以書說勳曰:「上繚 曄撫慰安懷,咸悉悅服,推曄爲主。曄覩漢室漸微,己爲支屬,不欲擁兵,遂委其部曲與廬 千,懼其爲亂,曄即乘寶馬,將家僮數人,詣寶營門,呼其渠帥,喻以禍福,皆叩頭開門內曄。 首以令其軍,云:「曹公有令,敢有動者,與寶同罪。」衆皆驚怖,走還營。營有督將精兵數 果從數百人齎牛酒來候使,曄令家僮將其衆坐中門外,爲設酒飯;與寶於內宴飲。密勒健 之,而未有緣。會太祖遣使詣州,有所案問。曄往見,爲論事勢,要將與歸,駐止數日。 母顧命之言,敢受不請擅行之罰。」普心異之,遂不責也。汝南許劭名知人,避地揚州,稱 爾!」曄卽入室殺侍者,徑出拜墓。舍內大驚,白普。普怒,遣人追曄。曄還拜謝曰:「亡 汝長大能除之,則吾無恨矣。」曄年十三,謂兄渙曰:「亡母之言,可以行矣。」渙曰:「那可 欲驅略百姓越赴江表,以曄高族名人,欲彊逼曄使唱導此謀。曄時年二十餘,心內憂 揚士多輕俠狡桀,有鄭寶、張多、許乾之屬,各擁部曲。寶最驍果,才力過人,一方所 魏 勳怪其故,曄曰:「寶無法制,其衆素以鈔略爲利,僕宿無資,而整齊之,必懷

九歲,曄七歲,而母病困。臨終,戒渙、曄以「普之侍人,有諂害之性。身死之後,懼必亂家。

繚,眾果襲其後。勳窮踧,遂奔太祖 則後不能獨守。是將軍進屈於敵,退無所歸。若軍必出,禍今至矣。」勳不從。興兵伐上 出兵爲外援。」勳信之,又得策珠寶、葛越,喜悅。外內盡賀,而曄獨否。勳問其故,對曰: 宗民,數數下國,忿之有年矣。擊之,路不便,願因大國伐之。上繚甚實,得之可以富國,請 「上繚雖小,城堅池深,攻難守易,不可旬日而舉,則兵疲於外,而國內虛。」策乘虛而襲我,

得之不足爲益。」曄曰:「策等小豎,因亂赴險,遂相依爲彊耳,非有爵命威信相伏也。 往者 克。|太祖問羣下,可 伐 與不 ? 咸云:「山峻高而谿谷深隘,守易攻難; 又無之不足爲損, 先開賞募,大兵臨之,令宣之日,軍門啓而虜自潰矣。」 太祖笑曰:「卿言近之!」 遂遣猛將 同,故廣武君爲韓信畫策,謂其威名足以先聲後實而服鄰國也。豈況明公之德,東征西怨, 偏將資輕,而中國未夷,故策敢據險以守。今天下略定,後伏先誅。夫畏死趨賞,愚知所 在前,大軍在後,至則克策,如曄所度。太祖還,辟曄爲司空倉曹掾。 太祖至壽春,時廬江界有山賊陳策,衆數萬人,臨險而守。先時遣偏將致誅,莫能禽

[一] 傅子曰:太祖徵曄及蔣濟、胡質等五人,皆揚州名士。每舍亭傳,未曾不講,所以見重;內論國邑先賢、禦賊固守、 曰:「對明主非精神不接,精神可學而得乎?」及見太祖,太祖果問揚州先賢,賊之形勢。四人爭對,待來而言, 行軍進退之宜,外料敵之變化、彼我虛實、戰爭之術,夙夜不解。 而曄獨臥車中, 終不一言。 濟怪而問之, 曄答

便止。 四人爲令,而授曄以心腹之任;每有疑事,輒以函問曄,至一夜數十至耳。 再見如此,太祖 若是者三。 每和悅,而曄終不一言。四人笑之。後一見太祖上無所復問,曄乃設遠言以動太祖, 其旨趣以爲遠言宜徵精神,獨見以盡其機,不宜於猥坐說也。 太祖已探見其心矣,坐罷,尋以 太祖 適知

明,因 何能 新城與吳、蜀接連,若有變態,爲國生患。」 之,使達爲新 將,蜀民旣定,據險守要,則不可犯矣。 備,人傑也,有度而遲,得蜀日淺,蜀人未恃也。 其八,威震天下,勢慴海外。 走,漢中遂平。 加糧道不繼,雖出,軍猶不能皆全,馳白太祖:「不如致攻。」遂進兵,多出弩以射其營。 自漢中還 爲有 太祖 [其傾而壓之,無不克也。 征張魯,轉曄爲主簿。 ,爲行軍長史,兼領軍。 城 太守, 曄進日:「明公以步卒五千,將誅董卓,北破袁紹,南征劉表,九州百郡,十并 加散騎常侍。 今舉漢中,蜀人望風,破膽失守,推此而前,蜀 若小緩之,諸葛亮明於治 既至漢中,山峻難登,軍食頗乏。 延康元年,蜀將孟達率衆降。 曄以爲 便自引歸,令曄督後諸軍,使以次出。 今不取,必爲後憂。」 文帝竟不易,後達終于叛敗。日 「達有苟得之心,而恃才好術,必不能感恩懷義。 今破漢中,蜀人震恐,其勢自傾。 而爲相,關羽、張飛勇冠三軍 太祖不從,二大軍遂還。 達有容止才觀,文帝甚器愛 太祖曰:「此妖妄之國耳, 可傳檄 **曄策魯** 以公之神 而定。 可克, 魯奔 爲

漢子曰:居七日,獨降者說:「獨中一日數十驚, 備雖斬之而不能安也。」太祖延問曄曰:「今尚可擊不?」 曄曰:

程郭董劉蔣劉傳第十四

「今已小定,未可擊也。」

(三)傅子曰:初,太祖時,魏諷有重名,自卿相以下皆傾心交之。其後孟達去劉備歸文帝,論者多稱有樂毅之量。 見膩、達而皆云必反,卒如其言。

曄

待事,未有進退也。」大駕停住積日,權果不至,帝乃旋師。云:「卿策之是也。當念爲吾滅 下,必自將而來。」一曄日:「彼謂陛下欲以萬乘之重牽己,而超越江湖者在於別將,必勒兵 羣臣,問:「權當自來不?」 咸曰:「陛下親征,權恐怖,必舉國而應。 又不敢以大衆委之臣 下齊心,而阻帶江湖,必難倉卒。」帝不聽。〔〕五年,幸廣陵泗口,命荆、揚州諸軍並進。會 敵,數世之患,不可不察也。」備軍敗退,吳禮敬轉廢,帝欲興衆伐之,曄以爲「彼新得志,上 感。因難求臣,必難信也。彼必外迫內困,然後發此使耳,可因其窮,襲而取之。夫一日縱 賀,獨曄曰:「吳絕在江、漢之表,無內臣之心久矣。陛下雖齊德有虞,然醜虜之性,未有所 能爲興軍報敵,於終始之分不足。」後備果出兵擊吳。吳悉國應之,而遣使稱藩。朝臣皆 之謀欲以威武自彊,勢必用衆以示其有餘。且關羽與備,義爲君臣,恩猶父子;羽死不 云:「蜀,小國耳,名將唯羽。 羽死軍破,國內憂懼,無緣復出。」 曄獨曰:「蜀雖狹弱,而備 二賊,不可但知其情而已。」 黃初元年,以曄爲侍中,賜爵關內侯。 詔問羣臣令料劉備當爲關羽出報吳不。衆議咸

(1) 傅子曰:孫權遣使求降,帝以問曄。曄對曰:「權無故求降,必內有急。權前襲殺關羽,取荆州四郡,備怒,必大興 明帝 也。 不能 國家,俘我民人子女以爲僮隸僕妾。』吳民無緣不信其言也。信其言而感怒,上下同心,戰加十倍矣。」又不從。 發怒,與兵討之,乃徐告其民曰:『我委身事中國,不愛珍貨重寶,隨時貢獻,不敢失臣禮也,無故伐我,必欲殘我 急相救,此小國之利也。今還自相攻,天亡之也。宜大興師,徑渡江襲其內。圖攻其外,我襲其內,吳之亡不出 衆而疑敵人。權善用兵,見策知變,其計必出於此。今天下三分,中國十有其八。吳、獨各保一州,阻山依水,有 遂即拜權爲吳王。權將陸議大敗劉備,殺其兵八萬餘人,備僅以身免。權外禮愈卑,而內行不順,果如曄言。 臣,是爲虎傅翼也。 中國心,不可彊迫與成所謀也。不得已受其降,可進其將軍號,封十萬戶侯,不可卽以爲王也。夫王位,去天子 德合天地,聲聲四遠,此實然之勢,非卑臣頌言也。權雖有雄才,故漢驃騎將軍南昌侯耳,官輕勢卑。 欲來者心,必以爲懼,其殆不可!孤何不且受吳降,而襲圖之後乎?」對曰:「蜀遠吳近,又聞中國伐之,便還軍 旬月矣。吳亡則蜀孤。若割吳半,蜀固不能久存,沉閩得其外,我得其內乎!」帝曰:「人稱臣降而伐之,疑天下 師伐之。外有疆寇,衆心不安,又恐中國承其釁而伐之,故委地求降,一以卻中國之兵,二則假中國之援,以彊其 階耳,其禮秩服御相亂也。 即位,進鹤東亭侯,邑三百戶。詔曰:「尊嚴祖考,所以崇孝表行也;追本敬始,所 业也。 帝不聽,遂受吳降,卽拜權爲吳王。 曄又進曰:「不可。 先帝征伐,天下兼其八,威震海內,陛下受禪卽眞 今備已怒,故興兵擊吳,聞我伐吳,知吳必亡,必喜而進與我爭割吳地,必不改計抑怒救吳,必然之勢 權旣受王位,卻獨兵之後,外盡禮事中國,使其國內皆聞之,內爲無禮以怒陛下。 彼直爲侯,江南士民未有君臣之義也。我信其爲降,就封殖之,崇其位號, 陛下赫然 士民有畏 定其君

以篤教流化也。是以成湯、文、武,實造商、周,詩、書之義,追尊稷、契,歌頌有娀、姜嫄之事, 瓠 程郭董劉蔣劉傳第十四

位,擅自立,遣使表狀。一曄以爲公孫氏漢時所用,遂世官相承,水則由海,陸則阻山,故胡夷 皇、文皇帝。至于高皇之父處士君,潛脩德讓,行動神明,斯乃乾坤所福饗,光靈所從來也。 明盛德之源流,受命所由興也。自我魏室之承天序,既發迹於高皇、太皇帝,而功隆于武 以爲追尊之義,宜齊高皇而已。」尙書衞臻與曄議同,事遂施行。遼東太守公孫淵奪叔父 之義,不過其父。上比周室,則大魏發迹自高皇始;下論漢氏,則追諡之禮不及其祖。此 爲萬世式也。周王所以上祖后稷者,以其佐唐有功,名在祀典故也。至於漢氏之初,追諡 孫之欲褒崇先祖,誠無量已。然親疏之數,遠近之降,蓋有禮紀,所以割斷私情,克成公法, 絕遠難制,而世權日久。今若不誅,後必生患。若懷貳阻兵,然後致誅,於事爲難。不如因 誠往代之成法,當今之明義也。 陛下孝思中發,誠無已已,然君舉必書,所以愼於禮制也。 而精神幽遠,號稱罔記,非所謂崇孝重本也。其令公卿已下,會議號諡。」曄議曰:「聖帝孝 其新立,有黨有仇,先其不意,以兵臨之,開設賞募,可不勞師而定也。後淵竟反。

爲大鴻臚,在位二年遜位,復爲太中大夫,薨。諡曰景侯。子寓嗣。〔〕少子陶,亦高才而 在漢爲支葉,於魏備腹心,寡偶少徒,於宜未失也。」太和六年,以疾拜太中大夫。有閒, |曄在朝,略不交接時人。 或問其故,曄答曰:「魏室卽阼尙新,智者知命,俗或未咸。 僕

薄行,官至平原太守。(三

(佛子曰: 曄事明皇帝, 叉大見親重。 帝將伐蜀, 朝臣內外皆曰「不可」。 曄入與帝議, 因曰「可伐」;出與朝臣言, 問反者,是職常與聖意合也。 能 可制 其密也。陛下顯然露之,臣恐敵國已聞之矣。」於是帝謝之。曄見出,責暨曰:「夫鈞者中大魚,則縱而隨之, 曄,曄講不可之意。 上賢,何以加諸?獨任才智,不與世士相經緯,內不推心事上,外困於俗,卒不能自安於天下,豈不惜哉! 責帝曰:「伐國,大謀也,臣得與聞大謀,常恐眯夢漏泄以益臣罪,焉敢向人言之?夫兵,詭道也,軍事未發,不厭 臣,常曰蜀不可伐。」帝曰:「曄與吾言蜀可伐。」暨曰:「曄可召質也。」韶召曄至,帝問曄,終不言。 儒生之末,陛下過聽,拔臣羣萃之中,立之六軍之上,臣有微心,不敢不盡言。 因曰「不可伐」。 | 曄有膽智,言之皆有形。 中領軍楊暨,帝之親臣,又重曄,持不可伐蜀之議最堅,每從內出,輒過 發狂,出爲大鴻臚,以憂死。諺曰「巧詐不如拙誠」,信矣。以|曄之明智權計,若居之以德義,行之以忠信,古之 應變持兩端如此。 而後牽,則無不得也。 後暨從駕行天淵池,帝論伐蜀事,暨切諫。帝曰:「卿書生,焉知兵事!」 或惡曄于帝曰:「曄不盡忠,善伺上意所趨而合之。陛下試與<u>曄</u>言,皆反意而問之,若皆與所 人主之威,豈徒大魚而已!子誠直臣,然計不足采,不可不精思也。」暨亦謝之。 曄 復每問皆同者,曄之情必無所逃矣。」帝如言以驗之,果得其情,從此疏焉。 臣言誠不足采, 暨謙謝曰:「臣出自 侍中劉曄先帝謀 後獨 見,曄 | 曄| 遂 須

## (三) 王弼傳曰:淮南人劉陶,善論縱橫,爲當時所推。

難也。 謂之曰:「天下之質,變無常也。今見卿窮!」 爽之敗,退居里舍,乃謝其言之過。 曰:「仲尼不聖。 何以知其然?智者圖國;天下羣愚,如弄一丸于掌中,而不能得天下。」 曹爽時爲選部則,鄧颺之徒稱之以爲伊呂。 當此之時,其人意陵青雲,謂玄 玄以其言大惑,不復詳

干寶晉紀曰:田丘儉之起也,大將軍以問陶,陶答依違。大將軍怒曰:「卿平生與吾論天下事,至于今日而更不盡 類

叛主 姓懷 州 史僞得喜書,云步騎四萬已到雩婁,遣主簿迎喜。三部使齎書語城中守將,一部得入城,二 陶 不知人也。 旭 大軍征荆州 刺 迎見大笑曰:「本但欲使避賊,乃更驅盡之。」拜濟丹陽太守。 不仁者遠; (土,實不樂徙,懼必不安。」太祖不從,而江、淮間十餘萬衆 一,不徙必失之。 ,徙燕、白馬民,民不得走,賊亦不敢鈔。 | 賊所得。|權信之,遽燒圍走,城用得全。 |率者,|太祖聞之,指前令與左將軍||禁、|沛相||封仁等日:「蔣濟寧有此事 史,濟爲別駕。 蔣濟字子通,楚國平阿人也。仕郡計吏、州別駕。建安十三年,孫權率衆圍合肥。 司馬宣王及濟說太祖曰:「于禁等爲水所沒,非戰攻之失,於國家大計未足有損。 ,遇疾疫,唯遣將軍張喜單將千騎,過領汝南兵以解圍,頗復疾疫。 濟乃密白刺 此必愚民樂亂,妄引之耳。」 臧否得中, 自破袁紹,北拔柳城,南向江、漢,荆州交臂,威震天下,民無他志。然百 令曰:「季子爲臣,吳宜有君。 望于賢屬矣。」 促理出之。 關羽圍樊、襄陽。 明年使於譙,太祖問濟日:「昔孤與袁本初對 今欲徙淮南民,何如?」濟對曰:「是時兵弱 今君還州,吾無憂矣。」 辟爲丞相主簿西曹屬。 太祖以漢帝在許,近賊, ,皆驚走吳。後濟使詣鄴,太 大軍南征還,以溫恢爲揚 民有誣告濟爲謀 !有此 今日:「舜舉皋 事,吾爲 欲徙

中,濟更鑿地作四五道,蹴船令聚;豫作土豚遏斷湖水,皆引後船,一時開遏入淮中。 從,於是戰船數千皆滯不得行。議者欲就留兵屯田,濟以爲東近湖,北臨淮,若水盛時,賊 授將率之任。」頃之,徵爲尙書。車駕幸廣陵,濟表水道難通,又上三州論以諷帝。帝不 爲東中郎將,代領其兵。詔曰:「卿兼資文武,志節慷慨,常有超越江湖吞吳會之志,故復 西岸,列船上流,而兵入洲中,是爲自內地獄,危亡之道也。」仁不從,果敗。仁薨,復以濟 遣追取前詔。黃初三年,與大司馬曹仁征吳,濟別襲羨谿。仁欲攻濡須洲中,濟曰:「賊據 恩施足死,惠愛可懷。作威作福,殺人活人。」尚以示濟。濟旣至,帝問曰:「卿所聞見天下 萬機論,帝善之。入爲散騎常侍。時有詔,詔征南將軍夏侯尚曰:「卿腹心重將,特當任使。 得猛士守四方。! 易爲寇,不可安屯。 日三夫『作威作福』,書之明誠。『天子無戲言』,古人所愼。惟陛下察之!」於是帝意解, 風敎何如?」濟對曰:「未有他善,但見亡國之語耳。」帝忿然作色而問其故,濟具以答,因 文帝卽王位,轉爲相國長史。及踐阼,出爲東中郞將。濟請留,詔曰:「高祖歌曰『安 天下未寧,要須良臣以鎭邊境。如其無事,乃還鳴玉,未爲後也。」濟上 帝從之,車駕卽發。還到精湖,水稍盡,盡留船付濟。船本歷適數百里

洛陽,謂濟曰:「事不可不曉。吾前決謂分半燒船于山陽池中,卿於後致之,略與吾俱至譙。

又每得所陳,實入吾意。 自今討賊計畫,善思論之。」

割制,衆臣見其能推移於事,卽亦因時而向之。 所交,爲之內援。若此,臧否毀譽,必有所興,功負賞罰,必有所易;直道而上者或壅,曲附 書,雖使恭愼不敢外交,但有此名,猶惑世俗。況實握事要,日在目前,儻因疲倦之間有所 者國危,左右太親者身蔽,古之至戒也。往者大臣秉事,外內扇動。 遇救兵至,是以官軍得不沒。 遷爲中護軍。 時中書監、令號爲專任,濟上疏曰:「大臣太重 西,必欲幷兵圖東,宜急詔諸軍往救之。」會休軍已敗,盡棄器仗輜重退還。吳欲塞夾石 朱然等在上流,乘休後,臣未見其利也。」軍至皖,吳出兵安陸,濟又上疏曰:「今賊示形於 則形際自見。或恐朝臣畏言不合而受左右之怨,莫適以聞。 左右者反達。 不祗肅。 觀,若事有未盡於理而物有未周於用,將改曲易調,遠與黃、唐角功,近昭武、文之迹,豈近 無忘於左右。左右忠正遠慮,未必賢於大臣,至於便辟取合,或能工之。今外所言,輒云中 明帝即位,賜<equation-block>關內侯。大司馬曹休帥軍向院,濟表以爲「深入虜地,與權精兵對,而 夫大臣非不忠也,然威權在下,則衆心慢上,勢之常也。陛下旣已察之於大臣,願 因微而入,緣形而出,意所狎信,不復淸覺。 一有此端,因當內設自完,以此衆語,私招 此宜聖智所當早聞,外以經意, 臣竊亮陛下潛神默思,公聽並 陛下卓然自覽萬機,莫

軍,加散騎常侍。 (二) 也。 命,各奉其職,可並驅策,不使聖明之朝有專吏之名也。」詔曰:「夫骨鯁之臣,人主之所仗 非管夷吾之公,則有弄機敗官之弊。當今柱石之士雖少,至于行稱一州,智效一官,忠信竭 習而已哉!然人君猶不可悉天下事以適己明,當有所付。三官任一臣,非周公旦之忠,又 濟才兼文武,服勤盡節,每軍國大事,輒有奏議,忠誠奮發,吾甚壯之。」就遷爲護軍將

(一)司馬彪戰略曰:太和六年,明帝遣平州刺史田豫乘海渡,幽州刺史王雄陸道,并攻遼東。蔣濟諫曰:「凡非相吞之 國,不侵叛之臣,不宜輕伐。 伐之而不制,是驅使為賊。故曰『虎狼當路,不治狐狸。 先除大害,小害自已』。今 如意,是爲結怨失信也。」帝不聽,豫行竟無成而還。 海表之地,累世委質,歲選計考,不乏職買。議者先之,正使一舉便克,得其民不足益國,得其財不足爲富;儻不

誅,宿兵邊陲,且耕且戰,怨曠積年。宗廟宮室,百事草創,農桑者少,衣食者多,今其所急, 緒,光濟遺業,誠未得高枕而治也。今雖有十二州,至于民數,不過漢時一大郡。二賊未 故能以弱燕服彊齊,羸越滅勁吳。今二敵不攻不滅,不事卽侵,當身不除,百世之責也。以 唯當息耗百姓,不至甚弊。弊攰之民,儻有水旱,百萬之衆,不爲國用。凡使民必須農隊, 不奪其時。夫欲大興功之君,先料其民力而燠休之。句踐養胎以待用,昭王恤病以雪仇: 景初中,外勤征役,內務宮室,怨曠者多,而年穀饑儉。濟上疏曰:「陛下方當恢崇前

魏

則竭,形太勞則弊。 陛下聖明神武之略,舍其緩者,專心討賊,臣以爲無難矣。又歡娛之躭,害于精爽;神太用 願大簡賢妙,足以充『百斯男』者。其冗散未齒,且悉分出,務在清靜。

詔曰:「微護軍,吾弗聞斯言也。」 (1)

(一) 漢晉春秋曰:公孫淵聞魏將來討,復稱臣于孫權,乞兵自救。帝問濟:「孫權其救遼東乎?」濟曰:「彼知官備以 所以外揚此聲者,譎其行人疑於我,我之不克,冀折後事已耳。然沓渚之間,去淵尙遠,若大軍相持,事不速決, 則權之淺規,或能輕兵掩襲,未可測也。」 問,利不可得,深入則非力所能,淺入則勞而無獲;權雖子弟在危,猶將不動,沉異域之人,兼以往者之辱乎!今

宜使文武之臣各守其職,率以清平,則和氣祥瑞可感而致也。」以隨太傅司馬宣王屯洛水 惟命世大才,乃能張其綱維以垂于後,豈中下之吏所宜改易哉?終無益于治,適足傷民,望 天塞變,乃實人事。今二賊未滅,將士暴露已數十年,男女怨曠,百姓貧苦。夫爲國法度, 專政,丁謐、鄧颺等輕改法度。會有日蝕變,詔羣臣問其得失,濟上疏曰:「昔大舜佐治,戒 爲舜後,推舜配天。濟以爲舜本姓嬀,其苗曰田,非曹之先,蓍文以追詰隆。〔三〕是時,曹爽 浮橋,誅曹爽等,進封都鄉侯,邑七百戶。濟上疏曰:「臣忝寵上司,而爽敢苞藏禍心,此臣 在比周;周公輔政,愼于其朋;齊侯問災,晏嬰對以布惠;魯君問異,臧孫答以緩役。 齊王卽位,徙爲領軍將軍,進爵昌陵亭侯,口遷太尉。初,侍中高堂隆論郊祀事,以魏

嗣。 誠恐冒賞之漸自此而興,推讓之風由此而廢。」固辭,不許。(三)是歲薨,諡曰景侯。(四)子秀 之無任也。太傅奮獨斷之策,陛下明其忠節,罪人伏誅,社稷之福也。 。今論謀則臣不先知,語戰則非臣所率,而上失其制,下受其弊。臣備宰司,民所具瞻, 秀薨,子凱嗣。咸熙中,開建五等,以濟著勳前朝,改封凱爲下蔡子。 夫封寵慶賞,必加有

- (1)列異傳曰:濟爲領軍,其婦夢見亡兒涕泣曰:「死生異路,我生時爲卿相子孫,今在地下爲泰山伍伯,憔悴困辱,不 湾。 轉爲錄事矣。」 阿心痛,已時傳阿劇,日中傳阿亡。濟泣曰:「雖哀吾兒之不幸,且喜亡者有知。」後月餘,兒復來語母曰:「已得 阿曰:「輒當奉教。」 乃厚賞之,言訖遺還。 得爲泰山令,惟恐濟言不信也。曰:「若如節下言,阿之願也。不知賢子欲得何職?」 推問孫阿,果得之,形狀證驗悉如兒言。 阿之形狀,言甚備悉。 天明,母重啓侯:「雖云夢不足怪,此何太適, 日中當發,臨發多事,不復得歸,永辭於此。 可復 濟曰:「夢爲爾耳,不足怪也。」明日暮,復夢曰:「我來迎新君,止在廟下。 今太廟西謳士孫阿,今見召爲泰山令,願母爲白侯,屬阿令轉我得樂處。」言訖,母忽然驚 濟涕泣曰:「幾負吾兒!」於是乃見孫阿,具語其事。 濟欲速知其驗,從領軍門至廟下,十步安一人, 侯氣疆,難感悟,故自訴於母,願重啓侯,何惜不一試驗之?」遂道 適亦何惜不一驗之?」 濟乃遺人詣太廟下, 未發之頃, 濟曰:「隨地下樂者與之。」 暫得來歸。 以傳阿消息。 阿不懼當死,而喜 寤,明日以白 新君 辰時傳 明 日
- 臣松之案蔣濟立郊議稱曹騰碑文云「曹氏族出自邾」,魏書述曹氏胤緒亦如之。魏武作家傳, 故陳思王作武帝誄曰:「於穆武皇,曹稷胤周。」此其不同者也。 及至景初,明帝從高堂隆 議 自云曹叔振鐸之 謂魏爲舜後,

後觀爲禪晉文,稱「昔我皇祖有處」,則其異彌甚。尋濟難隆,及與尚書繆襲往反,並有理據,文多不載。濟亦未 祭虯龍也。騏驎白虎仁於豺,豺自祭其先,不祭騏虎也。如玄之說,有虞已上,豺獺之不若邪?臣以爲祭法所 注祭法云「有虞以上尙德,禘郊祖宗,配用有德,自夏已下,稍用其姓氏」。 濟曰:「夫虯龍神於獺,獺自祭其先,不 能定氏族所出,但謂「魏非舜後而橫祀非族,降黜太祖,不配正天,皆爲繆妄」。 然于時竟莫能正。 濟又難: 鄭玄 云,見疑學者久矣,鄭玄不考正其違而就通其義。」 濟豺獺之譬,雖似俳諧,然其義旨,有可求焉。

- (三)孫盛曰:蔣濟之辭邑,可謂不負心矣。語曰「不爲利回,不爲義疚」,蔣濟其有焉。
- 图〕世語曰:初,濟隨司馬宣王屯洛水浮橋,濟書與曹爽,言宣王旨「惟冤官而已」,爽遂誅滅。濟病其言之失信,發

將軍宜投身委命,厚自結納。」松然之。會太祖討袁譚於南皮,以書招松,松舉雍奴、泉州、 此乃不俟終日馳鶩之時也。昔黥布棄南面之尊,仗劍歸漢,誠識廢興之理,審去就之分也。 消,戰則官渡大敗;乘勝席卷,將淸河朔,威刑旣合,大勢以見。速至者漸福,後服者先亡, 人自封殖,惟曹公能拔拯危亂,翼戴天子,奉辭伐罪,所向必克。以二袁之彊,守則淮南冰 陽王松據其土,放往依之。太祖克冀州,放說松曰:「往者董卓作逆,英雄並起,阻兵擅命, 安次以附之。放爲松答太祖書,其文甚麗。太祖旣善之,又聞其說,由是遂辟放。建安十 劉放字子棄,涿郡人,漢廣陽順王子西鄉侯宏後也。歷郡綱紀,舉孝廉。遭世大亂,時漁

放參司空軍事,歷主簿記室,出爲郃陽、殺翮、殺音都活反。 祤音翮。贊令。 年,與松俱至。太祖大悅,謂放曰:「昔班彪依竇融而有河西之功,今一何相似也!」乃以

寇。邊候得權書,放乃改易其辭,往往換其本文而傳合之,與征東將軍滿龍,若欲歸化,封以 侯。〔<br />
意放善爲書檄,三祖詔命有所招喩,多故所爲。 位,尤見寵任,同加散騎常侍;進放爵西鄉侯,資樂陽亭侯。〔三太和末,吳遣將周賀浮海詣 中;放賜爵關內侯,資爲關中侯,遂掌機密。三年,放進爵魏壽亭侯,資關內侯。明帝即 放、資轉爲左右丞。數月,放徙爲令。黃初初,改祕書爲中書,以放爲監,資爲令,各加給事 大夫。[四]景初二年,遼東平定,以參謀之功,各進爵,封本縣,放方城侯,資中都侯。 |魏國旣建,與太原孫資俱爲祕書郎。先是,資亦歷縣令,參丞相軍事。(1) |文帝即位, 招誘公孫淵。帝欲邀討之,朝議多以爲不可。惟資決行策,果大破之,進虧左鄉 亮騰與吳大將步騭等,騭等以見權。 權懼亮自疑,深自解說。是歲,俱加侍中、光祿 **青龍初,孫權與諸葛亮連和,欲俱出爲** 

資別傳曰:資字彥龍。幼而岐嶷,三歲喪二親,長於兄嫂。講業太學,博覽傳記,同郡王尤一見而奇之。 君 人河東置達謂資曰:「足下抱逸羣之才,值舊邦傾覆,主將殷勤,千里延頸,宜崇古賢桑梓之義。 司空,叉辟資。 命,斯獨曜和璧於秦王之庭,而塞以連城之價耳。竊爲足下不取也!」資感其言,遂往應之。 會兄為鄉人所害,資手刃報讎、乃將家屬避地河東,故遂不應命。 **轉復爲本郡所命,以疾辭。**友 而久盤桓, 到署功曹,舉計 太祖 拒違

尚書令|前彧見資,嘆曰:「北州承喪亂已久,謂其賢智零落, 今日乃復見孫計君乎 表留以爲尙書郎。 辭

以家難,得還河東

[1] 資別傳曰:諸葛亮出在南鄭,時議者以爲可因大發兵,就討之,帝意亦然,以問資。 資曰:「昔武皇帝征南鄭,取張 魯,陽平之役,危而後濟。又自往拔出夏侯淵軍,數言『南鄭直爲天獄,中斜谷道爲五百里石穴耳』,言其深險,喜 蜀二虜必自罷弊。」帝由是止。時吳人彭綺又舉義江南,議者以爲因此伐之,必有所克。帝問資,資曰:「鄱陽宗 贼,凡用十五六萬人,必當復更有所發興。天下騷動,費力廣大,此誠陛下所宜深**慮**。 出淵軍之辭也。又武皇帝聖於用兵,察蜀賊棲於山巖,視吳廣竄於江湖,皆橈而避之,不責將士之力, 但以今日見兵,分命大將據諸要險,威足以震攝疆寇,鎮靜疆場,將士虎睡,百姓無事。 之忿,誠所謂見勝而戰,知難而退也。 會;江陵被圍歷月,權裁以千數百兵住東門, 人前後數有舉義者,衆弱謀淺,旋輒乖散。昔文皇帝嘗密論賊形勢, 綺果尋敗亡。 今若進軍就南鄭討亮, 而其土地無崩解者。是有法禁,上下相奉持之明驗也。 道旣險阻, 言洞浦殺萬人, 計用精兵叉轉運鎭守南方四州遏禦水 得船千萬, 夫守戰之力, 數年之間, 數日間 中國日盛,吳 力役參倍。 以此推綺 不爭一朝 船人復

魏氏春秋曰:鳥丸校尉田豫帥西部鮮卑泄歸尼等出塞,討軻比能、智鬱築鞬,破之,還至馬邑故城,比能帥三萬騎 馳詔 圍 使說比能,可不勞師而自解矣。」帝從之,比能果釋豫 帝聞之,計未有所出,如中書省以問監、令。令孫資對曰:「上谷太守閻志,柔弟也,爲比能素所歸信。 而還。 令

懼未能爲權腹心大疾也。」

之。 然自以受腹心,常證事於帝曰:「動大衆,舉大事,宜與羣下共之;既以示明,且於探求爲廣。」 曰:是時,孫權、諸葛亮號稱劇賊,無歲不有軍征。 而帝總攝羣下,內圖禦寇之計,外規廟勝之盡, 郎朝臣會議, 資皆管 魏書 程郭董劉蔣劉傳第十四

重。 資奏當其是非,擇其善者推成之,終不顯已之德也。若衆人有譴過及愛憎之說,輒復爲請解,以塞譖潤之端。如 薄之,卿自厚之耳!」乃爲長子|宏取其女。 初,資在邦邑,名出同類之右。鄉人司空掾田豫、梁相宗灩皆妬害之,而楊豐黨附豫等,專爲資構造謗端,怨隊甚 征東將軍滿籠、凉州刺史徐邈,並有譖毀之者,資皆盛陳其素行,使卒無纖介。龐、邈得保其功名者,資之力也。 資既不以爲言,而終無恨意。豫等慚服,求釋宿憾,結爲婚姻。資謂之曰:「吾無憾心,不知所釋。 而楊豐子後爲尚方吏,帝以職事譴怒,欲致之法,資請活之。其不念舊惡如此。 及當顯位,而田豫老疾在家。 |資遇之甚厚,又致其子於本郡,以爲孝 此爲 卿自

子一人亭侯,次子騎都尉,餘子皆郎中。正始元年,更加放左光祿大夫,資右光祿大夫,金 出,帝意復變,詔止宣王勿使來。尋更見放、資曰:「我自召太尉,而曹肇等反使吾止之,幾 受詔,然後帝崩。(三齊王卽位,以放、資決定大謀,增邑三百,放幷前千一百,資千戶; 封愛 敗吾事!」命更爲詔,帝獨召爽與放、資俱受詔命,遂免宇、獻、肇、朗官。太尉亦至,登牀 之。又深陳宜速召太尉司馬宣王,以綱維皇室。 爲?」放、資對曰:「燕王實自知不堪大任故耳。」 肇、驍騎將軍秦朗共輔政。 印紫綬,儀同三司。六年,放轉驃騎,資衞將軍,領監、令如故。七年,復封子一人亭侯,各 其年,帝寢疾,欲以燕王宇爲大將軍,及領軍將軍夏侯獻、武衞將軍曹爽、屯騎校尉曹 宇性恭良,陳誠固辭。 帝曰:「曹爽可代字不?」放、資因贊成 帝納其言,即以黃紙授放作詔。放、資旣 帝引見放、資,入臥內,問曰:「燕王正爾

日貞侯。子宏嗣。

薨,諡曰敬侯。子正嗣。〔三〕資復遜位歸第,就拜驃騎將軍,轉侍中,特進如故。三年薨,諡 年老遜位,以列侯朝朔望,位特進。〔三〕曹爽誅後,復以資爲侍中,領中書令。嘉平二年,放

〔一〕世語曰:放、資久典機任,獻、肇心內不平。殿中有雞棲樹,二人相謂:「此亦久矣,其能復幾?」 門,不得入,懼,詣廷尉,以處事失宜觅。帝謂獻曰:「吾已差,便出。」獻流涕而出,亦免。案世語所云樹置先後, 與本傳不同 指。 資懼,乃勸帝召宣王。 宣王疑有變,呼辟邪具問,乃乘追鋒車馳至京師。帝問放、資:「誰可與太尉對者?」放曰:「曹爽。」 **肇出,纂見,鰲曰:「上不安,云何悉共出?宜還。」已暮,放、資宣詔宮門,不得復內肇等,罷燕王。** 帝作手韶,令給使辟邪至,以授宣王。宣王在汲,獻等先韶令於軹關西還長安,辟邪又至, 指謂放、資。 帝曰:「堪 肇明日至 燕王頗失 放、

見兵,常不過數百,選授校尉,如其輩類,爲有疇匹。至於重大之任,能有所維綱者,宜以聖恩簡擇,如平、勃、俭、 晏駕,陛下即阼,猶有曹休外內之望,賴遭日月,御勒不傾,使各守分職,纖介不間。 向使漢高不知平、勃能安劉氏,孝武不識金、霍付屬以事,殆不可言!文皇帝始召曹眞還時,親詔臣 勢握兵,宜使輕重素定。 重。今射聲校尉缺,久欲得親人,誰可用者?」 資曰:「陛下思深慮遠,誠非愚臣所及。書傳所載,皆聖聽所究, 資別傳曰:帝詔資曰:「吾年稍長,又歷觀書傳中,皆歎息無所不念。 圖萬年後計,莫過使親人廣據職勢, 兵任又 若諸侯典兵,力均衡平,籠齊愛等,則不相爲服;不相爲服, 以此推之,親臣貴戚,雖當據 則意有異同。 以重 今五營所領 慮,及至

事。 霍 貴之』。平、勃雖安漢嗣,其終,勃被反名,平劣自免於呂須之識。上官桀、桑弘羊與霍光爭權, 祖,絳、灌等謗平有受金盜嫂之罪。周勃以吹簫引疆,始事高祖,亦未知名也;高祖察其行跡, <u>伸金、霍,雙劉章者,其誰哉?」資曰:「臣聞知人則哲,惟帝難之。唐處之聖,凡所進用,明試以功。</u> 「、劉章等一二人,漸殊其威重,使相鎭固,於事爲善。」帝曰:「然。 如卿言,當爲吾遠慮所圖。 今日可參平、勃, 霍光給事中二十餘年,小心謹愼,乃見親信。 日磾夷狄,以至孝質直,特見擢用,左右尚曰『妄得一胡兒而 幾成禍亂。 然後知可付以大 陳平初事漢 此 誠 重

臣松之以爲孫、劉于時號爲專任,制斷機密,政事無不綜。資、放被託付之問,當安危所斷,而更依違其對, 自其家,欲以是言掩其大失,然恐負國之玷,終真能磨也。 適莫。受人親任,理豈得然?案本傳及諸書並云放、資稱贊曹爽,勸召宜王,魏室之亡,禍基於此。資之別傳,出 無有

知人之不易,爲臣之難也。又所簡擇,當得陛下所親,當得陛下所信,誠非愚臣之所能識別。」

(三)資別傳曰:大將軍爽專事,多變易舊章。資歎曰:「吾累世蒙寵,加以豫聞屬託,今縱不能匡弼時事,可以坐受素 第。 謀。是以襲者增崇寵章,同之三事,外帥羣官,內望讜言。屬以年耆疾篤,上還印綬,前後鄭重,辭旨懇切。 以大順成德,君子以善恕成仁,重以職事,違奪君志;今聽所執,賜錢百萬, 餐之祿邪?」遂固稱疾。九年二月,乃賜詔曰:「君掌機密三十餘年,經營庶事,勳著前朝。暨朕統位,動賴良 君其勉進醫藥,頤神和氣,以永無疆之祚。 置舍人官騎,加以日秩肴酒之膳焉。」 使兼光祿勳 少 府 親 策詔君養疾于 天地

(三)臣松之案頭責子羽曰:士卿劉許字文生,正之弟也。與張華六人,並稱文辭可觀,意思詳序。晉惠帝世,許爲越 騎校尉

放才計優資,而自脩不如也。 放、資旣善承順主上,又未嘗顯言得失,抑辛毗而助王

魏 書 程郭董劉蔣劉傳第十四

思,以是獲譏於世。然時因羣臣諫諍,扶贊其義,并時密陳損益,不專導諛言云。 及咸熙

,,開建五等,以放、資著勳前朝,改封正方城子,宏離石子。

(1)案孫氏譜:宏爲南陽太守。宏子楚,字子荆。晉陽秋曰:楚鄉人王濟,豪俊公子也,爲本州大中正。 太守。洵子盛,字安國,給事中,祕書監。盛從父弟綽,字興公,廷尉正。楚及盛、綽,並有文藻,盛又善言名理, 品狀,濟曰:「此人非卿所能名。」自狀之曰:「天才英博,亮拔不羣。」楚位至討虜護軍、馮翊太守。 楚子洵,潁川 訪問關求楚

諸所論著,並傳於世。

畫所料,是其倫也。 評曰:程昱、郭嘉、董昭、劉曄、蔣濟才策謀略,世之奇士,雖清治德業,殊於荀攸,而籌 劉放文翰,孫資勤愼,並管喉舌,權聞當時,雅亮非體,是故譏諛之聲,

每過其實矣。

## 劉司馬梁張溫賈傳第十五

祖。 緒、陳蘭等聚衆數萬在江、淮間,郡縣殘破。太祖方有袁紹之難, 表爲揚州刺史。 太祖悅之,司徒辟爲掾。 劉馥字元穎,沛國相人也。 後孫策所置廬江太守李述攻殺揚州刺史嚴象, 避亂揚州,建安初,說袁術將戚寄、秦翊, 謂馥可任以東南之事,遂 使率衆與俱詣太 廬江梅乾、雷

萬枚,益貯魚膏數千斛,爲戰守備 (茹) 〔茄〕陂、七門、吳塘諸場以溉稻田,官民有畜。 又高爲城壘,多積木石,編作草苫數千 大行,百姓樂其政,流民越江山而歸者以萬數。 於是聚諸生,立學校,廣屯田, 馥旣受命,單馬造合肥空城,建立州治,南懷緒等,皆安集之,貢獻相繼。 興治芍陂及 數年中恩化

之,夜然脂照城外,視賊所作而爲備,賊以破走。 建安十三年卒。 孫權率十萬衆攻圍合肥城百餘日,時天連雨,城欲崩,於是以苫蓑覆 揚州士民益追思之,以爲雖董安于之守晉

陽,不能過也。及陂塘之利,至今爲用。

常之大法,莫善於守防,使民夷有別」。遂開拓邊守,屯據險要。又修廣戾陵渠大場,水溉 獨,蒙廩振之實。加之以明擿幽微,重之以秉憲不撓;有司供承王命,百里垂拱仰辨。雖 人來格。此聖人之教,致治之本也。」後遷鎭北將軍,假節都督河北諸軍事。靖以爲「經 以懲惡;舉善而敎不能則勸,浮華交游,不禁自息矣。闡弘大化,以綏未賓;六合承風,遠 五,皆入太學。明制黜陟榮辱之路;其經明行修者,則進之以崇德;荒教廢業者,則退之 宜高選博士,取行爲人表,經任人師者,掌敎國子。依邍古法,使二千石以上子孫,年從十 輕,諸生避役,高門子弟,恥非其倫,故無學者。雖有其名而無其人,雖設其敎而無其功。 治亂之軌儀,聖人之大敎也。自黃初以來,崇立太學二十餘年,而寡有成者,蓋由博士選 風。母喪去官,後爲大司農衞尉,進封廣陸亭侯,邑三百戶。上疏陳儒訓之本曰:「夫學者, **昔趙、張、三王之治,未足以方也。」靖爲政類如此。初雖如碎密,終於百姓便之,有馥遺** 農器必具,無失時之闕。蠶麥有苫備之用,無雨濕之虞。封符指期,無流連之吏。鰥寡孤 納言,出臨京任。富民之術,日引月長。藩落高峻,絕穿窬之心。五種別出,遠水火之災。 **負荷者也。」轉在河內,遷尙書,賜爵關內侯,出爲河南尹。 散騎常侍應璩書與靖曰:「入作** 馥子靖,黃初中從黃門侍郎遷廬江太守,詔曰:「卿父昔爲彼州,今卿復據此郡,可謂克

灌爋南北;三更種稻,邊民利之。。嘉平六年薨,追贈征北將軍,進封建成鄕侯,諡曰景侯。

#### 子熙嗣。二

晉陽秋曰:劉弘字叔和,熙之弟也。 哉!」乃表「陟姻親,舊制不得相監臨事,初勳宜見酬」。 其事,牙門將皮初有勳江漢,弘上朝爲零陵太守,初爲襄陽太守。詔書以襄陽顯郡,初資名輕淺,以弘壻夏侯陟 爲襄陽。弘曰:「夫統天下者當與天下同心,治一國者當與一國推實。吾統荆州十郡,安得十女壻,然後爲治 方雲擾,進從橫計於弘。弘怒斬之,時人莫不稱善。 不感悅,顚倒奔赴,咸曰「得劉公一紙書,賢於十部從事也」。時帝在長安,命弘得選用宰守。徵士武陵伍朝高尙 王室多難,得專命一方,盡其器能。 才。晉西朝之末,弘爲車騎大將軍開府,荆州刺史,假節都督荆、交、廣州諸軍事,封新城郡公。 推誠羣下,厲以公義,簡刑獄,務農桑。 弘與晉世祖同年,居同里,以舊恩屢登顯位。 報聽之,衆益服其公當。廣漢太守辛冉以天子蒙塵,四 每有興發,手書郡國,丁寧款密,故莫 自嘴至弘,世不曠名,而有政事 其在江、漢,值

子璠,北中郎將。 <u>晉諸公贊曰:于時天下雖亂,荆州安全。弘有劉景升保有江漢之志,不附太傅司馬越。越甚衡之。會弘病卒。</u>

也。 內外,累世長大,朗雖穉弱,無仰高之風,損年以求早成,非志所爲也。」監試者異之。 客謝之。十二,試經爲童子郎,監試者以其身體壯大,疑朗匿年, 司馬朗字伯達,河內溫人也。〔〕九歲,人有道其父字者,朗曰:「慢人親者,不敬其親者 劾問。 朗曰:「 朗之 後關

魏 書 劉司馬梁張溫賈傳第十五

亂,內徙,或爲寇鈔。 徙,帶山之縣必駭,是搖動民之心而開姦宄之原也,竊爲郡內憂之。」邵不從。 溫與野王卽是也;今去彼而居此,是爲避朝亡之期耳。 東兵起,故冀州刺史李邵家居野王,近山險,欲徙居溫。 且君,國人之望也,今寇未至而先 朗謂邵曰:「脣齒之喻,豈唯虞、號, 邊山之民果

同馬彪序頌曰:朗祖父儁,字元異,博學好古,倜儻有大度。長八尺三寸,腰帶十圍,儀狀魁岸,與衆有異,鄕黨 命曰進不敢進,不命曰坐不敢坐,不指有所問不敢言,父子之間肅如也。年七十一,建安二十四年終。有子八 人,朗最長,次即晉宣皇帝也。 誦者數十萬言。少仕州郡,歷官洛陽令、京兆尹,以年老轉拜騎都尉。養志閻巷,闔門自守。 宗族成景附焉。 位至潁川太守。父防,字建公,性質直公方,雖閒居宴處,威儀不忒。雅好漢書名臣列傳, 諮子雖冠成人,不 所諷

思,即榮名並於日月,伊、周不足侔也。」卓曰:「吾亦悟之,卿言有意!」(1) 負!」<br />
朗因曰:「明公以高世之德,遭陽九之會,淸除羣穢,廣舉賢士,此誠虛心垂慮,將興 亡藏竈,雖四關設禁,重加刑戮,猶不絕息,此朗之所以於邑也。願明公監觀往事,少加三 至治也。威德以隆,功業以蓍,而兵難日起,州郡鼎沸,郊境之內,民不安業,捐棄居產,流 遣朗將家屬還本縣。或有告朗欲逃亡者,執以詣卓,卓謂朗曰:「卿與吾亡兒同歲,幾大相 是時董卓遷天子都長安,卓因留洛陽。朗父防爲治書御史,當徙西,以四方雲擾,乃

[1] 臣松之案朗此對,但爲稱述卓功德,未相箴誨而已。了不自申釋,而卓便云「吾亦悟之,卿言有意」! 客主之辭

如爲不相酬塞也。

訓諸弟,不爲衰世解業。 之,關東兵散,太祖與呂布相持於濮陽,朗乃將家還溫。時歲大饑,人相食,朗收恤宗族,敎 諸州郡起兵,衆數十萬,皆集滎陽及河內。諸將不能相一,縱兵鈔掠,民人死者且半。 宗東到黎陽。黎陽有營兵,趙威孫鄕里舊婚,爲監營謁者,統兵馬,足以爲主。若後有變, 徐復觀望未晚也。」父老戀舊,莫有從者,惟同縣趙咨, 義兵者若未得進,其勢必停於此。此乃四分五裂戰爭之地,難以自安,不如及道路尙通,舉 爲天下所讐,此忠臣義士奮發之時也。郡與京都境壤相接,洛東有成皋,北界大河,天下與 |朗知卓必亡,恐見留,即散財物以賂遺卓用事者,求歸鄕里。 到謂父老曰:「董卓悖逆, 將家屬俱與朗往焉。後數月,關東

其見愛如此。遷元城令,入爲丞相主簿。 杖,而民不犯禁。先時,民有徙充都內者,後縣調當作船,徙民恐其不辦,乃相率私還助之, 無蒐狩習戰之備故也。 叉以爲宜復井田。 年二十二,太祖辟爲司空掾屬,除成皋令,以病去,復爲堂陽長。其治務寬惠,不行鞭 今雖五等未可復行,可令州郡並置兵,外備四夷,內威不軌,於策爲 往者以民各有累世之業,難中奪之,是以至今。今承大亂之後。民 朗以爲天下土崩之勢,由秦滅五等之制, 而郡國

魏

望繼朗後。 遺薨,望子洪嗣。〔〕〕 衣幅巾,斂以時服,州人追思之。〔三明帝卽位,封朗子遺昌武亭侯,邑百戶。 朗弟学又以子 侯惇、臧霸等征吳。到居巢,軍士大疫,朗躬巡視,致醫藥。遇疾卒,時年四十七。遺命布 太平。」朗以爲「伊、顏之徒雖非聖人,使得數世相承,太平可致」。〔1〕建安二十二年,與夏 觀等盛得名譽,朗常顯貶下之;後觀等敗,時人服焉。鍾繇、王粲著論云:「非聖人不能致 |州刺史,政化大行,百姓稱之。 雖在軍旅,常麤衣惡食,儉以率下。 雅好人倫典籍,鄕人|李 人分散,土業無主,皆爲公田,宜及此時復之。 議雖未施行,然州郡領兵, 朗本意也。 遷兗

(二)魏書曰:文帝善朗論,命祕書錄其文。

間矣。 世哉?「善人爲邦百年,亦可以勝殘去殺」。又曰「不踐跡,亦不入于室」。數世之論,其在斯乎!方之大賢,固有 不知,知之未嘗復行」。由此而言,聖人之與大賢,行藏道一,舒卷斯同,御世垂風,理無降異;升泰之美,豈俟積 孫盛曰:縣旣失之,朗亦未爲得也。昔「湯舉伊尹,而不仁者遠矣」。易稱「顏氏之子,其殆庶幾乎!有不善未嘗

- (三)魏書曰: 朗臨卒,謂將士曰: 「刺史蒙國厚恩,督司萬里,微功未效,而遭此疫癘,旣不能自救,辜負國恩。身沒之 後,其布衣幅巾,斂以時服,勿違吾志也。」
- (三) 晉瀦公贊曰:望字子初,字之長子。有才識,早知名。 太宰,父子居上公位,自中代以來未之有也。洪字孔業,封河間王。 咸熙中位至司徒,入晉封義陽王,遷太尉、大司馬。時孚爲

# 初期所與俱徙趙咨,官至太常,爲世好士。〔〕

答字君初。子酆字子[仲],晉驃騎將軍,封東平陵公。並見百官名(志)。

常爲天下最。 職,同於編戶。 萬口;其不從命者,興兵致討,斬首千數,降附者萬計。單于恭順,名王稽顙,部曲服事供 **幹荒亂之餘,胡狄在界,張雄跋扈,吏民亡叛,入其部落,兵家擁衆,作爲寇害,更相扇動** 侍,西北 丁彊以爲義從;又因大軍出征,分請以爲勇力。吏兵已去之後,稍移其家,前後送鄴,凡數 往往秦跱。 令,所在有治名。 還爲西曹令史,遷爲屬。 并土新附, 十八年,州幷屬冀州,更拜議郎、西部都督從事,統屬冀州,總故部曲。又使於上黨取大材供 太祖嘉之,賜爵關內侯,更拜爲眞。長老稱詠,以爲自所聞識,刺史未有及習者。 梁習字子虞,陳郡柘人也,爲郡綱紀。 無處,習之績也。〔〕文帝踐阼,復置幷州,復爲刺史,進封申門亭侯,邑百戶;政治 習表置屯田都尉二人,領客六百夫,於道次耕種菽粟, **習到官,誘論招納,皆禮召其豪右,稍稍薦舉,使詣幕府;豪右已盡,乃次發諸** 太和二年,徵拜大司農。 邊境肅清,百姓布野,勤勸農桑,令行禁止。 貢達名士,咸顯於世,語在常林 習在州二十餘年,而居處貧窮,無方面珍物,明帝異 太祖爲司空,辟召爲潭長,累轉乘氏、海西、下邳 習以別部司馬領幷州刺史。時承高 以給人牛之費。 後單于入

瓾

書

### 之,禮賜甚厚。四年,薨,子施嗣。

1〕魏略曰:鮮卑大人育延,常爲州所畏,而一旦將其部落五千餘騎詣習,求互市。習念不聽則恐其怨,若聽到州下, 合,而爲鮮卑所射死。始太祖聞昔叛、恐其爲亂於北邊;會聞已殺之,大喜,以習前後有策略,封爲關內侯。 州郡乃覺;吏民又畏古善射,不敢追。 |世既思之,又恐遂不得歸,乃以其部五百騎叛還||丼州,留其餘騎置山谷間,而單騎獨入晉陽,盜取其妻。 二十二年,太祖拔漢中,諸軍還到長安,因留騎督太原烏丸王魯昔,使屯池陽,以備盧水。昔有愛妻,住在晉陽。 <u>|延到,習賣贬曰:「汝胡自犯法,東不侵汝,汝何為使諸騎驚駭邪?」遂斬之,餘胡破膽不敢動。</u> 延騎皆驚,上馬彎弓圍習數重,吏民惶怖不知所施。習乃徐呼市吏,問縛胡意, 又恐爲所略,於是乃許之往與會空城中交市。遂敕郡縣,自將治中以下軍往就之。 習乃令從事張景,募鮮卑使逐昔。昔馬負其妻,重騎行遲, 而胡實侵犯人。 市易未畢,市吏收縛一胡。 是後無寇虜。至 習乃使譯呼延, 未及與其衆 已出城

更,然苛碎無大體,官至九卿,封列侯。 (E) 不言,思之識分,曰:「何意吾軍中有二義士乎。」「こ後同時擢爲刺史,思領豫州。思亦能 加重辟。時思近出,習代往對,已被收執矣,思乃馳還,自陳己罪,罪應受死。太祖歎習之 初,濟陰王思與習俱爲西曹令史。思因直日白事,失太祖指。太祖大怒,敎召主者,將

[1] 臣松之以爲習與王思,同寮而已,親非骨肉,義非刎頸,而以身代思,受不測之禍。以之爲義,無乃乖先哲之雅旨 於溝濱而莫之知也。習之死義者,豈其然哉 !史遷云「死有重於太山,有輕於鴻毛」,故君子不爲苟存,不爲苟亡。若使思不引分,主不加恕,則所謂自經

[三]魏略苛吏傳曰:思與薛悌、郤嘉俱從微起,官位略等。三人中,悌差挾儒術, 所在名爲閒省。 嘉與思事行相似。

外舍,自白求假。 軍司馬文王西征,路經弘農,弘農人告類荒耄不任幸郡,乃召入爲五官中郎將。 猪 地 爲刻薄類如此。思又性急,嘗執筆作審,蠅集筆端,驅去復來,如是再三。思恚怒, 形勢,亦以是顯名。 文帝詔曰:「薛悌駁吏,王思、郤嘉純吏也,各賜關內侯,以報其勤。」思爲人雖煩碎,而曉練文書,敬賢禮 謂遷、冤與死也。 兒扶昌在道左,類望見,呵其兒曰:「用是死人,使來見我。」其視人無禮,皆此類也。 舊俗,民謗官長者有三不肯, 以實對,類自愧不詳,因託問以他事。民尹昌,年垂百歲,聞類出行,當經過,謂其兒曰:「扶我迎府君,我欲陳恩。」 牆壁間闚閃,夜使斡廉察諸曹,復以幹不足信,又遣鈴下及奴婢使轉相檢驗。 不得使官屬曲修禮敬,而陰識不來者,輒發怒中傷之。性又少信,每遣大吏出,輒使小吏隨覆察之, 頭,又亂杖撾之,牽出復入,如是數四。 慝尤甚,以善修人事,不廢於世。 ,豬驚走,頭插柵間,號呼良久。 ,蹋壞之。時有丹陽施畏、魯郡倪顗、南陽胡業亦爲刺史、 思疑其不實、發怒曰:「世有思婦病母者、豈此謂乎!」遂不與假。 類在弘農,吏民患之,乃題其門曰:「劉府君有三不肯。」類雖聞之, 正始中,爲大司農,年老目瞑,瞋怒無度,下吏嗷然不知何據。 嘉平中,爲弘農太守。 類以爲外之吏擅共飲食,不復徵察,便使伍百曳五官掾孫弼入,頓頭責之。 乃使人掘地求錢,所在市里,皆有孔穴。 吏二百餘人,不與休假,專使爲不急。 郡守,時人謂之苛暴。 嘗案行,宿止民家。 又外託簡省,每出行,陽敕督郵 性少信,時有更父病篤,近在 自起逐蠅不能得, 還取筆 又有高陽劉類,歷位宰守,苛 吏父明日死,思無恨意。 猶不能自改。 過無輕重,輒捽其 白日常自於 民家二狗逐 士,傾意 其 骊 擲

張旣字德容,馮翊高陵人也。 年十六,爲郡小吏。(三後歷右職,舉孝廉,不行。 太祖爲

魏 書 劉司馬梁張溫賈傳第十五

破之。 州刺史。太祖謂旣曰:「還君本州,可謂衣繡晝行矣。」從征張魯,別從散關入討叛氐,收其 拔漢中守,恐劉備北取武都氏以逼關中,問旣。 安民相恐動,擾擾不安,旣假三郡人爲將吏者休課,使治屋宅,作水碓,民心遂安。太祖將 **辯,又與夏侯淵〔討〕宋建,別攻臨洮、狄道,平之。是時,太祖徙民以充河北,隴西、天水、南** 陰,西定關右。以旣爲京兆尹,招懷流民,興復縣邑,百姓懷之。 迎。 遣既喩騰等,令釋部曲求還。 農張琰各起兵以應之。太祖以旣爲議郞,參繇軍事,使西徵諸將馬騰等,皆引兵會擊晟等 援、幷州 其寵賞,則先者知利,後必慕之。」太祖從其策,乃自到漢中引出諸軍,令旣之武都,徙氐五 麥以給軍食。 幹及單于皆降。 馬騰等,旣爲言利害,騰等從之。騰遣子超將兵萬餘人,與繇會擊幹、援,大破之, 司空,辟,未至,舉茂才,除新豐令,治爲三輔第一。 騰不得已,發東。太祖表騰爲衞尉,子超爲將軍,統其衆。後超反,旣從太祖破超於華 斬蹊、固首,幹奔荆州。 刺史高幹及匈奴單于取平陽,發使西與關中諸將合從。 魯降,既說太祖拔漢中民數萬戶以實長安及三輔。 其後幹復舉幷州反。 騰已許之而更猶豫,旣恐爲變,乃移諸縣促儲偫,二千石郊 封旣武始亭侯。太祖將征荆州, 河內張晟衆萬餘人無所屬,寇崤、澠間,河東衞固、弘 既日: 袁尚拒太祖於黎陽,遣所置河東太守郭 「可勸使北出就穀以避賊,前至者厚 魏國旣建,爲尙書,出爲雍 司隸校尉鍾繇遣既說將軍 而騰等分據關中。 其後與曹洪破吳蘭於下 斬援首 太祖復

#### 萬餘落出居扶風、天水界。日

- |魏略| 筆及版奏,伺諸大吏有乏者輒給與,以是見識焉 "既世單家,(富)爲人有容儀。 少小工書疏,爲郡門下小吏,而家富。 自惟門寒,念無以自達,乃常畜好刀
- (三)三輔決錄注曰:既爲兒童,(爲)郡功曹游殷察異之,引旣過家,旣敬諾。殷先歸,敕家具設賓饌。及既至,殷妻笑 殺殷。 **漢興太守。** 明,死有貴神之靈。」子楚字仲允,爲蒲阪令。太祖定關中時,漢與郡缺,太祖以問既,旣稱楚才兼文武,遂以爲 曰:「君其悖乎!張德容ত量小兒,何異客哉!」殷曰:「卿勿怪,乃方伯之器也。」殷遂與旣論霸王之略。 以子煙託之;既謙不受,殷固託之。 殷死月餘, 後轉隴西 |軫得疾患,自說但言「伏罪,伏罪,游功曹將鬼來」。 既以殷邦之宿望,難違其旨, 乃許之。 於是遂死。于時關中稱曰:「生有知人之 殷先與司隸校尉胡軫有 隙 軫誣搆 饗訖

魏略日 走。 秋也。 心。 兵,就攻隴西。 守各葉郡東下,整獨據隴西,召會吏民,謂之曰:「太守無恩德。 中,則隴西吏人不攻自服;卿若不能,虛自疲弊耳。」 郡守義,人人獲爵寵也。 南安、天水皆坐應亮破滅,兩郡守各獲重刑,而楚以功封列侯,長史掾屬皆賜拜。 太守本爲國家守郡, **|楚爲人慷慨,歷位宰守,所在以恩德爲治,不好刑殺。** 楚聞賊到 ,乃遣長史馬顧出門設陳,而自於城上曉謂蜀帥,言:「卿能斷隴, 若官救不到,寅攻日急,爾乃取太守以降,未爲晚也。」 吏民遂城守。 義在必死, 卿諸人便可取太守頭持往。」吏民皆涕淚,言「死生當與明府同,無有二 使顒鳴鼓擊之,蜀人乃去。 太和中,諸葛亮出隴右, 今蜀兵至,諸郡吏民皆已應之, 後十餘日,諸軍上隴,諸葛亮破 帝嘉其治,詔特聽朝,引上 吏民騷動。 使東兵不上, 此亦諸卿富貴之 而南安果將蜀 天水、南安太 一月之

劉司馬梁張溫賈傳第十五

殿。 歌者,琵琶、筝、簫,每行來將以自隨。 所在樗蒱、投壺,歡欣自娛。 數歲,復出爲北地太守,年七十餘卒。 楚爲 人短 小 帝顧之而笑,遂勞勉之。罷會,自表乞留宿衞,拜駙馬都尉。楚不學問,而性好遊邀音樂。 而大聲,自爲吏,初不朝覲,被詔登階,不知儀式。帝令侍中贊引,呼「隴西太守前」,楚當言 「唯」,

時。 守,舉兵以應之。旣進兵爲護羌校尉蘇則聲勢,故則得以有功。旣進爵都鄕侯。 位, 將守以爲「兵少道險,未可深入」。 胡伊健妓妾、治元多等反,河西大擾。帝憂之,曰:「非既莫能安凉州。」乃召鄒岐,以既代 歲餘,鸞遂殺俊,武威王祕又殺鸞。是時不置涼州, 後即反耳。今方事定蜀,且宜兩存而鬭之,猶卞莊子之刺虎,坐收其斃也。」太祖曰:「善。」 遣 次出至武威。 武威危急,赴之宜速。」遂渡河。賊七千餘騎逆拒軍於鸇陰口,旣揚聲軍由鸇陰,乃潛由且 @使送母及子詣|太祖爲質;求助。 |太祖問既,既曰:「俊等外假國威,內生傲悖, 計定勢足, 初置凉州,以安定太守鄒岐爲刺史。張掖張進執郡守舉兵拒岐,黃華、麴演各逐故太 詔曰:「昔賈復請擊郾賊,光武笑曰:『執金吾擊郾,吾復何憂?』卿謀略過人,今則其 以便宜從事,勿復先請。」遣護軍夏侯儒、將軍費曜等繼其後。既至金城,欲渡河,諸 是時,武威顏俊、張掖和鸞、酒泉黃華、西平麴演等並舉郡反,自號將軍,更相攻擊。 胡以爲神,引還顯美。旣已據武威,曜乃至,儒等猶未達。旣勞賜將士,欲進 既曰:「道雖險,非井陘之隘,夷狄烏合,無左車之計,今 自三輔拒西域,皆屬雍州。文帝卽王 凉州盧水

擊,大破之,斬首獲生以萬數。〔〕帝甚悅,詔曰:「卿踰河歷險,以勞擊逸,以寡勝衆,功過南 千人爲伏,使參軍成公英督千餘騎挑戰,敕使陽退。 敵,患在數世』也。」遂前軍顯美。 若虜見兵合,退依深山,追之則道險窮餓,兵還則出候寇鈔。 仲,勤踰吉甫。 軍擊胡。 百,并前 四百戶。 諸將皆曰:「士卒疲倦,虜衆氣銳,難與爭鋒。」既曰:「今軍無見糧,當因敵爲資。 此勳非但破胡,乃永寧河右,使吾長無西顧之念矣。」徙封西鄕侯,增邑二 胡騎數千,因大風欲放火燒營,將士皆恐。 胡果爭奔之,因發伏截其後, 如此,兵不得解,所謂『一日縱 既夜藏精卒三 首尾進

典略曰 }魏 之。 封列侯。 **逐親敬之**。 以須其去。 年老矣,子欲何施?」英曰:「曹公不能遠來,獨夏侯爾。夏侯之衆,不足以追我,又不能久留;且息肩於羌中, 戚 而孤獨不可乎?」 漢乃下馬而跪曰:「不欺明公。假使英本主人在,實不來此也。」遂流涕哽咽。 () 略曰: 離叛,人衆轉少,當從羌中西南詣蜀耳。」英曰:「與軍數十年,今雖罷敗,何有棄其門而依於人乎!」遂曰:「吾 及夏侯淵還,使閻行留後。 成公英,金城人也。 韓遂在湟中,其壻閻行欲殺遂以降,夜攻遂,不下。 從行出獵,有三鹿走過前,公命英射之,三發三中, 延康、黃初之際,河西有逆謀。詔遣英佐涼州平隴右,病卒。 招呼故人,綏會羌、胡,猶可以有爲也。」遂從其計,時隨從者男女尙數千人。遂宿有恩於羌,羌衞護 中平末,隨韓約爲腹心。 乃合羌、胡數萬將攻行,行欲走,會遂死,英降太祖。 建安中,約從華陰破走,還湟中,部黨散去,唯英 遂歎息曰:「丈夫困厄,禍起婚姻乎!」謂英曰:「今親 皆應弦而倒。 公抵掌謂之曰:「但韓文約可爲盡節」 太祖 見英甚喜, 公嘉其敦舊, 以爲軍師,

魏

魏略曰 號爲健。 郡 行隨約還金城。太祖聞行前意,故但誅約子孫在京師者。乃手書與行曰:「觀文約所爲,使人笑來。吾前後與之 謀 西討張猛,留行守舊營,而馬超等結反謀,舉約爲都督。及約還,超謂約曰:「前鍾司隸任超使取將軍,關東人不 <u>|</u>行因請令其父入宿衞,西還見<u>|</u>約,宣太祖教云:「謝文約:卿始起兵時,自有所逼,我所具明也。. 當早來,共匡輔國 書,無所不說,如此何可復忍!卿父諫議,自平安也。雖然,牢獄之中,非養親之處,且又官家亦不能久爲人養 可復信也。 父詣京師,誠謂將軍亦宜遣一子,以示丹赤。」約曰:「且可復觀望數歲中!」後遂遣其子,與行父母俱東。 而同,似有天數。」乃東詣華陰。 遂勒其部曲,與約相攻擊。<br/>行不勝,乃將家人東詣太祖。<br/>太祖表拜列侯。 行因謂約曰:「行亦爲將軍,與軍以來三十餘年,民兵疲瘁,所處又狹,宜早自附。是以前在鄴,自啓當令老 約聞行父獨在,欲使幷遇害,以一其心,乃强以少女妻行,行不獲已。太祖果疑行。會約使行別領西平 閻行 行警刺超,矛折,因以折矛撾超項,幾殺之。至十四年,爲約所使詣太祖,太祖厚遇之,表拜犍爲太守 今超棄父,以將軍爲父,將軍亦當棄子,以超爲子。」行諫約, ,金城人也,後名豔,字彥明。少有健名,始爲小將,隨韓約。 及太祖與約交馬語,行在其後,太祖望謂行曰:「當念作孝子。」 不欲令與超合。 建安初, 約與馬騰 約謂行曰:「今諸將不 相攻擊。 及超等破走, 騰子超亦 會的

降。 後西平麴光等殼其郡守,諸將欲擊之,既曰:「唯光等造反,郡人未必悉同。 吏民羌胡必謂國家不別是非,更使皆相持著,此爲虎傅翼也。 遂上疏請與儒治左城,樂鄣塞,置烽候、邸閣以備胡。○□西羌恐,率衆二萬餘落降。 酒泉 蘇衡反,與羌豪鄰戴及丁令胡萬餘騎攻邊縣。 既與夏侯儒擊破之,衡及鄰戴等皆 光等欲以羌胡爲援,今先使 若便以軍臨之, 其

送,為光等所註誤者原之;能斬賊帥送首者當加封賞。於是光部黨斬送光首,其餘咸安堵 

如故。

魏略曰 儒猶以此召還,爲太僕。 還,使修等遙見之,數數如是。月餘,及太傅到,乃俱進,然等走。時謂儒爲怯,或以爲曉以少疑衆,得聲救之宜。 朱然圍樊城,城中守將乙修等求救甚急。 :儒字俊林,夏侯尙從弟。 初爲鄢陵侯彰驍騎司馬,(宣王)[□□]爲征南將軍、都督荆、豫州。 儒進屯鄧塞,以兵少不敢進,但作鼓吹,設導從,去然六七 里, 正始二 鄭翔而

嗣。 張恭、周生烈等,終皆有名位。(1) 黃初四年薨。 詔曰:「昔荀桓子立勳翟土,晉侯賞以千室 之良臣。不幸薨隕,朕甚愍之,其賜小子翁歸爵關內侯。」明帝卽位,追諡曰肅侯。 之邑;馮異輸力漢朝,光武封其二子。故凉州刺史張旣,能容民畜衆,使羣羌歸土,可謂國 旣臨二州十餘年,政惠著聞,其所禮辟扶風龐延、天水楊阜、安定胡遵、酒泉龐淯、燉煌 子緝

魏略曰:初,既爲郡小吏,功曹徐英嘗自鞭既三十。英字伯濟,馮翊著姓,建安初爲蒲阪令。 醉欲親狎英,英故抗意不納。英由此遂不復進用。 勝既,於鄉里名行在前,加以前辱既,雖知既貴顯,終不肯求於既。 故時人善既不挾舊怨,而壯英之不撓。 既雖得志,亦不顧計本原,猶欲與英和。 英性剛爽,自見族氏 嘗因

緝以中書郎稍遷東莞太守。 嘉平中,女爲皇后,徵拜光祿大夫,位特進,封妻向爲安城

劉

鄉君。緝與中書令李豐同謀,誅。語在夏侯玄傳。〔〕〕

(一)魏略曰:緝字敬仲,太和中爲溫令,名有治能。會諸葛亮出,緝上便宜,詔以問中書令孫資,資以爲有籌略, 通家, 誅不久。大將軍問其故,緝云:「威震其主,功蓋一國,欲不死可得乎?」及恪從合肥還,吳泉殺之。大將軍聞 恪死,謂衆人曰:「諸葛恪多輩耳!近張敬仲縣論恪,以爲必見殺,今果然如此。 旦以女徵去郡,還坐里舍,悒悒躁擾。數爲國家陳擊吳、蜀形勢,又嘗對司馬大將軍料諸葛恪雖得勝於邊土,見 相者云:「不過二千石。」帝曰:「何材如是而位止二千石乎?」及在東莞,領兵數千人。」緝性吝於財而矜於勢,一 拜騎都尉,遣參征蜀軍。軍罷,入爲尚書郎,以稱職爲明帝所識。 | 緝孫殷,晉永興中為梁州刺史,見晉書。 叉居相側近。豐時取急出,子臟往見之,有所咨道。豐被收,專與緝連,遂收送廷尉,賜死獄中,其諸子皆 帝以爲緝之材能,多所堪任, 敬仲之智爲勝恪也。」緝與李豐 試呼相者相之。 逐召

治中邪?」時濟見爲丹楊太守,乃遣濟還州。又語張遼、樂進等曰:揚州刺史曉達軍事 欲使卿在親近,顧以爲不如此州事大。故書云:『股肱良哉!庶事康哉!』得無當得蔣濟爲 廩丘長,鄢陵、廣川令,彭城、魯相,所在見稱。 入爲丞相主簿,出爲揚州刺史。 太祖曰:「甚 恢曰:「世方亂,安以富爲?」一朝盡散,振施宗族。 州里高之,比之郇越。 舉孝廉,爲 溫恢字曼基,太原祁人也。父恕,爲涿郡太守,卒。恢年十五,送喪還歸鄕里,內足於

動靜與共咨議。」

之急欲赴之也。所以不爲急會者,不欲驚動遠衆。一二日必有密書促卿進道,張遼等又將 患。」於是有樊城之事。詔書召潛及豫州刺史呂貢等,潛等緩之。恢密語潛曰:「此必襄陽 不足憂,而畏征南方有變。今水生而子孝縣軍,無有遠備。 建安二十四年,孫權攻合肥,是時諸州皆屯戍。 恢謂兗州刺史裴潛曰:「此別雖有賊 關羽驍銳,乘利而進,必將爲

被召。

遼等尋各見召,如恢所策。

遼等素知王意,後召前至,卿受其責矣!」潛受其言,置輜重,更爲輕裝速發,果被

授之以萬里之任,任之以一方之事。如何不遂,吾甚愍之!」賜恢子生爵關內侯。 卒,時年四十五。 文帝踐阼,以恢爲侍中,出爲魏郡太守。 韶曰:「恢有柱石之質,服事先帝,功勤明著。 數年,遷凉州刺史,持節領護羌校尉。 及爲朕執事,忠於王室,故 生早卒, 道病

恢卒後,汝南孟建爲涼州刺史,有治名,官至征東將軍。〔1〕

1〕魏略曰:建字公威,少與諸葛亮俱游學。亮後出祁山,答司馬宣王書,使杜子緒宣意於公威也。

將率。」 賈逵字梁道,河東襄陵人也。 口授兵法數萬言。〔〕 初爲郡吏,守絳邑長。 郭授之攻河東, 所經城邑皆下,逵堅 自爲兒童,戲弄常設部伍,祖父習異之,曰:「汝大必爲

魏

書

行送印綬歸郡,且曰「急據皮氏」。援旣幷絳衆,將進兵。達恐其先得皮氏,乃以他計疑援

謀人祝奧,援由是留七日。郡從達言,故得無敗。〔三〕

(一)魏略曰:遠世爲著姓,少孤家貧,冬常無袴,過其妻兄柳孚宿,其明無何,著字袴去,故時人謂之通健。

乃囚於壺關,閉著土窖中,以車輪蓋上,使人固守。方將殺之,達從窖中謂守者曰:「此閒無健兒邪,而當使義士

(三)魏略曰:援捕得達,達不肯拜,謂援曰:「王府君臨郡積年,不知足下曷爲者也?」援怒曰:「促斬之。」諸將覆護,

死此中乎?」時有限公道者,與達非故人,而適聞其言,憐其守正危厄,乃夜盜往引出,折械遣去,不語其姓名。

(三)孫資別傳曰:資舉河東計吏,到許,薦於相府曰:「逵在絳邑,帥厲吏民,與賊郭援交戰,力盡而敗,爲賊所俘,挺然 直志,額辭不屈;忠言聞於大衆,烈節顯於當時,雖古之直髮、據鼎,罔以加也。其才兼文武,誠時之利用。」

魏略曰:郭援破後,逵乃知前出己者爲祝公道。公道,河南人也。後坐他事,當伏法。逵救之,力不能解,爲之改

服焉。

欲還,恐見執,乃爲琰畫計,如與同謀者,琰信之。時縣寄治蠡城,城塹不固,逵從琰求兵脩 後舉茂才,除澠池令。高幹之反,張琰將舉兵以應之。達不知其謀,往見琰。

陽,達典喪事。〔三時鄢陵侯彰行越騎將軍,從長安來赴,問達先王璽綬所在。 事急,輒竟重者一人,皆放其餘。太祖善之,拜諫議大夫, 以爲丞相主簿。〔〕太祖征劉備,先遣達至斜谷觀形勢。道逢水衡,載囚人數十車, 藏亡民。都尉自以不屬郡,言語不順。達怒,收之,數以罪,撾折腳,坐免。然太祖心善達, 辟爲掾,以議郞參司隸軍事。太祖征馬超,至弘農,曰「此西道之要」,以逵領弘農太守。 「太子在鄴,國有儲副。 見計事,大悅之,謂左右曰:「使天下二千石悉如賈逵,吾何憂?」 其後發兵,違疑屯田都尉 諸欲爲亂者皆不隱其謀,故達得盡誅之。遂脩城拒琰。琰敗,逵以喪祖父去官,司徒 先王璽綬,非君侯所宜問也。」遂奉梓宮還鄴。 與夏侯尙並掌軍計。 逵正色日: 太祖崩洛 逵以軍

(1)魏略曰:太祖欲征吳而大霖雨,三軍多不願行。太祖知其然,恐外有諫者,教曰:「今孤戒嚴,未知所之, |逵。 惜達忠,恐其不活,敎「謝主簿,吾聞『十人割癭九人死』」。達猶行其意,而癭愈大。達本名價,後改爲達。 讀之,月常一遍。達前在弘農,與典農校尉爭公事,不得理,乃發憤生瘿,後所病稍大,自啓願欲令醫割之。 謂獄吏曰:「促械我。 署名,入白事。 死。」逵受敎,謂其同寮三主簿曰:「今實不可出,而敎如此,不可不諫也。」 乃建諫草以示三人,三人不獲已,皆 既而教曰:「逵無惡意,原復其職。」始,逵爲諸生,略覽大義,取其可用。最好春秋左傳,及爲牧守, 太祖怒,收達等。當送獄,取造意者,達卽言「我造意」,遂走詣獄。獄吏以達主簿也,不卽著械。 尊者且疑我在近職,求緩於卿,今將遣人來察我。」達著械適訖,而太祖果遣家中人就獄視 有諫者 常自課 太祖

=|魏略日 ·時太子在鄴,鄢陵侯未到,士民頗苦勞役,又有疾癘,於是軍中騷動。 羣寮恐天下有變,欲不發喪。 達建

議爲不可秘,乃發哀,令內外皆入臨,臨訖,各安敍不得動。 者討之。逵以爲「方大喪在殯,嗣王未立,宜因而撫之」。乃爲作長檄,告所在給其廩食。 而靑州軍擅擊鼓相引去。 衆人以爲宜禁止之,不從

能鷹揚有督察之才,不言安靜寬仁有愷悌之德也。今長吏慢法,盜賊公行,州知而不糾,天 州郡多不攝。 乎。」從至黎陽,津渡者亂行,達斬之,乃整。至<br />
譙,以達爲豫州刺史。〔三〕是時天下初復, 軍出征,復爲丞相主簿祭酒。逵嘗坐人爲罪,王曰:「叔向猶十世宥之,況逵功德親在其身 法者,皆舉奏免之。 下復何取正乎?」 文帝卽王位,以鄴縣戶數萬在都下,多不法,乃以逵爲鄴令。 月餘,遷魏郡太守。〔〕大 逵曰:「州本以御史出監諸郡,以六條詔書察長吏二千石已下,故其狀皆言嚴 兵曹從事受前刺史假,達到官數月,乃還;考竟其二千石以下阿縱不如 帝曰:「逵眞刺史矣。」布告天下,當以豫州爲法。 賜餌關內侯。

- 魏略曰:初,魏郡官屬頗以公事期會有所急切,會聞達當爲郡,舉府皆詣縣門外。及遷書到,達出門,而郡官屬悉 當門,謁逵於車下。逵抵掌曰:「詣治所,何宜如是!」
- (三)魏略曰:逵爲豫州。 |達進曰:「臣守天門,出入六年,天門始開,而臣在外。 唯殿下爲兆民計,無違天·人之望。」

與諸將並征吳,破呂範於洞浦,進封陽里亭侯,加建威將軍。 汝,造新陂,又斷山溜長谿水,造小弋陽陂,又通運渠二百餘里,所謂賈侯渠者也。 州南與吳接,達明斥候,繕甲兵,爲守戰之備,賊不敢犯。外修軍旅,內治民事,遏鄢、 明帝卽位,增邑二百戶,幷前 黄初中,

急,并軍相救,故常少敗。達以爲宜開直道臨江,若權自守,則二方無救;若二方無救,則 國家征伐,亦由淮、沔。是時州軍在項,汝南、弋陽諸郡,守境而已。權無北方之虞, 東西有 四百戶。時孫權在東關,當豫州南,去江四百餘里。每出兵爲寇,輒西從江夏,東從廬江。

東關可取。

。乃移屯潦口,陳攻取之計,帝善之。

陽直向東關,曹休從說,司馬宣王從江陵。達至五將山,休更表賊有請降者,求深入應之。 將,不可爲督。」帝乃止。及夾石之敗,微達,休軍幾無救也。[1] 兵糧給休,休軍乃振。 初,達與休不善。 黃初中,文帝欲假達節,休日:「達性剛, 素侮易諸 賊已斷險,兵雖多何益!」乃兼道進軍,多設旗鼓爲疑兵,賊見達軍,遂退。逵據夾石,以 無後繼,故至此;今疾進,出其不意,此所謂先人以奪其心也,賊見吾兵必走。若待後軍, 後軍。達曰:「休兵敗於外,路絕於內,進不能戰,退不得還,安危之機, 不及終日。 賊以軍 部署諸將,水陸並進,行二百里,得生賊,言休戰敗,權遣兵斷夾石。諸將不知所出,或欲待 詔宣王駐軍,達東與休合進。 達度賊無東關之備,必并軍於皖; 休深入與賊戰,必敗。 乃 吳將張嬰、王崇率衆降。太和二年,帝使逵督前將軍滿龍、東莞太守胡質等四軍,從西

(一)魏略曰:休怨逵進遲,乃呵責逵,遂使主者敕豫州刺史往拾棄仗。 來相爲拾棄仗也。」乃引軍還。 遂與休更相表奏,朝廷雖知逵直,循以休爲宗室任重,兩無所非也。 逵恃心直,謂休曰:「本爲國家作豫州刺史,不

魏書云:「体猶挾前意,欲以後期罪達,達終無言,時人益以此多達。

善爭矣。在於未能忘勝之流,不由於此而能濟勝者,未之有也。 不覺所復,而沉於曹休乎?然則濟彼之危,所以成我之勝,不計宿憾,所以服彼之心,公義旣成,私利亦弘,可謂 而急彼之憂,冒難犯危而免之於害,使功顯於明君,惠施於百姓,身登於君子之塗,義愧於敵人之心,雖豺虎猶將 者也。若以其私憾敗國殄民,彼雖傾覆,於我何利?我苟無利,乘之曷爲?以是稱說,臧獲之心耳。今忍其私忿 習鑿藍曰:夫賢人者,外身虛己,內以下物,嫌忌之名,何由而生乎?有嫌忌之名者,必與物爲對,存勝負於已身

諡曰肅侯。(二子|充嗣。豫州吏民追思之,爲刻石立祠。|青龍中,帝東征,乘辇入]逵祠,詔 曰:「昨過項,見賈逵碑像,念之愴然。古人有言,患名之不立,不患年之不長。 勳,沒而見思,可謂死而不朽者矣。其布告天下,以勸將來。」〔三元,咸熙中爲中護軍。〔三 會病篤,謂左右曰:「受國厚恩,恨不斬孫權以下見先帝。喪事一不得有所脩作。」薨, 達存有忠

- (1)魏書曰:達時年五十五。
- (三)魏略曰:甘露二年,車駕東征,屯頂,復入遠祠下,詔曰:「逵沒有遺愛,歷世見祠。 東征,亦幸于此,親發德音,褒揚達美,徘徊之心,益有慨然!夫禮賢之義,或掃其墳墓, 其掃除祠堂,有穿漏者補治之。」 追聞風烈, 或脩其門閭, 朕甚嘉之。 所以崇敬 昔先帝
- (三) 晉諸公贊曰: 充字公閒, 甘露中為大將軍長史。 高貴鄉公之難, 司馬文王賴充以免。爲晉室元功之臣, 位至太 宰,封魯公。 諡曰武公。

遺。 當速反,乃陰心計,請配曰:「今城中穀少,無用老弱爲也,不如驅出之以省穀也。」配從其計,乃復夜簡別 實怒守圍者,收縛之。因開其圍,馳到城下,呼城上人,城上人以繩引,俘得入。配等見字,悲喜,鼓譟稱萬歲。 從東圍表,又循圍而南,步步呵責守圍將士,隨輕重行其罰。途歷太祖營前,徑南過,從南圍角西折,當章門,復 学字子憲 悉降,火光照曜。但共觀火,不復視圍。|学出北門,遂從西北角突圍得去。其明,太祖聞|学已得出,抵掌笑曰 守圍者以狀聞,太祖笑曰:「此非徒得入也,方且復得出。」 字事訖欲得還,而顧外圍必急,不可復冒。 騎,投暮詣鄴下。 兵仗,各給快馬。 審配守鄴城,学隨尚行。 食,故時人謂能行意。 詣牙門,稱冀州主簿字字欲口白密事。 譚,復爲譚主簿,東還平原。 人,皆使持白幡,從三門並出降。 「果如吾言也。」||字比見尚, 学答倘言:「今使小人往,恐不足以知外內,且恐不能自達。学請自往。」倘問字:「當何所得?」学曰:「聞 ,鉅鹿人也。 是時大將軍雖有禁令,而獨牧者多。故學因此夜到,以鼓一中,自稱都督,歷北圍, 遂辭尚來南,所在止亭傳。 興平中, 後為吏。建安中,袁尚領冀州,以字爲主簿。 會太祖圍鄴, 尚甚歡喜。 太祖進攻譚,譚戰死。 本郡人民饑困。 又使人人持火,学乃無何將本所從作降人服, 尚還欲救鄴。 太祖見之,学叩頭謝。 會尚不能救鄴,破走至中山,而袁譚又追擊尚,尚走。字與尚相失,遂詣 尚從其計。 及到梁淇,使從者斫問事杖三十枚,繫著馬邊,自著平上幘, 学爲諸生,當種薤,欲以成計。 字還城,城中雖必降,尙擾亂未安。 行未到,倘疑潔中守備少,復欲令配知外動止, |学自選溫信者三人,不語所之,皆敕使具脯糧,不得持 太祖問其所白,学言「今城中疆弱相陵,心皆不定, 後尚與其兄譚爭鬭,尚出軍詣 隨輩夜出。 有從索者,亦不與一莖, 学權宜欲得見太祖 時守圍將士,聞城中 平原, 循表而東 與字議所 謂己使命 以得數千 亦不自 留別 乃乃騎 將三 駕

秛

名爲嚴能。 以爲宜令新降爲內所識信者宜傅明敎。」公謂字曰:「卿便還宣之。」字跪請敎,公曰:「便以卿意宣也。」字還入 城,宣敎「各安故業,不得相侵陵。」城中以安,乃還報命,公以字爲良足用也。 稍遷至司隸校尉,時年七十餘矣,其於精斷無衰,而術略不損於故。終於陽平太守。字本姓馮,後改 會爲所閒,裁署冗散。 出守解長,

|兆尹。 章,會太祖出征在<br />
譙,聞<br />
瀬下頗不奉科禁,乃發敎選<br />
鄴令,當得嚴能如楊沛比,故<br />
沛從徒中起爲<br />
鄴令。已拜,太 事貴人,故身退之後,家無餘積。治疾於家,借舍從兒,無他奴婢。後占河南(夕)[几]陽亭部荒田二頃,起瓜牛 捶之,而逸得去,衣幘皆裂壞,自訴于太祖。太祖曰:「汝不死爲幸矣。」 由是聲名益振。及關中破,代張旣領京 其生口十人,絹百匹,既欲以勵之,且以報乾椹也。沛辭去,未到鄴,而軍中豪右曹洪、劉勳等畏沛名, |祖見之,問曰:「以何治||鄴?」||沛曰:「竭盡心力,奉宣科法。」||太祖曰:「善。」| 顧謂坐席曰:「諸君,此可畏也。」 折其腳,遂殺之。 鄭,沛謁見,乃皆進乾椹。 楊沛字孔渠,馮翊萬年人也。初平中,爲公府令史,以牒除爲新鄭長。與平末,人多飢窮,沛課民益畜乾椹,收營 黄門與吏爭言。 孟津渡事。 騎) (騎馳) 告子弟,使各自檢敕。 豆,閱其有餘以補不足,如此積得千餘斛,藏在小倉。會太祖爲兗州刺史,西迎天子,所將千餘人皆無糧。 黃初中,儒雅並進,而沛本以事能見用,遂以議郎亢散里巷。 太祖已南過,其餘未畢,而中黃門前渡,忘持行軒,私北還取之,從吏求小船, 沛問黃門:「有疏邪?」黃門云:「無疏。」 沛怒曰:「何知汝不欲逃邪?」遂使人捽其頭,與杖欲 由此太祖以爲能。累遷九江、東平、樂安太守,並有治迹。坐與督軍爭厲,髠刑五歲。 太祖甚喜。及太祖輔政、遷沛爲長社令。 **沛爲令數年,以功能轉爲護羌都尉。** 時曹洪賓客在縣界,徵調不肯如法, 沛前後宰歷城守,不以私計介意, 十六年,馬超反,大軍西討,沛隨軍,都督 欲獨先渡。 吏呵不肯, 遣家 叉不肯以 輸作未 沛 先撾 過|新 賜 (馳

魏業,此皆其流稱譽有名實者也。咸精達事機,威恩兼著,故能肅齊萬里,見述于後也。 評曰:自漢季以來,刺史總統諸郡,賦政于外,非若曩時司察之而已。 太祖創基, 迄終

### 任蘇杜鄭倉傳第十六

守,遂發兵。會太祖起關東,入中牟界,衆不知所從,峻獨與同郡張奮議,舉郡以歸太祖。 之,必有和者。」原曰:「爲之奈何。」峻曰:「今關東有十餘縣,能勝兵者不減萬人,若權行 |峻叉別收宗族及賓客家兵數百人,願從|太祖。|太祖大悅,表|峻爲騎都尉,妻以從妹,甚見親 說原曰:「董卓首亂,天下莫不側目,然而未有先發者,非無其心也,勢未敢耳。 明府若能唱 方行,爲複陳以營衞之,賊不敢近。軍國之饒,起於棗祗而成於峻。〔三太祖以峻功高,乃表 祖以峻爲典農中郎將,〔募百姓屯田於許下,得穀百萬斛,郡國列置田官〕,數年中所在積 信。|太祖每征伐,峻常居守以給軍。是時歲飢旱,軍食不足,羽林監潁川棗祗建置屯田,太 河南尹事,總而用之,無不濟矣。」原從其計,以峻爲主簿。峻乃爲原表行尹事,使諸縣堅 栗,倉廩皆滿。官渡之戰,太祖使峻典軍器糧運。賊敷寇鈔絕糧道,乃使千乘爲一部,十道 任峻字伯達,河南中牟人也。漢末擾亂,關東皆震。中牟令楊原愁恐,欲棄官走。峻

### 封爲都亭侯,邑三百戶,遷長水校尉。

一)魏武故事載令曰:「故陳留太守棗賦,天性忠能。始共舉義兵,周旋征討。後袁紹在冀州,亦貪膩,欲得之。 祗深 僦牛輸穀,大收不增穀,有水旱災除,大不便。 反覆來說,孤猶以爲當如故,大收不可復改易。 祗猶執之,孤不知 繼,祗之功也。及破黃巾定許,得賊資業。當興立屯田,時議者皆言當計牛輸穀,佃科以定。施行後, 附託於孤,使領東阿令。呂布之亂,兗州皆叛,惟范、東阿完在,由祗以兵據城之力也。後大軍糧乏, 受封,稽留至今,孤之過也。賦子處中,宜加封爵,以祀賦爲不朽之事。」 此大田,豐足軍用,摧滅羣逆,克定天下,以隆王室。」脈與其功,不幸早沒,追贈以郡,猶未副之。 以疑令君。祗猶自信,據計畫還白,執分田之術。孤乃然之,使爲屯田都尉,施設田業。其時歲則大收,後遂因 所從,使與前令君議之。時故軍祭酒侯聲云:『科取官牛,爲官田計。如祗議,於官便,於客不便。』聲懷此云云, 今重思之,祗宜 得東阿以 祗白以爲

·文士傳曰:祗本姓棘,先人避難,易爲棗。孫據,字道彥,晉冀州刺史。據子嵩,字臺產,散騎常侍。並有才名,多 所著述。當兄腆,字玄方,襄陽太守,亦有文采。

帝追錄功臣,諡峻日成侯。復以峻中子覽爲關內侯。 宗,周急繼乏,信義見稱。建安九年薨,太祖流涕者久之。子先嗣。先薨,無子,國除。 峻寬厚有度而見事理,每有所陳,太祖多善之。於饑荒之際,收卹朋友孤遺,中外貧

蘇則字文師,扶風武功人也。少以學行聞,舉孝廉茂才,辟公府,皆不就。起家爲酒泉

勒兵討之。演恐,乞降。文帝以其功,加則護羌校尉,賜爵關內侯。行 者日多。李越以隴西反,則率羌胡圍越,越即請服。 千家。乃明爲禁令,有干犯者輒戮,其從教者必賞。 循之甚謹。外招懷羌胡, 綏定下辯諸氏,通河西道,徙爲金城太守。 太守,轉安定、武都,行所在有威名。 得其牛羊,以養貧老。與民分糧而食,旬月之間,流民皆歸,得數 太祖征張魯,過其郡,見則悅之,使爲軍導。 。是時喪亂之後,吏民流散飢窮,戶口損耗 親自教民耕種,其歲大豐收,由是歸附 太祖崩,西平麴演叛,稱護羌校尉。 魯破,則 ,則撫 則

[二]魏書曰:則剛直疾惡,常慕汲黯之爲人。

魏略曰:則世爲著姓,興平中,三輔亂,飢窮,避難北地。客安定,依富室師亮。亮待遇不足,則慨然歎曰:「天下魏略曰:則世爲著姓,興平中,三輔亂,飢窮,避難北地。客安定,依富室師亮。亮待遇不足,則慨然歎曰:「天下 守,而師亮等皆欲逃走。 會安,當不久爾,必還爲此郡守,折庸輩士也。」後與馮翊吉茂等隱於郡南太白山中,以書籍自娛。及爲安定太 則聞之,豫使人解語,以禮報之。

魏名臣奏載文帝令問雍州刺史張既曰:「試守金城太守蘇則,既有綏民平夷之功,聞又出軍西定湟中,爲河西作 平麴演等倡造邪謀,則尋出軍,臨其項領,演卽歸命送質,破絕賊糧。 又梁燒雜種羌,昔與遂同惡,遂斃之後,越出障塞。 昔爲韓遂所見屠剝,死喪流亡,或竄戎狄,或陷寇亂,戶不滿五百。則到官,內撫彫殘,外鳩離散,今見戶千餘。 遭遇聖明,有功必錄。 聲勢,吾甚嘉之。 則之功勢,爲可加爵邑未邪?封爵重事,故以問卿。密白意,且勿宣露也。」既答曰:「金城郡 若則加爵邑,誠足以勸忠臣,勵風俗也。」 則前後招懷,歸就郡者三千餘落,皆卹以威恩,爲官効用。四 則既有恤民之效,又能和戎狄, 盡忠効節。

魏

散走。 演聞之,將步騎三千迎則,辭來助軍,而實欲爲變。 則誘與相見,因斬之,出以徇軍,其黨皆 以 進討,破之必矣。若待大軍,曠日持久,善人無歸,必合於惡,善惡旣合,勢難卒離。雖有詔 略羌胡以從進等,郡人咸以爲進不可當。又將軍郝昭、魏平先是各屯守金城, 命,違而合權,專之可也。」於是昭等從之,乃發兵救武威,降其三種胡, 心;因釁擊之,善惡必離,離而歸我,我增而彼損矣。旣獲益衆之實,且有倍氣之勢,率以 應之。又武威三種胡並寇鈔,道路斷絕。武威太守毌丘興告急於則。 乃還金城。 則遂與諸軍圍張掖,破之,斬進及其支黨,衆皆降。 則乃見郡中大吏及昭等與羌豪帥謀曰:「今賊雖盛,然皆新合,或有脅從,未必同 進封都亭侯,邑三百戶。 演軍敗,華懼,出所執乞降,河西 時雍、涼諸豪皆驅 與興擊進於張掖 亦受詔不得

巽掐 |燉煌獻徑寸大珠,可復求市益得不?」|則對曰:「若陛下化洽中國, 容言曰:「吾應天而禪,而聞有哭者,何也?」則謂爲見問,鬚髯悉張,欲正論以 初 ,則及臨菑侯植聞魏氏代漢,皆發服悲哭,文帝聞植如此,而不聞則也。 **徵拜侍中**,與董昭同寮。 音告治反。則曰:「不謂卿也。」 昭嘗枕則膝臥,則推下之,曰:「蘇則之膝, 於是乃止。〔〕文帝問則曰:「前破酒泉、張掖,西域通使, **德流沙漠,即不求自** 非佞人之枕也。」 帝在洛陽, 對。 侍中傅 嘗從

**黃初四年,左遷東平相。未至,道病薨,諡日剛侯。子怡嗣。怡薨,無子,弟隃襲封。 愉,咸** 戲多殺羣吏,愚臣以爲不可。敢以死請!」帝曰:「卿,直臣也。」遂皆赦之。然以此見憚。 收督吏,將斬之。則稽首曰:「臣聞古之聖王不以禽獸害人,今陛下方隆唐堯之化,而以獵 至;求而得之,不足貴也。」帝默然。後則從行獵,槎桎拔,失鹿,帝大怒,踞胡牀拔刀,悉

#### 熙中爲尙書。〔三〕

(一)魏略曰:舊儀,侍中親省起居,故俗謂之執虎子。始則同郡吉茂者,是時仕甫歷縣令,遷爲冗散。茂見則,嘲之 中傳巽目之,乃悟。 右曰:「人心不同,當我登大位之時,天下有哭者。」 時從臣知帝此言,有爲而發也,而則以爲爲己,欲下馬謝。 喪;後聞其在,自以不審,意頗默然。臨菑侯植自傷失先帝意,亦怨激而哭。 曰:「仕進不止執虎子。」則笑曰:「我誠不能效汝蹇蹇驅鹿車馳也。」初,則在金城,聞漢帝禪位,以爲崩也,乃發 其後文帝出游,追恨臨菑,顧謂左 侍

爽言,豈大雅君子去就之分哉?詩云:「士也罔極,二三其德。」 士之二三,猶喪妃偶,況人臣乎? 孫盛曰:夫士不事其所非,不非其所事,趣舍出處,而豈徒哉!則既策名新朝,委質異代,而方懷二心生忿,欲奮

(三)愉字休豫,歷位太常光祿大夫,見晉百官名。 山濤啓事稱愉忠篤有智意

臣松之案愉子紹,字世嗣,爲吳王師。石崇妻,紹之女兄也。 紹有詩在金谷集。 紹弟慎,左衞將軍。

杜畿字伯侯,京兆杜陵人也。〔〕少孤,繼母苦之,以孝聞。年二十,爲郡功曹,守鄭縣

四九四

令。 舉孝廉,除漢中府丞。 縣囚繫數百人,幾親臨獄,裁其輕重,盡決遣之,雖未悉當,郡中奇其年少而有大意也。 。會天下亂,遂棄官客荆州,建安中乃還。荀彧進之太祖,〔三〕 太祖以

**畿爲司空司直,遷護羌校尉,使持節,領西平太守。**〔三〕

[一] 姨子曰:畿,漢御史大夫杜延年之後。延年父周,自南陽徙茂陵,延年徙杜陵,子孫世居焉。

- (三) 傅子曰: | 畿自荆州還,後至許,見侍中耿紀,語終夜。 國士而不進,何以居位?」旣見畿,知之如舊相識者,遂進畿於朝。 尚書令一間或與紀比屋,夜聞幾言,異之,且遺人謂紀曰:「有
- **S** 魏略曰:畿少有大志。 與畿有舊,署爲功曹。嘗嫌其闊達,不助留意於諸事,言此家疏誕,不中功曹也。畿竊云:「不中功曹, 賊射之,畿請賊曰:「卿欲得財耳,今我無物,用射我何爲邪?」賊乃止。 畿到鄉里,京兆尹張時,河東人也, 在荆州數歲、繼母亡後,以三輔開通,負其母喪北歸。 道為賊所劫略,衆人奔走,畿獨不 中河東守

間,南通劉表,固等因之,吾恐其爲害深。 君爲我舉蕭何、寇恂以鎭之。」彧曰:「杜畿其人也。」〔1〕於是追拜畿爲河東太守。 爲名,而內實與幹通謀。 兵數千人絕陝津,畿至不得渡。太祖遣夏侯惇討之,未至。或謂畿曰:「宜須大兵。」畿曰: 太祖旣定河北,而高幹舉幷州反。 太祖謂荀彧曰:「關西諸將, 時河東太守王邑被徵,河東人衞固、范先外以請邑 河東被山帶河, **恃險與馬,征必爲亂。** 四鄰多變, 當今天下之要地也。 張晟寇殽、澠 固等使

調兵未至。 **貲調發,數十日乃定,諸將貪多應募而少遣兵。又入喻固等曰:「人情顧家,諸將掾吏,可分** 欲爲非常之事,不可動衆心。今大發兵,衆必擾,不如徐以貲募兵。」固以爲然,從之,遂爲 威衆。(三)且觀畿去就,於門下斬殺主簿已下三十餘人, 未顯絕王命,外以請故君爲名,必不害新君。 吾單車直往,出其不**意**。 其餘黨與皆赦之,使復其居業。 得四千餘人。 各還其家,則衆離矣。會白騎攻東垣,高幹入濩澤,上黨諸縣殺長吏,弘農執郡守,固等密 遣休息,急緩召之不難'」 固等悪逆衆心,又從之。 於是善人在外,陰爲已援; 惡人分散 損,徒有惡名;且制之在我。」 遂奉之。 必僞受吾。 必以死戰。討之不勝,四鄰應之,天下之變未息也;討之而勝, 三千餘人,皆范先督之。固等喜,雖陽事饑,不以爲意。 「河東有三萬戶,非皆欲爲亂也。今兵迫之急,欲爲善者無主,必懼而聽於固。固等勢專, 然君臣有定義,成敗同之,大事當共平議。」以固爲都督,行丞事,領功曹;將校吏兵 畿知諸縣附己,因出,單將數十騎,赴張辟拒守,吏民多舉城助畿者,比數十日, 固等與幹、晟共攻畿,不下,略諸縣,無所得。 畿謂衞固、范先曰:「衞、范,河東之望也,吾仰成而 固欲大發兵,畿患之, 畿舉動自若。 會大兵至,幹、晟敗,固等伏誅 是殘一郡之民也。 固爲人多計而無斷 於是固日:「殺之無 充先欲殺畿以 **說固日**:「夫 且固等

- (一) 傅子曰:或稱畿勇足以當大難,智能應變,其可試之。
- (三)魏略曰:初,畿與衞固少相狎侮,固嘗輕畿。 畿嘗與固博而爭道,畿嘗謂固曰:「仲堅,我今作河東也。」 之。及畿之官,而固爲郡功曹。張時故任京兆。畿迎司隸,與時會華陰,時、畿相見,於儀當各持版。時歎曰: 昨日功曹,今爲郡將也!」 固褰衣駡

(三) 傅子曰:先云:「旣欲爲虎而熙食人肉,失所以爲虎矣。今不殺,必爲後患。」

之。日 畿乃曰:「民富矣,不可不敎也。」於是冬月修戎講武,又開學宮,親自執經敎授,郡中化 役,隨時慰勉之。漸課民畜牸牛、草馬,下逮雞豚犬豕,皆有章程。百姓勤農,家家豐實。 曰:「有君如此,奈何不從其教?」 自是少有辭訟。 班下屬縣,舉孝子、貞婦、順孫,復其繇 有相告者,畿親見爲陳大義,遣令歸諦思之,若意有所不盡,更來詣府。 鄉邑父老自相責怒 是時天下郡縣皆殘破,河東最先定,少耗減。畿治之,崇寬惠,與民無爲。民嘗辭訟,

(一)魏略曰:博士樂詳,由畿而升。至今河東特多儒者,則畿之由矣。

杜畿,孔子所謂『禹,吾無閒然矣』。 增秩中二千石。」 太祖征漢中,遣五千人運, 運者自率 至蒲阪,與賊夾渭爲軍,軍食一仰河東。及賊破,餘畜二十餘萬斛。太祖下令曰:「河東太守 韓遂、馬超之叛也,弘農、馮翊多舉縣邑以應之。河東雖與賊接,民無異心。 太祖西征

尚書。 勉曰:「人生有一死,不可負我府君。」終無一人逃亡,其得人心如此。〔〕魏國旣建,以畿爲 念河東吾股肱郡,充實之所,足以制天下,故且煩卿臥鎭之。」。畿在河東十六年, 事平,更有令曰:「昔蕭何定關中,寇恂平河內,卿有其功,閒將授卿以納言之職;顧 常爲天下

| 杜氏新書曰:平虜將軍劉勳,爲太祖所親,貴震朝廷。嘗從畿求大棗, 畿拒以他故。 **쬭馬以驥。今吾亦冀衆人仰高山,慕景行也。」** 曰:「杜畿可謂『不媚於竈』者也。」稱畿功美,以下州郡,曰:「昔仲尼之於顏子,每言不能不歎,旣情愛發中,又宜 後勳伏法,太祖得其書,歎

最。

尉。帝征吳,以畿爲尙書僕射,統留事。其後帝幸許昌,畿復居守。受詔作御樓船,於陶河 試船,遇風沒。 帝爲之流涕,〔三詔曰:「昔冥勤其官而水死,稷勤百穀而山死。〔三**故尚書**僕 射杜畿,於孟津試船,遂至覆沒,忠之至也。 朕甚愍焉。」 追贈太僕,諡曰戴侯。子恕嗣。〔閏〕 [一]魏璐曰:初畿在郡,被書錄寡婦。是時他郡或有已自相配嫁,依書皆錄奪,啼哭道路。|畿但取寡者,故所送少; 文帝卽王位,賜爵關內侯,徵爲尙書。及踐阼,進封豐樂亭侯,邑百戶,行守司隸校 及趙儼代畿而所送多。文帝問畿:「前君所送何少,今何多也?」畿對曰:「臣前所錄皆亡者妻,今儼送生人婦

(三)魏氏春秋日: 初, 畿嘗見童子謂之曰:「司命使我召子。」 畿固請之, 竜子曰: 「今將爲君求相代者。 君其愼勿

也。」

帝及左右顧

而失色。

言卒,忽然不見。至此二十年矣,畿乃言之。其日而卒,時年六十二。 任蘇杜鄭倉傳第十六

草昭國語注稱毛詩傳曰:「冥,契六世孫也,爲夏水官,勤於其職而死於水。稷、周葉也,勤播百穀, 死於黑水之

四 傳子曰: 畿與太僕李恢、東安太守郭智有好。 恢子豐交結英儁,以才智顯於天下。 智子沖有內實而無外觀,州里 服畿知人。 也,其子足繼其業。」時人皆以畿爲誤。恢死後,豐爲中書令,父子兄弟皆誅;沖爲代郡太守,卒繼父業;世乃 弗稱也。 | 畿爲尚書僕射,二人各脩子孫禮見| 畿。旣退, 畿歎曰: 「孝懿無子;非徒無子, 殆將無家。 君謀爲不死

魏略日李豐父名義,與此不同,義蓋恢之別名也。

交援,專心向公。每政有得失,常引綱維以正言,於是侍中辛毗等器重之。 恕字務伯,太和中爲散騎黃門侍郎。〔〕恕推誠以質,不治飾,少無名譽。及在朝,不結

(一) 杜氏新書曰:恕少與馮翊字豐俱爲父任,總角相善。及各成人,豐砥礪名行以要世譽,而恕誕節直意,與豐殊趣。 郞 豐竟馳名一時,京師之士多爲之游說。而當路者或以豐名過其實,而恕被褐懷玉也。由此爲豐所不善。恕亦任 其自然,不力行以合時。 豐以顯仕朝廷,恕猶居家自若。 明帝以恕大臣子, 擢拜散騎侍郎, 數月, 轉補黃門侍

領兵,以專民事。」俄而鎭北將軍呂昭又領冀州,自己乃上疏曰: 時公卿以下大議損益,恕以爲「古之刺史,奉宣六條,以淸靜爲名,威風著稱,今可勿令

帝王之道,莫尙乎安民;安民之術,在於豐財。豐財者,務本而節用也。方今二

司、冀而已。 不半收,秋種未下。若二賊游魂於疆場,飛芻輓粟,千里不及。究此之術,豈在彊兵 費,與兼官無異。然昭於人才尙復易;中朝苟乏人,兼才者勢不獨多。以此推之,知 揚、靑、徐、幽、幷、薙、凉緣邊諸州皆有兵矣, 國家以人擇官,不爲官擇人也。 官得其人,則政平訟理;政平故民富實,訟理故囹圄 意愛惜其力哉?以武皇帝之節儉,府藏充實,猶不能十州擁兵;郡且二十也。今荆、 繞天略币;所以統一州之民,經營九州之地,其爲艱難,譬策羸馬以取道里,豈可不加 地,而承喪亂之弊,計其戶口不如往昔一州之民,然而二方僭逆,北虜未賓,三邊遷難 誠不當復任以兵事也。若以北方當須鎭守, **)孫、吳爲首,州郡牧守,咸共忽恤民之術,脩將率之事。農桑之民,競干戈之業,不可謂** 賊未滅,戎車亟駕,此自熊虎之士展力之秋也。 而陛下復以冀州寵秩呂昭。 以此推之,非政教陵遲,牧守不稱之明效歟。往年牛死,通率天下十能損二;麥 陛下踐阼,天下斷獄百數十人,歲歲增多,至五百餘人矣。民不益多,法不益 帑藏歲虛而制度歲廣,民力歲衰而賦役歲興,不可謂節用。 今大魏奄有十州之 臣前以州郡典兵,則專心軍功,不勤民事,宜別置將守, 冀州戶口最多,田多墾闢,又有桑棗之饒,國家徵求之府, 其所恃內充府庫外制四夷者, 自可專置大將以鎭安之。 然搢紳之儒,橫加榮慕,攝腕抗論,以 以盡治理之務; 計所置吏士之 惟兗、豫

求忠愛,此古今之所常患也。 言此者,類皆疏賤;疏賤之言,實未易聽。若使善策必出於親貴,親貴固不犯四難以 堪四支之重。然孤論難持,犯欲難成,衆怨難積,疑似難分,故累載不爲明主所察。凡 乎?武士勁卒愈多,愈多愈病耳。夫天下猶人之體,腹心充實,四支雖病,終無大患; 今**党、豫、司、冀亦天下之腹心也。是以愚臣慺慺,實願四州之牧守,獨脩務本之業,以** 

[1]世語曰:昭字子展,東平人。長子巽,字長悌,爲相國掾,有籠於司馬文王。 次子安,字仲悌,與嵇康善,與康俱被 誅。次子粹,字季悌,河南尹。 粹子預,字景處,御史中丞。

時叉大議考課之制,以考內外衆官。恕以爲用不盡其人,雖才且無益,所存非所務,所

務非世要。上疏曰:

其欲使州郡考士,必由四科,皆有事効,然後察舉,試辟公府,爲親民長吏,轉以功次補 任,則唐、虞可不須稷、製之佐,殷、周無貴伊、呂之輔矣。今奏考功者,陳周、漢之法爲, 垂,臣誠以爲其法可粗依,其詳難備舉故也。 語曰:「世有亂人而無亂法。」若使法可專 **猶烏獲之舉千鈞,良、樂之選驥足也。雖歷六代而考績之法不著,關七聖而課試之文不** 綴京房之本旨,可謂明考課之要矣。於以崇揖讓之風,興濟濟之治,臣以爲未盡善也。 書稱「明試以功,三考黜陟」,誠帝王之盛制。使有能者當其官,有功者受其祿,譬 魏 書 任蘇杜鄭倉傳第十六

郡之法,法具施行,立必信之賞,施必行之罰。至於公卿及內職大臣,亦當俱以其職考 郡守者,或就增秩賜爵,此最考課之急務也。臣以爲便當顯其身,用其言,使具爲課州

節義者;況於束帶立朝,致位卿相,所務者非特匹夫之信,所感者非徒知己之惠,所殉 者豈聲名而已乎! 機至衆,誠非一明所能徧照。故君爲元首,臣作股肱,明其一體相須而成也。是以古 可以致雍熙者哉!且布衣之交,猶有務信誓而蹈水火,感知己而披肝膽, 徇聲名而立 人稱廊廟之材,非一木之支;帝王之業,非一士之略。由是言之,焉有大臣守職辨課 古之三公,坐而論道,內職大臣,納言補闕,無善不紀,無過不舉。且天下至大,萬

朝廷者,亦明主所察也。誠使容身保位,無放退之辜,而盡節在公,抱見疑之勢,公義 察也。若尸祿以爲高,拱默以爲智,當官苟在於舜負,立朝不忘於容身,絜行遜言以處 夙夜在公,恪勤特立,當官不撓貴勢,執平不阿所私,危言危行以處朝廷者,自明主所 稷、揳、夔、龍而責成功,及其罪也,殛鯀而放四凶。今大臣親奉明詔,給事目下,其有 古人不患於念治之心不盡,患於自任之意不足,此誠人主使之然也。唐、虞之君,委任 諸蒙龍祿受重任者,不徒欲舉明主於唐、虞之上而已;身亦欲<u>順稷、契之列。是以</u>

五〇二

韓而上法術,競以儒家爲迂闊,不周世用,此最風俗之流弊,創業者之所致愼也。 不脩而私議成俗,雖仲尼爲謀,猶不能盡一才,又況於世俗之人乎!今之學者,師商、

後考課竟不行。[1]

(一) 杜氏新書曰:時李豐爲常侍,黃門郎袁侃見轉爲吏部郎,荀俁出爲東郡太守,三人皆恕之同班友善。

樂安廉昭以才能拔擢,頗好言事。恕上疏極諫曰:

陛下憂勞萬機,或親燈火,而庶事不康,刑禁日弛,豈非股肱不稱之明效歟?原其所 智伯,斯則古人之明驗矣。今臣言一朝皆不忠,是誣一朝也;然其事類, 由,非獨臣有不盡忠,亦主有不能使。百里奚愚於虞而智於秦,豫讓苟容中行而著節 之臣皆天下之選,而不能盡其力,不可謂能使人;若非天下之選,亦不可謂能官人。 書令陳矯自奏不敢辭罰,亦不敢以處重爲恭,意至懇惻。 之帝王之所以能輔世長民者,莫不遠得百姓之歡心,近盡羣臣之智力。 人不擇世而興,不易民而治,然而生必有賢智之佐者,蓋進之以道,率之以禮故也。 古 伏見尙書郎廉昭奏左丞曹璠以罰當關不依詔,坐判問。又云「諸當坐者別奏」。尙 臣竊憫然爲朝廷惜之!夫聖 誠使今朝任職 可推而得。

朝稱明,與聞政事密勿大臣,寧有懇懇憂此者乎?

陛下感帑藏之不充實,而軍事未息,至乃斷四時之賦衣,薄御府之私穀,帥由聖意,舉

若陛下以爲今世無良才,朝廷乏賢佐,豈可追望稷、契之遐蹤,坐待來世之儁义乎!今 得自盡也。今有疏者毀人不實其所毀,而必曰私報所憎,譽人不實其所譽,而必曰私 專,而俗多忌諱故也。臣以爲忠臣不必親,親臣不必忠。何者?以其居無嫌之地而事 以闡廣朝臣之心,篤厲有道之節,使之自同古人,望與竹帛耳。反使如廉昭者擾亂其 愛所親,左右或因之以進憎愛之說。非獨毀譽有之,政事損益,亦皆有嫌。陛下當思所 之所謂賢者,盡有大官而享厚祿矣,然而奉上之節未立,向公之心不一者,委任之責不 言。自陛下踐阼以來,司隸校尉、御史中丞寧有舉綱維以督奸宄,使朝廷肅然者邪? 騎都尉王才、幸樂人孟思所爲不法,振動京都,而其罪狀發於小吏,公卿大臣初無

能者進,闇劣者退,誰敢依違而不自盡?以陛下之聖明,親與羣臣論議政事,使羣臣人 書坐則侍帷幄,行則從華輂,親對詔問,所陳必達,則羣臣之行,能否皆可得而知;忠 稱去四凶,不言大小,有罪則去也。今者朝臣不自以爲不能,以陛下爲不任也;不自 得自盡,人自以爲親,人思所以報,賢愚能否,在陛下之所用。以此治事,何事不辦? 以爲不智,以陛下爲不問也。陛下何不遵周公之所以用,大舜之所以去?使侍中、尙 昔周公戒魯侯曰「無使大臣怨乎不以」,不言賢愚,明皆當世用也。堯數舜之功, 間,臣懼大臣遂將容身保位,坐觀得失,爲來世戒也!

也;舉朝共容非其人,乃爲怪耳。陛下知其不盡力也,而代之憂其職,知其不能也,而 主之用人也,使能者不敢遗其力,而不能者不得處非其任。選舉非其人,未必爲有罪 怪陛下不治其本而憂其末也。人之能否,實有本性,雖臣亦以爲朝臣不盡稱職也。明 曰:「憂公忘私者必不然,但先公後私卽自辦也。」 伏讀明詔,乃知聖思究盡下情,然亦

教之治其事,豈徒主勞而臣逸哉?雖聖賢並世,終不能以此爲治也。

**尙如此**;以今況古,陛下自不督必行之罰以絕阿黨之原耳。 伊尹之制,與惡吏守門, 惡吏以守寺門;威禁由之,實未得爲禁之本也。昔漢安帝時,少府竇嘉辟廷尉郭躬無 罪之兄子,猶見舉奏,章劾紛紛。近司隸校尉孔羨辟大將軍狂悖之弟,而有司嘿爾,望 非治世之具也。使臣之言少蒙察納,何患於奸不削滅,而養若昭等乎! 風希指,甚於受屬。選舉不以實,人事之大者也。〔〕嘉有親戚之寵,躬非社稷重臣,猶 陛下又患臺閣禁令之不密,人事請屬之不絕,聽伊尹作迎客出入之制,選司徒更

此邪?誠顧道理而弗爲耳。使天下皆背道而趨利,則人主之所最病者,陛下將何樂 下不復考其終始,必以違衆忤世爲奉公,密行白人爲盡節,焉有通人大才而更不能爲 夫糾擿奸宄,忠事也,然而世**憎小人行之者,以其不顧道理而苟求容進也。**若陛

雖愚,未有不樂此而喜干迕者也,迫於道,自彊耳。誠以爲陛下當憐而佑之,少委任 哉?夫人臣得人主之心,安業也;處尊顯之官,榮事也;食千鍾之祿,厚實也。人臣 當大計天下之損益,政事之得失,誠不可以怠也。 焉,如何反錄昭等傾側之意,而忽若人者乎。今者外有伺隙之寇,內有貧曠之民,陛下 主之心而已,非欲治天下安百姓也。陛下何不試變業而示之,彼豈執其所守以違聖意 焉,胡不絕其萌乎!夫先意承旨以求容美,率皆天下淺薄無行義者,其意務在於適人

恕在朝八年,其論議亢直,皆此類也。

[一] 臣松之案大將軍,司馬宣王也。晉書云:「宣王第五弟,名通,爲司隸從事。」 疑恕所云狂悖者。通子順,封龍陽亭 |侯。||晉初受禪,以不達天命,守節不移,削爵土,徙武威

中丞。恕在朝廷,以不得當世之和,故屢在外任。復出爲幽州刺史,加建威將軍,使持節, 護烏丸校尉。時征北將軍程喜屯薊,尙書袁侃等戒恕曰:「程申伯處先帝之世,傾田國讓於 軍,復以疾去。恕所在,務存大體而已,其樹惠愛,益得百姓歡心,不及於畿。頃之,拜御史 青州。足下今俱杖節,使共屯一城,宜深有以待之。」而恕不以爲意。至官未期,有鮮卑大 人兒,不由關塞,徑將數十騎詣州,州斬所從來小子一人,無表言上。喜於是劾奏恕,下廷 出爲弘農太守,數歲轉趙相,日以疾去官。日起家爲河東太守,歲餘,遷淮北都督護

## 尉,當死。以父畿勤事水死,免爲庶人,徙章武郡,是歲嘉平元年。〔1〕 恕倜儻任意,而思不

### 防患,終致此敗。

[1]魏略曰:恕在弘農,寬和有惠愛。及遷,以孟康代恕爲弘農。康字公休,安平人。 黄初中,以於郭后有外屬,并受 農,領典農校尉。 治能乃爾,吏民稱歌焉。 公法無所出給;若知舊造之,自出於家。康之始拜,衆人雖知其有志量,以其未嘗宰牧,不保其能也;而康恩澤 **豫敕吏卒,行各持鐮,所在自刈馬草,不止亭傳,露宿樹下, 又所從常不過十餘人。 郡帶道路,其諸過賓客,自非** 休,常四分遣一。 九親賜拜,遂轉爲散騎侍郎。是時,散騎皆以高才英儒充其選,而康獨緣妃嬙雜在其間,故于時皆共輕之,號爲 康旣 (無)才敏,因在冗官,博讀書傳,後遂有所彈駮,其文義雅而切要,衆人乃更加意。正始中, 事無宿諾,時出案行,皆豫敕督郵平水,不得令屬官遺人探候,修設曲敬。 康到官,清己奉職,嘉善而矜不能,省息獄訟,緣民所欲,因而利之。 嘉平末,從渤海太守徵入爲中書令,後轉爲監。 郡領吏二百餘人, 又不欲煩損吏民,常 出爲弘 涉春遣

## (三)杜氏新書曰:恕遂去京師,營宜陽一泉塢,因其壘壍之固,小大家焉。 明帝崩時,人多爲恕言者。

(三)杜氏新書曰:喜欲恕折節謝己,諷司馬宋權示之以微意。 直 亮,使人刳心著地,正與數斤肉相似,何足有所明, 輩,便欲歸蹈滄海乘梓耳,不能自諧在其間也。然以年五十二,不見廢棄,頗亦遭明達君子亮其本心;若不見 不致快也;以不善意相待,無不致嫌隙也。而議者言,凡人天性皆不善,不當待以善意,更墮其調中。 '!若令下官事無大小,容而後行,則非上司彈繩之意;若咨而不從, |而行之耳。殺胡之事,天下謂之是邪,是僕諧也;呼爲非邪,僕自受之,無所怨咎。|程征北明之亦善, 不明之 故終不自解說。 恕答權書曰:「沉示委曲。夫法天下事,以善意相待,無 程征北功名宿著,在僕前甚多,有人出征北 又非上下相順之宜。 故推一心,任一意, 僕得: 此

亦善,諸君子自共爲其心耳,不在僕言也。」喜於是遂深文劾恕。

篇,蓋興於爲己也。四年,卒於徙所。 才而無其用。今向閒暇,可試潛思,成一家言。」在章武,遂著體論八節。〔〕又著興性論 公道而持之不厲,器能可以處大官而求之不順,才學可以述古今而志之不一, 此所謂有其 初,恕從趙郡還,陳留阮武亦從淸河太守徵,俱自薄廷尉。 謂恕曰:「相觀才性可以由

[1] 杜氏新書曰:以爲人倫之大綱,莫重於君臣;立身之基本,莫大於言行;安上理民,莫精於政法;勝殘去殺,莫 善於用兵。夫禮也者,萬物之體也,萬物皆得其體,無有不善,故謂之體論。

甘露二年,河東樂詳年九十餘,上書訟畿之遺績,朝廷感焉。 韶封恕子預為豐樂亭侯,

#### 邑百戶。

[1]魏略曰:樂詳字文載。少好學,建安初,詳聞公車司馬令南郡謝該善左氏傳,乃從南陽步〔涉〕詣〔許,從〕該問疑 出爲宰守。至正始中,以年老罷歸於舍,本國宗族歸之,門徒數千人。 近。 後進,於是河東學業大興。至黃初中,徵拜博士。于時太學初立,有博士十餘人,學多褊狹,又不熟悉, 難諸要,今左氏樂氏問七十二事,詳所撰也。所問旣了而歸鄕里,時杜畿爲太守,亦甚好學,署詳文學祭酒,使敎 教,備員而已。 詳學既精悉,又善推步三五,別受詔與太史典定律曆。 惟詳五業並授,其或難解,質而不解,詳無慍色,以杖畫地,牽譬引類,至忘寢食,以是獨擅名於遠 太和中,轉拜騎都尉。 詳學優能少,故歷三世,竟不 略不親

# 恕奏議論駁皆可觀,掇其切世大事著于篇。〔〕

任蘇杜鄭倉傳第十六

(二)杜氏新書曰:恕弟理,字務仲。 預字元凱,司馬宣王女壻。 王隱晉書稱預智謀淵博,明於理亂,常稱「德者非所以企及,立功立言,所庶幾也」。 經傳集解,又參考衆家,謂之釋例,又作盟會圖、春秋長曆,備成一家之學,至老乃成。尚書即擊虞甚重之,曰 大觀羣典,謂公羊、穀梁,詭辨之言。又非先儒說左氏未究丘明意,而橫以二傳亂之。乃錯綜微言,著春秋左氏 位至征南大將軍,開府,封當陽侯,食邑八千戶。子錫,字世嘏,尚書左丞。 「左丘明本為春秋作傳,而左傳遂自孤行;釋例本爲傳設,而所發明何但左傳,故亦孤行。」預有大功名於晉室: 廉,除郎中。年四十二而卒。經傳之義,多所論駁,皆草創未就,惟删集禮記及春秋左氏傳解,今存于世 敏而好古。 以名臣門戶,少長京師,而篤志博學,絕於世務,其意欲探賾索隱,由此顯名,當塗之士多交焉。 少而機察精要,機奇之,故名之日理。年二十一而卒。 弟寬,字務叔。 一玄靜,

部。炳子坦,字弘舒,晉太子少傅,平東將軍。 名,爲丹陽丞,早卒。 阮武者,亦拓落大才也。 案阮氏譜:武父諶,字士信,後辟無所就,造三禮圖傳於世 **預諸公贊曰:湖有器局。預從兄斌,字世將,亦有才望,爲黃門郎,爲趙王倫所枉殺。** 坦弟柯,字士度。 ||假子乂, 字洪治。 少有令

荀綽兗州記曰:坦出紹伯父,亡,次兄當襲爵,父愛柯,言名傳之,遂承封。 居,後雖出身,未嘗釋也。性純篤閑雅,好禮無違,存心經誥,博學治聞。選爲濮陽王文學,遷領軍長史,喪官。 時幼小,不能讓,及長悔恨, **遂幅巾而** 

王衍時爲領軍,哭之甚慟

鄭渾字文公,河南開封人也。高祖父衆,衆父興,皆爲名儒。〔〕渾兄泰,與荀攸等謀誅

桑,叉兼開稻田,重去子之法。 爲豫章太守,素與泰善,渾乃渡江投歌。 董卓,爲揚州刺史,卒。(三) 辟爲丞相掾屬,遷左馮翊。 下未定,民皆剽輕,不念產殖;其生子無以相活,率皆不舉。 渾將泰小子袤避難淮南,袁術賓禮甚厚。 民初畏罪、後稍豐給, 太祖聞其篤行, 無不舉膽;所育男女,多以鄭爲字。 召爲掾,復遷下蔡長、邵陵 渾所在奪其漁獵之具,課使耕 渾知術必敗。 時華歆

- (一) 續漢書曰:興字少贛,諫議大夫。衆字子師,大司農。
- 張璠漢紀曰:泰字公業。 初公卿子弟,生處京師,體長婦人;張孟卓東平長者,坐不窺堂;孔公緒能清談高論,噓枯吹生,無軍帥之才,負 欲召董卓爲助,泰謂進曰:「董卓 圈忍寡義,志欲無饜,若借之朝政,授之大事, 不能爲害,一也。 相動,非不能也。 衆人莫不變容,爲泰震慄。 德,據阿衡之重任,秉意獨斷,誅除有罪,誠不待卓以爲資援也。且事留變生, 其鑒不遠。」 又爲陳時之要務,進 聞山東。 兵,羣寮咸憚卓,莫敢忤旨。 不能用,乃棄官去。 舉孝廉,三府辟,公車徵,皆不就。 然中國自光武以來,無雞鳴狗吠之警,百姓忘戰日久;仲尼有言『不敎民戰,是謂棄之』, 明公出自西州,少爲國將,閑習軍事,數踐戰場,名稱當世;以此威民,民懷懾服, 謂潁川人荀攸曰:「何公未易輔也。」進尋見害,卓果專權,廢帝。 少有才略,多謀計,知天下將亂,陰交結豪傑。 泰乃詭辭對曰:「非以無益, 泰恐其疆,盆將難制,乃曰:「夫治在德,不在兵也。」 卓不悅曰:「如此,兵無益邪?」 何進輔政,徵用名士,以泰爲尚書侍郎, 以山東不足加兵也。 家富於財, 今山東議欲起兵, 將肆其心以危朝廷。 有田四 加奉車都尉。 關東義兵起,卓會議大發 百頃,而食常不足,名 州郡 進將誅黃門, 二也。 以明公之威 相連,人衆 袁本 雖衆

麬

任

蘇村鄭倉傳第十六

爲爪牙,壯夫震慄,沉小醜乎!七也。又明公之將帥,皆中表腹心,周旋日久,自三原、硤口以來,恩信醇著,忠誠 必,六也。且天下之權勇,今見在者不過丼、凉、匈奴、屠各、湟中、義從、八種西羌,皆百姓素所畏服,而明公權以 定,自頃以來,數與胡戰,婦女載戟挾矛,弦弓負矢,況其悍夫;以此當山東忘戰之民,譬驅羣羊向虎狼, 城之守,策有良平之謀;可任以偏師,責以成功,未聞有其人者,四也。就有其人,王爵不相加,婦姑位 **恃衆怙力,將人人棊跱,以觀成敗,不肯同心共膽,率徒旅進,五也。** 霜露之勤 臨鋒履刃,決敵雌雄,皆非明公敵,三也。察山東之士,力能跨馬控弦,勇等孟賁,捷齊慶忌, 關西諸郡, 北接上黨、太原、馮翊、扶風、安 不定,各 信有聊 其勝可

使就其黨,竊爲明公懼之。」卓收其兵馬,留拜議郎。後又與王允謀共誅卓,泰脫身自武關走,東歸。後將軍袁 特衆,以輕威重。」卓乃悅,以泰爲將軍,統諸軍擊關東。 或謂卓曰:「鄭泰智略過人,而結謀山東,今資之士馬, 以徼不義者,必不相然讚,成其凶謀,十也。若十事少有可采,無事徵兵以驚天下,使患役之民,相聚爲非,棄德 州有鄭康成,學該古今,儒生之所以集;北海一成根短,清高直亮,羣士之楷式。彼諸將若詢其計畫,案典校之疆 亡,以逆攻順者亡。 弱,燕、趙、齊、梁非不盛,終見滅於溱,吳、楚七國非不衆,而不敢踰滎陽,況今德政之赫赫,股肱之邦良, 今明公秉國政平,討夷凶宦、忠義克立;以三德待於三亡,奉辭伐罪,誰人敢禦?九也。 欲造亂 東

可遠任,智謀可特使,以此當山東解(合)〔后〕之虛誕,實不相若,八也。 夫戰有三亡:以亂攻治者亡,以邪攻正者

就險,渾曰:「興等破散,寬在山阻。雖有隨者,率脅從耳。今當廣開降路,宣喩恩信。而保 時梁興等略吏民五千餘家爲寇鈔,諸縣不能禦,皆恐懼,寄治郡下。議者悉以爲當移

|術以爲揚州刺史,未至官,道卒,時年四十一。

磑山 爲侍 豐民之本也。 漢中,運轉軍糧爲最。 溫信者與孤老爲此,勤稼穡, 就助郡擊之,渾率吏民前登,斬興及其支黨。 責其得他婦女,然後還其妻子,於是轉相寇盜,黨與離散。 險自守,此示弱也。」乃聚斂吏民,治城郭,爲守禦之備。 縣界,興陂遏 所得獲,十以七賞。 士就梟其首。 ;出者相繼,乃使諸縣長東各還本治以安集之。 太祖 ,刻石頌之,號曰鄭陂。 御史,加 ,渾復討擊破富等,獲二縣長吏,將其所略還。 征漢中,以渾爲京兆尹。 '前後歸附四千餘家,由是山賊皆平,民安產業。 駙馬都尉,遷陽平、沛郡二太守。 開稻田。 遂躬率吏民,興立功夫,一冬間皆成。 百姓大悅,皆願捕賊,多得婦女、財物。 又遣民田漢中,無逃亡者。 郡人皆以爲不便,渾曰:「地勢洿下,宜溉灌,終有魚稻經久之利, 轉爲 明禁令, 山陽、魏郡太守,其治放此。 渾以百姓新集,爲制移居之法,使兼複者與單 以發奸者。 又賊斬富等,脅將夏陽長、邵陵 郡界下溼,患水澇,百姓飢乏。 太祖益嘉之,復入爲丞相掾。 興等懼, 由是民安於農, 及趙青龍者,殺左內史程休,渾聞,遣 比年大收,頃畝歲增,租入倍常,民賴 **遂發民逐賊**,明賞罰,與要誓,其 又遣吏民有恩信者,分布山谷告 將餘衆聚鄜城。 賊之失妻子者, 叉以 轉爲上黨太守 那 而盜賊止息。 下百姓,苦乏材木,乃 皆還求降。 太祖使夏侯淵 令幷其吏民入 渾於蕭 文帝即位 ·輕者相伍 及大軍入 ((相)) 此 渾

魏

課樹

[極爲籬,並益樹五果;

榆皆成藩,五果豐實。

入魏郡界,

村落齊整如一,

民得財足用

明帝聞之,下詔稱述,布告天下。遷將作大匠。 **渾清素在公,妻子不免於飢寒。** 

以子崇爲郎中。

[1] 晉陽秋曰:泰子袤,字林叔。泰與華歆、荀攸善。見袤曰:「鄭公業爲不亡矣。」初爲臨菑侯文學,稍遷至光祿大 夫。泰始七年,以凌爲司空,固辭不受,終於家。子默,字思玄。

尚書右僕射、領

選。球弟豫,爲尚書。

黃初末,爲長安令,清約有方,吏民畏而愛之。 太和中,遷燉煌太守。郡在西陲,以喪亂隔 官爲平取,輒以府見物與共交市,使吏民護送道路,由是民夷翕然稱其德惠。 數年卒官,吏 與貿遷,欺詐侮易,多不得分明。胡常怨望,慈皆勞之。欲詣洛者,爲封過所,欲從郡還者, 死,但鞭杖遣之,一歲決刑曾不滿十人。叉常日西域雜胡欲來貢獻,而諸豪族多逆斷絕;旣 使畢其本直。先是屬城獄訟衆猥,縣不能決,多集治下; 慈躬往省閱, 料簡輕重, 自非殊 **挫權右,撫恤貧羸,甚得其理。 舊大族田地有餘,而小民無立錐之土; 慈皆隨口割賦,稍稍** 絕,曠無太守二十歲,大姓雄張,遂以爲俗。前太守尹奉等,循故而已,無所匡革。慈到,抑 **倉慈字孝仁,淮南人也。始爲郡吏。建安中,太祖開募屯田於淮南,以慈爲綏集都尉。** 

民悲感如喪親戚,圖畫其形,思其遺像。及西域諸胡聞慈死,悉共會聚於戊己校尉及長吏

治下發哀,或有以刀畫面,以明血誠,又爲立祠,遙共祠之。〔〕〕

〔1〕魏略曰:天水王遷,承代慈,雖循其迹,不能及也。金城趙基承遷後,復不如遷。至嘉平中,安定皇甫隆代基爲太 少。隆到,教作耬犂,又教衍溉,歲終率計,其所省庸力過半,得穀加五。又燉煌俗,婦人作裙,攣縮如羊腸,用布 守。初,燉煌不甚曉田,常灌溉旛水,使極濡洽,然後乃耕。又不曉作耬犂,用水,及種,人牛功力旣費,而收穀 

守太原令狐邵、濟南相魯國孔义,或哀矜折獄,或推誠惠愛,或治身清白,或擿姦發伏,咸爲 良二千石。 自太祖迄于咸熙,魏郡太守陳國吳瓘、淸河太守樂安任煥、京兆太守濟北顏斐、弘農太

(1) 瓘、燠事行無所見。魏略曰:顏斐字文林。有才學。丞相召爲太子洗馬,黃初初轉爲黃門侍郎,後爲京兆太守。 始,京兆從馬超破後,民人多不專於農殖,又歷數四二千石,取解目前,亦不爲民作久遠計。

牛。 叉清己,仰奉而已,於是吏民恐其遷轉也。至青龍中,司馬宣王在長安立軍市,而軍中吏士多侵侮縣民, 斐以白 京兆與馮翊、扶風接界,二郡道路旣穢塞,田疇又荒萊,人民饑凍,而京兆皆整頓開明,豐富常爲雅州 阡陌,樹桑果。是時民多無車牛。 變又課民以閒月取車材,使轉相教匠作車。 又課民無牛者,令畜猪狗,賣以買 吏役閒鉏治。 始者民以爲煩,一二年閒,家家有丁車、大牛。又起文學,聽吏民欲讀書者,復其小徭。又於府下起菜園,使 又課民當輸租時,車牛各因便致薪兩東,爲冬寒冰炙筆硯。於是風化大行,吏不煩民,民不求吏。 斐到官,乃令屬縣整 十郡最。斐

魏

宣王。 原當自勉勵作健。」 變曰:「我心不願平原,汝曹等呼我,何不言京兆邪?」 更爲不得明公意也。」宣王遂嚴持吏士。自是之後,軍營、郡縣各得其分。後數歲,遷爲平原太守,吏民啼泣遮 道,車不得前,步步稽留,十餘日乃出界,東行至崤而疾困。 久乃曰:「變意觀明公受分陝之任,乃欲一齊衆庶,必非有所左右也。 宣王 乃發怒召軍市候,便於斐前杖一百。 時長安典農與邊共坐,以爲變宜謝,乃私推築變。 斐素心戀京兆,其家人從者見斐病甚,勸之,言:「平 而典農竊見推築,欲令斐謝;假令斐謝,是 遂卒,還平原。 京兆聞之,皆爲流涕 斐不肯謝,良

爲立碑,於今稱碩之。

太祖 弘農郡丞,以屬疏得不坐。 當坐之不邪?將逮汝曹耳!」 今竟云何邪?」 設文學。由是弘農學業轉興。至黃初初,徵拜羽林郎,遷虎賁中郎將,三歲,病亡。始,邵族子愚, 署軍謀掾。 爲虎賁郎將,而愚仕進已多所更歷,所在有名稱。 有高志,衆人謂愚必榮令狐氏,而邵獨以爲「愚性倜儻,不修德而願大,必滅我宗」。 好獄訟,與下無忌。 令狐邵字孔叔。父仕漢,爲鳥丸校尉。建安初,袁氏在冀州,邵去本郡家居鄴。九年,暫出到武安毛城中。會 破鄴,遂圍毛城。 仍歷宰守,後徙丞相主簿,出爲弘農太守。 邵熟視而不答也。 是時,郡無知經者,乃歷問諸吏,有欲遠行就師,輒假遣,令詣河東就樂詳學經,粗明乃還,因 城破,熱邵等輩十餘人,皆當斬。 邵沒之後,十餘年間,愚爲兗州刺史,果與王凌謀廢立,家屬誅滅。邵子華,時爲 然私謂其妻子曰:「公治性度猶如故也。 愚見邵,因從容言次,微激之曰:「先時聞大人謂愚爲不繼,愚 所在清如冰雪,妻子希至官省;舉善而教, 太祖閱見之,疑其衣冠也,問其祖考,而識其父,乃解放, 以吾觀之,終當敗滅。 愚聞邵言, 其心不平。及邵 爲白衣時,常 恕以待人,不 但不知我久

案孔氏譜:孔义字元儁,孔子之後。曾祖疇,字元短,陳相。 漢桓帝立老子廟於苦縣之賴鄉, 畫孔子象於壁; 嚋

爲陳相,立孔子碑於像前,今見存。以父祖皆二千石,以爲散騎常侍,上疏規諫。 語在三少帝紀。至大鴻臚。

恂字士信,晉平東將軍衞尉也。

事之良,又矯矯剛直,風烈足稱。杜畿寬猛克濟, 評曰:任峻始興義兵,以歸太祖,闢土殖穀,倉庾盈溢,庸績致矣。 惠以康民。 鄭渾、倉慈,恤理有方。 蘇則威以平亂,旣政 抑皆

魏代之名守乎!恕屢陳時政,經論治體,蓋有可觀焉。

### 張樂于張徐傳第十七

聖旨,豨必不敢害故也。」從討袁譚、袁尙於黎陽,有功,行中堅將軍。從攻尙於鄴,尙堅守 以德懷四方,先附者受大賞」。一豨乃許降。遼遂單身上三公山,入豨家,拜妻子。一豨歡喜, 隨詣太祖。太祖遣豨還,責遼曰:「此非大將法也。」遼謝曰:「以明公威信著於四海,遼奉 語,儻可誘也?」乃使謂豨曰:「公有命,使遼傳之。」豨果下與遼語,遼爲說「太祖神武,方 日已來,每行諸圍,豨輒屬目視遼。 叉其射矢更稀,此必豨計猶豫,故不力戰。 邃欲挑與 袁紹破,別遣遼定魯國諸縣。與夏侯淵圍昌豨於東海,數月糧盡,議引軍還,遼謂淵曰:「數 以兵屬董卓。卓敗,以兵屬呂布,遷騎都尉。布爲李傕所敗,從布東奔徐州,領魯相,時年 丁原以遼武力過人,召爲從事,使將兵詣京都。何進遣詣河北募兵,得千餘人。還,進敗, 二十八。太祖破呂布於下邳,遼將其衆降,拜中郎將,賜爵關內侯。數有戰功,遷裨將軍。 張遼字文遠,雁門馬邑人也。本聶壹之後,以避怨變姓。少爲郡吏。漢末, 幷州刺史

張樂于張徐傳第十七

袁尙於柳城,卒與虜遇,遼勸太祖戰,氣甚奮,太祖壯之,自以所持麾授遼。途擊,大破之, 出迎遼,引共載,以遼爲盪寇將軍。復別擊荆州,定江夏諸縣,還屯臨潁,封都亭侯。從征 降緣山諸賊及黑山孫輕等。從攻袁譚,譚破,別將徇海濱,破遼東賊柳毅等。還鄴,太祖自 、太祖還許,使遼與樂進拔陰安,徙其民河南。復從攻鄴,鄴破,遼別徇趙國、常山,招

(一) 傅子曰:太祖將征柳城,遼諫曰:「夫許,天下之會也。今天子在許,公遠北征,若劉表遣劉備襲許,據之以號令四 方,公之勢去矣。」太祖策表必不能任備,遂行也。

**斬單于蹋頓。**〔1〕

用深入。」遼曰:「此所謂一與一,勇者得前耳。」遂進到山下安營,攻之,斬蘭、成首,盡虜 臧霸等討成,遼督張郃、牛蓋等討蘭。成僞降禁,禁還。成遂將其衆就蘭,轉入灊山。 親兵數十人,中陳而立。有頃定,即得首謀者殺之。陳蘭、梅成以氐六縣叛,太祖遣于禁、 曰:「勿動。是不一營盡反,必有造變者,欲以動亂人耳。」 乃令軍中,其不反者安坐。 邃將 其衆。太祖論諸將功,曰:「登天山,履峻險,以取蘭、成,盪寇功也。」增邑,假節 有天柱山,高峻二十餘里,道險狹,步徑裁通,蘭等壁其上。 遼欲進,諸將曰:「兵少道險,難 時荆州未定,復遣遼屯長社。臨發,軍中有謀反者,夜驚亂起火,一軍盡擾。遼謂左右 太祖旣征孫權還,使遼與樂進、李典等將七千餘人屯合肥。太祖征張魯,教與護軍薛

五一八

平旦,遼被甲持戟,先登陷陳,殺數十人,斬二將,大呼自名,衝壘入,至權麾下。 矣。 悌,署函邊曰「賊至乃發」。 復還突圍,拔出餘衆。權人馬皆披靡,無敢當者。 重。 諸君何疑?」李典亦與遼同。於是遼夜募敢從之士,得八百人, 椎牛饗將士, 將軍出戰;樂將軍守護軍,勿得與戰。」 乃增遼兵,多留諸軍,徙屯居巢。 大壯邃,拜征東將軍。〔〕建安二十一年,太祖復征孫權,到合肥,循行邃戰處,歎息者良久。 心乃安,諸將咸服。 不知所爲,走登高冢,以長戟自守。 是以教指及其未合逆擊之,折其盛勢,以安衆心,然後可守也。成敗之機, 遼左右麾圍,直前急擊,圍開,遼將麾下數十人得出,餘衆號呼曰:「將軍棄我乎!」遼 權守合肥十餘日,城不可拔,乃引退。 俄而權率十萬衆圍合肥,乃共發教, 遼心權下戰,權不敢動,望見遼所將衆少, 諸將皆疑。逐曰:「公遠征在外,比救至,彼破我必 自且戰至日中,吳人奪氣,還修守備,衆 遼率諸軍追擊,幾復獲權。 教日:「若孫權至者,張、李 乃聚圍遼數 在此一戰 明日大戦

也 孫盛曰:夫兵固詭道,奇正相資,若乃命將出征,推轂委權,或賴率然之形,或憑掎角之勢,羣帥 兵,擊貪躗之卒,其勢必勝;勝而後守,守則必固。是以魏武推選方員,參以同異,爲之密敎,節宣其用;事至而 至於合肥之守,縣弱無援,專任勇者則好戰生患,專任怯者則懼心難保。 且彼衆我寡,必懷貪墮; 木 和 , 則 以致命之 棄師之道

魏

應,若合符契,妙矣夫

步卒,皆爲虎賁。孫權復稱藩。邃還屯雍丘,得疾。帝遣侍中劉曄將太醫視疾,虎賁問消 增邑千戶,幷前二千六百戶。黃初二年,遼朝洛陽宮,文帝引遼會建始殿,親問破吳意狀。 息,道路相屬。疾未瘳,帝迎邃就行在所,車駕親臨,執其手,賜以御衣,太官日送御食。 詣屯,敕遼母至,導從出迎。 所督諸軍將吏皆羅拜道側, 兄汎及一子列侯。 遼與太祖會摩陂。 萬,自古用兵,未之有也。 小差,還屯。 帝歎息顧左右曰:「此亦古之召虎也」」爲起第舍,叉特爲遼母作殿,以邃所從破吳軍應募 不可當也,愼之!」是歲,遼與諸將破權將呂範。 子虎嗣。 關羽圍曹仁於樊,會權稱藩,召遼及諸軍悉還救仁。 孫權復叛,帝遣遼乘舟,與曹休至海陵,臨江。權甚憚焉,敕諸將:「張遼雖病, 六年,帝追念遼、典在合肥之功,詔曰:「合肥之役,遼、典以步卒八百,破賊十 孫權復叛,遣遼還屯合肥,進遼爵都鄕侯。給遼母輿車,及兵馬送遼家 遼軍至,太祖乘輩出勞之,還屯陳郡。 使賊至今奪氣, 可謂國之爪牙矣。其分遼、典邑各百戶,賜一子 蹇病篤,遂薨于江都。 觀者榮之。文帝踐阼,封晉陽侯 文帝卽王位,轉前將軍。(三)分封 遼未至,徐晃巳破關羽,仁圍解。 帝爲流涕,諡曰剛

**虧關內侯**。」

虎爲偏將軍

小薨。

子統嗣

陽,斬其大將嚴敬,行遊擊將軍。別擊黃巾,破之,定樂安郡。從圍鄴,鄴定,從擊袁譚於南 之,拜討寇校尉。渡河攻獲嘉,還,從擊袁紹於官渡,力戰,斬紹將淳于瓊。從擊譚、尙於黎 自援枹鼓,手不知倦。 曰:「武力旣弘,計略周備,質忠性一,守執節義,每臨戰攻,常爲督率,奮强突固,無堅不陷 皮,先登,入譚東門。譚敗,別攻雍奴,破之。建安十一年,太祖表漢帝,稱進及于禁、張遼 封廣昌亭侯。 千餘人,還爲軍假司馬、陷陳都尉。從擊呂布於濮陽,張超於雍丘,橋甤於苦,皆先登有功, 樂進字文謙,陽平衞國人也。 。從征張繡於安衆,圍呂布於下邳,破別將,擊眭固於射犬,攻劉備於沛,皆破 又遣別征,統御師旅,撫衆則和,奉令無犯,當敵制決,靡有遺失。論 容貌短小,以膽烈從太祖,爲帳下吏。遣還本郡募兵,得

降。 未服,遣屯陽翟。 遷右將軍。 張遼、李典屯合肥,增邑五百,并前凡千二百戶。以進數有功,分五百戶,封一子列侯;進 祖自征之,乃拔。 叉討劉備臨沮長杜普、旌陽長梁大,皆大破之。後從征孫權,假進節。太祖還,留進與 進別征高幹,從北道入上黨,回出其後。幹等還守壺關,連戰斬首。幹堅守未下,會太 建安二十三年薨,諡曰威侯。子綝嗣。綝果毅有父風,官至揚州刺史。諸葛誕 太祖征管承,軍淳于,遣進與李典擊之。承破走,逃入海島,海濱平。荆州 後從平荆州,留屯襄陽,擊關羽、蘇非等,皆走之,南郡諸郡山谷蠻夷詣進

功紀用,宜各顯寵。」

於是禁爲虎威;進,折衝;遼,盪寇將軍

反,掩襲殺綝,詔悼惜之,追贈衞尉,諡曰愍侯。子肇嗣

急也,將軍在亂能整,討暴堅壘,有不可動之節,雖古名將,何以加之!」於是錄禁前後功, 聰明,譖訴何緣!」徐鑿塹安營訖,乃入謁,具陳其狀。太祖悅,謂禁曰:「淯水之難,吾其 |州兵已訴君矣,宜促詣公辨之。」||禁日:「今賊在後,追至無時,不先爲備, 苦,斬穀等四將。從至宛,降張繡。繡復叛,太祖與戰不利,軍敗,還舞陰。是時軍亂,各閒 梁,邵等夜襲太祖營,禁帥麾下擊破之,斬(辟)邵等,盡降其衆。遷平虜校尉。從圍橋裝於 討之,數之以罪。靑州兵遽走詣太祖自訴。禁旣至,先立營壘,不時謁太祖。或謂禁:「靑 青州兵,太祖寬之,故敢因緣爲略。 禁怒,令其衆曰:「青州兵同屬曹公,而還爲賊乎!」 乃 而還。未至太祖所,道見十餘人被創裸走,禁問其故,曰:「爲靑州兵所劫。」初,黃巾降,號 行求」太祖,禁獨勒所將數百人,且戰且引,雖有死傷不相離。虜追稍緩,禁徐整行隊,鳴鼓 雅於須昌。從攻壽張、定陶、離狐,圍張超於雍丘,皆拔之。從征黃巾劉辟、黃邵等,屯版 兵詣徐州,攻廣威,拔之,拜陷陳都尉。從討呂布於濮陽,別破布二營於城南, 叉別將破高 其黨俱詣爲都伯,屬將軍王朗。」朗異之,薦禁才任大將軍。」太祖召見與語,拜軍司馬,使將 于禁字文則,泰山鉅平人也。黃巾起,鮑信招合徒衆,禁附從焉。及太祖領兗州,禁與 何以待敵。且公

封益壽亭侯。 復從攻張繡於穰,禽呂布於下邳,別與史渙、曹仁攻眭固於射犬,破斬之。

之。 拒紹 海平, 攻察 降。 圍而 甚得士衆心。 爲 涕 生各數千,降紹將何茂、王摩等二十餘人。太祖復使禁別將屯原武,擊紹別營於杜氏津,破 進等將步騎五千,擊紹別營,從延津西南緣河至汲、獲嘉二縣,焚燒保聚三十餘屯,斬首獲 二百戶 軍鋒 ΠΠ 斬之。 既降復叛,其衆奔蘭。 後降者不赦。 遷裨將軍,後從還官渡。太祖與紹連營,起土山相對。 ,太祖引軍還官渡。 禁督守土山,力戰,氣益奮。 |太祖初征||袁紹,紹兵盛,||禁願爲先登。||太祖壯之,乃遣步卒二千人,使禁將,守延津以 ,,并前千二百戶。是時,禁與張遼、樂進、張郃、徐晃俱爲名將,太祖每征伐, **咸遞行** 豨 拜禁虎威將軍。 ,還爲後拒;而禁持軍嚴整,得賊 與禁有舊,詣禁降。諸將皆以爲豨已降,當送詣太祖,禁曰:「諸君不知公常令乎 是時太祖軍淳于,聞而歎曰:「豨降不詣吾而歸禁,豈非命耶!」益重禁。〔1〕東 太祖常恨朱靈,欲奪其營。 夫奉法行令,事上之節也。豨雖舊友,禁可失節乎!」自臨與豨決,隕 後與臧霸等攻梅成,張遼、張郃等討陳蘭。 劉備以徐州叛,太祖東征之。紹攻禁,禁堅守,紹不能拔。 遼等與蘭相持,軍食少,禁運糧前後相屬, 紹破,遷偏將軍。冀州平。 財物,無所私入, 以禁有威重,遣禁將數十騎,齎令書,徑詣靈營奪 由是賞賜特重。 昌豨復叛,遣禁征之。禁急進 紹射營中,士卒多死傷,軍中 禁到,成舉衆三千餘人 遼遂斬蘭、成。增邑 然以法御下,不 復與樂 •

魏

其軍,靈及其部衆莫敢動;乃以靈爲禁部下督,衆皆震服, 其見憚如此。 遷左將軍, 假節

鉞,分邑五百戶,封一子列侯。

(一)臣松之以爲圍而後降,法雖不赦;囚而送之,未爲違命。|禁曾不爲舊交希冀萬一,而肆其好殺之心,以戾衆人之

議,所以卒爲降虜,死加惡諡,宜哉。

主嗣封 北詣鄴謁高陵。帝使豫於陵屋畫關羽戰克、龐悳憤怒、禁降服之狀。禁見,慚恚發病薨。子 形容顦頓,泣涕頓首。帝慰諭以荀林父、孟明視故事,行之拜爲安遠將軍。欲遣使吳,先令 邪!」會孫權禽羽,獲其衆,禁復在吳。文帝踐阼,權稱藩,遣禁還。帝引見禁,鬚髮皓白 **廳惠不屈節而死。**太祖聞之,哀歎者久之,曰:「吾知禁三十年,何意臨危處難,反不如廳惠 地水數丈,禁等七軍皆沒。禁與諸將登高望水,無所回避,羽乘大船就攻禁等,禁遂降,惟 建安二十四年,太祖在長安,使曹仁討關羽於樊,又遣禁助仁。秋,大霖雨,漢水溢,平 益壽亭侯。諡禁日厲侯。

魏書戲制曰:「昔荷林父敗續于鄉,孟明喪師於殽,秦、晉不替,使復其位。 猶尙若斯,而沉萬乘乎。樊城之敗,水災暴至,非戰之咎,其復禁等官。」 其後晉獲狄土,秦霸西戎, 區區小國

張郃字儁义,河間鄭人也。漢末應募討黃巾,爲軍司馬,屬韓馥。 馥敗,以兵歸袁紹。

騎救瓊,而以重兵攻太祖營,不能下。太祖果破瓊等,紹軍潰。圖慚,又更譖郃曰:「郃快軍 等破,則將軍事去矣,宜急引兵救之。」郭圖曰:「郃計非也。 不救而自解也。」郃曰:「曹公營固,攻之必不拔,若瓊等見禽, 紹遣將淳于瓊等督運屯烏巢, 紹以郃爲校尉,使拒公孫瓚。 、太祖自將急擊之。 郃說紹曰:「曹公兵精,往必破瓊等;瓊 **瓚破,郃功多,遷寧國中郎將。太祖與袁紹相拒於官渡,**[] 不如攻其本營,勢必還, 吾屬盡爲虜矣。」 紹但遣輕 此為

(三)臣松之案武紀及袁紹傳並云袁紹使張郃、高覽攻太祖營,郃等聞淳于瓊破,遂來降,紹衆於是大潰。 是則緣郃等 漢晉春秋曰:"郃說紹曰:「公雖連勝,然勿與曹公戰也,密遣輕騎鈔絕其南,則兵自敗矣。」紹不從之。 降而後紹軍壞也。至如此傳,爲紹軍先潰,懼郭圖之語,然後歸太祖,爲參錯不同矣。

敗,出言不遜。」『僧情,乃歸太祖。〔三〕

破馬超,平宋建。 等,破之。從破馬超、韓遂於渭南。 遣郈督步卒五千於前通路。 從討柳城,與張邃俱爲軍鋒,以功遷平狄將軍。 偏 將軍,封都亭侯。授以衆,從攻鄴,拔之。又從擊袁譚於渤海,別將軍圍雍奴,大破之。 太祖得邱甚喜,謂曰:「昔子胥不早寤,自使身危,豈若微子去殷、韓信歸漢邪?」 太祖征張魯,先遣郃督諸軍討興和氐王竇茂。太祖從散關入漢中 至陽平,魯降,太祖還,留郃與夏侯淵等守漢中,拒劉備。 圍安定, 降楊秋。 別征 東萊,討管承,又與張遼討陳蘭、梅成 與夏侯淵討鄜賊梁興及武都兵。 拜郃 郃別 叉先

魏書

(一)魏略曰:淵雖爲都督,劉備憚郃而易淵。及殺淵,備曰:「當得其魁,用此何爲邪!」

太祖乃引出漢中諸軍,郃還屯陳倉。

祁山。 師。 擊,大破之。南安、天水、安定郡反應亮,郃皆破平之。詔曰:「賊亮以巴蜀之衆,當虓虎之 明帝卽位,遣南屯荆州,與司馬宣王擊孫權別將劉阿等,追至祁口,交戰,破之。諸葛亮出 水胡及東羌,召郃與眞並朝許宮,遣南與夏侯尚擊江陵。 將軍被堅執銳,所向克定,朕甚嘉之。益邑于戶,幷前四千三百戶。」司馬宣王治水軍 文帝卽王位,以郃爲左將軍,進飮都鄕侯。及踐阼,進封鄚侯。 加郃位特進,遣督諸軍,拒亮將馬謖於街亭。 謖依阻南山,不下據城。 |郃別督諸軍渡江, 取洲上屯塢。 詔郃與曹眞討安定盧 郃絕其汲道,

於荆州,欲順沔入江伐吳,詔郃督關中諸軍往受節度。至荆州,會冬水淺,大船不得行,乃

縣軍無穀,不能久攻,對曰:「比臣未到,亮已走矣;屈指計亮糧不至十日。」。問晨夜進至南 還屯方城。 軍士三萬及分遣武衞、虎賁使衞郃,因問郃曰:「遲將軍到, 諸葛亮復出,急攻陳倉,帝驛馬召郃到京都。 帝自幸河南城,置酒送郃,遣南北 亮得無已得陳倉乎!」郃知亮

鄭,亮退。韶郃還京都,拜征西車騎將軍。

今將軍外勒戎旅,內存國朝。 士,嘗薦同鄉卑湛經明行修,詔曰:「昔祭遵爲將,奏置五經大夫,居軍中,與諸生雅歌投壺 郃識變數,善處營陳,料戰勢地形,無不如計,自諸葛亮皆憚之。 **朕嘉將軍之意,今擢湛爲博士。**」 郃雖武將而愛樂儒

中郃右膝,薨,〔〕 諡曰壯侯。 諸葛亮復出祁山, 詔郃督諸將西至略陽,亮還保祁山,郃追至木門,與亮軍交戰,飛矢 子雄嗣。 

魏略曰:亮軍退,司馬宣王使郃追之,郃曰:「軍法,圍城必開出路,歸軍勿追。」 宣王不聽。郃不得已,遂進。 軍乘高布伏,弓弩亂發,矢中部髀

蜀

小子爵關內侯。

之亂長安也,晃說奉,令與天子還洛陽,奉從其計。天子渡河至安邑,封晃都亭侯。及到洛 徐晃字公明,河東楊人也。爲郡吏,從車騎將軍楊奉討賊有功,拜騎都尉。 李傕、郭汜

魏書

陽,韓暹、董承 日爭鬭,晃說奉令歸太祖;奉欲從之,後悔。太祖討奉於梁,晃遂歸太祖

蒲阪,知其無謀也。今假臣精兵(二渡蒲坂津,爲軍先置,以截其裏,賊可擒也。」太祖曰: 州,別屯樊,討中廬、臨沮、宜城賊。又與滿籠討闘羽於漢津,與曹仁擊周瑜於江陵。十五 範悔,晃輒降之。 旣而言於太祖曰:二一袁未破,諸城未下者傾耳而聽,今日滅易陽,明日皆 太祖軍得渡。遂破超等,使晃與夏侯淵平隃麋、汧諸氐,與太祖會安定。太祖還鄴,使晃 賜牛酒,令上先人墓。太祖至潼關,恐不得渡,召問晃。晃曰:「公盛兵於此,而賊不復別守 年,討太原反者,圍大陵,拔之,斬賊帥庮曜。韓遂、馬超等反關右,遣晃屯汾陰以撫河東 伏兵掩擊,破三屯。從破袁譚於南皮,討平原叛賊,克之。從征蹋頓,拜橫野將軍。從征剌 以死守,恐河北無定時也。願公降易陽以示諸城,則莫不望風。」太祖善之。別討毛城,設 既圍鄴,破邯鄲,易陽令韓範僞以城降而拒守,太祖遣晃攻之。晃至,飛矢城中,爲陳成敗。 與夏侯淵平鄜、夏陽餘賊,斬梁興,降三千餘戶。從征張魯。別遣晃討攻櫝、仇夷諸山氐, 「善。」使晃以步騎四千人渡津。作塹栅未成,賊梁興夜將步騎五千餘人攻晃,晃擊走之, 太祖授晃兵,使擊卷、卷音墟權反。原武賊,破之,拜裨將軍。從征呂布,別降布將趙庶 與曹洪擊隱彊賊祝臂,破之,又與史渙擊袁紹運車於故市,功最多,封都亭侯。太祖 與史渙斬眭固於河內。從破劉備,又從破顏良,拔白馬,進至延津,破文醜

皆降之。 遷平寇將軍。解將軍張順圍。 擊賊陳福等三十餘屯,皆破之。

(一) 臣松之云:案晃于時未應稱臣,傳寫者誤也。

**詣晃。賊圍頭有屯,又別屯四冢。晃揚聲當攻圍頭屯,而密攻四冢。羽見四冢欲壤,自將** 步騎五千出戰,晃擊之,退走,遂追陷與俱入圍,破之,或自投沔水死。太祖令曰:「賊圍塹 **詣晃,令曰:「須兵馬集至,乃俱前。」賊屯偃城。晃到,詭道作都塹,示欲截其後,賊燒屯** 欲斷絕外內,以取漢中。將軍一舉,克奪賊計,善之善者也。」太祖遂自至陽平,引出漢中 之,賊自投山谷,多死者。 振旅還摩陂,太祖迎晃七里,置酒大會。太祖舉巵酒勸晃,且勞之曰:「全樊、襄陽,將軍之 未有長驅徑入敵圍者也。且樊、襄陽之在圍,過於莒、卽墨,將軍之功,踰孫武、穰苴。」晃 鹿角十重,將軍致戰全勝,遂陷賊圍,多斬首虜。吾用兵三十餘年,及所聞古之善用兵者, 於襄陽。 **諸軍。復遣晃助曹仁討關羽,屯宛。會漢水暴隘,于禁等沒。羽圍仁於樊,又圍將軍呂常** 功也。」時諸軍皆集,太祖案行諸營,士卒咸離陳觀,而晃軍營整齊,將士駐陳不動。 晃得偃城,兩面連營,稍前,去賊圍三丈所。未攻,太祖前後遣殷署、朱蓋等凡十二營 太祖還鄴,留晃與夏侯淵拒劉備於陽平。備遣陳式等十餘營絕馬鳴閣道,晃別征破 晃所將多新卒,以羽難與爭鋒,遂前至陽陵陂屯。太祖復還,遣將軍徐商、呂建等 太祖聞,甚喜,假晃節,令曰:「此閣道,漢中之險要咽喉也。

歎曰:「徐將軍可謂有周亞夫之風矣。」

庸,破之。以晃鎭陽平,徙封陽平侯。 文帝卽王位,以晃爲右將軍,進封遂鄉侯。及踐阼,進封楊侯。與夏侯尚討劉備於上 明帝即位,拒吳將諸葛瑾於襄陽。增邑二百,幷前三

千一百戶。病篤,遺令斂以時服。

各罷歸,靈曰:「靈觀人多矣,無若曹公者,此乃眞明主也。今已遇,復何之?」遂留不去。 候。子蓋嗣。蓋薨,子霸嗣。明帝分晃戶,封晃子孫二人列侯。 人患不遭明君,今幸遇之,當以功自効,何用私譽爲!」終不廣交援。太和元年薨,諡曰壯 初,清河朱靈爲袁紹將。太祖之征陶謙,紹使靈督三營助太祖,戰有功。 性儉約畏愼,將軍常遠斥候,先爲不可勝,然後戰,追奔爭利, 士不暇食。 常歎曰:「古 紹所遣諸將

(一) 九州春秋曰:初,淸河季雍以鄭叛袁紹而降公孫瓚,瓚遣兵衞之。紹遣靈攻之。 隱家在城中,瓚將靈母弟置城 上,誘呼靈。靈望城涕泣曰:「丈夫一出身與人,豈復顧家耶!」遂力戰拔之,生擒涯而靈家皆死。

所將士卒慕之,皆隨靈留。靈後遂爲好將,名亞晃等,至後將軍,封高唐亭侯。〔1〕

一個手書曰:「兵中所以爲危險者,外對敵國,內有姦謀不測之變。昔鄧禹中分光武軍西行,而有宗歆、馮愔之難, 齊整,意尚快快。卿名先有威嚴,善以道寬之,不然即有變。」靈至陽翟,中郎將程昂等果反, 魏書曰:鹽字文博。太祖旣平冀州,遣靈將新兵五千人騎千匹守許南。太祖戒之曰:「冀州新兵,數承寬緩,暫見 即斬昂,以狀聞。太

之將,社稷之臣,皆朕所與同福共慶,傳之無窮者也。今封隃侯。富貴不歸故鄉,如夜行衣繡。若平常所志,願 後將二十四騎還洛陽,禹豈以是減損哉?來書懇惻,多引咎過,未必如所云也。」文帝卽位,封靈關侯, 韶曰:「將軍佐命先帝,典兵歷年,威過方、邵,功踰降、灌。 圖籍所美,何以加焉?朕受天命,帝有海內,元功 增其戶

勿難言。」鹽謝曰:「高唐,宿所願。」於是更封高唐侯,薨,諡曰威侯。

變爲稱,樂進以聽果顯名,而鑒其行事,未副所聞。 評曰:太祖建茲武功,而時之良將,五子爲先。 或注記有遺漏, 于禁最號毅重,然弗克其終。脹郃以巧 未如張遼、徐晃之備詳

也。

## 一李臧文呂許典一龐閻傳第十八

隨太祖,破黃巾於壽張,又從擊袁術,征徐州。呂布之亂,太祖遣乾還乘氏,慰勞諸縣。 軍,[1]遷離狐太守。 別駕薛蘭、治中李封招乾,欲俱叛,乾不聽,遂殺乾。太祖使乾子整將乾兵, 蘭、封破,從平兗州諸縣有功,稍遷青州刺史。 整卒,典徙潁陰令,爲中郎將,將整 李典字曼成,山陽鉅野人也。典從父乾,有雄氣,合賓客數千家在乘氏。 與諸將擊蘭、 初平中,以衆

布

(一)魏書曰:典少好學,不樂兵事,乃就師讀春秋左氏傳,博觀羣書。 太祖善之,故試以治民之政。

心,擊之必克。軍不內御;苟利國家,專之可也,宜亟擊之。」是亦以爲然。遂北渡河,攻 道,太祖敕典、昱:「若船不得過,下從陸道。」 典與諸將議曰:「蕃軍少甲而恃水, 有懈怠之 太祖擊譚、尙於黎陽,使典與程昱等以船運軍糧。會尙遣魏郡太守高蕃將兵屯河上,絕水 時太祖與袁紹相拒官渡,典率宗族及部曲輸穀帛供軍。紹破,以典爲裨將軍,屯安民。

二李臧文呂許典二龐閻傳第十八

以私憾而忘公義乎!」 奉教出戰。 宗族萬三千餘口居鄴。太祖嘉之,遷破虜將軍。與張遼、樂進屯合肥,孫權率衆圍之,遼欲 籠過厚,誠宜舉宗陳力;加以征伐未息,宜實郊逡之內,以制四方,非慕純也。」 餘家,居乘氏,自請願徙詣魏郡。 太祖笑曰:「卿欲慕耿純邪?」典謝曰:「典駑怯功微,而爵 與樂進圍高幹於壺關,擊管承於長廣,皆破之。遷捕虜將軍,封都亭侯。典宗族部曲三千 禁追之,典留守。惇等果入賊伏裏,戰不利,典往救,備望見救至,乃散退。從圍鄴, 率諸軍追擊之,典曰:「賊無故退,疑必有伏。 南道狹窄,草木深,不可追也。」 ,破之,水道得通。 進、典、遼皆素不睦,遼恐其不從,典慨然曰:「此國家大事,顧君計何如耳,吾可 劉表使劉備北侵,至葉, 乃率衆與遼破走權。增邑百戶,幷前三百戶。 太祖遣典從夏侯惇拒之。 備一 惇不聽,與于 旦燒屯去,惇 **遂徙部曲** 鄴定,

六薨,子禛嗣。 與好學問,貴儒雅,不與諸將爭功。 敬賢士大夫,恂恂若不及,軍中稱其長者。 文帝踐阼,追念合肥之功,增减邑百戶,賜典一子爵關內侯,邑百戶;諡典 年三十

日愍侯。

衆多歸之。時有周直者,衆二千餘家,與恭、通外和內違。通欲圖殺直而恭難之。 李通字文達,江夏平春人也。〔〕以俠聞於江、汝之間。 與其郡人陳恭共起兵於朗陵, 通知恭

陳郃 歲大饑,通傾家振施,與士分糟糠,皆爭爲用,由是盜賊不敢犯。 ,殺恭 ,乃獨定策,與直克會,酒酣殺直。衆人大擾,通率恭誅其黨帥, 而據其衆。 通攻破郃軍,斬郃首以祭恭墓。又生禽黃巾大帥吳霸而降其屬。 盡幷其營。後恭妻弟

## (二)魏略曰:通小字萬億。

周瑜圍曹仁於江陵,別遣關羽絕北道。 淮、汝之地。 軍,勇冠諸將。 貳。」卽斬鮉使,送印綬詣太祖。 通按劍以叱之曰:「曹公明哲,必定天下。紹雖彊盛,而任使無方, 之,通皆拒焉。 嘉儼執憲不阿,與爲親交。太祖與袁紹相拒於官渡。 是時殺生之柄,決於牧守,通妻子號泣以請其命。通曰:「方與曹公戮力, 封建功侯。 以 助繡,太祖軍不利。 建安初,通舉衆詣太祖於許。 分汝南二縣,以通爲陽安都尉。 改封都亭侯,拜汝南太守。 通道得病薨,時年四十二。追增邑二百戶,幷前四百戶 通親戚部曲流涕曰:「今孤危獨守,以失大援,亡可立而待也,不 通將兵夜詣太祖, 又擊郡賊瞿恭、江宮、沈成等,皆破殘其衆,爰其首。 拜通振威中郎將,屯汝南西界。太祖討張繡, 通率衆擊之,下馬拔鹿角 時賊張赤等五千餘家聚桃山 太祖得以復戰,通爲先登,大破繡軍。 通妻伯父犯法,朗陵長趙儼收治, 紹遣使拜通征南將軍, 入園 **)終爲之虜耳。** 通攻破之。 且戰且前 文帝踐阼,諡日剛 義不. ·以私廢公。」 如亟從紹 劉表亦陰招 致之大辟。 拜裨將軍 吾以死不 劉表遣兵 以迎仁 劉備 遂定 崩

魏

不幸早薨,子基雖已襲爵,未足酬其庸勳。」基兄緒,前屯樊城,又有功。 韶曰:「昔袁紹之難,自許、蔡以南,人懷異心。 通秉義不顧,使攜貳率服,朕甚嘉之。 世篤其勞,其以基

爲奉義中郎將,緒平虜中郎將,以寵異焉。」〔1〕

[1]王騰晉書曰:緒子秉,字玄胄,有傷才,爲時所貴,官至秦州刺史。秉嘗答司馬文王問,因以爲家誠曰:「昔侍坐於 乎?』諸人各未知所對,吾乃舉故太尉有景倩、尚書董仲連、僕射王公仲並可謂爲愼。上曰:『此諸人者,溫恭朝 夕,執事有恪,亦各其愼也。然天下之至愼,其惟阮嗣宗乎!每與之言,言及玄遠,而未曾評論時事,臧否人物, 有勇,勇者不必有仁,是以易稱括饕無咎,藉用白茅,皆愼之至也。』上曰:『卿言得之耳。可舉近世能愼者 爲本。』次復問吾,對曰:『淸愼之道,相須而成,必不得已,愼乃爲大。夫淸者不必愼,愼者必自淸, 顧謂吾等曰:『相誡敕正當爾不?』侍坐衆賢,莫不贊善。上又問曰:『必不得已,於斯三者何先?』或對曰:『淸固 答何由而生, 患禍無從而至矣。」 眞可謂至愼矣。』 吾每思此言,亦足以爲明誡。 凡人行事,年少立身,不可不慎,勿輕論人,勿輕說事, 如此則悔 先帝,時有三長吏俱見。臨辭出,上曰:『爲官長當淸,當愼,當勤,修此三者,何惠不治乎?』並受詔。旣出,上 亦由仁者必 誰

字茂仲,短字茂約,永嘉中並典郡;短至江州刺史。重子式,字景則,官至侍中。 秉子重,字茂會。少知名,歷位吏部郎、平陽太守。晉諸公贊曰:重以清尚稱。相國趙王倫以重望取爲右司馬。 重以倫將爲亂,辭疾不就。倫逼之不已,重遂不復自活,至於困篤,扶曳受拜,數日卒, 贈散騎常侍。重二弟,倘

臧霸字宣高,泰山華人也。 父戒,爲縣獄掾,據法不聽太守欲所私殺。 太守大怒,令收

罪,便收考竟,霸益以善周。 皆封列侯。霸爲都亭侯,加威虜將軍。 櫬以從,而光武不逆,吾將何以易之哉!」 東州擾攘,霸等執義征暴,清定海岱,功莫大焉, 故太祖得專事紹,不以東方爲念。太祖破袁譚於南皮,霸等會賀。霸因求遣子弟及諸將父 功,遷徐州刺史。沛國(公)武周爲下邳令, 兄家屬詣鄴,太祖曰:「諸君忠孝,豈復在是!昔蕭何遣子弟入侍,而高祖不拒,耿純焚室輿 霸之君可以義告,願將軍爲之辭。」備以霸言白太祖,太祖歎息,謂霸曰:「此古人之事而君 送二人首。 霸謂備曰:「霸所以能自立者,以不爲此也。 霸受公生全之恩,不敢違命。 爲琅邪相,敦利城、禮東莞、觀北海、康城陽太守,割青、徐二州,委之於霸。太祖之在兗州, 自匿。 觀、吳敦、尹禮等並聚衆,霸爲帥,屯於開陽。太祖之討呂布也,霸等將兵助布。 戒詣府,時送者百餘人。 霸年十八,將客數十人徑於費西山中要奪之,送者莫敢動,因與父 能行之,孤之願也。」乃皆以翕、暉爲郡守。 時太祖方與袁紹相拒,而霸數以精兵入靑州 以徐翕、毛暉爲將。兗州亂,翕、暉皆叛。後兗州定,翕、暉亡命投霸。太祖語劉備,令語霸 俱亡命東海, 太祖募索得霸,見而悅之,使霸招吳敦、尹禮、孫觀、觀兄康等,皆詣太祖。太祖以霸 由是以勇壯聞。黃巾起,霸從陶謙擊破之,拜騎都尉。遂收兵於徐州,與孫 從討孫權,先登,再入巢湖,攻居巢,破之。張邃之討陳蘭,霸 又與于禁討昌豨,與夏侯淵討黃巾餘賊徐和等,有 霸敬異周,身詣令舍。 部從事謥詞不法,周得其 既禽布,霸 然王

破之。霸從討孫權於濡須口,與張遼爲前鋒,行遇霖雨,大軍先及,水遂長,賊船稍進,將士 皆不安。遼欲去,霸止之曰:「公明於利鈍,寧肯捐吾等邪?」 明日果有令。遼至,以語太 **比明,行百餘里,邀賊前後擊之。 賊窘急,不得上船,赴水者甚衆。 由是賊不得救蘭, 遼遂** 別遣至皖,討吳將韓當,使權不得救蘭。 ,與戰破之,還屯舒。權遣數萬人乘船屯舒口,分兵救蘭,聞霸軍在舒,遁還。霸夜追之, 太祖善之,拜揚威將軍,假節。後權乞降,太祖還,留霸與夏侯惇等屯居巢。 當遣兵逆霸, 霸與戰於逢龍 當復遣兵邀霸於夾

焉。(1)明帝卽位,增邑五百,并前三千五百戶。薨,諡曰威侯。子支嗣。(三) 艾官至青州刺 史、少府。及薨,諡曰恭侯。子權嗣。霸前後有功,封子三人列侯,賜一人爵關內侯。〔三〕 封良成侯。與曹休討吳賊,破呂範於洞浦,徵爲執金吾,位特進。每有軍事,帝常咨訪 文帝卽王位,遷鎭東將軍,進餒武安鄕侯,都督青州諸軍事。及踐阼,進封開陽侯,徙

- (1)魏略曰:霸一名奴寇。孫觀名嬰子。 新步騎萬人,必能橫行<br />
  江表。」<br />
  体言之於帝,帝疑<br />
  騎軍前擅去,今意壯乃爾!<br />
  逐東巡,因<br />
  騎來朝而奪其兵。 所部及青州兵,以爲天下將亂,皆鳴鼓擅去。文帝卽位,以曹休都督青、徐,霸謂休曰:「國家未肯聽霸耳!若假 吳敦名黯奴。尹禮名盧兒。建安二十四年,霸遣別軍在洛。會太祖崩,霸
- (三)魏書曰:艾少以才理稱,爲黃門郎,歷位郡守。
- (三)霸一子舜,字太伯,晉散騎常侍,見武帝百官名。 此百官名,不知誰所撰也, 皆有題目,稱舜「才穎條暢,識贊時

魏書曰:孫觀字仲臺,泰山人。與臧霸俱起,討黃巾,拜騎都尉。太祖破呂布,使霸招觀兄弟,皆厚遇之。 戰伐,觀常爲先登,征定靑、徐羣賊,功次於霸,封呂都亭侯。 康亦以功封列侯。 與太祖會南皮,遣子弟入居鄴 被創深重,而猛氣益奮,不當爲國愛身乎?」轉振威將軍,創甚,遂卒。 拜觀偏將軍,遷靑州刺史。從征孫權於濡須口,假節。 攻權,爲流矢所中,傷左足,力戰不顧,太祖勞之曰:「將軍 與霸俱

備於長阪。 於漢津,燒其船於荆城。文帝踐阼, 事,賜爵關內侯。〔〕與樂進討關羽於尋口,有功,進封延壽亭侯,加討逆將軍。又攻羽輜重 舉州降,呼聘欲與俱,聘曰:「聘不能全州,當待罪而已。」太祖濟漢,聘乃詣太祖 口,止石梵,自當一隊,禦賊有功,遷後將軍,封新野侯。 土境,生不負於孤弱,死無愧於地下,而計不得已,以至於此。 曰:「來何遲邪?」 聘曰:「先日不能輔弼劉荆州以奉國家, 文聘字仲業,南陽宛人也,爲劉表大將,使禦北方。 太祖先定荆州,江夏與吳接,民心不安,乃以聘爲江夏太守,使典北兵,委以邊 太祖爲之愴然曰:「仲業,卿眞忠臣也。」厚禮待之。授聘兵,使與曹純追討劉 進爵長安鄉侯,假節。與夏侯尚圍江陵,使聘別屯沔 表死,其子琮立。太祖征荆州 孫權以五萬衆自圍聘於石陽,甚 荆州雖沒,常願據守漢川,保全 實懷悲慚,無顏早見耳。」遂 太祖問

急。 **聘堅守不動,權住二十餘日乃解去。聘追擊破之。**〔三增邑五百戶,并前千九百戶

- (一)孫盛曰:資父事君,忠孝道一。 臧霸少有孝烈之稱,文聘著垂泣之誠,是以魏武一面,委之以二方之任,豈直壯武 見知於倉卒之間哉
- (三)魏略曰:孫權嘗自將數萬衆卒至。時大雨,城柵崩壞,人民散在田野,未及補治。 之以此郡,今我至而不動,此不有密圖,必當有外救。」遂不敢攻而去。魏略此語,與本傳反。 若潛默可以疑之。乃敕城中人使不得見,又自臥舍中不起。 權果疑之,語其部黨曰:「北方以此人忠臣也,故委 聘聞權到,不知所施,乃思惟莫

子厚爵關內侯。 嘉平中,譙郡桓禺爲江夏太守,淸儉有威惠,名亞於聘。 聘在江夏數十年,有威恩,名震敵國,賊不敢侵。 分聘戶邑封聘子岱爲列侯,又賜聘從 聘薨,諡曰壯侯。 岱叉先亡,聘養子休嗣。 卒,子武嗣。

**賁**〕校尉杜松部民炅母等作亂,與昌豨通。太祖以虔代松。虔到,招誘炅母渠率及同惡數 數十輩,保山爲寇,百姓苦之。 處將家兵到郡,開恩信,祖等黨屬皆降服, 諸山中亡匿者盡 太祖以虔領泰山太守。郡接山海,世亂,聞民人多藏竄。袁紹所置中郎將郭祖、公孫犢等 十人,賜酒食。簡壯士伏其側,虔察炅母等皆醉,使伏兵盡格殺之。撫其餘衆,羣賊乃平。 呂虔字子恪,任城人也。太祖在兗州,聞虔有膽策,以爲從事,將家兵守湖陸。(襄陵)〔襄 焉。

多其能任賢。〔〕討利城叛賊,斬獲有 加裨將軍,封益壽亭侯,遷徐州刺史, **院,古今一也。」舉茂才,加騎都尉,典郡如故。** 郡以來,禽姦討暴,百姓獲安,躬蹈矢石,所征輒克。 兵以討東萊羣賊李條等,有功。 吏,攻城邑。 出安土業。 皮薨,子翻嗣。 簡其彊者補戰士,泰山由是遂有精兵,冠名州郡。 虔引兵與夏侯淵會擊之,前後數十戰, 翻薨 一,子桂嗣 太祖令曰:「夫有其志,必成其事, 功。 加威虜將軍。 明帝卽位,徙封萬年亭侯, 虔在泰山十數年,甚有威惠。 斬首獲生數千人。 請琅邪王祥爲別駕,民事一以委之,世 昔寇恂立名於汝、潁,耿弇建策於青 濟南黃巾徐和等,所在劫長 蓋烈士之所徇也。 增邑二百, 太祖使督青州 文帝 弁前六百 即王位, 卿在 諸 郡

孫盛雜語曰:祥字休徵。 仕,以淳誠貞粹見重於時。 衣,將剖冰求之,(有)少〔頃〕,堅冰解,下有魚躍出,因奉以供,時人以爲孝感之所致也。 性至孝,後母苛虐,每欲危害祥,祥色養無怠。 盛寒之月,後母曰:「吾思食生魚。」 供養三十餘年, 母終乃 

薨。 爲晉王,司空荷顗要祥盡敬,祥不從。 王總晉書曰 "祥始出仕,年過五十矣,稍遷至司隸校尉。 晉諸公贊稱覽率素有至行。 語在三少帝紀。 晉武踐 作, 拜祥為太保, 封雎陵公。 高貴鄉公入學,以祥爲三老, **覽子孫繁衍,頗有賢才相係,奕世之盛,** 遷司空太尉。 泰始四 司馬文王 古今少比 年八十九 初

及宗族數千家,共堅壁以禦寇。時汝南葛陂賊萬餘人攻褚壁,褚衆少不敵, 乏,僞與賊和,以牛與賊易食,賊來取牛,牛輒奔還。。褚乃出陳前, 矢盡,乃令壁中男女,聚治石如杆斗者置四隅。 褚飛石擲之,所值皆摧碎。 許褚字仲康,譙國譙人也。長八尺餘,腰大十圍,容貌雄毅,勇力絕人。 一手逆曳牛尾,行百餘 賊不敢進。 力戰疲極。兵 漢末,聚少年

常從士徐他等謀爲逆,以褚常侍左右,憚之不敢發。同褚休下日,他等懷刀入。褚至下舍 衞。 是日,微緒幾危。其後太祖與遂、超等單馬會語,左右皆不得從,唯將緒。超負其力,陰欲 之,出入同行,不離左右。從圍鄴,力戰有功,賜爵關內侯。從討韓遂、馬超於潼關。太祖 軍,矢下如雨。|褚白|太祖,賊來多,今兵渡已盡,宜去,乃扶|太祖上船。 賊戰急,軍爭濟,船 將北渡,臨濟河,先渡兵,獨與褚及虎士百餘人留南岸斷後。超將步騎萬餘人,來奔太祖 步。賊衆鷲,遂不敢取牛而走。由是淮、汝、陳、梁間,聞皆畏憚之。 心動,即還侍。他等不知,入帳見褚,大驚愕。他色變,褚覺之,即擊殺他等。太祖益親信 重欲沒。|褚斬攀船者,左手舉馬鞍蔽|太|祖。船工爲流矢所中死,褚右手並泝船,僅乃得渡。 諸從褚俠客,皆以爲虎士。從征張繡,先登,斬首萬計,遷校尉。從討袁紹於官渡。 時 太祖徇淮、汝,褚以衆歸太祖。太祖見而壯之曰:「此吾樊噲也。」即日拜都尉,引入宿

魏 書 二李臧文呂許典二龐閻傳第十八

前突太祖,素聞褚勇,疑從騎是褚。 號,自此始也。 超不敢動,乃各罷。 軍中以褚力如虎而癡,故號曰虎癡;是以超問虎侯,至今天下稱焉,皆謂其 後數日會戰,大破超等, 乃問太祖曰:「公有虎侯者安在?」太祖顧指褚,褚瞋目 褚身斬首級,遷武衞中郎將。 武衞之

姓名也。

將,其後以功爲將軍封侯者數十人,都尉、校尉百餘人,皆劍客也。 明帝即位,進〔封〕牟鄉 鍾會所殺。秦始初,子綜嗣。 威將軍,都督徼道虎賁。太和中,帝思褚忠孝,下詔褒贊,復賜褚子孫二人爵關內侯。儀爲 候,邑七百戶,賜子虧一人關內侯。褚薨,諡曰壯侯。子儀嗣。褚兄定,亦以軍功(封)爲振 都督中軍宿衞禁兵,甚親近焉。一初,褚所將爲虎士者從征伐,太祖以爲皆壯士也,同日拜爲 聞,愈愛待之,遷中堅將軍。太祖崩,褚號泣歐血。文帝踐阼,進封萬歲亭侯,遷武衞將軍, 呼君,君何故辭?」緒曰:「彼雖親重,外藩也。 褚備內臣,衆談足矣,入室何私乎?」 太祖 |褚入便坐語,褚曰:「王將出。」便還入殿,仁意恨之。或以責緒曰:「征南宗室重臣, 緒性謹愼奉法,質重少言。曹仁自剌州來朝謁,太祖未出,入與褚相見於殿外。

典章,陳留己吾人也。 形貌魁梧,旅力過人,有志節任俠。 襄邑劉氏與睢陽李永爲讎

門旗長大,人莫能勝,韋一手建之,寵異其才力。後屬夏侯惇,數斬首有功,拜司馬。太祖討 韋爲報之。 軍中爲之語曰:「帳下壯士有典君,提一雙戟八十斤。」 **兼人**,每賜食於前,大飲長歠,左右相屬,數人益乃供,太祖壯之。 韋好持大雙戟與長刀等, 先登陷陳。 呂布於濮陽。布有別屯在濮陽西四五十里,太祖夜襲,比明破之。未及還,會布救兵至,三 里,遇其伴,轉戰得脫。由是爲豪傑所識。初平中,張邈舉義兵,韋爲士,屬司馬趙寵。 其妻,徐出,取車上刀戟,步(出)〔去〕。 永居近市,一 去。拜韋都尉,引置左右,將親兵數百人,常繞大帳。 言「虜至矣」! 韋手持十餘戟,大呼起,所抵無不應手倒者。 布衆退。 會日暮,太祖乃得引 人,皆重衣兩鎧,棄楯,但持長矛撩戟。 不視,謂等人曰:「虜來十步,乃白之。」 等人曰:「十步矣。」 叉曰:「五步乃白。」 等人懼,疾 面掉戰。時布身自搏戰,自旦至日昳數十合,相持急。太祖募陷陳,韋先占,將應募者數十 永故富春長,備衞**甚**謹。 遷爲校尉。性忠至謹重,常晝立侍終日,夜宿帳左右,稀歸私寢。好酒食,飮噉 章乘車載雞酒,偽爲候者,門開,懷匕首入殺水,幷殺 時西面叉急,韋進當之,賊弓弩亂發,矢至如雨,韋 市盡駭。追者數百,莫敢近。行四五 章既壯武,其所將皆選卒,每戰關,常

大斧立後,刃徑尺,太祖所至之前,韋輒舉斧目之。竟酒,繡及其將帥莫敢仰視。後十餘

太祖征荆州,至宛,張繡迎降。太祖甚悅,延繡及其將帥,置酒高會。太祖行酒,

韋持

五四四四

入。 滿爲都尉,賜爵關內侯。 拜子滿爲郞中。 之,覆軍就視其軀。太祖退住舞陰,聞韋死,爲流涕,募閒取其喪,親自臨哭之,遣歸葬襄邑, 之,餘賊不敢前。 入,輒十餘矛摧。 日 ,繡反,襲太祖營,太祖出戰不利,輕騎引去。 時韋校尙有十餘人,皆殊死戰,無不一當十。賊前後至稍多,韋以長戟左右擊之,一叉 車駕每過,常祠以中牢。 章復前突賊,殺數人,創重發,瞋目大駡而死。 左右死傷者略盡。 章被數十創,短兵接戰, 太祖思韋,拜滿爲司馬,引自近。文帝卽王位,以 韋戰於門中, 賊前搏之。 賊不得入。 賊乃敢前,取其頭, 韋雙挾兩賊擊殺 兵遂散從他門並 傳觀

常陷陳卻敵,勇冠騰軍。後騰徵爲衞尉,悳留屬超。太祖破超於渭南,悳隨超亡入漢陽,保 數有功,稍遷至校尉。建安中,太祖討袁譚、尚於黎陽,譚遣郭援、高幹等略取河東,太祖使 首。行了拜中郎將,封都亭侯。後張白騎叛於弘農,愿復隨騰征之,破白騎於兩殽間。 封關門亭侯,邑三百戶。 一絲率關中諸將討之。。應隨騰子超拒援、幹於平陽,悳爲軍鋒,進攻援、幹,大破之,親斬援 龐 息字 令明,南安 狟 道 人 也。 後復隨超奔漢中,從張魯。 太祖定漢中,惠隨衆降。 **桓音桓。少爲郡吏州從事。** 太祖素聞其驍勇,拜立義將軍, 初平中,從馬騰擊反羌叛氏, 毎戦

魏略曰 **鯀見之而哭。** "惠手斬一級,不知是援。 底謝縣,縣曰:「援雖我甥,乃國賊也。 **戦罷之後**, 衆人皆言援死而不得其首。援,鍾繇之甥。應晚後於鞬中出 卿何謝之? 回,

船覆 皆降。 將不怯死以苟免,烈士不毀節以求生,今日,我死日也。」 皆收斬之。 果毅,蹈難成名,聲溢當時,義高在昔,寡人愍焉,諡曰壯侯。」又賜子會等四人爵關內侯 仁使應屯樊北十里,會天霖雨十餘日,漢水暴溢,樊下平地五六丈,應與諸將避水上堤。 羽,羽當殺我。」 國家鬼,不爲賊將也。」 罵羽日 乘船攻之,以大船四面射隄上。 以惠兄在漢中,頗疑之。〔〕惠常曰:「我受國恩,義在效死。 「水中,爲羽所得,立而不跪。 ,乃遣使就悳墓賜諡,策曰:「昔先軫喪元,王蠋絕脰,隕身徇節, 侯音、衞開等以宛叛,惠將所領與曹仁共攻拔宛,斬音、開,遂南屯樊,討關羽。 **悳與麾下將一人,五伯二人,彎弓傅矢,乘小船欲還仁營。** 「豎子,何謂降也! 自平旦力戰至日過中,羽攻益急,矢盡,短兵接戰。 後親與羽交戰,射羽中額。時惠常乘白馬,羽軍謂之白馬將軍, 遂爲羽所殺。 魏王帶甲百萬, 惠被甲持弓,箭不虛發。 |羽謂曰:「卿兄在漢中,我欲以卿爲將,不早降何爲?」 | 惠 太祖 聞而悲之,爲之流涕,封其二子爲 威振天下。 汝劉備庸才耳,豈能敵邪 戰益怒, 將軍董衡、部曲將董超等欲降,悳 我欲身自擊羽。 **惠謂督將成何曰:「吾聞良** 水盛船覆,失弓矢, 氣愈壯,而水浸盛,吏士 前代美之。 列侯。 今年我不殺 惟侯式昭 ! 皆憚之。 樊下諸 我寧爲 文帝即 獨抱

## 邑各百戶。會勇烈有父風,官至中尉將軍,封列侯。

- (二)魏略曰:應從兄名柔,時在蜀。
- 三]王隱蜀記曰:鍾會平蜀,前後鼓吹,迎慮屍喪還葬鄴,冢中身首如生。

臣松之案惠死於樊城,文帝卽位,又遣使至應墓所,則其屍喪不應在蜀。 此王隱之虛說也。

首,欲因見以殺猛。猛知其義士,敕遣不殺,由是以忠烈聞。〔〕太守徐揖請爲主簿。 劍,二郡感其義,遂爲興兵。 三年乃還。太祖聞之,辟爲掾屬。 人黃昂反,圍城。 龐淯字子異,酒泉麦氏人也。初以凉州從事守破羌長,會武威太守張猛反, 。清棄妻子,夜踰城出圍,告急於張掖、燉煌二郡。 軍未至而郡城邑已陷,揖死。 文帝踐阼,拜駙馬都尉,遷西海太守,賜爵關內侯。 **清乃收斂揖喪,爰還本郡,行服** 初疑未肯發兵, 清欲伏 殺刺史邯 後徵 後郡

拜中散大夫,薨。子曾嗣。

(一)魏略曰:猛兵欲來縛淯,猛聞之,歎曰:「猛以殺刺史爲罪。此人以至忠爲名, 如又殺之,何以勸一州履義之士

邪!」遂使行服。

郡爲功 典略曰:張猛字叔威,本燉煌人也。 曹,是時河西四鄰以去涼州治遠,隔以河寇,上書求別置州。 猛父與,桓帝時任歷郡守、中郎將、太常,遂居華陰,終因葬焉。 韶以陳留人邯鄲商為雅州刺史,別典四郡。 建安初,猛仕

歌,旦以告與。換訊占夢者,曰:「夫人方生男,後當復臨此郡,其必死官乎!」及猛被攻,自知必死,曰:「使死者 威,汝欲殺我耶?然我死者有知,汝亦族矣。請和解,尚可乎?」<br/>
猛因呼曰:「來。」<br/>
商踰屋就猛,猛因責數之,語 無知則已矣,若有知,豈使吾頭東過華陰歷先君之墓乎?」乃登樓自燒而死。 上討猛,猛發兵遣軍東拒。其吏民畏遂,乃反共攻猛。初與為武威太守時,猛方在孕。 畢,以商屬督郵。督郵錄商,閉置傳舍。 時武威太守缺,韶叉以猛父昔在河西有威名,乃以猛補之。商、猛俱西。初,猛與商同歲,每相戲假,及共之官, **暨到,商欲誅猛。猛覺之,遂勒兵攻商。商治舍與猛側近,商聞兵至,恐怖登屋,呼猛字曰:「叔** 後商欲逃,事覺,遂殺之。是歲建安十四年也。 至十五年, 母夢帶與印綬, 將軍韓遂自 登樓而

禄福長尹嘉解印綬縱娥,娥不肯去,遂彊載還家。 會赦得免,州郡歎貴,刊石表閭。[1] 讎不報,乃悼車袖劍, 初,淯外祖父趙安爲同縣李壽所殺,淯舅兄弟三人同時病死, 白日刺壽於都亭前,訖,徐詣縣,顏色不變,曰:「父讎己報,請受戮。 壽家喜。 清母娥自傷父

皇甫謐列女傳曰:酒泉烈女魔娥親者,表氏魔子夏之妻,祿福趙君安之女也。君安爲同縣李壽所殺,娥親有男弟 之。 愈深,愴然隕涕曰:「李壽,汝莫喜也,終不活汝!戴履天地,爲吾門戶,吾三子之羞也。 女弱,何足復憂!」防備懈弛。 三人,皆欲報警,壽深以爲備。會遭災疫,三人皆死。壽聞大喜,請會宗族,共相慶賀,云:「趙氏彊壯已盡, 自儌倖邪?」 比鄰有徐氏婦,憂娥親不能制,恐逆見中害,每諫止之,曰:「李壽,男子也,凶惡有素,加今備衞在身。趙雖有 陰市名刀,挾長持短,晝夜哀酸,志在殺壽。 娥親子淯出行, 聞壽此言, 還以啓娥親。 娥親既素有報警之心, 及聞壽言, 壽爲人凶豪,聞娥親之言, 更乘馬帶刀, 焉知娥親不手刃殺汝,而 鄉人皆畏憚 感激 唯有

國體。 不變。 地斫之,探中樹蘭,折所持刀。壽被創未死,娥親因前欲取壽所佩刀殺壽,壽護刀瞋目大呼,跳梁而 相遇,便下車扣壽馬,叱之。壽驚愕,廻馬欲走。 審頸血汚此刀刃,令汝輩見之。」遂棄家事,乘鹿車伺壽。至<u>光和二年二月上旬,以白日清時,於都亭之前,與</u>壽 訖,扼腕切齒,悲涕長歎,家人及鄰里咸共笑之。 猶在,豈可假手於人哉!若以卿心沉我,則李壽不可得殺;論我之心, 壽必爲我所殺明矣。」 夜數磨礪所持 曰:「父母之讐,不同天地共日月者也。」李壽不死,」娥親視息世閒,活復何求!今雖三弟早死,門戶泯絕,而娥親 猛烈之志,而疆弱不敵。 凶言,奮劍仇頸,人馬俱摧,塞亡父之怨魂,雪三弟之永恨,近古已來,未之有也。詩云「修我戈矛,與子同仇」,敗 其作傳。 張與貴尙所履,以東帛二十端禮之。 尉知其難奪,彊載還家。 人之罪,法所不縱。 公縱,陰語使去,以便宜自匿。娥親抗聲大言曰:「枉法逃死,非妾本心。 挺身奮手,左抵其額,右樁其喉,反覆盤旋,應手而倒。 君之常典也。 雖復萬死,於娥親畢足,不敢貪生爲明廷負也。」尉故不聽所執,娥親復言曰:「匹婦雖微, 時 玄晏先生以爲父母之響,不與共天地,蓋男子之所爲也。而娥親以女弱之微,念父辱之酷痛,感響黨之 祿福長漢陽尹嘉不忍論娥親,即解印綬去官,弛法縱之。 何敢貪生以枉官法?」 今既犯之,義無可逃。乞就刑戮,隕身朝市,肅明王法,娥親之願也。」辭氣愈厲 邂逅不制,則爲重受禍於壽,絕滅門戶,痛辱不輕也。 凉州刺史周洪、酒泉太守劉班等並共表上,稱其烈義,刊石立碑, 海內聞之者,莫不改容贊善,高大其義。 鄉人聞之,傾城奔往,觀者如堵焉, 娥親謂左右曰:「卿等笑我,直以我女弱不能殺壽故也。 娥親奮刀斫之,幷傷其馬。 遂拔其刀以截<br />
壽頭,持詣都亭,歸罪有司,徐步詣獄,辭顏 娥親曰:「鬱塞身死,妾之明分也。 **今**響人已雪,死則妾分, 莫不爲之悲喜慷慨嗟嘆也。 馬驚, 故黃門侍郎安定梁寬追述娥親,爲 願詳舉動,爲門戶之計。」 壽擠道邊溝中。 顯其門間。 乞得歸 **猶知憲制**。 娥親尋復就 起。 ,面無懼色。 治獄制刑, 太常弘農 守尉不敢 娥親 要當以 法以全 |娥|親 殺 迺 刀

親之謂

吾豈苟生者乎?」超遂殺之。 同者不?」溫又不應。遂切責之,溫曰:「夫事君有死無貳,而卿乃欲令長者出不義之言, 邪?」溫不應。時超攻城久不下,故徐誘溫,冀其改意。復謂溫曰:「城中故人,有欲與吾 城大呼曰:「大軍不過三日至,勉之!」城中皆泣,稱萬歲。超怒數之曰:「足下不爲命計 中,東方無救,此轉禍爲福之計也。不然,今爲戮矣。」溫僞許之,超乃載溫詣城下。溫向 超解其縛,謂曰:「今成敗可見,足下爲孤城請救而執於人手,義何所施?若從吾言,反謂城 迎之。溫止之,不能禁,乃馳還州。超復圍州所治冀城甚急,州乃遣溫密出,告急於夏侯 賊圍數重,溫夜從水中潛出。明日,賊見其迹,遣人追遮之,於顯親界得溫,執還詣超。 閻溫字伯儉,天水西城人也。 以涼州別駕守上邽令。馬超走奔上邽,郡人任養等舉衆

忠義顯然,豈以就在困厄之中而替之哉?昔樂羊食子,李通覆家,經國之臣,寧懷妻孥邪? 
 恭(支)并勢。就至酒泉、為華所拘執、劫以白刃。就終不回,私與恭疏曰:「大人率厲燉煌,
 行長史事,恩信甚著,乃遣子就東詣太祖,請太守。時酒泉黃華、張掖張進各據其郡,欲與 先是,河右擾亂,隔絕不通,燉煌太守馬艾卒官,府又無丞。功曹張恭素有學行,郡人推

篤。 恐急擊其後,遂詣金城太守蘇則降。就竟平安。奉得之官。黃初二年,下詔褒揚,賜恭爵 緣酒泉北塞,徑出張掖北河,逢迎太守尹奉。於是張進須黃華之助;華欲救進,西顧恭兵, 爾內侯,拜西域戊己校尉。數歲徵還,將授以侍臣之位,而以子就代焉。恭至燉煌,固辭疾 **今大軍垂至,但當促兵以掎之耳;願不以下流之愛,使就有恨於黃壤也。」恭卽遣從弟華** 攻酒泉沙頭、乾齊二縣。恭又連兵尋繼華後,以爲首尾之援。別遣鐵騎二百,迎吏官屬,東 太和中卒,贈執金吾。就後爲金城太守,父子著稱於西州。行

[二] 世語曰: 威子數,字祖文,弘毅有幹正,晉武帝世爲廣漢太守。 王濬在盆州, 帝善之。官至匈奴中郎將。一數子固,字元安,有數風,爲黃門郎,早卒。一數,一本作勃。 事列上,由此召斅還。帝責斅:「何不密啓而便收從事?」|數曰:「蜀漢絕遠,劉備嘗用之。輒收,臣猶以爲輕。 受中制募兵討吳,無虎符,數收濬從

也。 論其行節,皆靡、閻之流。 其配公道一人,已見賈逵傅。今列賓碩等三人于後。

魏略勇俠傳載孫賓碩、祝公道、楊阿若、鮑出等四人,賓碩雖漢人,而魚豢編之魏書,蓋以其人接魏,事義相類故

爲虎牙,非德選,不足爲特酤買,宜隨中舍茶食而已。」及其到官,遣吏奉牋謝尹,息又敕門,言「無常見此無陰兒 輩子弟邪,用其箋記爲通乎?」 入府門?」促收其主簿。 千石,而統屬郡。衡弟初之官,不脩敬於京兆尹,入門不持版,郡功曹趙息呵廊下曰:「虎牙儀如屬城,何得放臂 孫賓碩者,北海人也,家素貧。 衡弟顧促取版,既入見尹,尹欲脩主人,敕外爲市買。<br/>息又啓云:「(左)[衡]惟子弟,來 當漢桓帝時,常侍左悺、唐衡等權侔人主。延熹中,衡弟爲京兆虎牙都尉,秩比二 晚乃通之,又不得卽令報。 衡弟皆知之,甚恚,欲滅諸趙。 因書與衡, 求為京兆

客荆州。 府並辟,展轉仕進,至郡守、刺史、太僕,而賓碩亦從此顯名於東國,仕至豫州刺史。 以實。」 岐以爲是唐氏耳目也,甚怖,面失色。 賓碩閉車後戶,下前襜,謂之曰:「視處士狀貌, 旣非販餅者, 加今面色變 三十,賣亦三十。」賓碩曰:「視處士之望,非似賣餅者,殆有故!」乃開車後戶,顧所將兩騎,令下馬扶上之。時 動 岐,疑其非常人也。 逃,走之河間 都 尹,旬月之間 由是益禮 入,椎牛鍾酒,快相娛樂。 ,即不有重怨,則當亡命。 官及郡部督郵,捕諸趙尺兒以上,及仲臺皆殺之,有藏者與同罪。 岐乃具告之。 賓碩。 至興平中,趙岐以太僕持節使安慰天下,南詣荆州,乃復與賓碩相遇,相對流涕。岐爲劉表陳其本末, ,變姓字,又轉詣北海,著絮巾布袴,常於市中販胡餅。 ,得爲之。 頃之,賓碩病亡,岐在南,爲行喪也。 因問之曰:「自有餅邪,販之邪?」岐曰:「販之。」賓碩曰:「買幾錢?賣幾錢?」 賓碩遂載岐驅歸。 息自知前過,乃逃走。時息從父仲臺,見爲凉州刺史,於是衡爲詔徵仲臺,遣歸。 一二日,因載著別田舍,藏置複壁中。 我北海孫賓碩也,闔門百口,又有百歲老母在堂,勢能相度者也,終不相負,必語 住車門外,先入,白母言:「今日出得死友在外,當來入拜。」乃出,延岐 後數歲,唐衡及弟皆死。 時息從父岐爲皮氏長,聞有家禍, 賓碩時年二十餘,乘犢車,將騎入市。 初平末,賓碩以東方饑荒,南 岐乃得出,還本郡。三 因從官舍 岐曰:「買 遂詔 觀見

揖城守。 阿若。」 齎檄告酒泉,聽豐爲揖報醬。 豐遂單騎入南羌中,合衆得千餘騎,從(樂浪) [樂涫]南山中出,指趨郡城。 楊阿若後名豐,字伯陽,酒泉人。 昂恚豐不與已同,乃重募取豐,欲令張掖以麻緊其頭,生致之。 至建安年中,太守徐揖誅郡中疆族黃氏。 豐時在外,以昂爲不義,乃告揖,捐妻子走詣張掖求救。會張掖又反,殺太守,而昂亦陷城殺揖,二郡 少遊俠,常以報響解怨爲事,故時人爲之號曰:「東市相斫楊阿若, 時黃昂得脫在外,乃以其家粟金數斛,募衆得千餘人以攻揖。 豐遂逃走。 武威太守張猛假豐爲都尉,使 西市相斫 未到三

黃初中,河西興復,黃華降,豐乃還郡。 前 十里,皆令騎下馬,曳柴揚塵。 欲生緊我頸,今反爲我所繫,云何?」昂慚謝,豐遂殺之。 酒泉郡人望見塵起,以爲東大兵到,遂破散。 郡舉孝廉,州表其義勇,詔卽拜駙馬都尉。後二十餘年,病亡。 時黃華在東,又還領郡。 昂獨走出,羌捕得昂,豐謂昂 豊長華, 復走依燉煌。 百:「卿 至

獨自負之,到鄕里。鄕里士大夫嘉其孝烈,欲薦州郡,郡辟召出,出曰:「田民不堪冠帶。」 出 驅出母前去。 見出,乃共布列待之。出到,回從一頭斫賊四五人。賊走,復合聚圍出,出跳越圍斫之,又殺十餘人。時賊 衆,當如何?」 年,關中始開 曰:「已還卿母,何爲不止?」 已略其母,以繩貫其手掌,驅去。 行採蓬實,合得數升,使其二兄初、雅及其弟成持歸,爲母作食,獨與小弟在後採蓬。 鮑出字文才,京兆新豐人也。 乃終,出時年七十餘,行喪如禮,於今年八九十,才若五六十者。 曰:「卿欲何得?」出責數賊,指其母以示之,賊乃解還出母。 ,出來北歸,而其母不能步行,兄弟欲共輿之。 賊連擊出,不勝,乃走與前輩合。出復追擊之,還見其母與比舍嫗同貫相連,出遂復奮擊賊。 出怒曰:「有母而使賊貫其手,將去煮噉之,用活何爲?」 少遊俠。 出又指求哀嫗:「此我嫂也。」 初等怖恐,不敢追逐。 興平中,三輔亂,出與老母兄弟五人家居本縣,以飢餓,留其母守舍,相將 須臾,出從後到,知母爲賊所略,欲追賊。 出以興車歷山險危, 賊復解還之。出得母還,遂相扶侍,客南陽。 比舍嫗獨不解,遙望出求哀。 乃攘臂結衽獨追之,行數里及賊。 不如負之安穩,乃以籠盛其母 初等到家,而噉人賊數十人 至靑龍中,母年百餘歲 出復斫賊 兄弟皆云:「賊 ,賊謂出 建安五 賊問 賊窒

夫濮陽周氏不敢匿迹, 魚緣曰:昔孔子歎顏回,以爲三月不違仁者,蓋觀其心耳,孰如孫、祝菜色於市里,顚倒於牢獄, 二賢,厥義多乎。今故遠收孫、脫,而近錄楊、鮑,旣不欲其泯滅,且敦薄俗。 魯之朱家不問情實,是何也?懼禍之及,且心不安也。 至於鮑出, 而太史公猶貴其竟脫季布,豈若 不染禮敎,心痛意發,起 據有實事哉?且

 $\equiv$ 卷十八

於自然,跡雖在編戶,與篤烈君子何以異乎?若夫楊阿若,少稱任俠,長遂蹈義,自西徂東,推討逆節,可謂勇而

有仁者也。

許褚、典韋折衝左右,抑亦漢之樊噲也。龐德授命叱敵,有周苛之節。龐淯不憚伏劍,而誠 評曰:"李典貴尙儒雅,義忘私隙,美矣。李通、臧霸、文聘、呂虔鎭衞州郡,並蓍威惠。

感鄰國。 閻溫向城大呼,齊解、路之烈焉。

五五四四

## 任城陳蕭王傳第十九

堅執銳,臨難不顧,爲士卒先;賞必行,罰必信。」太祖大笑。建安二十一年,封鄢陵侯。 士邪?」太祖嘗問諸子所好,使各言其志。彰曰:「好爲將。」太祖曰:「爲將柰何?」對曰:「被 讀詩、書,彰謂左右曰:「丈夫一爲衞、霍,將十萬騎馳沙漠,驅戎狄,立功建號耳,何能作博 太祖嘗抑之曰:「汝不念讀書慕聖道,而好乘汗馬擊劍,此一夫之用,何足貴也!」課彰 任城威王彰,字子文。少善射御,膂力過人,手格猛獸,不避險阻。數從征伐,志意慷

去代二百餘里。長史諸將皆以爲新涉遠,士馬疲頓,又受節度,不得過代,不可深進,違令 胡騎,應弦而倒者前後相屬。戰過半日,彰鎧中數箭,意氣益厲,乘勝逐北,至于桑乾,日 馬未集,唯有步卒千人,騎數百匹。用田豫計,固守要隙,虜乃退散。彰追之,身自搏戰,射 子,受事爲君臣,動以王法從事,爾其戒之!」彰北征,入涿郡界,叛胡數千騎卒至。 時兵 二十三年,代郡烏丸反,以彰爲北中郎將,行驍騎將軍。臨發,太祖戒彰曰:「居家爲父

魏

任城陳蕭王傳第十九

持彰鬚曰:「黃鬚兒竟大奇也!」」 向皆破,乃請服。 乃倍常科大賜將士,將士無不悅喜。時鮮卑大人軻比能將數萬騎觀望殭弱,見彰力戰,所 「卿新有功,今西見上,宜勿自伐,應對常若不足者。」「彰到,如太子言,歸功諸將。 **遂上馬,令軍中:「後出者斬。」一日一夜與虜相及,擊,大破之,斬首獲生以千數。**彰 彰曰:「率師而行,唯利所在,何節度乎?胡走未遠,追之必破。從令縱敵,非良將 北方悉平。時太祖在長安,召彰詣行在所。彰自代過鄴,太子謂彰曰:

- (一) 臣松之案桑乾縣屬代郡,今北廣居之,號爲索干之都。
- (二)魏略曰:太祖 來,令擊之。」乃召彰。彰晨夜進道,西到長安而太祖已還,從漢中而歸。彰鬚黃,故以呼之。 在漢中,而劉備栖於山頭,便劉封下挑戰。太祖駡曰:「賣履舍兒,長使假子拒汝公乎! 待呼我黃鬚

城國,食五縣二千五百戶。青龍三年,楷坐私遣官屬詣中尚方作禁物,削縣二千戶。正始 虎賁百人,如漢東平王故事。子楷嗣,徙封中牟。 進爵爲公。 帝即王位,彰與諸侯就國。〔三詔曰:「先王之道,庸勳親親,並建母弟,開國承家,故能藩屛 ,禦侮厭難。 太祖東還,以彰行越騎將軍,留長安。太祖至洛陽,得疾,驛召彰,未至,太祖崩。日之文 三年,立爲任城王。四年,朝京都,疾薨于邸,諡曰威。〔三〕至葬,賜鑾輅、龍旂, 彰前受命北伐,清定朔土,厥功茂焉。增邑五千,并前萬戶。」 五年,改封任城縣。太和六年,復改封任 黄初二年,

# 年,徙封濟南,三千戶。 正元、景元初,連增邑,凡四千四百戶。〔8〕

- (一)魏略曰:彰至,謂臨菑侯植曰:「先王召我者,欲立汝也。」植曰:「不可。 不見袁氏兄弟乎!」
- 〔三〕魏略曰:太子嗣立,旣葬,遣彰之國。始彰自以先王見任有功,冀因此遂見授用,而聞當隨例,意甚不悅, 而去。時以鄢陵堾薄,使治中牟。及帝受禪,因封爲中牟王。是後大駕幸許昌,北州諸侯上下,皆畏彰之剛嚴; 每過中年,不敢不速。 不待遣
- 魏氏春秋曰:初,彰問璽綬,將有異志,故來朝不即得見。彰忿怒暴薨。
- (图)楷、泰始初為崇化少府、見百官名。

威儀。 等爲之羽翼。太祖狐疑,幾爲太子者數矣。而植任性而行,不自彫勵,飮酒不節。文帝御 之以術,矯情自飾,宮人左右,並爲之說,故遂定爲嗣。 二十二年,增置邑五千,幷前萬戶。 時所行,無悔於今。今汝年亦二十三矣,可不勉與!」植旣以才見異,而丁儀、丁廙、楊脩 十九年,徙封臨菑侯。太祖征孫權,使植留守鄴,戒之曰:「吾昔爲頓邱令,年二十三。 臺新成,太祖悉將諸子登臺,使各爲賦。植援筆立成,可觀,太祖甚異之。〔1〕性簡易,不治 植曰:「汝倩人邪?」植跪曰:「言出爲論,下筆成章,顧當面試,柰何倩人?」 時鄴銅爵 陳思王植字子建。年十歲餘,誦讀詩、論及辭賦數十萬言,善屬文。太祖嘗視其文,謂 輿馬服飾,不尙華麗。每進見難問,應聲而對,特見寵愛。建安十六年,封平原侯。 思此

魏

自安。〔三二十四年,曹仁爲關羽所圍。太祖以植爲南中郎將,行征虜將軍,欲遣敦仁,呼有 衰。(三)太祖旣慮終始之變,以楊脩頗有才策,而又袁氏之甥也,於是以罪誅脩。 植嘗乘車行馳道中, 所勅戒。植醉不能受命,於是悔而罷之。〔8〕 開司馬門出。太祖大怒,公車令坐死。由是重諸侯科禁, 植益內不 而植寵日

- [一] 陰濟魏紀載植賦曰「從明后而嬉游兮,登層臺以娛情。見太府之廣開兮,觀聖德之所營。建高門之嵯峨兮,浮 休矣美矣! 惠澤遠揚。翼佐我皇家兮,寧彼四方。同天地之規量兮,齊日月之暉光。永貴尊而無極兮,等年壽 悲鳴。天雲垣其旣立兮,家願得而獲逞。揚仁化於宇內兮,盡肅恭於上京。惟桓文之爲盛兮,豈足方乎聖明! 雙闕乎太清。立中天之華觀兮,連飛閣乎西城。臨漳水之長流兮,望園果之滋榮。仰春風之和穆兮,聽百鳥之 於東王」云云。太祖深異之。
- (三)魏武故事載令曰:「始者謂子建,兒中最可定大事。」 又令曰:「自臨菑侯植私出,開司馬門至金門,令吾異目視此 吾適出,便復私出,故攝將行。 不 可 恆使吾(爾)[以]誰爲心腹也!」 又令曰:「諸侯長史及帳下吏,知吾出輒將諸侯行意否?從子建私開司馬門來,吾都不復信諸侯也。 恐
- (三) 典略曰:楊脩字德祖,太尉彪子也。 宣獨步於漢南,孔璋鷹揚於河朔,偉長擅名於青土,公幹振藻於海隅,德璉發迹於大魏,足下高視於上京。 曰:「數日不見,思子爲勞;想同之也。僕少好詞賦,迄至于今二十有五年矣。然今世作者, 事,脩總知外內,事皆稱意。自魏太子已下,並爭與交好。又是時臨菑侯植以才捷愛幸,來意投脩,數與脩書,書 謙恭才博。 建安中,舉孝廉,除郎中,丞相請署倉曹屬主簿。是時,軍國多 可略 而言也。 昔||仲 當此

之時,人人自謂握靈蛇之珠,家家自謂抱荆山之玉也。 吾王於是設天網以該之,頓八紘以掩之,今盡集茲國矣。 能藏之名山,將以傳之同好,此要之白首,豈可以今日論乎!其言之不怍,恃惠子之知我也。 稱『壯夫不爲』也;吾雖薄德,位爲藩侯,猶庶幾戮力上國,流惠下民,建永世之業,流金石之功,豈徒以翰墨爲勳 衆人所樂,而墨翟有非之之論:豈可同哉!今往僕少小所著詞賦一通相與。夫街談巷說,必有可采,擊轅之歌, 連求之不難,可無歎息乎!人各有所好尙。蘭茝蓀蔥之芳,衆人之所好,而海畔有逐臭之夫;咸池、 過若人,辭不爲也。極禮云:『卿何所疑難乎!文之佳麗,吾自得之。後世誰相知定吾文者邪?』吾常歎此 聲,仰德不暇,目周章於省覽,何惶駭於高視哉?伏惟君侯,少長貴盛,體旦、發之質,有聖善之教。 績,辭頌爲君子哉?若吾志不果,吾道不行,亦將採史官之實錄,辯時俗之得失,定仁義之衷,成一家之言, 蓋有南威之容,乃可以論於淑媛;有龍淵之利,乃可以議於割斷。 人著述,不能無病。僕常好人譏彈其文;有不善者,應時改定。昔丁敬禮嘗作小文,使僕潤飾之,僕自以才不能 狗者也。 然此數子,猶不能飛翰絕迹,一舉千里也。 頌,不復過也。 懷。」脩答曰:「不侍數日,若彌年載,豈獨愛顧之隆,使係仰之情深邪!損辱來命,蔚矣其文。 有應風雅,匹夫之思,未易輕棄也。 言,以爲美談。 昔田巴毀五帝,罪三王,皆五伯於稷下,一旦而服千人,魯連一說,使終身杜口。 前爲習啁之,反作論盛道僕贊其文。夫鍾期不失聽,于今稱之。吾亦不敢妄歎者, 昔尼父之文辭,與人通流;至於制春秋,游、夏之徒不能錯一字。過此而言不病者,吾未之見也。 若仲宣之擅江表,陳氏之跨冀域,徐、劉之顯青、豫,應生之發魏國,斯皆然矣。 辭賦小道,固未足以揄揚大義,彰示來世也。昔揚子雲,先朝執戟之臣耳,猶 以孔璋之才,不閑辭賦,而多自謂與司馬長卿同風,譬畫虎不成還爲 劉季緒才不逮於作者,而好詆呵文章,掎摭利 劉生之辯未若田氏,今之仲 誦讀反覆 畏後之嗤余也。 明早相迎,書不盡 至如脩者,聽采風 遠近觀者,徒 六英之發, 5、雖諷雅、 雖未 世

別耳。 借書於手,曾不斯 者傾首而聳耳;非夫體通性達,受之自然,其誰能至於此乎?又嘗親見執事握牘持筆,有所造作, 豈與文章相妨害哉?輒受所惠,竊備矇瞍誦歌而已。敢忘惠施,以忝莊氏!季緒瑣瑣, 鄙宗之過言,竊以爲未之思也。若乃不忘經國之大美,流千載之英聲,銘功景鍾,書名竹帛,此自雅量素所蓄也, 字直千金;然而弟子鉗口,市人拱手者,聖賢卓犖,固所以殊絕凡庸也。今之賦頌,古詩之流,不更孔公,風雅無 劍,駐車顧左右曰:「此楊德祖昔所說王髦劍也。 立,遂有天下。 侯,乃收殺之。 如此甚數。 獻,見西施之容,歸憎其貌者也。 能宣昭懿德,光贊大業而已,不謂復能兼覽傳記,留思文章。今乃含王超陳,度越數子;觀者駭視而拭目, 脩家子雲,老不曉事,殭著一書,悔其少作。若此,仲山、周旦之徒,則皆有愆乎!君侯忘聖賢之顯迹,述 植後以驕縱見疏,而植故連綴脩不止,脩亦不敢自絕。至二十四年秋,公以脩前後漏泄言教,交關諸 脩臨死,謂故人曰:「我固自以死之晚也。」 其意以爲坐曹植也。 脩死後百餘日而太祖薨, 初,脩以所得王髦劍奉太子,太子常服之。及卽尊位,在洛陽,從容出宮,追思脩之過薄也, 須少留思慮。 伏想執事不知其然,猥受顧賜,教使刊定。春秋之成,莫能損益。 仲尼日月,無得踰焉。 **|**毫今焉在?」及召見之,賜��穀帛。 脩之仰望, 殆如此矣。是以對鶡而辭, 何足以云。」 作暑賦彌日而不 若成誦 呂氏、淮南 其相往來, 在心, 撫其 聽

擊虞文章志曰:劉季緒名脩,劉表子。 官至東安太守。 著詩、賦、頌六篇。

臣松之案呂氏春秋曰:「人有臭者,其兄弟妻子皆莫能與居,其人自苦而居海上。海上人有悅其臭者, 而不能去。」此植所云「逐臭之夫」也。田巴事出魯連子,亦見皇覽,文多故不載。 晝夜隨之

歌長吳質與謀。脩以白太祖,未及推驗。太子懼,告質,質曰:「何患?明日復以簏受絹車內以惑之,脩必復重 世語曰:脩年二十五,以名公子有才能,爲太祖所器。與丁儀兄弟,皆欲以植爲嗣。 太子惠之,以車載廢簏,內潮

植所友。 始初為典軍將軍,受心膂之任,早卒。準字始丘,惠帝末為冀州刺史。 植:「若門不出侯,侯受王命,可斬守者。」植從之。故脩遂以交搆賜死。 捷,推問始泄。 太祖遣太子及植各出鄴城一門,密敕門不得出,以觀其所爲。太子至門,不得出而還。 白,重白必推,而無驗,則彼受罪矣。」世子從之,脩果白,而無人,太祖由是疑焉。脩與賈逵、王凌並爲主簿, 每當就植,慮事有闕,忖度太祖意,豫作答教十餘條,敕門下,教出以次答。 脩子囂,囂子準,皆知名於晉世。 囂,泰 教裁出,答已入, 太祖 |脩先戒 怪 而爲 其

· 學皆為二千石。 俊,太傅掾 優劣也。」評者以爲嶠雖有高韻,而神檢不逮,廣言爲得。傅暢云:「嶠似準而疎。」嶠弟俊,字惠彦,最淸出。 **髦**小減也。」廣性淸淳,愛髦之有神檢,謂準曰:「嶠自及卿,然髦尤精出。」準歎曰:「我二兒之優劣,乃裴、樂之 唐,墨字士彦,並爲後出之俊。 準與裴頗、樂廣善,遺往見之。 頠性弘方,愛嶠之有高韻,謂準曰:「嶠當及卿, 責,召以爲軍謀祭酒。 府散停家,關東諸侯議欲以準補三事, 荷綽冀州記曰:準見王綱不振,遂縱酒,不以官事爲意,逍遙卒歲而已。 成都王知準不治,猶以其爲名士,惜而不 以示懷賢尙德之舉。 事未施行而卒。 準子嶠字國

然

(四)魏氏春秋曰:植將行,太子飮焉,偪而醉之。王召植,植不能受王命,故王怒也。

希指,奏「植醉酒悖慢,劫脅使者」。 鄄城侯。 文帝卽王位,誅丁儀、丁廙幷其男口。〔〕植與諸侯並就國。 黃初二年,監國謁者灌均 三年,立爲鄄城王,邑二千五百戶。 有司請治罪,帝以太后故,貶爵安鄉侯。〔三〕其年改封

(一)魏略曰:丁儀字正禮,沛郡人也。 書 任城陳蕭王傳第十九 父沖,宿與太祖親善,時隨乘輿。 見國家未定, 乃與太祖書曰:「足下平生常喟

**責功者,明君之舉也;矜愚愛能者,慈父之恩也:是以愚臣徘徊於恩澤而不能自棄者** 暢春風,澤如時雨。是以不別荆棘者,慶雲之惠也;七子均養者,尸鳩之仁也;舍罪 古賢「夕改」之勸,忍活苟全,則犯詩人「胡顏」之譏。 伏惟陛下德象天地,恩隆父母,施

**寘于理,元兇是率。明明天子,時篤同類,不忍我刑,暴之朝肆,違彼執憲,哀予小子。** 濱,方周于魯,車服有輝,旗章有敍,濟濟雋义,我弼我輔。伊予小子,恃寵驕盈,舉挂 臨君萬邦。萬邦旣化,率由舊則;廣命懿親,以藩王國。帝曰爾侯,君茲青土,奄有海 服來王。超商越周,與唐比蹤。篤生我皇,奕世載聰,武則肅烈,文則時雍,受禪炎漢, 方,嗟予小子,乃罹斯殃。 赫赫天子,恩不遺物,冠我玄冕,要我朱敍。 改封兗邑,于河之濱,股肱弗置,有君無臣,荒淫之闕,誰弼予身。熒熒僕夫,于彼冀 時網,動亂國經。作藩作屏,先軌是墮,傲我皇使,犯我朝儀。國有典刑,我削我絀,將 辭曰:「於穆顯考,時惟武皇,受命于天,寧濟四方。 朱旗所拂,九土披攘,玄化滂流,荒 榮華,剖符授玉,王饌是加。 止之日,馳心輂轂。僻處西館,未奉闕廷,踊躍之懷,瞻望反仄。謹拜表獻詩二篇,其 前奉詔書,臣等絕朝,心離志絕,自分黃耉無復執珪之望。不圖聖詔猥垂齒召,至 仰齒金璽,俯執聖策,皇恩過隆,祗承怵惕。 朱紱光大,使我 咨我小子, 頑

稅此 警策,平路是由。 樂我稷黍。 之云慕,愴矣其悲,天高聽卑,皇肯照微!」又曰:「肅承明詔,應會皇都,星陳夙駕,秣 性命不圖,常懼顯沛,抱罪黃壚。 凶是嬰,逝慚陵墓,存愧闕廷。 晏寧;弭節長鶩,指日遄征。 **篞彼河滸,黃阪是階。** 馬脂車。 命,知足殆戾,甘赴江、湘,奮戈吳、越。天啓其衷,得會京畿,遲奉聖顏,如渴如饑。 一西墉;嘉詔未賜,朝覲莫從。 命彼掌徒,肅我征旅,朝發鸞臺,夕宿蘭渚。 **爰有樛木,重陰匪息;雖有餱糧,飢不遑食。望城不過,面邑匪游,僕夫** 玄駟藹藹,揚鑣瀏沫;流風翼衡,輕雲承蓋。 西濟關谷,或降或升;騑驂倦路,再寢再興。 前驅舉燧,後乘抗旌;輪不輟運,鸞無廢聲。 匪敢傲德,實恩是恃,威靈改加,足以沒齒。 願蒙矢石,建旗東嶽,庶立豪氂,微功自贖。 仰瞻城閾,俯惟闕廷;長懷永慕,憂心如酲。」 芒芒原隰,祁祁士女,經彼公田, 涉澗之濱,緣山之**隈** 將朝聖皇,匪敢 昊天罔極, **爱暨帝室**, 危軀授 ه[]د

#### 帶嘉其辭義,優詔答勉之。 (二)

魏略曰:初植未到關,自念有過,宜當謝帝。 及見之,帝猶嚴額色,不與語,又不使冠履。 而 關吏以聞,帝使人逆之,不得見。 太后以爲自殺也,對帝泣。 植伏地泣涕,太后爲不樂。 乃留其從官著關東,單將兩三人微行,入見淸河長公主,欲因 會植科頭負鉄續,徒跣詣闕下, 韶乃聽復王服 帝及太后乃喜。 江主謝。

魏氏春秋曰:是時待遇諸國法峻。任城王暴薨,諸王旣懷友于之痛。惟及白馬王彪還國,欲同路東歸,以敍隔闊

魏 書 任城陳蕭王傳第十九

之思,而監國使者不聽。 仙,松子久吾欺。 虧,在遠分日親。 閒,影響不能追。 生,一往形不歸!孤魂翔故域,靈柩寄京師。 念?親愛在離居。本圖相與偕,中更不克俱。鴟梟鳴衡軛,豺狼當路衢;蒼蠅閒白黑, 且深,欲濟川無梁。汎舟越洪濤,怨彼東路長。 塗,援筆從此辭。」 羣,銜草不遑食。 蹊,擥轡止踟蹰。 塗,流滾浩從橫。 自顧非金石,咄咤令心悲。 中達絕無軌,改轍登高岡。修阪造雲日,我馬玄以黃。玄黃猶能進,我思鬱以紆。 變故在斯須,百年誰能持?離別永無會, 何必同衾幬,然後展殷勤。 歸鳥赴高林,翩翩厲羽翼。 踟蹰亦何留,相思無終極。 植發憤告離而作詩曰:「謁帝承明廬,逝將歸舊疆。清晨發皇邑,日夕過首陽。 心悲動我神, 存者勿復過,亡沒身自衰。 倉卒骨肉情, 感物傷我懷, 秋風發微凉, 回顧戀城闕,引領情內傷。 執手將何時? 王其愛玉體, 棄置莫復陳。丈夫志四海, 撫心長歎息。 寒蟬鳴我側。 能不懷苦辛?苦辛何慮思, 人生處一世, 歎息亦何爲, 原野何蕭條, 大谷何寥廓,山樹鬱蒼蒼。 忽若朝露晞。 倶享黄髪期。 天命與我違。 天命信可疑。 萬里猶比鄰。 讒巧反親疎。 白日忽西匿。 霖雨泥我 鬱紆將何 收涕即長 恩愛苟不 奈何念同 欲還絕無 虚無求列 年在桑榆 孤獸走索 伊、洛曠

植常自憤怨,抱利器而無所施,上疏求自試曰:: 六年,帝東征,還過雍丘,幸植宮,增戶五百。 太和元年,徙封浚儀。 二年,復還雍丘

者,畢命之臣也。故君無虛授,臣無虛受;虛授謂之謬舉,虛受謂之尸祿,詩之「素餐」 能愛無益之子,仁君不能畜無用之臣。夫論德而授官者,成功之君也;量能而受爵 臣聞士之生世,入則事父,出則事君;事父尙於榮親,事君貴於興國。故慈父不

蒙國重恩,三世于今矣。正值陛下升平之際,沐浴聖澤,潛潤德教,可謂厚幸矣。而竊 位東藩,爵在上列,身被輕煖,口厭百昧,目極華靡,耳倦絲竹者,爵重祿厚之所致也。 所由作也。 昔二號不辭兩國之任,其德厚也;且、奭不讓燕、魯之封,其功大也。今臣

豈好爲夸主而燿世哉?志或鬱結,欲逞其才力,輸能於明君也。昔漢武爲霍去病治第, 若此終年無益國朝,將挂風人「彼其」之譏。是以上慚玄冕,俯愧朱敍。 辭曰:「匈奴未滅,臣無以家爲!」(固)夫憂國忘家,捐驅濟難,忠臣之志也。 國,請係單于之頸而制其命;終軍以妙年使越,欲得長纓占其王,羈致北闕。此二臣, 籠臣,欲以除患興利;臣之事君,必以殺身靖亂,以功報主也。 昔<u>賈誼弱冠,求試屬</u> 轂,雍門刎首於齊境,若此二士,豈惡生而尙死哉?誠忿其慢主而陵君也。(己夫君之 射之術或未盡也。昔耿弇不俟光武,亟擊張步,言不以賊遺於君父。故車右伏劍於鳴 臣鎭御四境,爲國爪牙者,可謂當矣。然而高鳥未挂於輕繳,淵魚未縣於鈎餌者,恐釣 德著。今陛下以聖明統世,將欲卒文、武之功,繼成、康之隆,簡賢授能,以方叔、召虎之 謀士未得高枕者,誠欲混同宇內以致太和也。 故啓滅有扈而夏功昭,成克商、奄而周 退念古之授爵祿者,有異於此,皆以功勤濟國,輔主惠民。今臣無德可述,無功可紀, 方今天下一統,九州晏如,而顧西有違命之圖,東有不臣之吳,使邊境未得脫甲, 今臣居外,

非不厚也,而寢不安席,食不遑味者,伏以二方未克爲念。

息鳥視,終於白首,此徒圈牢之養物,非臣之所志也。 棄餐,奮袂攘袵,撫劍東顧,而心己馳於吳會矣。 弗試,沒世無聞,徒榮其軀而豐其體,生無益於事,死無損於數,虛荷上位而忝重祿,禽 以滅終身之愧,使名挂史筆,事列朝策。雖身分蜀境,首縣吳闕,猶生之年也。 驪,突刃觸鋒,爲士卒先。雖未能禽權馘亮,庶將虜其雄率,殲其醜類,必效須臾之捷 之用,使得西屬大將軍,當一校之隊,若東屬大司馬,統偏舟之任,必乘危蹈險,騁舟奮 竊不自量,志在効命,庶立毛髮之功,以報所受之恩。 若使陛下出不世之詔,効臣錐刀 伏見先武皇帝武臣宿將,年耆卽世者有聞矣。雖賢不乏世,宿將舊卒,猶習戰陳, 流聞東軍失備,師徒小鯛,輟食

世,臣獨何人,以堪長久!常恐先朝露,塡溝壑,墳土未乾,而身名並滅。臣聞騏驥長 秦、魯以成其功;〔三絕纓盜馬之臣赦,楚、趙以濟其難。〔三〕臣竊感先帝早崩,威王棄 稱垂於竹帛,未嘗不拊心而歎息也。臣聞明主使臣,不廢有罪。故奔北敗軍之將用, 勢,可謂神妙矣。故兵者不可豫言,臨難而制變者也。志欲自效於明時,立功於聖世。 每覽史籍,觀古忠臣義士,出一朝之命,以徇國家之難,身雖屠裂,而功銘著於鼎鍾,名 臣昔從先武皇帝南極赤岸,東臨滄海,西望玉門,北出玄塞,伏見所以行軍用兵之

是以於邑而竊自痛者也。 試之狡兔之捷,以驗搏噬之用。今臣志狗馬之徼功,竊自惟度,終無伯樂、韓國之舉, 鳴,則伯樂照其能;盧狗悲號,則韓國知其才。是以效之齊、楚之路,以逞于里之任;

忠。[1] 憂患共之者也。冀以塵霧之微補益山海,滎燭末光增輝日月,是以敢冒其醜而獻其 女之醜行也。干時求進者,道家之明忌也。而臣敢陳聞於陛下者,誠與國分形同氣, 之喻,以寤主立功,何況巍巍大魏多士之朝,而無慷慨死難之臣乎!夫自衒自媒者,士 夫臨搏而企竦,聞樂而竊抃者,或有賞音而識道也。 昔毛遂,趙之陪隸,猶假錐囊

(二)劉向說苑曰:越甲至濟,雅門狄請死之。 獨不可以死越甲邪?」遂刎頸而死。是日,越人引軍而退七十里,曰:「齊王有臣,鈞如雅門狄,疑使越社稷不血 也。』王曰:『左轂鳴者,此工師之罪也。子何事之有焉?』車右對曰:『吾不見工師之乘,而見其鳴吾君也。』遂 刎頸而死。有是乎?」王曰::「有之。」<u>雅門狄曰:「今越甲至,其鳴吾君,豈左穀之下哉?</u>車右可以死左穀,而臣 禮邪?」 雍門狄對曰:「臣聞之,昔者王田於囿,左轂鳴,車右請死之,王曰:『子何爲死?』 車右曰:『爲其鳴吾君 齊王葬雍門狄以上卿之禮 齊王曰:「鼓鐸之聲未聞,矢石未交,長兵未接,子何務死?知爲人臣之

(三)臣松之案:秦用敗軍之將,事顯,故不注。魯連與燕將書曰:「曹子爲魯將,三戰三北而亡地五百里,向使曹子計

不反顧,義不旋踵,刎頸而死,則亦不免爲敗軍之將矣。曹子、寒三北之恥,而退與魯君計。桓公朝天子,會諸侯, 曹子以一劍之任,披桓公之心於壇坫之上,顏色不變,辭氣不悖。三戰之所亡,一朝而復之。天下震動,諸侯驚 駭,威加吳、越。」 若此二士者,非不能成小廉而行小節也

(三)臣松之案:楚莊掩絕纓之罪,事亦顯,故不書。秦穆公有赦盜馬事, 「秦」字也。 趙則未聞。 蓋以秦亦趙姓,故互文以避上

魏略曰:植雖上此表,猶疑不見用,故曰「夫人貴生者,非貴其養體好服,終竟年壽也,貴在其代天而理物也。夫 豈不願久生哉?志或有不展也。是用喟然求試,必立功也。嗚呼!言之未用,欲使後之君子知吾意者也。 德,其次立功,蓋功德者所以垂名也。名者不滅,士之所利,故孔子有夕死之論,孟軻有棄生之義。彼一聖一賢, 爵禄者,非虚張者也,有功德然後應之,當矣。 無功而爵厚,無德而祿重,或人以爲榮,而壯夫以爲恥。 故太上立

## 三年,徙封東阿。 五年,復上疏求存問親戚,因致其意曰:

**弟**,以御于家邦。」是以雍雍穆穆,風人詠之。 昔周公弔管、蔡之不咸,廣封懿親以藩屏 親九族;九族旣睦,平章百姓。」及周之文王亦崇厥化,其詩曰:「刑于寡妻,至于兄 德之於萬物,可謂弘廣矣。 蓋堯之爲教,先親後疎,自近及遠。 其傳曰:「克明峻德,以 江海稱其大者,以無不容。故孔子曰:「大哉曉之爲君!惟天爲大,惟堯則之。」 夫天 臣聞天稱其高者,以無不覆;地稱其廣者,以無不載;日月稱其明者,以無不照;

義而後其君,仁而遺其親者也。 王室,傳曰:「周之宗盟,異姓爲後。」誠骨肉之恩爽而不離,親親之義實在敦固,未有

脩人事,敍人倫。近且婚媾不通,兄弟乖絕,吉凶之問塞,慶弔之禮廢,恩紀之違,甚於 詔,使諸國慶問,四節得展,以敍骨肉之歡恩,全怡怡之篤義。 妃妾之家,膏沐之遺,歲 闥,神明知之矣。然天實爲之,謂之何哉!退唯諸王常有戚戚具爾之心,願陛下沛然垂 路人,隔閡之異,殊於胡越。今臣以一切之制,永無朝覲之望,至於注心皇極,結情紫 休遞上,執政不廢於公朝,下情得展於私室,親理之路通,慶弔之情展,誠可謂恕己治 朝士矣。若得辭遠遊,戴武弁,解朱組,佩青敍,駙馬、奉車,趣得一號,安宅京室,執鞭 得再通,齊義於貴宗,等惠於百司,如此,則古人之所歎,風雅之所詠,復存於聖世矣。 人,推惠施恩者矣。至於臣者,人道絕緒,禁錮明時,臣竊自傷也。不敢過望交氣類, 珥筆,出從華蓋,入侍辇轂,承答聖問,拾遺左右,乃臣丹誠之至願,不離於夢想者也。 伏惟陛下資帝唐欽明之德,體文王翼翼之仁,惠洽椒房,恩昭九族,羣后百寮,番 臣伏自惟省,無錐刀之用。及觀陛下之所拔授,若以臣爲異姓,竊自料度,不後於

四節之會,塊然獨處,左右惟僕隸,所對惟妻子,高談無所與陳,發義無所與展,未嘗不

遠慕鹿鳴君臣之宴,中詠常棣匪他之誠,下思伐木友生之義,終懷瘳莪罔極之哀;每

植復上疏陳審舉之義,日:

聞樂而拊心,臨觴而歎息也。臣伏以爲犬馬之誠不能動人,譬人之誠不能動天。崩城、 誠也。竊自比於葵藿,若降天地之施,垂三光之明者,實在陛下。 隕霜,臣初信之,以臣心況,徒虛語耳。 若葵藿之傾葉,太陽雖不爲之回光,然向之者

者,是臣慺慺之誠,竊所獨守,實懷鶴立企佇之心。敢復陳聞者,冀陛下儻發天聰而垂 敬其君者也。」臣之愚蔽,固非虞、伊,至於欲使陛下崇光被時雍之美,宣緝熙章明之德 神聽也。 <u>佩有「棄予」之歎。故伊尹恥其君不爲堯舜,孟子曰:「不以舜之所以事堯事其君者,不</u> 願於聖世使有不蒙施之物。有不蒙施之物,必有慘毒之懷,故純舟有「天只」之怨,谷 臣聞文子曰:「不爲福始,不爲禍先。」今之否隔,友于同憂,而臣獨倡言者,竊不

賤,崇親親,禮賢良,順少長,國之綱紀,本無禁固諸國通問之詔也,矯枉過正,下吏懼譴,以 家,膏沐疏略,朕縱不能敦而睦之,王援古喻義備悉矣,何言精誠不足以感通哉?夫明貴 則行葦之詩作;恩澤衰薄,不親九族,則角弓之章刺。今令諸國兄弟,情理簡怠,妃妾之 至於此耳。已敕有司,如王所訴。」 詔報曰:「蓋敎化所由,各有隆弊,非皆善始而惡終也,事使之然。 故夫忠厚仁極草木, 動,方隅內侵,沒軍喪衆,干戈不息者,邊將之憂也。豈可虛荷國寵而不稱其任哉?故 矣。昔伊尹之爲媵臣,至賤也,呂尙之處屠釣,至陋也,及其見舉於湯武、周文,誠道合 臣;用不世之臣,必能立不世之功。」殷周二王是矣。若夫龌龊近步,遵常守故,安足 志同,玄謨神通,豈復假近習之薦,因左右之介哉。書曰:「有不世之君,必能用不世之 爲陛下言哉?故陰陽不和,三光不暢,官曠無人,庶政不整者,三司之責也。疆場騷 以匡國朝,致雍熙,稷、契、夔、龍是也;武功烈,則所以征不庭,威四夷,南仲、方叔是 曰:「相門有相,將門有將。」 夫相者,文德昭者也;將者,武功烈者也。 文德昭,則可 愚,用與不用,知與不知也。 臣聞天地協氣而萬物生,君臣合德而庶政成;五帝之世非皆智,三季之末非皆 既時有舉賢之名,而無得賢之實,必各援其類而進矣。諺

宗,願王勿疑。」臣伏惟陛下遠覽姬文二號之援,中慮周成召、畢之輔,下存宋昌磐石之 文發代,疑朝有變,宋昌曰:「內有朱虛、東牟之親,外有齊、楚、淮南、琅邪,此則磐石之 浮翔於淮、泗,醍鼬讙譁於林木。臣每念之,未嘗不輟食而揮餐,臨觴而揾腕矣。 昔漢 水旱不時,民困衣食,師徒之發,歲歲增調,加東有覆敗之軍,西有殪沒之將,至使蚌蛤 任益隆者負益重,位益高者責益深,書稱「無曠庶官」,詩有「職思其憂」,此其義也。 陛下體天眞之淑聖,登神機以繼統,冀聞康哉之謌,偃武行文之美。而數年以來,

如 書 任城陳蕭王傳第十九

惟良,萬機內理,武將行師,方難克弭。陛下可得雍容都城,何事勞動鑾駕,暴露於邊 固。 伯樂善御馬,明君善御臣;伯樂馳千里,明君致太平;誠任賢使能之明效也。若朝司 昔**騏驥之於吳阪,可謂困矣,及其伯樂相之,孫郵御之,形體不勞而坐取千里。** 

合。竊揆之於心,常願得一奉朝覲,排金門,蹈玉陛,列有職之臣,賜須臾之問,使臣得 將。臣生乎亂,長乎軍,又數承敎于武皇帝,伏見行師用兵之要,不必取孫、吳而闍與之 語曰:「患爲之者不知,知之者不得爲也。」昔樂毅奔趙,心不忘燕;廉頗在楚,思爲趙 散所懷,攄舒蘊積,死不恨矣。 臣聞羊質虎皮,見草則悅,見豺則戰,忘其皮之虎也。今置將不良,有似於此。故

輔,求必不遠。 索!」昔管、蔡放誅,周、召作弼;叔魚陷刑,叔向匡國。三監之釁,臣自當之;二南之 通,徒獨望青雲而拊心,仰高天而歎息耳。 屈平曰: 追慕卜商起予左右,效命先驅,畢命輪轂,雖無大益,冀有小補。 挂神思。臣誠竦息,不遑寧處。願得策馬執鞭,首當塵露,撮風后之奇,接孫、吳之要, 被鴻臚所下發士息書,期會甚急。又聞豹尾已建,戎軒驚駕,陛下將復勞玉躬,擾 華宗貴族,藩王之中,必有應斯舉者。故傳曰:「無周公之親,不得行周 「國有驥而不知乘,焉皇皇而更 然天高聽遠,情不上

#### 公之事。」唯陛下少留意焉。

之。苟吉專其位,凶離其患者,異姓之臣也。欲國之安,祈家之貴,存共其榮,沒同其 禍者,公族之臣也。 今反公族疏而異姓親,臣竊惑焉。 勢之所去,雖親必輕,蓋取齊者田族,非呂宗也。分晉者趙、魏,非姬姓也。唯陛下察 品制也。若扶蘇之諫始皇,淳于越之難周青臣,可謂知時變矣。夫能使天下傾耳注目 者,當權者是矣,故謀能移主,威能懾下。豪右執政,不在親戚;權之所在,雖疏必重, 近者漢氏廣建藩王,豐則連城數十,約則饗食祖祭而已,未若姬周之樹國,五等之

浮澗,寒溫燥濕,高下共之,豈得離陛下哉?不勝憤懣,拜表陳情。若有不合,乞且藏之 書府,不便滅棄,臣死之後,事或可思。若有豪釐少挂聖意者,乞出之朝堂,使夫博古 之士,糾臣表之不合義者。如是,則臣願足矣。 臣聞孟子曰:「君子窮則獨善其身,達則兼善天下。」今臣與陛下踐冰履炭,登山

#### 帝輒優文答報。

(1)魏略曰:是後大發士息,及取諸國士。植以近前諸國士息已見發,其遺孤稚弱,在者無幾,而復被取,乃上書曰: 可,以此臨朝,則臣下知所死矣。 受任在萬里之外,審主之所授官,必己之所以投命,雖有構會之徒,泊然不以爲 「臣聞古者聖君,與日月齊其明,四時等其信,是以戮凶無重,賞善無輕,怒若驚霆,喜若時雨,恩不中絕,敎無二

凡庶。 『聞章子改葬死母;彼尙不欺死父,顧當叛生君乎?』此君之信臣也。昔管仲親射桓公,後幽囚從魯檻車載,使 懼者,蓋君臣相信之明效也。昔章子爲齊將,人有告之反者,威王曰:『不然。』左右曰:『王何以明之?』王曰: 之廬,宅延陵之室。如此,雖進無成功,退有可守,身死之日,猶松、僑也。然伏度國朝終未肯聽臣之若是,周當 悵然失圖。 不復發。 皆年耆,臥在牀席,非糜不食,眼不能視,氣息裁屬者,凡三十七人;疲瘵風靡,疣盲聾聵者,二十三人。 於臣家計甚有廢損。 奔赴,夫妻負稱,子弟懷糧,蹈鋒履刃,以徇國難,何但習業小兒哉?愚誠以揮涕增河,鼷鼠飲海,於朝萬無損益: 矣。就之諸國,國有士子,合不過五百人,伏以爲三軍益損,不復賴此。方外不定,必當須辦者,臣願將部曲倍道 少年挽而送齊。管仲知桓公之必用己,懼魯之悔,謂少年曰:『吾爲汝唱,汝爲和,聲和聲,宜走。』於是管仲唱 老,皆使年壯,備有不虞,檢校乘城,顧不足以自救,況皆復耄耋罷曳乎?而名爲魏東藩,使屏翰王室,臣竊自羞 土,以屏翰皇家,爲魏藩輔。』 之,少年走而和之,日行數百里,宿昔而至。至則相濟,此臣之信君也。 事廢,一日獵則衆業散,不親自經營則功不攝;常自躬親,不委下吏而已。陛下聖仁,恩詔三至,士子給國,長 小兒,大者可備宿衞,雖不足以禦寇,粗可以警小盜;小者未堪大使,爲可使耘鉏穢草,驅護鳥雀。休候人則 若怕成欣於野耕,子仲樂於灌園;蓬戶茅牖,原憲之宅也;陋巷單瓢,顏子之居也:臣才不見效用, 明韶之下,有若皦日,保金石之恩,必明神之信,畫然自固,如天如地。 伏以爲陛下旣爵臣百寮之右,居藩國之任,爲置卿士,屋名爲宮,冢名爲陵,不使其危居獨立,無異於 若陛下聽臣悉還部曲,罷官屬,省監官,使解璽釋紱,追柏成、子仲之業,營顏淵、原憲之事,居子臧 叉臣士息前後三送,兼人已竭。惟尙有小兒,七八歲已上,十六七已還,三十餘人。 而所得兵百五十人,皆年在耳順,或不踰矩,虎賁官騎及親事凡二百餘人。 臣初受封,策書曰:『植受茲靑社 定習業者並復見送,腌若晝晦, ,封於東 惟正 正復不 今部曲 須

此

羈絆於世繩,維繫於祿位,懷屑屑之小變,執無已之百念,安得蕩然肆志,逍遙於宇宙之外哉?此願未從,陛下必 欲崇親親,篤骨肉,潤白骨而榮枯木者,惟遂仁德以副前恩詔。」皆遂還之。

求別見獨談,論及時政,幸冀試用,終不能得。 寮屬皆賈豎下才,兵人給其殘老,大數不過二百人。又植以前過,事事復減半,十一年中而 後所著賦頌詩銘雜論凡百餘篇,副藏內外。」志累增邑,幷前九百九十戶。〔三〕 其收黃初中諸奏植罪狀,公卿已下議尙書、祕書、中書三府、大鴻臚者皆削除之。 曰:「陳思王昔雖有過失,旣克已愼行,以補前闕,且自少至終,篇籍不離於手,誠難能也。 三徙都,常汲汲無歡,遂發疾薨,時年四十一。〔〕遺令薄葬。 以小子志,保家之主也,欲立 初,植登魚山,臨東阿,喟然有終焉之心,遂營爲墓。子志嗣,徙封濟北王。 其年冬,詔諸王朝六年正月。其二月,以陳四縣封植爲陳王,邑三千五百戶。植每欲 既還,悵然絕望。時法制,待藩國旣自峻迫, 撰錄植前 景初中詔

一〕植常爲琴瑟調歌,辭曰:「吁嗟此轉蓬,居世何獨然!長去本根逝,夙夜無休閒。東西經七陌,南北越九阡,卒遇 何依,忽亡而復存。 回風起,吹我入雲閒。 飄絕周八澤,連翩歷五山,流轉無恆處,誰知吾苦艱?願爲中林草, 自謂終天路,忽焉下沉淵。驚飈接我出,故歸彼中田。當南而更北,謂東而反西, 秋隨野火燔, 糜滅豈不 宕宕當

痛,願與根荄連。」

孫盛曰:異哉,魏氏之封建也!不度先王之典,不思藩屛之術,違敦睦之風,背維城之義。 漢初之封,或權侔人

未一,而彫窮枝幹,委權異族,勢同瘣木,危若巢幕,不嗣忽諸,非天喪也。 主,雖云不度,時勢然也。 魏氏諸侯,陋同匹夫,雖懲七國,矯枉過也。 且魏之代漢,非積德之由,風澤旣微,六合 五等之制,萬世不易之典。 六代興亡,

曹冏論之詳矣。

(三) 志別傳曰: 志字允恭,好學有才行。晉武帝爲中撫軍,迎常道鄉公于鄴,志夜與帝相見,帝與語,從暮至旦,甚器 卒,諡曰定公。 議以諫,辭旨甚切。 |他當之藩·下禮官議崇錫之典,||志嘆曰:「安有如此之才,如此之親,而不得樹本助化, 之。及受禪,改封鄄城公。 帝大怒,免志官。 發韶以志爲樂平太守,歷章武、趙郡,遷散騎常侍、國子博士,後轉博士祭酒。 後復爲散騎常侍。 志遭母憂,居喪盡哀,因得疾病, 而遠出海隅者乎?」乃建 喜怒失常, 太康九年 及齊王

哀王炳嗣,食邑二千五百戶。 六年薨,無子,國除。 蕭懷王熊,早薨。黃初二年追封諡蕭懷公。太和三年,又追封爵爲王。

評曰:任城武藝壯猛,有將領之氣。陳思文才富豔,足以自通後葉,然不能克讓遠防,

終致攜隙。 魚緣曰:諺言「貧不學儉,卑不學恭」,非人性分也,勢使然耳。此實然之勢,信不虛矣。 傳曰「楚則失之矣,而齊亦未爲得也」,其此之謂歟!〔〕 假令太祖防遏植等,在於

魏

任城陳蕭王傳第十九

魏 書 任城陳蕭王傳第十九

未一,而彫翦枝幹,委權異族,勢同瘣木,危若巢幕,不嗣忽諸,非天喪也。五等之制,萬世不易之典。六代與亡, 主,雖云不度,時勢然也。。魏氏諸侯,陋同匹夫,雖懲七國,矯枉過也。且魏之代漢,非積德之由,風澤旣微,六合

曹冏論之詳矣。

(三) 志別傳曰: 志字允恭,好學有才行。晉武帝爲中撫軍,迎常道鄉公于鄴,志夜與帝相見,帝與語,從暮至旦,甚器 之。及受禪,改封鄄城公。發詔以志爲樂平太守,歷章武、趙郡,遷散騎常侍、國子博士,後轉博士祭酒。及齊王

|他當之藩,下禮官議崇錫之典,|志嘆曰:「安有如此之才,如此之親,而不得樹本助化,而遠出海隅者乎?」乃建 議以諫,辭旨甚切。 帝大怒,免志官。後復爲散騎常侍。志遭母憂,居喪盡哀,因得疾病,喜怒失常,太康九年

卒,諡曰定公。

哀王炳嗣,食邑二千五百戶。 六年薨,無子,國除。 蕭懷王熊,早薨。 黃初二年追封諡蕭懷公。 太和三年, 又追封爵爲王。 青龍二年,子

終致攜際。傳曰「楚則失之矣,而齊亦未爲得也」,其此之謂歟!〔〕 評曰:任城武藝壯猛,有將領之氣。陳思文才富豔,足以自通後葉,然不能克讓遠防,

(一)魚緣曰:諺言「貧不學儉,卑不學恭」,非人性分也,勢使然耳。此實然之勢,信不虛矣。假令太祖防遏植等,在於

希意族滅,哀夫!余每覽惟之華采,思若有神。以此推之,太祖之動心,亦良有以也。 **疇昔,此賢之心,何緣有窺望乎?彰之挾恨,尙無所至。至於植者,〔豈能興難?〕乃令楊脩以倚注遇害,丁儀以** 

五七八

### 武文世王公傳第二十

秦夫人生濟陽懷王玹、陳留恭王峻,尹夫人生范陽閔王矩,王昭儀生趙王幹,孫姬生臨邑殤 王昂、相殤王鑠,環夫人生鄧哀王沖、彭城王據、燕王宇,杜夫人生沛穆王林、中山恭王袞 公子上、楚王彪、剛殤公子勤,李姬生穀城殤公子乘、郿戴公子整、靈殤公子京,周姬生樊安 武皇帝二十五男:卞皇后生文皇帝、任城威王彰、陳思王植、蕭懷王熊,劉夫人生豐愍

公均,劉姬生廣宗殤公子棘,宋姬生東平靈王徽,趙姬生樂陵王茂。

豐愍王昂字子脩。弱冠舉孝廉。隨太祖南征,爲張繡所害。無子。黃初二年追封,諡

日豐悼公。三年,以樊安公均子琬奉昂後,封中都公。 曰豐悼王。太和三年改昂諡曰愍王。嘉平六年,以琬襲昂爵爲豐王。正元、景元中,累增 其年徙封長子公。五年,追加昂號

邑,幷前二千七百戶。琬薨,諡曰恭王。子廉嗣。

武文世王公傳第二十

相殤王鑠,早薨,太和三年追封諡。 青龍元年,子愍王潛嗣,其年薨。二年,子懷王偃 初、正元、景元中,累增邑,并前千九百戶。 尚方作禁物,削戶三百,<br />
貶虧爲都鄉侯。<br />
三年,復爲己氏公。<br />
正始七年,轉封平陽公。 庫,而爲鼠所齧,庫吏懼必死,議欲面縛首罪,猶懼不免。沖謂曰:「待三日中,然後自歸。」 **| 踪爵,徙封||冠軍公。四年,徙封||已氏公。||太和五年,加||姚日||鄧哀王。||景初元年, | 踪坐於中** |沖後。二十二年,封琮爲鄧侯。| 黃初二年,追贈諡||沖日鄧哀侯,又追加號爲公。[m]] 三年,進 沖於是以刀穿單衣,如風齧者,謬爲失意,貌有愁色。太祖問之,沖對曰:「世俗以爲显齧衣 幸,而汝曹之幸也。」曰言則流涕,爲聘甄氏亡女與合葬,贈騎都尉印綬,命宛侯據子琮奉 十三,建安十三年疾病,太祖親爲請命。及亡,哀甚。文帝寬喩太祖,太祖曰:「此我之不 應罪戮,而爲沖微所辨理,賴以濟宥者,前後數十。〔〕太祖數對羣臣稱述,有欲傳後意。 年 鞍聞,太祖笑曰:「兒衣在側,尙齧,況鞍縣柱乎?」一無所問。|沖仁愛識達,皆此類也。凡 者,其主不吉。 今單衣見齧,是以憂戚。」太祖曰:「此妄言耳,無所苦也。」 俄而庫吏以齧 稱物以載之,則校可知矣。」太祖大悅,卽施行焉。時軍國多事,用刑嚴重。太祖馬鞍在 象,太祖欲知其斤重,訪之羣下,咸莫能出其理。冲曰:「置象大船之上,而刻其水痕所至, 鄧哀王沖字倉舒。少聰察岐嶷,生五六歲,智意所及,有若成人之智。時孫權曾致巨

[一]魏書曰:沖每見當刑者,輒探覩其冤枉之情而微理之。 及勤勞之東,以過誤觸罪,常爲太祖陳說,宜寬宥之。 辨

察仁愛,與性俱生,容貌姿美,有殊於衆,故特見籠異。

臣松之以「容貌姿美」一類之言,而分以爲三,亦敍屬之一病也。

(三)孫盛曰:春秋之義,立嫡以長不以賢。沖雖存也猶不宜立,況其旣沒,而發斯言乎?詩云:「無易由言。」魏武其

をしてし

魏書載策曰:「惟黃初二年八月丙午,皇帝曰:各爾鄧哀侯沖,昔皇天鍾美於爾躬,俾聰哲之才,成於弱年。當永 享顯祚,克成厥終。如何不禄,早世夭昬!朕承天序,享有四海,並建親親,以藩王室,惟爾不逮斯榮,且葬禮未

備。追悼之懷,愴然攸傷。今遷葬于高陵,使使持節兼謁者僕射郎中陳承,追賜號曰鄧公,祠以太牢。魂而有

鱣,休茲籠榮。 嗚呼哀哉!!」

魏略曰:文帝常言「家兄孝廉,自其分也。若使倉舒在,我亦無天下。」

爲章陵王,其年徙封義陽。文帝以南方下濕,又以環太妃彭城人,徙封彭城。又徙封濟陰。 爲國,據復封彭城。景初元年,據坐私遣人詣中尙方作禁物,削縣二千戶。〔〕三年,復所削 五年,詔曰:「先王建國,隨時而制。 漢祖增秦所置郡,至光武以天下損耗,并省郡縣。以今 比之,益不及焉。其改封諸王,皆爲縣王。」據改封定陶縣。太和六年,改封諸王,皆以郡 彭城王據,建安十六年封范陽侯。二十二年,徙封宛侯。 黃初二年,進爵爲公。 三年,

戶邑。正元、景元中累增邑,并前四千六百戶。

[一]魏書載璽書曰:「制詔彭城王:有司奏,王遣司馬董和, 籨珠玉來到京師中尚方, 多作禁物, 交通工官, 出入近署, 側。 者,王之所能備也。今韶有司宥王,削縣二千戶,以彰八柄與奪之法。昔巖、文作易,著休復之語,仲尼論行,既 悟,以斯爲失耳。,書云:『惟聖罔念作狂,惟狂克念作聖。』古人垂語,乃至於此,故君子思心無斯須遠道焉。 踰侈非度,慢令違制,繩王以法。朕用憮然,不寧于心。王以懿親之重,處藩輔之位,典籍日陳於前,勤誦不輟於 過能改。王其改行,茂昭斯義,率意無怠。」 慮所以累德者而去之,則德明矣;開心所以爲塞者而通之,則心夷矣;愼行所以爲尤者而脩之,則行全矣:三 。加雅素奉脩,恭肅敬慎,務在蹈道,孜孜不衰,豈忘率意正身,考終厥行哉?若然小疵,或謬于細人,忽不覺

官。三年夏,還鸑。景初、正元、景元中,累增邑,并前五千五百戶。常道鄕公奐,宇之子, 冬十二月,明帝疾篤,拜宇爲大將軍,屬以後事。受署四日,宇深固讓;帝意亦變,遂発宇 之。及卽位,寵賜與諸王殊。靑龍三年,徵入朝。景初元年,還鄴。二年夏,復徵詣京都。 公。三年,爲下邳王。五年,改封單父縣。太和六年,改封燕王。明帝少與宇同止,常愛異 入繼大宗 燕王宇字彭祖。建安十六年,封都鄕侯。二十二年,改封魯陽侯。黃初二年,進督爲

邑,并前四千七百戶。林薨,子牌嗣、日 譙王。五年,改封
譙原。七年,徙封
丁城。大和六年,改封
市。景初、正元、景元中,累增

沛穆王林,建安十六年封饒陽侯。二十二年,徙封譙。 黃初二年,進爵爲公。 三年,爲

親。 責讓文學曰:「脩身自守,常人之行耳,而諸君乃以上聞,是適所以增其負累也。 舉錯,有過當奏,及有善,亦宜以聞,不可匿其美也。」遂共表稱陳袞美。袞聞之,大驚懼 諸賢旣慶其休,宜輔其闕。」每兄弟游娛,袞獨覃思經典。 文學防輔相與言曰:「受詔察公 常恐以精力爲病,數諫止之,然性所樂,不能廢也。二十二年,徙封東鄕侯,其年又改封贊 冬,入朝。六年,改封中山。 潭水,袞上書贊頌。 何患不聞,而遽共如是,是非益我者。」其戒愼如此。三年,爲北海王。其年,黃龍見鄴西 黃初二年,進爵爲公,官屬皆賀,袞曰:「夫生深宮之中,不知稼穡之艱難,多驕逸之失。 王研精墳典,耽味道眞,文雅煥炳,朕甚嘉之。王其克愼明德,以終令聞。」 中山恭王袞,建安二十一年封平鄕侯。少好學,年十餘歲能屬文。每讀書,文學左右 七年,徙封濮陽。太和二年就國,倘約儉,敎敕妃妾紡績織絍,習爲家人之事。 韶賜黃金十斤,詔曰:「昔唐叔歸禾,東平獻頌,斯皆骨肉贊美,以彰懿 且如有善, 四年,改封

年,復所削縣。 之典議之。」有司固執。 初,袞來朝,犯京都禁。 三年秋,袞得疾病,詔遣太醫視疾,殿中、虎賁齎手詔、賜珍膳相屬,又遣太 韶削縣二,戶七百五十。(二)袞憂懼,戒敕官屬愈謹。 帝嘉其意,二 青龍元年,有司奏袞。 詔曰:「王素敬愼,邂逅至此,其以議親

魏書

答拜。事兄以敬,恤弟以慈;兄弟有不良之行,當造膝諫之。諫之不從,流涕喩之;喩之 時成東堂。」堂成,名之日遂志之堂,輿疾往居之。 又令世子曰:「汝幼少,未聞義方,早爲人 墓,常想其遺風,願託賢靈以弊髮齒,營吾兆域,必往從之。禮:男子不卒婦人之手。 亟以 終誥之制,爲天下法。吾氣絕之日,自殯及葬,務奉詔書。昔衞大夫蘧瑗葬濮陽,吾望其 林留訖葬,使大鴻臚持節典護喪事,宗正弔祭,贈聞甚厚。凡所蓍文章二萬餘言,才不及陳 謂大罪惡耳,其微過細故,當掩覆之。嗟爾小子,愼脩乃身,奉聖朝以忠貞,事太妃以孝敬。 君,但知樂,不知苦;不知苦,必將以驕奢爲失也。接大臣,務以禮。雖非大臣,老者猶宜 妃、沛王林並就省疾。 袞疾困,敕令官屬曰:「吾寡德忝寵,大命將盡。 吾旣好儉,而聖朝著 **閨**闈之內,奉令於太妃; 閻閾之外,受教於沛王。 無怠乃心,以慰予靈。」 其年薨。 詔沛王 不改,乃白其母。若猶不改,當以奏聞,幷辭國土。與其守寵罹禍,不若貧賤全身也。此亦 思王而好與之侔。子字嗣。景初、正元,景元中,累增邑,并前三千四百戶。

〔一〕魏書載璽書曰:「制詔中山王:有司奏,王乃者來朝,犯交通京師之禁。 朕惟親親之恩,用寢吏議。 然法者, 所與 天下共也,不可得廢。今削王縣二,戶七百五十。夫克己復禮,聖人稱仁,朝過夕改,君子與之。王其戒諸,無貳

濟陽懷王玹,建安十六年封西鄉侯。早薨,無子。二十年,以沛王林子贊襲致爵邑,早

武文世王公傳第二十

薨,無子。 文帝復以贊弟壹紹玹後。 黃初二年,改封濟陽侯。 四年,進爵爲公。 太和四年, 追進||弦臂,諡曰懷公。六年,叉進號曰懷王,追諡贊曰||西鄕哀侯。 景初、正元、景元中,累增邑,并前千九百戶。 壹薨,諡曰悼公。 子恆

嗣。

景初、正元、景元中,累增邑,并前四千七百戶。 公。三年,爲陳留王。五年,改封襄邑縣。太和六年,又封陳留。甘露四年薨。子澳嗣。 陳留恭王峻字子安,建安二十一年封郿侯。二十二年,徙封襄邑。黄初二年,進爵爲

范陽閔王,改封敏琅邪王。 年追封諡矩爲范陽閔公。五年,改封敏范陽王。七年,徙封句陽,太和六年,追進矩號日 子焜嗣 范陽閔王矩,早薨,無子。建安二十二年,以樊安公均子敏奉矩後,封臨晉侯。 景初、正元、景元中,累增邑,并前三千四百戶。敏薨,諡曰原 黄初三

用』,詩著『大車惟塵』之誠。 改封趙王。幹母有籠於太祖。及文帝爲嗣,幹母有力。文帝臨崩,有遺詔,是以明帝常加 年,進爵,徙封燕公。〔1〕三年,爲河間王。 五年,改封樂城縣。 七年,徙封鉅鹿。 太和六年, 趙王幹,建安二十年封高平亭侯。二十二年,徙封賴亭侯。 青龍二年,私通賓客,爲有司所奏,賜幹璽書誠誨之,曰:「易稱『開國承家,小人勿 自太祖受命創業,深覩治亂之源,鑒存亡之機,初封諸侯,訓以 其年改封弘農侯。黃初二

夫豈以此薄骨肉哉? 徒欲使子弟無過失之愆, 士民無傷害之悔耳。 高祖踐阼, 祗慎萬機, 恭愼之至言,輔以天下之端士,常稱馬援之遺誠,重諸侯賓客交通之禁,乃使與犯妖惡同。 遺命,戰戰兢兢,靖恭厥位,稱朕意焉。」景初、正元、景元中,累增邑,幷前五千戶。 乎其所弗聞,莫見乎隱,莫顯乎微,故君子愼其獨焉。』叔父茲率先聖之典,以纂乃先帝之 之身乎?且自非聖人,孰能無過?已詔有司宥王之失。古人有言:『戒愼乎其所不覩,恐懼 歐壽張吏,有司舉奏,朕裁削縣。 (令)[今]有司以曹纂、王喬等因九族時節,集會王家,或非 命諸王以朝聘之禮。而楚、中山並犯交通之禁,趙宗、戴捷咸伏其辜。近東平王復使屬官 申著諸侯不朝之令。朕感詩人常棣之作,嘉采菽之義,亦緣詔文曰『若有詔得詣京都』,故

魏略曰:幹一名良。良本陳妾子,良生而陳氏死,太祖令王夫人養之。良年五歲而太祖疾困,遺令語太子曰:「此 耳。」文帝又愍其如是,每爲流涕。 兒三歲亡母,五歲失父,以累汝也。」太子由是親待,隆於諸弟。良年小,常呼文帝爲阿翁,帝謂良曰:「我,汝兄

臣松之案:此傳以母貴賤爲次,不計兄弟之年,故楚王彪年雖大,傳在斡後。尋朱建平傳,知彪大尉二十歲。

臨邑殤公子上,早薨。太和五年,追封諡。無後。

楚王彪字朱虎。建安二十一年,封壽春侯。黃初二年,進爵,徙封汝陽公。三年,封弋

削縣。 陽王。 許昌。 改封楚。初,彪來朝,犯禁,〔青龍〕元年,爲有司所奏,詔削縣三,戶千五百。二年,大赦,復所 依漢燕王旦故事,使兼廷尉大鴻臚持節賜彪璽書切責之,使自圖焉。〔〕彪乃自殺。 疾,親親之道也,其封彪世子嘉爲常山眞定王。」景元元年,增邑,幷前二千五百月。曰 淮南郡。 子皆免爲庶人,徙平原。彪之官屬以下及監國謁者,坐知情無輔導之義,皆伏誅。 景初三年,增戶五百,幷前三千戶。嘉平元年,兗州刺史令狐愚與太尉王浚謀迎彪都 語在凌傳。乃遣傅及侍御史就國案驗, 其年徙封吳王。 正元元年詔曰:「故楚王彪,背國附姦,身死嗣替,雖自取之,猶哀矜焉。 五年,改封壽春縣。 七年,徙封白馬。 收治諸相連及者。 太和五年冬,朝京都。 廷尉請徵彪治罪。 夫含垢藏 國除爲 **妮及**諸 六年, 於是

- [一] 孔衍漢魏春秋載璽書曰:「夫先王行賞不遺仇讎,用戮不違親戚,至公之義也。故周公流涕而決二叔之罪, 凌、兗州刺史令狐愚構通逆謀,圖危社稷,有悖忒之心,無忠孝之意。 宗廟有靈,王其何面目以見先帝? 朕深痛 自作孽,匪由於他,燕剌之事,宜足以觀。 王自陷罪辜,旣得王情,深用憮然。 傷懷而斷昭平之獄,古今常典也。惟王,國之至親,作藩于外,不能祗奉王度,表率宗室,而謀於姦邪,乃與太尉王 有司奏王當就大理,朕惟公族甸師之義,不忍肆王市朝,故遣使者賜書。 王其自圖之! 孝武  $\pm$
- $\Xi$ 臣松之案:嘉入晉,封高邑公。 檢肅青、徐,風發宣吳裔。疇昔謬同位,情至過魯、衞。分離踰十載,思遠心增結。 屯於下邳,嘉以詩遺崇曰:「文武應時用,兼才在明哲。 元康中,與石崇俱爲國子博士。 **嗟嗟我石生,爲國之俊傑。** 嘉後爲東莞太守, 願子鑒斯誠,寒暑不踰契。」崇 入侍於皇闥,出則登九列。 崇爲征廣將軍,監青、徐軍事, 威

魏書

武文世王公傳第二十

**脩潔,性業踰之;又已歷二郡。臣以爲優先代之後,可以嘉爲員外散騎侍郎。」** 沖。」王隱晉書載吏部郎李重啓云:「魏氏宗室屈滯,每聖恩所存。東莞太守曹嘉,才幹學義,不及志、象,而良素 答曰:「昔常接羽儀,俱游青雲中,敦道訓胄子,儒化渙以融, 孔不陋九夷,老氏適西戎。逍遙滄海隅,可以保王躬。 世事非所務,周公不足夢。玄寂令神王,是以守至 同聲無異響, 故使恩愛隆。 豈惟敦初好,款分在令

穀城殤公子乘,早薨。太和五年追封諡。無後。剛殤公子勤,早薨。太和五年追封諡。無後。

奉整後。正元、景元中,累增邑,幷前千八百戶。 和三年,進虧爲公。青龍三年薨。諡曰悼公。無後。四年,詔以範弟東安鄕公闡爲郿公, 二年追進爵,諡曰戴公。以彭城王據子範奉整後。三年,封平氏侯。四年,徙封成武。太 郿戴公子整,奉從叔父郎中紹後。建安二十二年,封郿侯。二十三年薨。無子。黃初

靈殤公子京,早薨。太和五年追封諡。無後。

公。子諶嗣。景初、正元、景元中,累增邑,幷前千九百戶。 一年,追進公爵,諡曰安公。三年,徙封抗薊公。四年,徙封屯留公。景初元年薨,諡曰定 樊安公均,奉叔父薊恭公彬後。建安二十二年,封樊侯。二十四年薨。子抗嗣。黄初

廣宗殤公子棘,早薨。太和五年追封諡。無後。

五八八

年,徽使官屬撾壽張縣吏,爲有司所奏。詔削縣一,戶五百。其年復所削縣。正始三年薨。 三年,爲廬江王。四年,徙封壽張王。五年,改封壽張縣。太和六年,改封東平。 東平靈王徽,奉叔父朗陵哀侯玉後。建安二十二年,封歷城侯。黄初二年,進爵爲公。 青龍

[一]臣松之案: 為入晉,封廩丘公。 她宗室之中,名次郾城公。至泰始二年, 象遣世子琨奉表來朝。詔曰:「愈秉德閥 道,魏宗之良。今琨遠至,其假世子印綬,加騎都尉,賜服一具,錢十萬,隨才敍用。」爲撰解寒食散方,與皇甫謐 所撰並行於世

子翕嗣。

景初、正元、景元中,累增邑,并前三千四百户。〔〕

悔昔之非,欲脩善將來。君子與其進,不保其往也。今封茂爲聊城王,以慰太皇太后下流 前代,斯皆敦敍親親之厚義也。聊城公茂少不閑禮教,長不務善道。先帝以爲古之立諸侯 皆爲亂臣逆子,而猶或及身而復國,或至子而錫土。有虞建之於上古,漢文、明、章行之乎 之念。」六年,改封曲陽王。正始三年,東平靈王薨,茂稱嗌痛,不肯發哀,居處出入自若。 也,皆命賢者,故姬姓有未必侯者,是以獨不王茂。太皇太后數以爲言。如聞茂頃來少知 封聊城公,其年爲王。詔曰:「昔象之爲虐至甚,而大舜猶侯之有庳。近漢氏淮南、阜陵, 乘氏公。七年,徙封中丘。茂性傲佷,少無寵於太祖。及文帝世,又獨不王。太和元年,徙 樂陵王茂,建安二十二年封萬歲亭侯。二十三年,改封平輿侯。黃初三年,進爵,徙封

武文世王公專第二十

增戶七百。 有司奏除國土,詔削縣一,戶五百。五年,徙封樂陵,詔以茂租奉少,諸子多,復所削戶,又 嘉平、正元、景元中,累增邑,并前五千戶。

武陽懷王鑒,仇昭儀生東海定王霖,徐姬生元城哀王禮,蘇姬生邯鄲懷王邕,張姬生淸河悼 文皇帝九男:甄氏皇后生明帝,李貴人生贊哀王協,潘淑媛生北海悼王蕤,朱淑媛生東

**贊哀王協,早薨。**太和五年追封諡曰經殤公。青龍二年,更追改號諡。三年,子殤王 王貢,宋姬生廣平哀王儼。

北海悼王麩,黃初七年,明帝卽位,立爲陽平縣王。太和六年,改封北海。 二年,以琅邪王子贊奉麩後,封昌鄕公。景初二年,立爲饒安王。正始七年,徙封文 青龍元年

安。 正元、景元中,累增邑,并前三千五百户。

東海定王霖,黃初三年立爲河東王。六年,改封館陶縣。明帝即位,以先帝遺意,愛寵 東武陽懷王鑒,黃初六年立。其年薨。青龍三年賜諡。無子。國除。

年薨。子啓嗣。景初、正元、景元中,累增邑,并前六千二百戶。高貴鄉公髦,霖之子也,入 **霡異於諸國。而霖性麤暴,閨門之內,婢妾之間,多所殘害。太和六年,改封東海。嘉平元** 

累增邑,并前四千五百户。 太和三年薨。五年,以任城王楷子悌嗣禮後。六年,改封梁王。景初、正元、景元中, 元城哀王禮, 黃初二年封秦公, 以京兆郡爲國。 三年, 改爲京兆王。 六年, 改封元城

元、景元中,累增邑,并前四千四百戶。 六年,改封邯鄲。 太和三年薨。 五年,以任城王楷子溫嗣邕後。 六年,改封魯陽。 景初、正 **邯鄲懷王邕,黃初二年封淮南公,以九江郡爲國。三年,進爲淮南王。四年,改封陳。** 

**清河悼王貢,黃初三年封。四年薨。無子。國除。** 

廣平哀王儼,黃初三年封。四年薨。無子。國除。

大小歲易;骨肉之恩乖,常棣之義廢。爲法之弊,一至于此乎! [] 評曰:魏氏王公,既徒有國土之名,而無社稷之實,又禁防壅隔,同於囹圄;位號靡定,

(一) 遠子曰:魏興,承大亂之後,民人損滅,不可則以古始。於是封建侯王,皆使寄地,空名而無其實。 百餘人,以衞其國。 雖有王侯之號,而乃儕爲匹夫。縣隔千里之外,無朝聘之儀,鄰國無會同之制。 王國使有 諸侯游獵不 :老兵

恩。

得過三十 里,又爲設防輔監國之官以伺察之。王侯皆思爲布衣而不能得。旣違宗國藩屛之義,又虧親戚骨肉之

**尊**賢』;書曰『克明俊德,以親九族』;詩云『懷德維寧,宗子維城』。 由是觀之,非賢無與興功, 魏氏春秋載宗室曹冏上書曰:「臣聞古之王者,必建同姓以明親親,必樹異姓以明賢賢。 弱小,西迫疆秦,南畏齊、楚,憂懼滅亡,匪遑相恤。至於王赧,降爲庶人,猶枝幹相持,得居虚位,海內無主,四十 與?自此之後,轉相攻伐;吳丼於越,晉分爲三,魯滅於楚,鄭兼於韓。 有宗盟藩衞之固,遠則有仁賢輔弼之助,盛則有與共其治,衰則有與守其土,安則有與享其福,危則有與同其禍。 夫親親之道,專用則其漸也微弱;賢賢之道,偏任則其弊也劫奪。先聖知其然也,故博求親疎而並用之;近則 城,雖心希九鼎,而畏迫宗姬,姦情散於胸懷,逆謀消於唇吻;斯豈非信重親戚,任用賢能,枝葉碩茂,本根賴之 買,齊師伐楚;宋不城周,晉戮其宰。 兩用,參同異而並建。 其安者,人必拯其危。 代之君,與天下共其民,故天下同其憂。 不安席,思獻丹誠,貢策朱闕。謹撰合所聞,敍論成敗。論曰:昔夏、殷、周歷世數十,而秦二世而亡。 愛息同也。 在原,兄弟急難』。以斯言之,明兄弟相救於喪亂之際,同心於憂禍之間,雖有鬩牆之忿,不忘禦侮之事。 夫然,故能有其國家,保其社稷,歷紀長久,本枝百世也。今魏尊尊之法雖明,親親之道未備。 今則不然,或任而不重,或釋而不任,一旦疆場稱警,關門反拒,股肱不扶,胸心無衞。臣竊惟此, 是以輕重足以相鎭,親疎足以相衞,幷兼路塞,逆節不生。 先王知獨治之不能久也,故與人共治之;知獨守之不能固也,故與人共守之。 王綱弛而復張,諸侯傲而復肅。二霸之後,浸以陵遲。吳、楚憑江,負固方 秦王獨制其民,故傾危而莫救。夫與民共其樂者,人必憂其憂;與民同 暨于戰國,諸姬微矣,惟燕、衞獨存,然皆 及其衰也,桓、文帥禮 故傳曰 詩不云乎,『鶺鴒 『庸勳親親,昵近 非親無與輔治。 何則?三 兼親疎 ; 苞茅不 何則? 寢 而

餘年。 圖危劉氏,而天下所以不傾動,百姓所以不易心者,徒以諸侯疆大,盤石膠固,東牟、朱虛受命於內,齊、代、吳、楚 作衞於外故也。 勳,未有若漢祖之易也。夫伐深根者難爲功,摧枯朽者易爲力,理勢然也。漢監寮之失,封殖子弟,及諸呂擅權, 師譚申、商,諮謀趙高;自幽深宮,委政讒賊,身殘望夷,求爲黔首,豈可得哉?遂乃郡國離心,衆庶潰叛,勝、廣 子弟功臣千有餘(城)(歲)。今陛下君有海內而子弟爲匹夫,卒有田常六卿之臣,而無輔弼,何以相救?事不師古 始皇晏然自以爲關中之固,金城千里,子孫帝王萬世之業也,豈不悖哉!是時淳于越諫曰:『臣聞殷、周之王,封 爲藩衞,仁心不加於親戚,惠澤不流於枝葉;譬猶芟刈股肱,獨任胸腹,浮舟江海,捐棄楫權,觀者爲之寒心,而 州兼郡,小者連城數十,上下無別,權侔京室,故有吳、楚七國之惠。 區區之陳、頂而復得措其手足哉?故<u>漢</u>胆奮三尺之劍,驅烏集之衆,五年之中,遂成帝業。自開闢以來,其興立功 倡之於前,劉、頂弊之於後。向使始皇納淳于之策,抑李斯之論,割裂州國,分王子弟,封三代之後,報功臣之勞, 之命於姦臣之口,至令趙高之徒,誅鉏宗室。胡亥少習刻薄之教,長遭凶父之業,不能改制易法,罷任兄弟,而 治安,莫若衆建諸侯而少其力,令海內之勢,若身之使臂,臂之使指,則下無背叛之心, 而能長久者,非所聞也。』 爵,立郡縣之官,棄禮樂之教,任苛刻之政;子弟無尺寸之封,功臣無立錐之地,乃無宗子以自毗輔,外無諸侯以 根帶不拔之道乎?易曰:『其亡其亡,繫于苞桑。』周德其可謂當之矣。寮觀周之弊,以爲小弱見奪,於是廢五等之 士有常君,民有定主,枝葉相扶,首尾爲用,雖使子孫有失道之行,時人無陽、武之賢,姦謀未發,而身已屠戮,何 秦據勢勝之地,騁譎詐之術,征伐關東,蠶食九國,至於始皇,乃定天位。 向使高祖踵亡秦之法,忽先王之制,則天下已傳,非劉氏有也。然高祖封建,地過古制,大者跨 始皇聽李斯偏說而絀其議,至於身死之日,無所寄付,委天下之重於凡夫之手,託廢立 賈誼曰:『諸侯殭盛,長亂起姦。 曠日若彼,用力若此, 上無誅伐之事。』文帝不 夫欲天下之 豈非 深固

四海。 根無所 預政事,或以酎金免削,或以無後國除。 寬之過制,急之不漸故也。所謂末大必折,尾大難掉。尾同於體,猶或不從,況乎非體之尾,其可掉哉?」武帝從主 **雘幹弱枝,備萬一之虞也。今之用賢,或超爲名都之主,或爲偏師之帥,而宗室有文者必限小縣之宰, 有武者必** 侯,皆跨有千里之土,兼軍武之任,或比國數人,或兄弟並據;而宗室子弟會無一人閒廁其閒,與相維持,非所以 凡庶;內無深根不拔之固,外無盤石宗盟之助,非所以安社稷,爲萬世之業也。 覩前車之傾覆而不改於轍迹;子弟王空虛之地,君有不使之民,宗室竄於閭閻,不聞邦國之政,權均匹夫, 之資,兼神武之略,恥王綱之廢絕,愍漢室之傾覆,龍飛譙、沛,鳳翔亮、豫,掃除凶逆,翦滅鯨鲵,迎帝西京, 於桓、靈,閹豎執衡,朝無死難之臣,外無同憂之國,君孤立於上,臣弄權於下,本末不能相御,身首不能相使。 已成,紹漢嗣於旣絕,斯豈非宗子之力也?而曾不監察之失策,襲周之舊制,踵王國之法, 文之策,下推恩之令,自是之後,齊分爲七,趙分爲六,淮南三割,梁、代五分,遂以陵遲,子孫微弱,衣食租稅,不 從。至於孝景,猥用電錯之計,削黜諸侯,親者怨恨,疎者震恐,吳、楚倡謀,五國從風。兆發高帝,釁鍾文、景,由 願邑,德動天地,義感人神。 是天下鼎沸,姦凶並爭,宗廟焚爲灰燼,宮室變爲榛藪,居九州之地,而身無所安處,悲夫!魏太祖武皇帝躬聖明 宗子獨忠孝於惠、文之閒,而叛逆於哀、平之際也,徒權輕勢弱,不能有定耳。 ,成帝雖悲傷歎息而不能用。至於哀、平,異姓秉權,假周公之事,而爲田常之亂,高拱而竊天位, 一朝而臣 漢宗室王侯,解印釋紱,貢奉社稷,猶懼不得爲臣妾,或乃爲之符命,頌]恭恩德,豈不哀哉!由斯言之, 方今同姓疎遠,母黨專政,排擯宗室,孤弱公族,非所以保守社稷,安固國嗣也。』 漢氏奉天,禪位大魏。 大魏之興,于今二十有四年矣,觀五代之存亡而不用其長策, 至於成帝,王氏擅朝。 劉向諫曰:『臣聞公族者,國之枝葉;枝葉落則本 賴光武皇帝挺不世之姿,禽王莽於 且今之州牧、郡守,古之方伯、諸 而徼倖無疆之期。 其言深切,多所 定都 勢齊 非 由 至

泉竭則流涸,根朽則葉枯;枝繁者蔭根,條落者本孤。故語曰『百足之蟲,至死不殭』,以扶之者衆也。此言雖小, 盛其枝葉,若造次徙於山林之中,植於宮闕之下,雖壅之以黑墳,煖之以春日,猶不救於枯槁,而何暇繁育哉?夫 置百人之上,使夫廉高之士,畢志於衡軛之內,才能之人,恥與非類為伍,非所以勸進賢能 褒異宗室之禮也。 夫 存而設備,以懼亡也。故疾風卒至而無摧拔之憂,天下有變而無傾危之患矣。」問,中常侍兄叔與之後,少帝族祖 樹獨親戚,土猶士民,建置不久,則輕下慢上,平居猶懼其離叛,危急將若之何?是以聖王安而不逸,以慮危也, 可以譬大。且墉基不可倉卒而成,威名不可一朝而立,皆爲之有漸,建之有素。譬之種樹,久則深固其本根,茂

也。是時天子幼稚,問冀以此論感悟曹爽,爽不能納。

